




DUHAM
DE
MÉT







Thodorus Barou - Doctor Medicus -
Carolinensis, Regis scientiarum Academiæ
socius.



Table

- 1^o Du Hamel (J.B.) - De metoris et fossilibus libri duo. Parisiis, 1660, 310 p.
- 2^o Du Hamel (J.B.) - Astronomia physica. Parisiis, 1660, 224 p.
- 3^o Du Hamel (J.B.) - Epistola ... S. l. a. d. - 61 p.

R F

IOAN. BAPT. DV HAMEL
D E
METEORIS
E T
FOSSILIBVS
LIBRI DVO.

IN PRIORE LIBRO mixta imperfecta, quæque in sublimi aëre vel gignuntur, vel apparent, fusè pertractantur.

POSTERIOR LIBER mixta perfecta complectitur; ubi salium, bituminum, lapidum, gemmarum, & metallorum naturæ, causæ, & vsus inquiruntur.



P A R I S I I S,
Apud PETRUM LAMY, in magna aula Palatii, secunda
columna, sub Magno Casare.

M. DC. LX.
CVM PRIVILEGIO REGIS.

215037314

1921

1921

1921





EMINENTISSIMO PRINCIPI
HIERONYMO
GRIMALDO
S. R. E. CARDINALI
ARCHIEPISCOPO AQVENSIS.

NON adeo mihi blandior,
PRINCEPS EMINEN-
TISSIME, ut officium
meum implere, vel mini-
mam partem tuorum erga me merito-
rum hoc inani ingenii monumento asse-
qui posse confidam. Praclare intelligo
me tam modico munere gratiam Emi-

EPISTOLA.

mentia tuæ non referre, sed habere: neque adeò sim demens, ut in solutum imputari velim, quòd novum in me beneficium conferas, dum pateris hunc librum illustrissimo tuo nomini inscribi. Hoc ad summam benignitatis tuæ pertinet, ut tibi eidem cui nostræ fortunæ fuerunt, sit etiam existimatio cura. Tametsi famæ, & nomini nostro satis à te prospectum fuit, cum nos tibi tanto pignore obstrinxisti: neque enim solles indignos beneficiis tuis ornare. Quo mihi nova insuper cura, & altior sollicitudo incumbit, ut is sim, qualem me esse voluisti, ne vel ego te fefellisse, vel tu beneficia tua malè collocasse videaris. Non equidem spes arduas foveo, nec magnarum opum, aut honorum

EPISTOLA.

ambitione præcipiti abreptus, vel limina Principum insidere, vel lites sequi, vel denique animum ad assentationem possum componere. Malim ego intra honestam mediocritatem consistere, quàm his gradibus ad sacerdotia, & dignitates eluctari. Placuit Eminentia tuæ pudori meo subvenire, & perfecit, ut jam me meæ sortis nequaquam pœniteat; ac nisi quis ex transverso casus incurrat, habeo ex tuâ munificentia unde ab omni ipsius fortunæ injuriâ, & malignitate me vindicem. Illud certè per mihi jucundum est, ne dicam gloriosum, quòd beneficium à tanto Principe acceperim, non expresserim. Parata sunt tua munera, non precibus emuntur: vota cujusque oc-

EPISTOLA.

*cupas , nec rogari quidem sustines ;
adeo ut tantum gratiae adjicias , quan-
tum morae detrahis. Nemo est cui ma-
gis ex animo debeam , quia nemo te li-
bentius largitur : nec gratiores acci-
pientibus honores putas , cum tadium ,
& similis repulsæ mora illos pudore
suffuderint. Hoc ipsum mihi est junc-
tissimum , quod neque exsolvi , neque
nomen possim expungere. Quinetiam
quasi mei pudoris , ac tuæ dignitatis
oblitus videar , novo me tibi nomine
devinciri lætor , cum hunc ingenii mei
partum , non modò tollere , sed etiam
Eminentiae tuæ , quasi fovendum , &
educandum , ut liberalitatis tuæ fru-
ctum , tradere non erubesco. Non is
sum qui ingenii proferendi , vel cele-*

EPISTOLA.

britatis , & inanis gloriolæ colligendæ cupiditate vehementer laborem : sed nec possum nihil agere , nec languere velim , & hebescere. Ergo id mihi entendum putavi , ut otium meum plurimis prodesset ; idque me consequi posse arbitratus sum , si illustrandæ Philosophiæ naturali navarem operam , eamque à barbarie (quantum fieri posset) vindicatam , & aliarum scientiarum instructu , ornatuque comitatam pertractarem. Nuda enim , ut plerumque tradi solet Philosophia , nimia subtilitatis affectatione frangit ingenia : se-junctæ verò à cæteris scientiis , cum quibus naturâ juncta est , & officio copulata , nihil superest præter infinitas , concertationumque plenas disputationes , quæ

omnem ingenii succum bibunt, & nihil
 quàm fastidium ingenerant. Profectò
 inficiari non possum me acriori studio in
 id opus incubuisse, ex quo tanto sum
 à te affectus munere. Nam si benigni-
 tate tuà otium cum aliquà dignitate
 sum consecutus, nequaquam id mihi
 licere credidi, ut vitam inertem, ac de-
 sidem agerem, vel instar immunis fuci
 ad aliena pabula sederem. Nec du-
 bito tamen, quin institutum meum
 multos offendat. Plerisque hoc Philo-
 sophia genus displicet; neque enim quis-
 quam ferè ullam artem, vel disciplinam
 probat præter eam quam ipse sequitur.
 Negant alii hæc studia esse persona no-
 stræ, aut professionis, cum nos à me-
 lioribus curis avocent. Quibus ego suc-

EPISTOLA.

censere non possum, quòd nos nostri officii benignè admoneant. Nec sanè velim Theologiam, ut transfuga deserre, quòd omne studium, & cogitationes meas in Physicas scientias abjiciam: tametsi summi viri, & præcipua Theologiae lumina Philosophiam naturalem non indignam censuere, cui magnam operam, & curam impenderent. Verumtamen certa moderatio, & præscriptio servanda est; ac modus vel non injucundo labori constituendus. Consumi in his artibus nolo, sed reficit, & reparat varietas ipsa; ac difficile est in labore uno perseverare. Quòd si instituta perfecero, referam me ad mea Theologiae studia, atque opus quod jamdiu cogito, quòdque mihi non

EPISTOLA.

*indecorum, & fortasse Ecclesiæ, cui me
meosque labores devovi, non inutile
(si modò quid utile scribimus) futu-
rum est, aggrediar. Quòd si hoc velut
operæ specimen non improbes, optimè
mibi facti ratio constabit. At subve-
reor ne parum modestiæ memor, aut
pretiosus videar nugarum aestimator,
qui hoc operis sub auspiciatissimo tuo no-
mine in lucem emittam. Tacere quidem
tutius erat: nemo quippe sui silentii
rationem dicere compellitur: sed non est
grati, & memoris animi furtivè, &
quasi remotis arbitris gratias agere.
Summorum in me, & fratrem merito-
rum tuorum magnitudinem sustinere
non possumus; at liceat saltem publi-
co testimonio, & velut obsignatis tabu-*

EPISTOLA.

*lis profiteri nos solvendo non esse, nec
 debere invitos. Profectò istà amabili
 opinione fruimur, perpaucos esse qui-
 bus magis ex animo velis; sed pauci
 sunt, qui libentiùs nomen agnoscant.
 Nec sors nostra patitur ex mutuo age-
 re, at nemini concedimus ut heroicas
 Eminentiae tuae dotes, generosam indo-
 lem, eximias denique, ac toti Europæ
 spectatas virtutes, pietatem, vigilan-
 tiam, fortitudinem, constantiam, do-
 ctrinam majori observantiâ colat.
 Multum te commendat illustrissimum
 genus, ex quo latè terrarum Domini
 prodierunt; multum venerationis ha-
 bet illa purpura, & fastigium digni-
 tatis, ad quam publica vota, nata-
 lium decus, magna in Ecclesiam me-*

EPISTOLA.


rita, ingens rerum gestarum gloria, ac Sanctissimi Pontificis caeleste iudicium evexere. Sed supra omnem commendationis aleam assurgunt illa gravitati aspersa comitas, obvia humanitas, magnitudo animi cum tantâ moderatione conjuncta, summa in rebus agendis prudentia, invictus animus, & saculo major; omnium denique virtutum concordia, quæ nullo leditur vitiorum consinio. Moderatio tua stylo manus injicit, nec minus mihi considerandum est quid aures tuæ pati possint, quàm quid virtutibus tuis debeatur. Neque laudes Eminentiae tuæ verbis implere, aut velim, aut possim; illius benignitati gratias tantummodo agere cogitavi. Nec mihi fas est dubitare,

EPISTOLA.

*quin exile hoc munusculum benigne
interpreteris, ut grati animi, & bene-
ficiorum tuorum non immemoris argu-
mentum. Hæc meta votorum est, ut
det tibi Deus non modò atatem (quod
olim Optimo Principi magnus orator
precabatur) sed immortalitatem quam
mereris : ita voveo,*

EMINENTIÆ TVÆ

Additissimus IOANNES BAPTISTA
DV HAMEL.



IN LIBROS
DE METEORIS ET FOSSILIBVS
Clarissimi Viri IOANNIS BAPT. DV HAMEL.


INCLYTVS aetherios ex quo concessit in axes
GASSENDVS, Salyi gloria prima soli.
Frugè novâ licèt, alma Ceres, quater horrea: musto
Et quater impleris dolia, Bacche, novo.
Flebat adhuc tamen ipse sui Latous alumni
Interitum: flebant Pieridésque sui.
Una sed ante alias flebat magis ægra Sorores
Vranie, nireos dilaniata sinus.
Ibat, & amenti similis deserta per arva
Implebat miseris conscia saxa sonis.
Funeris heu! tibi causa fui, GASSENDE, tuâmq;
Exprobrat nobis Gallia tota necem.
Scilicet ipse meos dum pernox suspicis ignes,
Afflavit tristi te gravis aura gelu.
Hæc, & plura Deâ latos jactante per agros,
Antra procul motis ingemuere feris:
Ingemuit concussa domus stellantis Olympi:
Ingemuit superûm Rêxque Patérque Deûm:
Lugentésque diu miseratus ab æthere Natas,
Aspera jam tandem rumpere fata parat.
Continuò Majâ genitum vocat, ac simul ipse
Adstanti genitor talia verba dedit:
Scis, Nate, ingentis GASSENDI funere Phæbum,
Iampridem doctas & lacrymare Deas.

*Uterius tantum nequeo perferre dolorem
 Damna timens generi deteriora meo.
 Ergo aliis quæ dicam animis insige: simulque
 Per populos positâ fer mea iussa morâ.
 Est vrbes Francorum inter notissima famâ,
 Sequana quam vitreis lambere gaudet aquis.
 Illic florentem studiis prænobilis oî
 Quarere HAMELIADEN sit tibi, Nate, labor.
 Hunc sed HAMELIADEN cui sese pandere amavit
 Natura, arcanos & referare sinus.
 Frater enim magnis animi par dotibus illi est,
 Orantem caussas quem stupet ipsa Themis.
 Inventum tibi ritè Sophum properabis amœna
 Doctarum comitum ferre vireta super.
 Undique tum Musis cingentibus, illius ingens
 Grandiloquo disces ore sonare decus.
 Callentem primæ referes sub flore iuventæ
 Plurima GASSENDO vix bene nota seni.
 Pandere mox illum Naturæ arcana jubebis
 Cui mare, cui tellus, omnis & æthra patet.
 Sic rata GASSENDVM reducem mea cara propago
 Assuescet curas ponere corde graves.
 Fatus erat: celeres Cyllenius induit alas,
 Parisiâ celebrem jam petit vrbe Sophum.
 Castalidum proprias alacrem jam sistit ad arces:
 Iam Musis coram munera mille canit.
 Dicere mox ipsum jussu Iovis imperat: ille
 Facundo attonitas jam tenet ore Deas.
 Ac subito Pindi de sedibus ille coruscum
 Major mortali tollit ad astra caput.*

Omnia

Omnia GASSENDO similis, dulcémque loquelam,
 Ingenium solers, judiciúmque sagax.
 Illius adspectu tristes revirescere lauri:
 Currere Castalidum pigrior antè latex.
 Tum lacrymas siccare, & ovanti ambire volentem
 Gestit HAMELIADEN turba diserta choro.
 Cùm prior Vranie, tuâne ô post funera tandem
 GASSENDE, Aoniüs redderis ipse jugis.
 Quisquis es, ô Sophia meritò spes maxima, cari
 Tu mihi GASSENDI, quisquis es, instar eris.
 Phæbus idem, comitésque unâ retulere: per orbem
 Magnus & è Pindi vertice plausus iit.
 Audivêre procul Procerum clarissima pubes,
 Artes una quibus cura fovere bonas.
 Ipse sed imprimis Superùm GRIMALDVS amores,
 Centum Principibus conspiciendus avis.
 Cui sacra sidereum caput ambit purpura, latis
 Déque humeris imos currit ad vsque pedes.
 Lumine sed proprio meliùs qui fulgeat, & cui
 Tergeminum debet maxima Roma decus.
 Ecquis enim miseris melior succurrere, forti
 Corde quis in terris, justitiâque prior?
 Quisve aequè blandus vero adspirare labori
 Nobilium doctâ quâlibet arte Virùm?
 Adspicis ut spretos hoc tristi tempore Vatum
 Adbibit attentâ sedulus aure modos.
 Mox & HAMELIADÆ famam super athera tollet:
 Eternúmque suo nomine reddet opus.

CAROLVS DV PERIER.



IN EOSDEM
EPIGRAMMA.

QUAE mutant elementa vices, quae sede revulsa
In chaos impellat vis inimica novum;
Mixta quis haec medio suspendat in aethere jussus,
Pensilibusque ignes abdere possit aquis;
Aëris incerti strepitum dubiasque procellas
Quae motu ancipiti causave lexve regat;
Quò magis Aëlium nubes se solvat in imbrem,
Aut quo concrecant grandæque, nixque, gela;
Quâ demum maris alternante reciproca fluctu
Intumeant torres, detumeantque vada.
Hæc quæ vel Sophia mystas arcana latebant,
Nunc te vel rudibus scire docente licet.

G. DE BREBEVE.



cipiendis non sufficere crediderint, hæc potissimum
 explicanda, & tractanda suscepi: nihil enim tam
 Philosophiæ proprium esse cognovi, quàm quod
 plerique vt alienum aspernantur. Nunc quid causæ
 fuerit, cur hanc Philosophiæ naturalis partem seor-
 sim à reliquis edere in animum induxerim, verbo
 dicam. Quamquam admirabilis quædam sit scien-
 tiarum connexio, vt omnes inter se aptæ colligatæ-
 que videantur: hæc tamen quam nunc tradere in-
 stituimus, illam habet prærogativam, vt cæteris di-
 sciplinis lucem inferat, neque ab iis vllatenus de-
 pendeat. Magnam quoque rerum copiam, & varie-
 tatem complectitur: nam quæcumque in sublimi
 aëre, atque in terræ visceribus gignuntur, sibi vin-
 dicat. Quidquid suo sinu pretiosum terra foveat,
 atque omnes naturæ divitias explicat; reconditiora
 scrutatur arcana: nulla ferè ars vel ad salutem cor-
 poris, vel ad vitæ vsus destinata ex hujus scientiæ
 fontibus non manat. Quare non verebor Chymi-
 cos, Metallurgos, Aurifices, Medicos ipsos in sub-
 sidium vocare, vt Philosophiæ tamquam Principi
 famulentur. Medicis magnam remediorum vber-
 tatem suggerit: artium verò pars maxima circa res
 fossiles occupatur, quarum intimas rationes, cau-
 sas, & vsus (rem sanè magis magnam, & vberem,
 quàm arduam, & difficilem) persequi volumus.
 Quos verò auctores potissimum sequar, quo ordine,
 quæve methodo procedam, nihil necesse est hîc at-
 texere: quantum enim judicare possum, optimam
 in philosophandi rationem insistant, qui nulli sectæ

P R Æ F A T I O.

ferviliter, & superstitiosè addiçti, ex omnibus quod sibi rationi maximè consentaneum videtur, decerpunt, & concinnè distribuunt. Hæc ego non eo consilio dissero vt illos redarguam, qui vnum aliquem melioris notæ Philosophum, vt ducem, ac præmonstratorem sequuntur: sed ii reprehensione non carent, qui præjudiciis abrepti, non enucleato iudicio sese in Aristotelis, Galeni, vel Paracelsi familiam tradidere, atque auctoritate magis, quàm ratione ducuntur: quæque probanda sunt, non tam rationis staterâ, quàm populari quâdam trutinâ examinant. Omninóque in hoc omnis est error, quòd existiment vnius effectus vnâ causam esse oportere: cùm tamen nihil ferè sit in rerum naturâ, quod ex pluribus causis non prodeat. Singuli verò Philosophi in varias rationes animum intendunt, & vniversas plerumque contemplari nolunt. Hinc plures secari cœptæ sunt viæ, ac multiplices dissidentium Philosophorum familiæ sunt profeminatæ, quæ tamen non tam contrarias, quàm diversas opiniones sequi videntur. Eódem enim omnes tendunt, tametsi non eamdem viam terant. Quòd si in quosdam auctores stylus noster interdum liberiùs incurrat, non obtrectandi studio (quod à me plurimum abest) id feci; sed hoc scribendi genus liberum à Platone, Cicerone, Fernelio, & aliis vsurpatum, salibus aliquando & non intempestivis amœnitatibus est aspergendum; excitandus nonnumquam lector ne indormiat, acres denique nos esse, non tristes oportet. Iam mihi, vt arbitror, deprecanda non

P R Æ F A T I O.

est invidia , quòd Alchimiam ferè vniversam hoc opusculo complecti voluerim. Hanc enim scientiam non vt artifex , sed vt Philosophus pertractavi : neque nobis interdictum puto Chymicorum vti laboribus, & experimentis, quò major Philosophiæ naturali lux accedat.

E R R A T A.

PAGINA 33. *linea 16.* extra proprium centrum, *lege* mundi centrum. *p. 55. lin. 14.* sed tamen expresse, *l.* presso. *p. 74. l. 11.* delineatur, *l.* delineetur. *p. 77. l. 24.* prome, *l.* pro me. *p. 107. l. 30.* dictator, *l.* dictator. *p. 152. ad marginem l.* ex lignis incensis educantur. *p. 159. l. ult.* si flere, *l.* sistere. *p. 197. l. 4.* pisces, *l.* pisces. *eadem pag. l. 35.* gaiaco, *l.* guaiaco. *p. 253. l. 24.* Zapara, *l.* Zapata. *eadem pag. l. 7.* debitemus, *l.* dubitemus. *p. 267. ad marginem,* Caput IV. *l.* Caput III. *p. 279. l. 1.* affunditur, *l.* effundatur.



SVM MARIA CAPITVM.

LIBER PRIMVS.

De Meteoris.

CAP. I. **D**E mixtis
imperfectis, vel Meteoris in
vniuersum; & de com-
muni eorum mate-
riâ. 1

I. Quæ sit materia ex quâ
omnia finguntur Meteora:
ubi de triplici halitu; va-
pore, fumo, & exhalatione.

II. Variæ de terræ fremitu
sententiæ proponuntur.

III. Ex igne subterraneo, non
solum terræ motus, sed
etiam pleraque æris im-
pressiones oriri concludi-
tur.

CAP. II. De fontium &
thermarum origine,
Oceanî æstu, & maris
salsedine. 12

I. Fontium originem ex calo-

re subterraneo potissimum
duci.

II. De qualitatibus, effectis,
& examine thermarum,
nec non de variis aquarum
simplicium, tum me-
dicatarum differentiis agi-
tur.

III. De æstu maris reciproco
diuersæ expenduntur sen-
tentia, & probabiles con-
jectura adferuntur.

IV. De maris salsedine quid
nobis videatur, brevissimè
proponitur.

CAP. III. De aliis im-
pressionibus tum a-
queis, tum aëreis. 40

I. De sale multa ex Cartesio.

II. De glacie, nubibus, ne-
bulâ pluriâ, rore, & pru-
nâ.

III. De melle, & manna

SVM MARIA

fusè agitur.

IV. De nive & grandine.

V. De ventorum naturâ, causis, & effectibus, ac de reliquis impressionibus aëreis disputatur.

CAP. IV. De ignitis meteoris.

65

I. De fulguris, fulminis, & tonitruî naturâ, causis, & effectibus.

II. De reliquis impressionibus ignitis differitur.

CAP. V. De Iride, Coronâ, & aliis impres-

sionibus apparentibus.

72

I. De loco in quo Iris efformatur.

II. De illius figurâ, magnitudine, & coloribus permul-

ta.

III. De coronâ & aliis emphaticis impressionibus.

IV. De coloribus qui per trigonum crystallinum apparent, variâ mittuntur conjecturâ, ac pleraque explicantur ejusmodi phenomena.

LIBER SECVNDVS.

De naturâ, causis & usu fossilium.

CAP. I. **D**E principiis & causis fossilium in vniversum.

98

I. De Spiritu vniversi quâ sit Platoniorum & Chymicorum sententia.

II. Variâ objectiones adversus spiritum illum cuncta permeantem, rationes se-

minarias, & vulgata Chymicorum principia proponuntur.

III. Quid nobis videatur de rationibus seminariis, generatione fossilium, & tribus principiis, sale, sulfure, & mercurio; Peripateticos cum Chymicis quoad fieri potest, conciliamus.

CAP. II.

CAPITVM.

CAP. II. De mixtis ter-
reis, & variis terrarum
generibus. 119

I. Principia Chymicorum ex
Cartesii decretis exponun-
tur.

II. De resolutione, & variis
illius differentiis, nempe
sublimatione, distillatione,
calcinatione &c. agitur.

III. De diversis terrarum ge-
neribus, & usu pertracta-
mus.

CAP. III. De sale, & ni-
tro. 131

I. De salis naturâ & origine
juxta Aristotelis principia,
de salis & nitri vulgatâ in
sua principia resolutione.

II. Peripateticorum opinio de
salis naturâ refellitur, &
verisimilior adducitur.

III. De nitri causis, usu, &
preparatione: necnon de
duplici salis petrae liquore,
fixo & volatili, permulta
explicantur.

CAP. IV. De alijs salium
generibus. 151

I. De nitri, & salis spiritu

nonnulla præmittuntur.

II. De alumine.

III. De vitriolo, & variis
illius generibus.

IV. De vitrioli analysi, at-
que usu, ubi de medica-
mentiis Chymicis perpau-
ca.

CAP. V. De sulfure, &
bituminibus. 165

I. De sale, & aquis stygiis
perpauca ex Cartesii prin-
cipiis præmittuntur.

II. De sulfuris naturâ, ori-
gine, & variis effectibus,
necnon de auripigmento, &
arsenico differitur.

III. De variis bituminum ge-
neribus, & potissimum de
succini naturâ, analysi, &
usu agitur.

CAP. VI. De lapidibus
in vniversum. 183

I. De communi lapidum ma-
teria, effectrice, & forma-
li causâ ex communi Peri-
pateticorum sententiâ dif-
feritur.

II. Quid nobis videatur de la-
pidum causis proponimus.

S V M M A R I A

- III. *De principio coagulationis.*
- IV. *De calculo disputatur.*
- CAP. VII. *De variis lapidum differentiis.* 200
- I. *De magnete juxta Cartesii sententiam.*
- II. *De lapidibus seorsim sumptis, ubi de eorum formis, coloribus, & viribus describitur.*
- III. *De variis saxorum, & marmorum generibus tractatur.*
- CAP. VIII. *De gemmis.* 217
- I. *De naturâ, origine, ac divisione gemmarum, & quomodo ab adulterinis genuinæ discernantur.*
- II. *De Cryſtallo, Adamante, & aliis pellucidis gemmis.*
- III. *De opacioribus & aliis minoris notæ describitur, ubi de viribus gemmarum, aut veris, aut fictis.*
- CAP. IX. *De metallis in univĕrsū.* 234
- I. *De metallorum materiâ di-*
- versæ opiniones conciliantur.*
- II. *De metallorum generatione.*
- III. *Utrum in diversas species diducantur.*
- CAP. X. *De metallis seorsim sumptis, ubi fusè de transmutatione metallorum.* 248
- I. *Transmutatio metallorum diversis rationibus impugnatur.*
- II. *De singulis tractatur metallis.*
- III. *Transmutationis possibilitas asseritur.*
- IV. *Objectiones diluuntur.*
- CAP. XI. *De præparatione metallorum.* 268
- I. *De venis metallicis agitur, & quo modo discernantur.*
- II. *De earum fusione, & examine.*
- III. *De metallorum variis separationibus, ubi de cupellâ, quartatione, & cæmentis; ac multa Alchimistarum arcana illustrantur.*

CAPITVM.

IV. *Horum omnium rationes inquiruntur.*

CAP. VLT. De vsu metallorum: vbi de antimonio, & hydrargyro, & aliis rebus metallicis.

288

I. *Omnium ferè circa metalla operationum, vt dissolutionis, præcipitationis, &c. causa, & rationes inquiruntur.*

II. *De floribus, regulo, & vitro antimonii, atque eo-*

rum vsu differtur.

III. *Varia mineralium præparationes, atque vsus describuntur, vbi qua arte metallorum essentia, olea, vitriola educi queant, paucis exponimus.*

IV. *Remedia ex hydrargyro, antimonio, ac metallis deprompta multis oppugnantur rationibus.*

V. *Quid de vsu metallorum nobis videatur paucis aperimus.*




The first of the year was a very
 successful one. The weather was
 very good and the crops were
 all well. The people were
 very happy and the
 country was very beautiful.
 The people were very
 kind and the country was
 very beautiful. The people
 were very kind and the
 country was very beautiful.

The second of the year was a
 very successful one. The weather
 was very good and the crops
 were all well. The people
 were very happy and the
 country was very beautiful.
 The people were very kind
 and the country was very
 beautiful. The people were
 very kind and the country
 was very beautiful.



DE
METEORIS
ET FOSSILIBVS
DIALOGI.



LIBER PRIMVS.


De Meteoris.

CAPVT PRIMVM.

De mixtis imperfectis, vel Meteoris in vniversum;
& de communi eorum materiâ.

- i. *Quæ sit materia ex quâ omnia finguntur Meteora, vbi de triplici halitu; vapore, fumo, & exhalatione. ii. Variæ de terræ fremitu sententiæ proponuntur. iii. Ex igne subterraneo, non solum terræ motus, sed etiam pleraque aëris impressiones oriri concluditur.*

THEOPHILVS, SIMPLICIVS, MENANDER.

TH.  VLTVM me, optime Simplici, hesternâ disputatio commovit; ac jam incipio Aristoteli aliquantulum diffidere. Is meo quidem iudicio, Philosophorum omnium est longè princeps; sed vt omnia quæ ab ipso præscripta sunt, defendamus, nullâ necessitate cogimur. Il-

los tamen odi pessimè , qui longa tollunt supercilia , & præ cæteris multùm sapere arbitrantur , si à summo Philosopho , quà bene , quà malè dissentiant. Quòd si eos iudices adhibeamus , virum propè divinum è choro Philosophorum brevi sustulerint. Quinetiam , si Deo placet , Aristoteli Cartesium , vel quosdam alios minutiores Philosophos anteferre non erubescunt.

MEN. Audire sanè velim , quid sit cur Cartesium nostrum oderis ; vel certè minùs probes ; quem vnum arbitror vera rerum omnium principia sic exposuisse , vt illius Philosophia ex ipsius naturæ fontibus hausta videatur.

TH. Multa sanè probanda in Cartesio , multa etiam admiranda sunt : neque omninò velim eum è manibus adolescentium excutere : sed potioribus præferri non sino. Quod illius principia attinet ; pleraque mihi videntur commentitia ; multa à veteribus deprompta : si quæ in iis voluit corrigere , deteriora fecit. Formas & qualitates exterminat , vt motui , figuræ , & magnitudini omnia referat accepta. Democritum , & Epicurum ferè sequitur , atque cum iis etiam labitur. Nam vt præclare Tullius , cùm in rerum naturâ duo quærenda sint , vnum quæ materia sit , ex quâ res quæque efficiatur ; alterum quæ vis sit , quæ quidque efficiat ; isti Philosophi de matériâ disserunt quidem ; vim & causam efficiendi , necnon & formas omnes relinquunt.

MEN. Rectè , an secùs formas & qualitates expunxerit Cartesius , erit aliàs proprius disserendi locus. Id vnum in præsentia contendo , aptissimè eum rerum materiam exposuisse. Quid enim naturæ magis consentaneum , quàm totum hoc vniversum ex tribus componi elementis. Tria quippe cùm sint corporum genera , totidem quoque esse prima rerum elementa , non abhorret à verisimili. Corpora quæ sunt lucida , ex materiâ subtilissimâ , quæ omnis motus , caloris & lucis fons existit , prodiere. Quæ verò sunt summè perspicua , vt aër , vel cælum ipsum , ex particulis constant paululum crassioribus , & rotundis ; hi cælestes globuli , ab ignitâ primi elementi substantiâ continenter agitantur , ac secundum efficiunt elementum. Corpora denique densiora , vt terra , & planetæ omnes , ex partibus longè

*Tria esse ex
Cartesio re-
rum omnia
principia.*

crassioribus compinguntur Cælestis substantia, tum primi, tum secundi elementi, omnium corporum poros subit, in iis motum procreat & calorem. Ex his itaque principiis, quæ mixta dicuntur corpora coaluere; sive ea sint perfecta, sive imperfecta. De imperfectioribus dicam primùm in vniversum, tum de singulis quoad vtile videbitur. Mixtum voco imperfectum, vel in quo ex elementis vnum prævalet, vel cuius principia malè conferta & colligata separari facilè possunt. Sic quæ dicimus elementa, terra quam incolimus, flamma, seu fumus accensus, aqua etiam, vel aër ex hoc genere censentur: sed vsus obtinuit, vt inter rerum primordia numerentur. De his jam aliàs copiosè disseruimus: nunc ea tantùm mixta persequar, quæ vulgò Meteora dicuntur, quòd pleraque in sublimi appareant: & nisi fortè tibi aliter videatur, mi Simplici, perpetuà oratione vti malim, quàm illis interrogatiunculis, quæ pungunt magis quàm persuadeant.

*Quid sit
mixtum
imperfectū.*

SIMP. Tuo id quidem arbitrato: atque vt viâ & ratione procedat disputatio, primùm de iis quæ in terrâ gignuntur, tum de aqueis, aëreis, & ignitis impressionibus ex ordine agendum.

MEN. Placet iste dicendorum ordo: sed priùs tamen quæ sit communis velut materies, ex quâ Meteora prodeunt, intue-
ndum puto. Mixta quæ sunt omnia ex vaporibus coalescere, tam certum est quàm quod maximè; miscibilia enim vniri nequeunt, nisi antè in minutissimas partes comminuantur; quod fieri non potest, nisi calor partes illas exagitet, atque in vapores resoluat. Vaporis hîc nomine tamquam communis generis abutimur. Nec me fugit vapores propriè ex aquâ, exhalationes è terrâ, vel succis terrestribus attolli. Hinc vaporis particulæ sunt longæ & lubricæ, ac facillimè è corporibus separantur; non item fumi & exhalationes, quarum partes ramosæ, & irregulares, vi caloris ægriùs attolluntur: quæ igitur ex aquâ prodeunt, vapores; quæ ex terrâ, & succis oleaginosi, fumos; quæ demum ex succis acrioribus exhalantur, spiritus appellemus. Spirituum particulæ instar cuspidum acuntur. Oleaginosæ sunt molliores; sed aliæ aliis magis implicantur, quàm aqueæ. Hinc plus nocet valetudini exhalatio, quàm vapor;

*Quæ sit com-
munis ma-
teries, ex quâ
Meteora for-
mantur.*

*Triplex hæc
licet vapor,
exhalatio,
fumus.*

*Quare va-
por sursum
elucatur.*

quòd illa particulis terrestribus, & acrioribus abundet. Sed quid illos excitat tum vapores, tum halitus, nisi calor ipse, seu materia subtilissima, semper mobilis, ac quietis impatiens, quæ angustissimos complet corporum meatus, ac partes faciliè separabiles, huc & illuc movet, atque in orbem agit? Hinc majorem exigunt locum, quòd motu suo alias particulas extrudant: quemadmodum funis baculo alligatus, ubi rotatur, majus itidem spatium postulat. Quocirca licet mente concipere aquæ particulas, alias aliis priùs incumbentes, atque instar anguillarum repentes, quæ cùm subtilis materiæ, vel caloris impetu agitantur, tum in aëre volitant, ac gyris suis magna occupant loca. Neque idcirco sursum efferuntur, quòd sint aëre leviores, vel quòd à Sole attrahantur, ut visum est Scaliro: vis enim illa attractrix fictitia est, nec potest explicari: d quòd vaporibus non alius pateat liberior locus. Nam ut enula longè gravior, motu pedum in altum evehitur; sic sublimem aërem crassi vapores perrumpunt, quos radii Solis diu erræ & mari incumbentes indefinenter attollunt. Atque ut magna equitum turma nubem pulveris excitat altiore; ita radii solares undique in totum hemisphærium, & die toto vibrati, solâ percussione vi, halitus in sublime agunt. Quo minùs mirum sit, si quandoque in fundo vasis, ubi pluvia vel nix subsederit, terræ ipsius crassiores particule appareant. Nec dubium est, quin æstate major vaporum, atque exhalationum copia exsurgat, cùm paludes, & lacus exsiccari hoc tempore videamus: sed quòd fortius agitentur, sub aspectum non cadunt; nullamque luminis motui obijciunt moram. Simili prorsus ratione halitus ille quem expiramus, quique nihil est quàm vapor, cordis fuligine permixtus, æstate non videtur, quòd præ calore rarior sit; hieme verò instar nebulae densatur, ac frigore concrefcit. Nullum porro esse corpus, quod halitus quosdam occultos non emittat, jam alio loco diximus. Hinc tanta canum sagacitas, quâ leporis vestigia sectantur: hinc secretus ille amor sæpe exoritur, de quo vir eximius Chambræus, & gratae posteritatis memoriâ dignus, tractatum edidit adeò elegantem, ut nihil supra. Hinc etiam morbi innumerabiles ex halitu venenato propagantur; quòd fumus ille quibusdam spiritibus, seu corpusculis

mortiferis, tamquam morborum seminariis inficiatur, quibus tota sanguinis massa facilè corrumpitur. Cùm è succis mineralibus illi efflantur fumi, maiorem edunt stragem. Vnde venenatus àër è subterraneis locis multus exhalari solet; vt in agro Puteolano Avernus lacus fumos emittit sulphureos avibus perniciosos. In eadem ferè regione spelunca est angusta, in quam animalia coniecta omni motu, & sensu privantur, donec vicinæ paludi immersa spiritum & vitam recipiant. Prope Baias antrum existit, ex quo halitus adeò fervidus erumpit, vt ceram liquefaciat. Sic multis in Campaniæ locis, ex antris subterraneis fumi sulphurei aut bituminosi exhalantur, vel mortiferi, vel salutare. Mons quidam est in Campaniâ, Tritulum vocant, in cuius medio spelunca existit in multas divisa partes, quæ aërem continet adeò fervidum, vt pro sudatorio vsurpetur: nam distillationes pituitosas, podagram, atque alios ejusdem generis morbos curat. In Vesuvio foveas excavant eidem vsui destinatas. Sic lacus, atque antra innumera pestilentes halitus expirant; multa enim mortifera in terræ profundo latent. Aër ipse qui pigritiâ & æternâ nocte torpescit, gravis haurientibus est. Aura illa ferotina, quæ magis experienciâ, quàm ratione percipitur, quid aliud esse potest, quàm halitus tenuis, in aquæ guttulas modico frigore concretus. Æstate quidem minor est, & longè tardiùs post Solis occasum delabitur, quàm vere, vel autumnò: quia æstate major est calor, quàm vt iste vapor possit in aquam condensari: hieme autem non satis est caloris, vt vapor subtili exhalatione permistus sursum effertur. Flante quoque vento dissipatur; pluvio cælo vix illa aura, vti nec ros decedit. Sub æquinoctia malignior est: nam temperato calore magna vaporum copia evehitur, maximè in locis palustribus, ex quibus perniciosi vapores erumpunt; qui cùm corpusculis acrioribus abundant, nihil mirum, si facilè subeant capitis poros, dentium doloribus, & humorum distillationibus viam aperiant, ac demum fibras cerebri vellicent. Hinc sanguinem nonnumquam exprimunt, somnum arcent, caput fatigant. Verùm in re apertâ, & minimè reconditâ nimis moror.

*De aurâ
ferotinâ.*

Iam vt ad propositum propius accedam; quid aliud est terræ motus, quàm halitus inclusus, qui calore dilatatus maiorem

*De terræ
motu variâ
sentia.*

suo motui locum exigit, & sui vasis latera concutit. Quo id
 modo accidat, non excutio; sive, ut ex Archelao explicat Se-
 neca, ventus in concava terrarum delatus, & novo superve-
 niente spiritu densatus, omnes angustias dimoveat; & claustra
 sua conetur effringere: sic enim evenit ut terra spiritu luctante,
 & fugam quærente moveatur. Sive, ut placet Aristoteli, ex-
 halatio ab infimo edita, & in quantum potuit elata, cum vlti-
 riorem locum in quem exeat, non habet, retrò fertur, atque
 in se revolvitur; dumque rixa spiritus reciprocantis jactat ob-
 stantia; sive interclusus, sive per angusta elisus est, motum, ac
 tumultum ciet. Stratonis sententia magis arridet Agricolaë,
 quòd frigidum, & calidum cum vnà esse non possint, eò fri-
 gidum confluit, unde vis calida discessit. Quidquid igitur in
 terræ penetralibus calidi latet, frigori cedens abit in angustum,
 & magno impetu agitur: quia non patitur vtriusque natura
 concordiam, nec in vno moram. Fugiens ergo, & omni modo
 cupiens excedere, proxima quæque remolitur, & jactat. Hæc
 fanè longè sunt probabiliora, quàm quæ Anaxagoras, vel A-
 naximenes de causis terræ motuum commenti sunt: partes ter-
 ræ ruere, quas aut humor solverit, aut ignis exederit, aut spi-
 ritus violentia excusserit. Nam terra humore diluta, vel ni-
 mium exsiccata paulatim dissolvitur, nec subitò corruit, neque
 flammæ fremitus terræ comitari solent, & rarè magni strepi-
 tus eos consequuntur: tamen si cum movetur terra, mugitum
 aliquando audiri non inficior, ventis in abdito tumultuantibus.
 Quòd si spiritus nec rimam quidem, per quam effluat in-
 venit, conglobatus ille furit, & huc, atque illò circumagitur.
 Sæpe evenit, ut ventus non exiguo tempore è terræ hiatus
 erumpat, neque vlla ignis scintilla appareat. Non igitur ignis
 subterraneus; non collecti torrentium impetus, non reconditi
 lacus, terræ motum procreant; sed interclusus aër, qui cæca
 sub terrâ spatia latus obtinet; quamdiu non impeditur, placidè
 fluit; cum offenditur, & retinetur, insanit, & moras suas ab-
 rumpit. Non enim, ut pulchrè Seneca, ventum tenet vlla com-
 pages: indomitâ naturæ potentiâ liber existit. Fremitus qui-
 dem terræ in locis maritimis sunt frequentiores, quòd ibi sit
 vberior vaporum copia. Nonnumquam præ terræ motu mare

*ANAXAGORA
 opinio refel-
 litur.*

intumuit. Fors est vt tum temporis multi halitus è fundo maris erumperent. Postremò, hi motus vere, atque autumnò sunt crebriores, quòd eo tempore vaporum, atque exhalationum copia sit vberissima, calor itidem moderatus, qui iis attollendis planè sufficiat. Quamquam meritò neget Agricola calore Solis terræ fremitus excitari; nam Sol magis vapores terræ attrahit quàm repellat. Hinc metallarii, cum venas metallicas fundunt, sub ipsis vasis ampliores fossas effodiunt, ne humor quem è terrâ calor ignis attollit, cum metallis permisceatur, sed in depressiora loca dilabatur: nec demùm radii solares terræ profunda penetrant, ac spiritum terræ visceribus conclusum potiùs attrahunt, quàm exasperent. Sed jam sentio me longiùs esse prosectum.

SIMP. Cætera quidem assentior; id vnum vix concessero, terram ab aëre, vel incluso halitu tantâ vi concuti, vt montes etiam subsidere, valles assurgere, novas insulas emergere, alias absorberi videamus. Nec conclusus aër tantas strages edere; neque ita coerceri potest, quin facilè prorumpat. Præterea, quomodo halitus ille terræ concava subit, an fortasse per patentés meatus? Quid igitur obstat quominus per eadem spiracula revertatur. An potiùs in ipsis terræ penetralibus spiritus procreatur, cùmque nullum habeat exitum, necesse est vt magnas terræ moles disjiciat. Nam vbi erepta est discedendi facultas, & vndique obstititur, tunc

Qua sit probabilior terra fremitum causa.

————— *magno cum murmure montis
Circum claustra fremit.*

Iam cedo quid istum spiritum resoluit; quæ causa illius incendii, nisi ignis subterraneus, ex quo terræ fremitus proficiscitur, non ex aëre intercluso, cui tantùm non licet vt latè fufas provincias concutiat, montes atque vrbes integras solo æquet. Hinc nusquam frequentiores sunt terræ motus, quàm in locis quæ thermis, vel balneis tepent, vt in Campaniâ & Siciliâ, vbi montes sunt ignivomi. Sæpe priùs terra tremit quàm ignes illos evomat. A quæ puteorum ante fremitum terræ, sulphureo halitu inficiuntur; quòd spiritus illi motores sulphurei sint, ac nitrosi. Quare loca maritima his motibus plurimùm sunt obnoxia, quòd ibi aqua meatus & venas excavare soleat, ac velu-

ti cuniculos agere. Quòd si crebriores & apertiores sint meatus, tum spiritus accensus facilè exitum sibi parat. Hinc Delos, quòd cavis rupibus imposita sit, non tremit. Ægyptus è contra, quòd nullos habeat patentes meatus, vix quatitur. Addit Fromundus Flandricas insulas, quæ Tercera dicuntur, ferè quotannis tremere; tùmque vicinus aër veluti flagrans apparet, quòd ignis sit hujus tremoris causa. Sæpe altissimè defossus latet; vnde & magnas regiones exagitat, quæ eidem cavernæ centro telluris propiori, atque adeò arctiori, tamquam eidem fornici incumbunt; sive id accidat ob nexum vnius terræ cum alterâ; vel quia halitus sulphureus, per cæcos meatus diffunditur, & instar fulminis discurrit. Quid enim, vt optimè Plinius, aliud est in terrâ tremor, quàm in nube tonitruum. Nam mugitum edit huc & illuc discurrentem; atque in terræ fremitu solet

Sub pedibus mugire solum, & juga celsa moveri.

Quòd spiritus terræ motor per aspera cavernarum sese verferet, cùmque ad dura corpora alliditur, tum sonitum edit, vlulatu similiorem quàm tonitruui bombo. Iam ignes accensos per venas subterraneas instar aquarum longiùs serpere, satis verisimile est. Hinc Petrus Gassendus in vitâ Peireskii, refert eodem tempore incendium in Semo Æthiopum monte, quo Vesuvianum in Campaniâ circa annum 1633. contigisse; ita vt Vesuvius cum Æthnâ, hic cum Syriâ, quæ cum Arabia felice, ista demùm cum Semo monte communicet. Sive series quædam incurvatarum rupium canales faciant, sive ipsi ignes in rimas subeuntes, vias sibi aperiant, & canales creent; nam visi sunt montes eruptione ignium creari, vt Puteolanus, quem modernum vocant, anno 1538. Sic Therasia insula inter Cycladas, circa Senecæ tempora emerfit. Nonnumquam terræ motu flumina siccantur, nova succrescunt; quòd lapsu terræ, vel meatus obstruantur, vel novi aperiantur. Tempore Vesuviani incendii, litus Neapolitanum aliquantisper resiccatum fuit, vt idem Gassendus commemorat, revomente interim monte absorptas hiatibus aquas, sed admistâ materiâ combustibili ignescentes. Longior sum, si omnes terræmotuum differentias, & effectus velim persequi. Septem illius species Damascenus

masceus enumerat; duarum dumtaxat meminit Aristoteles, pulsus & tremoris, quibus addit Seneca inclinationem.

Cùm exhalatio sulphurea & accensa cavernæ fornicem sursum ejaculatur: adeò vt instar arteriæ erigatur, ac subsidat; pulsus est, quo terra succutitur, hunc alii rheetem, seu effractorem vocant. Cùm autem latera cavernæ, quæ spiritum captivum retinet, alternatim & celeriter vibrantur, tremor est, qui inclinata citò restituit. Sed vbi non ita libratur hinc, atque inde terra, vt suis locis celeriter reddatur; inclinatio est, ædificiis perniciofa: nam parietes, & recta extra fundamenti perpendicularum suspensa collabuntur. In tremore aliquando juga montium videntur concurrere, mox discedere, & quasi arietare, quòd exhalatio fremens vnam terræ partem attollat, quæ suo pondere relapsa mox vibratur. Tanta motuum varietas non aliunde oritur, quàm ex diversâ cavernarum conformatione. Spiritus enim magnâ cavernâ inclusus, illius latera concutit & graviorem edit sonum: vbi oblongâ, & arctâ coërceatur, tum incumbentem terram elevat, ac deprimit. Tremor minùs nocet, quia spiritus in multas partes distrahitur: sed vbi in vnam nititur partem, tum maximum periculum creat. Arietatio rarò montes loco movet: tum videtur accidere, cùm terra ex transverso contrariis motibus agitur. Inclinatio verò est longè periculosior, quando terra in latera nutat navigii more. Nisi enim celeriter ex alterâ parte properet motus, qui inclinata restituat, ruina sequitur. Quando ventus per angustos meatus eluctatur, sursum terram movet, quæ vbi solida est, & fortiter resistit, nullum est periculum; secus si mollis sit, & rara: tum enim novus subinde collis assurgit. Quòd si cavernæ intùs sint ampliores, tum vrbes integræ absorbentur, nullo sui vestigio relicto. Nonnumquam accidit, vt spiritus in vorticem actus terræ loca commutet, quod vltimo Neronis anno contigisse refert Plinius. Omitto quòd terræ motus plerumque pestes & morbi sequuntur: exhalationes quippe venenatas in terræ abditis latere sciunt, qui in fodinis profundioribus laborant: nam omnes ferè phthili & juvenes moriuntur; neque vltra quatuor horas possunt ibi commorari, quin fursùm identidem ascendant, & puriorem auram ducant. Verùm vnde tantæ vi-

Varia terra motuum genera.

*Vnde tanta
vis exhalationi sulphureæ.*


res huic exhalationi sulphureæ accedunt, vt montes dejiciat, novas insulas erigat? Numquid ad cuniculos confugiam, quibus propugnacula in sublime abripiuntur, nec moenia modò, sed etiam impositæ rupes exscinduntur? eadem profectò, vt mihi videtur, est terræ motuum, & cuniculorum, & fulminum causa, accensa nimirum materia, quæ ampliorem exigit locum, & tamdiu fremit, quò soluta & libera, nullis amplius claustris arceatur. Vnde quæso te, tantus in pulvere pyrio impetus, nisi quòd singula hujus pulveris grana accensa dilatantur? Globum plano impositum, vel levi ictu percute, is tardissimo quidem progredietur motu, sed novos subinde ictus imprime; motus itidem augebitur, ac tandem velocissimus evadet. Hinc enim, vt aliàs monuimus, corpora gravia motum suum accelerant, quòd novi velocitatis gradus continenter accrescant; sic pueri tantâ vi per tubos vitreos pisa levi flatu jaculantur, eoque longiùs, quo longiores sunt tubi; quamdiu enim flatus perseverat, novi ictus accedunt, qui productum augent impetum. Non dissimili ratione tormenta bellica globos bombardiles eo fortiùs explodunt, quo sunt longiora. Neque enim in momento temporis pulvis pyrius accenditur, sed successione quâdam, licèt imperceptibili, vnde & flamma reluctanti globo novas subinde plagas inurit. Nec globum modò emittit, sed & bombardæ fundum concutit: nam ex vtraque parte quærit exitum. Nitrum quidem instar follis sulphur incendit, atque inflammationem promouet, quam admistus carbo remoratur, ne citiùs quàm par sit, accendatur. Quare in maioribus tormentis major itidem carbonum portio admiscetur. Huc adde ignem sese in orbem dilatare, vt videre est in bullis quas in aquâ, lacte, & aliis viscidis liquoribus conclusus ignis effingit. Cùm igitur pulvis pyrius incenditur, innumerabiles ejusmodi bullæ repentè formantur; singularum quidem impetus meritò contemni potest, at simul junctæ vel solidiora effringunt corpora. Nam vt scitè monet nobilissimus juxtà & doctissimus Digbæus, solida quæque citiùs franguntur, si repentino impetu, tempùsque cedendi minimè permittente, verberentur. Vis itaque illa pulveris incensi in multitudine ignitarum partium, & motus celeritate consistit.

*167. vnde tanta
vis exhalationi
sulphureæ
admiranda*

Quamquam vereor ne nimius in hoc genere videar, dicam tamen ignem illum subterraneum effedricem esse causam non modò terræ motuum, sed omnium ferè quæ in terrâ gignuntur. Imò, si credimus Agricolæ, vapores, fumi, atque exhalationes non à Solis calore, sed ab igne, quo terræ ardent viscera, euehuntur. Neque enim radii solares vltra decem pedum altitudinem penetrant; neque hinc omnes venti, imbres, atque alia meteora proficisci possunt. An mediâ hieme calor Solis tantam vaporum copiam attollit? Non tamen is sum qui putem Solis radios vapores, atque halitus Meteoris gignendis, non resolvere; cùm vere, & autumnò copiosior imber decidat, quòd tum temporis multos vapores Sol evehat, quos temperatus calor dissipare non potest. Imò tot nebulae è locis humidioribus sublatae; ros matutinus; perennes pluvia, quæ cùm Sol æquinoctia obtinet, in zonâ torridâ vberimè delabuntur, non aliunde quàm à Solis calore oriuntur. An vbique ignis subterraneus latet? habent hæc sanè & bene longam, & satis litigiosam disputationem. Quid enim? Sol quidem è summâ tellure multos halitus efferat, longè tamen plures ignis subterraneus attollat necesse est. Hinc cùm repentè mare intumescit, ac mediâ hieme crassi vapores subitò attolluntur, vel in zonis frigidis copiosus imber decedit; probabilius existimo calorem subterraneum esse horum causam principem, quàm Solem ipsum, cuius lumen tam altè non pervadit. Neque tamen omnino accedo Morini sententiæ, quâ terram, vti aërem in tres regiones dispertitur; prima alternis friget & calet; hieme calida, æstate frigidior, vsque ad 400. hexapedas, vel orgyas patet: hanc excipit secunda regio, quam semper fervere ipse expertus est in fodinis Hungaricis. Terciam centto mundi proximam jugi frigore algere conjicit; quemadmodum media aëris regio perpetuò frigida est, ac suprema & cælo finitima semper calet. Sed de his nihil certè constare potest. Imò ignem in centto terræ accensum existere, quo damnati torqueantur, longè est verissimum. Quod verò putat mediam telluris regionem à radiis solaribus eò reflexis, calorem suum mutuari; nescio an cuiquam persuadeat? An tanta profunditas corporis opacissimi radiis solaribus per via esse poterit? Vix calor à Sole productus

De triparti-
tâ terra dicitur
visione.

ultra decem pedum altitudinem diffunditur, & radii in rectas lineas porrecti tam altè pervadent? Sed fumi, inquit, & exhalationes è terræ penetralibus evehuntur, quantò magis radii luminosi longè subtiliores terram porosam, & foraminulis undique perviam irreflexi subibunt? Est dissimile totum. Nam fumus per anfractuosos meatus paulatim sese insinuat; nec mirum si tantas perrumpat moles; non item radius Solis, qui rectitudinem suam pertinaciter tuetur, atque ex occurfu opaci corporis statim resilit. Non ibo tamen inficias mediam terræ regionem jugi æstu fervere: adeò ut qui in fodinis laborant, vel in mediis aquis nudi anhelent. Iam unde ille calor? non certè à radiis solaribus, sed ab igne subterraneo dimanat, vel saltem à spiritibus, quos venæ sulphuris, bituminis, aut vitrioli jugiter exhalant. Sed de his jam nimis. Nam quæ perspicua sunt, longa esse non debent. Nunc prolixiorum de fontium, & thermarum origine, maris falsedine, atque æstu reciproco disputationem ingrediamur.



CAPVT SECVNDVM.

De fontium & thermarum origine, Oceani æstu, & maris falsedine.

- I. Fontium originem ex calore subterraneo potissimum duci.*
II. De qualitatibus, effectis, & examine thermarum, nec non de variis aquarum tum simplicium, tum medicatarum differentiis agitur. *III. De æstu maris reciproco diversæ expendantur sententiæ, & probabiles conjecturæ adferuntur.*
IV. De maris falsedine quid nobis videatur, brevissimè proponitur.

THEOPHILVS.

De calore
subterraneo.



PATEOR equidem cum Empedocle ignes multis locis terræ opertostegi, quibus aquæ præterfluentes incalescunt; atque hinc thermarum originem deduci non inficior. Neque enim iis possum accedere, qui aquas allisione ad rupes subterrancas, vel vehementi motu

tantum caloris contrahere; vel istum fervorem à radiis solaribus proficisci arbitrantur. Radii solares, ut jam subinde diximus, non eò usque penetrant; neque agitatio vlla intensum calorem aquæ impertitur: cum in locis subterraneis, teste Agricola, frigidas aquas præcípites ruere experiantur metallarii. Quid igitur restat, nisi ut ille calor ex igne subterraneo dimanet? Verum, inquirunt, nihil necesse est, ignem accensum in terræ penetralibus conclusum fingere; cum satis sit ibi cæcum, & potentialem ignem, qualis in sulphure, & bitumine plurimus inest, agnoscere: nam omnes ferè aquæ tepentes, sulphur, aut bitumen redolent. Sed tamen nec bitumen, nec sulphur, neque alia substantia, si calcem exceperis, potentiâ solum calida, etiamsi vitriolo, halinitro, aliisque hujusmodi mineralibus turgescat, aquam trajectam calefacit.

*Obiectio.**Solutio;*

MEN. Age nunc, dic nobis quod illius ignis subterranei jure pabulum esse possit, unde tantus scateat sulphuris aut bituminis proventus, ubi potissimum æterni illi ignes ardent: an ipsis canalibus, & terræ venis, unâ cum aquâ præterlabente continentur? Mirum si aqua eos non possit extinguere. An extrinsecus tantum venas & receptacula aquarum calefaciunt? Quid igitur est causæ, cur illos canales tandem non disrumpant?

Alia objectiones.

TH. Quod si, ut convenire debet inter nos, calidi fontes, & balnea sulphur aut bitumen plerumque sapiant, atque in locis flammivomis thermæ sint frequentiores; dubitari minimè potest, vel subiecto, vel circumposito, vel demum concluso igne aquas fervere. Nihil horum omnium absurdum erit, quodcumque statuerimus. Nam & bitumen accensum aqua non extinguit; in agro Parmensi thermarum aqua, quod bitumine & naphthâ abundet, ignem ultro ad se rapit, nec facile extinguitur. Cum fontes calidi bituminis, vel sulphuris odore imbuuntur, haud dubium est quin hæc ignis pabula cum aquâ labantur. Quod si nullum aquæ odorem spirent, per varios anfractus ac mæandros ductæ, extrinseco dumtaxat & circumjecto igne incalescunt; qui quidem calor diutius durat. Nec canales per quos aqua dilabitur, disrumpit: fors enim est ut eorum materia adversus ignem sit contumacior, vel aquæ

Resp.

frigus ignis calorem retundat. Quæris unde tanta sulphuris, aut bituminis copia? Novum fortasse sibi alimentum ignis continenter rapit; aut potius novum semper gignitur. Nam & carbones fossiles, & metalla ipsa post aliquot annorum volumina reparari novimus. Profectò rem ita se habere testantur montes, qui flammam eructant; nec tamdiu ignis perseveraret, nisi novum subinde alimentum ad se traheret. Negant citra ignem actualem (ut loquuntur) aquas fervere. Sed calcem aquâ perfusam incalescere, fugit neminem. Oleum tartari aquæ stygiæ infusum; butyrum antimonii frigida aspersum, ebulliunt: cur non simile quiddam in thermis possit contingere? Si Cardano credimus, ex sulphure, bitumine, & calce fit quædam mistura, quæ spûto accenditur.

*De fontium
origine va-
ria sententia.*

SI MP. Est ita ut dicis: nec thermarum modò, sed etiam omnium ferè fontium origo, ex illo subterraneo calore ducitur. Quid enim aquam è terræ penetralibus, in illius superficiem, vel in montium cacumina possit attollere, quàm calor subterraneus, de quo tam multa diximus? Non equidem dubito quin fontes, qui ad radices montium scaturiunt, ex collectis pluviarum, vel nivium aquis per tubulos, & rimas dilabentibus plerumque oriantur; si maximè quos æstate exsiccari videmus: sed alii sunt innumerabiles, qui & continenter fluunt, atque in montium jugis scatent, quos solus calor illuc evexit. Hinc metallarii ultra fontium capita, nihil quàm terram humidam, vel rupes roremadidas offendunt; adeò ut post longos & tortuosos anfractus, aquarum guttulæ sensim colligantur, ut plenior venâ fluant. Nihil igitur necesse est ad vim terræ emulgentem, & attractricem confugere; vel cælestes influxus, cum Connibricensibus obtendere; vel cum Bodino aquam maris longè terrâ altiorem fingere, quæ idcirco ad suæ originis altitudinem contendat: vel cum Vallesio ad æstus maris recurrere. Multò minùs credibile est aquam elidi à terra comprimente, ut Scaliger autumat. Quid enim minùs verisimile dici potest, quàm astra vi quâdam occultâ hîc potius quàm alibi aquas attollere? Virtus quoque illa magnetica, & quasi fuctoria, si quæ sit, eadem ubique existit. Nec concedimus Bodino, aquam maris esse terræ superficie elatiorem; ne

dum montium iuga exæquabit, cùm ipsis litoribus sit humilior. Non clam me est, *omnia flumina intrare in mare*, vt clamat Ecclesiastes, & *mare non redundare; ad eum locum, vnde exeunt reverti, vt iterum fluant*, hocque Spiritus sancti oraculum principii loco nobis statuendum est. An fortè aqua maris in vapores extenuata colligitur in pluvias, ex quibus omnium fontium origo repetitur? Vnde ergo fontes qui in rupibus, & in ipsis montium iugis continenter fluunt? Nulla est pluvia tam magna, inquit Seneca, quæ terram vltra decem pedes in altitudinem madefaciat: omnis humor intra primam crustam consumitur, nec in inferiora descendit. Quidam fluvii è faxis & rupibus toto anno fluunt, quos pluvix, atque imbres non implent. Quocirca si flumina è mari exeunt, necesse est id per venas subterraneas, longo quidem circuitu perfici: sunt enim duo velut omnium fontium & fluminum capita; pluvix deorsum delabentes; atque aqua in terræ penetralibus restagnans; quæ in locis etiam siccissimis, vel vltra quingentas orgyas occurrit, & vi caloris subterranei, per laxiores venas, vaporis specie sursum effertur, & quasi in alembici capite concrevit: hinc Iacob benedixit Ioseph, *Benedictionibus cæli desuper* (propter pluvias quas opportuno tempore effundit,) & *benedictionibus abyssi jacentis deorsum*. Non igitur vt optimè colligit Seneca, pluvialis aqua vastissima flumina à fonte statim magnis apta navigiis replet, cùm per hiemem æstatemque par sit à capite dejectus. Pluvia potest facere torrentem, non potest autem fluvium æquali inter suas ripas tenore labentem. Nec difficile erit ipsum Aristotelem in hanc sententiam trahere: quod enim aëra terræ visceribus contentum in aquam densari putat; id fortè non de ipso aëre, qui tot fontium latibibus non sufficeret, sed de vapore intelligi par est. Vapores autem vi caloris, quo media telluris regio semper æstuat, sublati per terræ meatus, facilè conscendunt: cùm per ipsum aërem liquidum & semper mobilem vsque ad nubes efferantur. Si quidem in terrâ meatus angusti sunt, qui sursum eluctantes halitus melius sustinent, nec relabi sinunt. Vbi in summâ tellure præ frigore densantur, fontes aperiunt. Ne illud quidem Aristoteli concedam, aërem in aquam & vicissim aquam in

aërem faceffere. Omnium, inquit Seneca, elementorum alter-
ni recursus sunt. Quidquid alteri perit, in alterum transit, &
natura partes suas velut in ponderibus constitutas examinat,
ne portionum æquitate turbatâ, mundus præponderet. Hæc
quidem magnificè dicuntur; sed nego elementa in se invicem
commeari, id jam aliàs falsum esse conclusimus. Quântò igitur
proclivius est apertos sub terrâ meatus agnoscere, per quos
mare tantum reddat, quantum illi fluminum illapsu accedit:
ita vt aqua in terræ venis, non aliter ac sanguis in corpore no-
stro jugiter fluat & refluat; nihil enim deficit quod in se redit.
Miramur, inquit Stoicæ Philosophiæ princeps, quòd accessio-
nem fluminum maria non sentiant: æquè mirandum est, quòd
detrimenta exeuntium aqua non sentit. Occulto enim itine-
re subit terras, & palàm venit, secretò revertitur; colaturque
in transitu mare, quod per multiplices anfractus terrarum ver-
beratum, amaritudinem ponit.

*Quæ sint la-
tentis aquæ
indicia.*

MEN. His equidem vehementer assentior, quòd rationi, ac
principiis nostris consentanea prorsus videantur. Cùm enim
partes aquæ sint flexiles & lubricæ, non ægrè in vapores ex-
plicantur, & subeunt angustissimos terræ meatus. Contrà fa-
lis particulæ rigidæ cùm sint & duræ, in altum evehi, vel terræ
poros transire non possunt; nam proprio pondere relabuntur.
Itaque particulæ ex quibus aqua constat, vehementiùs vi ca-
loris motæ, atque ab invicem disjunctæ, vsque ad montium
juga conscendunt. Vnde aquileges qui aquarum latices scru-
tantur, ante Solis exortum observant, an tenuis vapor è terra
assurgat. Cùm enim oculis terram radentibus, tremulos va-
pores, vel nebulam incumbentem conspexerint, ibi fontem
delitescere non dubitant. Aliæ sunt latentis venæ argumenta,
quæ Vitruvius perstringit, lana defossa, vel linteum noctu
extensum manè factum madidius; ros vberior; tussilago, &
aliæ luxuriantes herbæ, quæ loca humidiora amant: maximè
si earum viror magis in nigrum colorem degeneret, solum mi-
nùs firmum ac stabile; vel tenue murmur, quod aure propiùs
admorâ percipitur. De aquarum origine hætenus. Nunc de
fontium miraculis nihil attinet dicere; pleraque enim sunt va-
nitatis plena.

Novimus

Novimus quosdam fontes æstu reciproco agitari, quòd cum mari per oculos meatus communicent. Alii citra vllum ordinem æstuant, vt in Sabaudia nonnulli: quòd nunc maior, nunc minor vaporum copia fursum evehatur. Interim puteorum aqua, vel fontium falsa invenitur; siue aqua maris per parentes rimas subeat; nec rigidas salis particulas exuat; seu potiùs salis mineræ delitescant, quas præterfluens aqua exsoluit. Hinc omnium fontium qui medicati vocantur, vna est origo; succis quippe mineralibus aqua præterlabens imbuitur. Solent verò aquæ medicatæ vel qualitatibus, vel effectis dignosci. Aluminis, sulphuris, vel lapidis calcarii admistio colore lacteo aquas inficit; bitumen subnigras, as ærugineas præbet: ex ferro rubiginem contrahunt, sapor etiam, & odor alieni corporis mitionem produnt. Aluminosæ adstringunt, dentes obtundunt, & congelant; nitrosæ amarum saporem præ se ferunt. Atramentum sutorium, seu vitriolum aquas nigro colore tingit, atque iis saporem acriorem communicat. Multis in locis acidæ inveniuntur, vt in Bohemiâ prope aquas Carolinas, quæ ebulliunt, nec calent tamen, hinc stultæ & furiosæ vocitantur, fors est vt hanc aciditatem ex vitriolo mutuentur. Quamquam Cæsàlpinus existimet acidulas, quales sunt Aretii, ex subtilissimâ bituminis substantiâ hunc saporem trahere; quòd in alveo lapides inveniuntur bituminosi: nihilominus tamen bitumen instar olei aquæ solet innatare. Hinc fontes petrolei ex subtilissimâ bituminis portione scaturiunt. Mirum sanè, quòd cùm eadem ferè sit sulphuris & bituminis natura, numquam tamen sulphur, specie olei aquis medicatis superfusum extat. An fortè sulphuri multum inest salis volatilis, bitumen verò sale fixo abundat; quare illud in oleum non distillatur, sed concresecit in flores. Bituminis verò sal in fundo fixum remanet, purissima pars in oleum abit. Hoc etiam discriminis inter aquam simplicem & medicatam intercedit, quòd illa sit pura, perspicua, levis, subtilis, nullo colore tincta, nullo odorem spiret, nullum saporem præferat. Contrà aquæ medicatæ plerumque sunt graves, nec omnis sàperis expertes, maximè, cum salibus imprægnantur; multum foetent, si bitumine, vel sulphure inficiantur: crassiores sunt quæ salium aliqua gene-

De fontibus medicatis, quibus indicis discernantur.

Cur sulphur instar bituminis aquis non innasat.

ra recipere, quàm quæ succos combustibiles admiserunt; sed hæ plerumque feruent, & thermarum vel balneorum nomine insigniuntur. Sæpe evenit, vt aquæ medicatæ non sint aquis simplicibus graviore, nec distillatæ v'ltum exhibeant minerale, ex quo virtus earum dimanet; limus aliquando restat distillatione peractâ, sed omnis virtutis expers. Quare probabile est, tantas vires non in mineralium corporibus, sed in spiritu volatili esse constitutas. Hinc vbi aquæ diutius Soli exponuntur, virtus earum plerumque evanescit. Aquæ omnes ardentes, vt jam diximus, ex sulphure, & bitumine prodeunt: nam ignis subterraneus quamdiu terræ visceribus intercluditur, flammam non concipit; quoddam flamma perseuerare diu non possit, nisi libero fruatur aëre, vt fumos expellat, & quod maximè afficiat, dilatetur. Sed vbi liberum nactus est aërem, speciem flammæ præbet. Refert Agricola quemdam esse lacum in Germaniâ, cuius aqua piscatorum retia incendit. Est alius in Thuringiâ, in quem conjectus lapis instar teli ardentis delabitur. Proculdubio bituminosus ignis in istis aquis occultus jacet. Nonnumquam venenata exhalatio aquas inquinat, vt accidit in lacu quodam, cuius idem meminit Agricola, qui septimo quoque anno pisces enecat. Quæ succum lapidificum vehunt, vix ab aquis simplicibus discernuntur; & tamen gravissimos morbos, vel mortem ipsam solent inducere, nam viscerum meatus occludunt, vel calculum ingenerant. Cùm autem crustam lapideam corporibus hærentem deponant, dignosci facillimè possunt. Ex effectis verò, aquæ medicatæ plerumque discernuntur. Acetosæ urinam movent, sudores excitant, vermes necant, sanguinis grumos resolvunt, putredini resistunt: hinc febricitantibus præscribuntur. Quæ succis congelatis, vel falsis imbuuntur, eadem ferè calefaciunt & exsiccant. Hinc calido, & igneo temperamento nocent, frigidum & humidum juvant. Salsæ alvum turbant, superfluum educunt phlegma, congelatum expellunt sanguinem, maciem inducunt: sed cautio est ne consumptâ pituitâ ventriculū, & intestina exedant, scabiem & pruritus ingenerent. Negare videtur Hippocrates aquam salsam alvum solvere, cùm potius adstringat. Vtrumque tamen fieri potest, vt salidulæ ventri-

De thermis.

Qui sint aqua medicata effectus.

Salidula.

culum abstergant, & noxios humores disturbent, quibus expulſis alvus exſiccata, & adſtriſta remaneat. Extrinſecùs adhibita nervos reſolutos firmant, ſcabiem curant, neque hydropicis ſunt inutiles. Vapor ipſe ebullientis aquæ capitis gravedinem diſſipat. Aquæ nitroſæ eadem præſtant, ſed efficaciùs, abſtergunt magis quàm adſtringant. Hinc alvum ſolvunt, ſcabiem ſanant, & præ tenuitate ſuâ vrinam promoven-
Aqua nitroſa.
 vent, arenulam extrudunt. Aluminofæ multùm adſtringunt,
Aluminofa.
 & corroborant. Hinc ſanguinis ſiſtunt profluvia, veſicæ & renum vlceribus medentur, abortus mulierum inhibent; humidio-
 rem alvum exſiccant, oris vlcera, & gingivarum tumores ſanant. Extrinſecùs verò, & balneorum loco uſurpatæ exte-
 riora curant vlcera; nervos reſolutos confirman-
 tem ſiſtunt ſanguinem; copioſiorem arcenſt ſudorem: unde iis
 qui febri ſunt obnoxii plerumque nocent. Atramentofæ vehe-
 menter adſtringunt, cùmque ſint aciores, viſcera exedunt:
Atramentoſa.
 tutiores ſunt, ſi extrinſecùs uſurpentur; nam vlcera maligna
 & corroſiva ſanant. Quæ æris fodinas præterfluunt, iſdem
 ferè virtutibus donantur. Quæ auri pigmento, vel ſandara-
Metallica.
 châ tinguntur, vim acerrimam & maximè ſtipiticam contra-
 hunt. Quæ ferri mineras alluunt, ventriculum firmant, obſtru-
 ctiones lienis, & hepatis recludunt, colicos dolores ſedant; a-
 renulas expellunt; exulceratæ veſicæ, & morbo articulari ſa-
 lutares habentur. Sulphureæ ſuperfluas humiditates exſiccant,
 ventriculum ſolvunt; ſed balneorum uſus tutior exiſtit; nervos
 enim exſiccatis emollit, dolores mitigat; articulare mor-
 bum, ſcabiem, vitiliginem, ſeu maculas cuti inſperſas curat.
 Intus potæ, hepatis, ventriculi, & lienis dolores ſanant, tu-
 mores reſolvunt. Balnea ex bituminofis aquis parata, nervis
 frigore penè eneſtis, vel exſiccatis proſunt: ſed caput tentant,
 oculis nocent. Quæ argenti, plumbi, vel ſtibii fodinas pro-
 luunt, minùs ſalubres cenſentur: nam viſcera multo humore
 complent. Quæ cum hydrargyro miſcentur, caput multâ pi-
 tuitâ gravant. Nonnulli fontes alumine & ſale temperantur,
 ſi ſal abundet, ventrem conturbant, inteſtina non exedunt;
 ſiquidem alumen ſalis vires inhibet. Idem eſto iudicium de
 cæteris aquis cum diverſis mineralibus permiſtis. Quamob-

rem quid in vno fonte medicato dominetur ex effectibus rectè conjicimus. Vnum vel alterum exemplum proferamus: quasdam reperiri aquas quæ vini saporem præferant, multi testantur. Cæsalpinus eas esse bituminosas arbitrat, quòd bitumen spirituosam esset substantiam, spiritui vini non dissimilem. Fontem esse in Æthiopiâ qui colore vinum rubrum referat, & furiosos efficiat, nonnulli perhibent. Haud dubiè hoc aquarum genus bitumine quoque inficitur: nam illius vapor cerebro est insensibilissimus. Scribit Plinius Albula aquas in agro Romano vulnera sanare, ratio obscura non est, multo alumine & sulphure abundat; hinc color lacteus. Aquæ Ciceronianæ in Campaniâ oculis erant salutares, quòd aris mineras præterfluerent. Alias commemorat quæ sterilitati medebantur, vel infantiâ liberabant; utræque vitrosæ fuere. Quæ partum retinebant, vel cutem vellicabant, cum tamen nervis, stomacho & toti corpori forent salutares, aluminosæ fuerunt; acetosæ erant, quæ quartanam & calculum curabant. Atramentosæ, quæ equos, atque alia animalia atro colore tingebant. Habetis de fontibus medicatis quid sentiam. Perpauca mihi restant de variis aquarum differentiis. Est nonnemo qui thermarum originem ex sale quodam, quem hermeticum vocitat, deducit; atque aquam hoc sale prægnantem cum sulphure permistam incallescere existimat, idque ex resolutione ejusmodi aquarum se comperisse ait. Fortè hic sal nitrosus est, ut suo loco dicemus. Ignis verò particulæ in sale coercitæ, ubi humore diluuntur, quasi solutæ erumpunt, & unâ secum humorem in vaporem resolutum abripiunt. Ut evenit in lino vel fœno madido, ubi erumpentes ignitæ atomi incallescunt, idem in calce aquâ perfusâ, vel in misturâ tartari cum vitrioli spiritu videre est.

*Varia sunt
aquarum dif-
ferentia.*

Quo purior est aqua, eo quoque est salubrior; levitate & perspicuitate eam dijudicari jam diximus; eandem quoque citò effervesce, ac pristino frigori restitui palam est: paululum illius aquæ multum vini diluit; nec gelida sit, nec tepida: hæc enim ut plurimum est medicata, non simplex; vel sanè quidam ab ignis violentiâ passa est. Gelidior verò gravis est, cruditate suâ efficit, flatu generat; diutius quàm par sit, moratur

in visceribus, ibi putrescit atque morbos innumerabiles procreat. Postremò, non commodum est alimentum vehiculum, nec facilè egeritur: quare illius cruditas est coctione minuenda. E faxis, & montium verticibus plerumque frigidiores manant, lutilentæ verò & canosæ aquæ, quibus terra vel arena mollior substernitur, viscera obstruunt, febres intermittentes procreant: nam humores ventilatione prohibeâ brevi putrescunt. Quocirca huiusmodi aquæ crebrò ex vno vase in alterum sunt transferendæ, vt crassiorem deponant limum. Merito laudat Hippocrates eos fontes qui Orientem spectant; crudiores sunt qui ad Septentrionem obvertuntur. Aqua pluuiialis, cum levis sit & perspicua, atque ipsius naturæ artificio jam distillata, omnibus videtur anteponenda: nisi fortè terrenis exhalationibus inquinetur. Hinc cisternarum aquæ nisi cessarent, optimæ judicarentur. Paludes & lacus aquam præbent minimè salutarem; nam partes subtiliores Sol evehit, crassiores remanent. Hinc viscera obstruunt, & morborum iliaes procreant. Cum jecur, vel emulgentes venas occludunt, hydropem; vbi venas quæ alimentum perferunt, maciem inducunt. Si lienem indurant; adeò vt atram bilem non valeat ampliùs attrahere, quot morbi inde succrescunt? hinc quartanæ & aliæ febres oriuntur; hinc mania, vbi atra bilis sublata cerebrum petit; quæ cum ad ima delabitur, hæmorrhoides suâ acrimoniâ, & varices, seu tumentes venas suâ impuritate efficit. Aqua fontana quæ liberiore fruitur calo, longè salubrior est, quàm putealis; istam enim numquam aura liberior verberat. Hæc tamen eo minùs nocet, quo sæpius extrahitur: aqua enim hoc peior, quo segnior.

Iam non explico quibus artibus aquæ explorentur. Saxorum aut venarum inspicienda natura est; quid in fundo castellorum subsidat, quid concreseat in fistulis considerandum: leni calore sunt excoquendæ: vel potiùs æstivo Soli exponendæ: Sol quippe quicquid salis, vel nitri, vel aluminis inest, condensat; quod sulphureum latet, illustrius reddit. Nec facilè per distillationem mistio deprehenditur; tenuis enim substantia vnà cum humore aqueo evolat: sed cum radiis solaribus exsiccatur aqua, tum partes tenuiores vario colore se produnt; cras-

*De aquarum
examine.*

flores verò ignis subjiuntur examini: quod enim aquæ depozunt, certam mitionem indicat. Verùm hæc prætereo, ne in re notâ & pervulgatâ multus, & insolens sim. Sed neque id suscepi, vt omnium quæ circa fontium & fluminum naturas observantur, rationes aperiam. Quis enim explicare possit, cur flumen illud Syriæ, cuius meminit Iosephus, septimo quoque die cessaret; vnde & Sabbaticum à Iudæis dictum fuit? Cur fontes quidam senis horis pleni, senisque sicci appareant? Hunc quidem nodum solvit Seneca more suo, hoc est, gravissimis sententiis, & verbis illustribus. Quemadmodum, inquit, quartana ad horam venit; quemadmodum podagra ad tempus respondet: quemadmodum præsto est ad mensem suum partus: sic aquæ intervalla habent, quibus se retrahant, & quibus redeant. Et quid hoc mirum est, cùm videas ordinem rerum, & naturam per constituta procedere? Hiems numquam aberravit; æstas suo tempore incaluit. Sunt & sub terra minùs nota nobis jura naturæ, sed non minùs certa. Crede infra, quicquid vides supra.

TH. Fateor equidem hæc omnia dicta esse præclare, ac licet eandem omnibus ferè naturæ miraculis causam reddere. Nam vt de æstu maris reciproco, qui omnium Philosophorum mentes adeò exercet, dicere incipiam; nonne eodem penè modo bis de die intumescit mare, ac videmus febres per certa intervalla recurrere. Quæcumque sit illa causa, tum febris, tum æstus maris; vtriusque certè similes sunt paroxyfmi, sive ex accenso fomite, seu ex fermentatione quâdam oriantur. Omnis enim fermentatio spiritu, & sale perficitur. Iam alio loco, optime Simplicii, exundationem Nili ex hac causâ duxisti, secutus illustris Archiatri sententiam. Quid igitur, eidem causæ similem effectum non reddemus? Ægyptii ex limi nitrosi pondere quanta furura sit Nili inundatio præfagiunt. Quantum verò crevit Nilus, tantum spei in annum est (vt loquitur Stoicus noster.) Is arenoso & sitiendi solo, & aquam inducit, & terram: illato enim limo arenas saturat, ac jungit. Nusquam alibi vberior nitri copia reperitur; nec quicquam feracius est nitro, in quo, vt placet chymicis, spiritus terræ vitalis delitescit. Verùm de Nili incremento nihil pugno: atque vltro commu-

ni sententiæ accedo, Nilum circa 27. Iunii intumescere ex nivibus, quas Sol in Atlantis jugis liquefecit, vbi ad principium Cancri pervenit. Sic fluvius Niger, qui inter æquatorem & tropicum Cancri fese in Oceanum exonerat, iisdem de causis, atque eodem tempore exundat. Accedunt etiam imbres, qui circa Nili fontes, prope Lunæ montem, ultra tropicum Capricorni copiosissimi decidunt, cùm Sol in Ariete, Tauro, & Geminis commoratur; neque illæ ex imbribus aquæ, quas Nilus volvit, tanta locorum spatia emetiri queunt, nisi post longa temporum intervalla. Nam duo lacus, ex quibus originem suam Nilus ducit, quos vocant Zatham, & Zemram, ab ostiis ejus fluminis ferè 4000. milliaribus distant; ex altitudine verò incrementi, futura terræ fecunditas portenditur, quòd multum limi, & nitri longo decursu secum trahat. Si ultra 20. pedes non assurgat, argumentum erit magnæ sterilitatis: quòd si ad 22. aut 23. pervenerit, non mediocris futura est fertilitas: sed si vsque ad 24. intumescat, futuram pestem conjiciunt, quòd restagnans aqua corrumpat aërem. Quadraginta diebus crescit, totidèmq; decrescit: sed nimis secùs evado. Redeo igitur ad æstus maris. Illum aded ex quâdam fermentatione oriri mihi persuadeo: sed vnde illud fermentum? an quòd accessu Lunæ multo spiritu mare turgescat, quo consumpto detumescit? Iste verò spiritus excitatur, cùm Luna circulum meridianum attigit, vbi directis radiis mare verberat. An potiùs ad subterraneos ignes iterum confugiemus: a sed vt bitumen accensum, vt falsedinem, sic motum mari imprimat? Verùm æstus maris constantiores causas exigit, nec suspendi potest à spiritu, vel incendio, quorum causæ aded sunt instabiles & lubricæ. Quí fieri potest vt terrestris halitus tantas aquarum moles attollat? nec vapores de sub aquâ evehuntur, sine magno navium discrimine. Quid ergo futurum, cùm pleno agmine totum mare exagitant? quantum incendium requiritur, vt Oceanus exæstuet? an fortè rarefcit mare, cùm tumet? Non poterit ergo naves onerarias sustinere; vel certè multò altiùs quàm antè deprimentur. Quis concipiat tantam spirituum copiam tam citò consumi? quid aquas poterit rarefacere, nisi calor? Quàto igitur major æstus futurus est in zonâ torridâ, quàm

*De æstu
maris recti-
proco divers-
sa opinionones.*

1. opinio,

2.

*Refellun-
tur.*

3. opinio.

in utrâque temperatâ? atqui nullus ferè percipitur sub æquatore: quinetiam Sol potius quàm Luna æstuum causa existet: nam illius calor longè est maximus, si cum lunari conferatur. Postremò, cur mare Caspium, cur Mediterraneum fluxus & refluxus nesciunt? an desunt spiritus motores? an Luna iis non dominatur? Circumscriptis ergo his sententiis, quid verisimile afferri queat, paulò attentius intueamur. Ac primùm illud longè verissimum mihi videtur, Lunam æstus maris temperare: nam simul atque Luna horizontem attingit, paulatim intumescit mare: cùm illa ad meridianum pervenit, tum Oceanus incipit refluere: donec Lunâ ad occasum vergente, iterum fluat; tandem ubi ad Meridianum Antichthonum descenderit, tum aquas retrahit, ac singulis diebus æstus, vt Luna 48. minuta, seu $\frac{1}{2}$ vnus horæ tardiùs recurrit. Mirum si æstus reciprocus cum lunari motu adeò sit colligatus, & confertus, nec tamen ab illo, vt effectus à causâ dependeat. Cùm videmus ymbbras ad motum Solis loca commutare, illas à Sole projici non dubitamus. Cùm igitur fluxus maris Lunæ motum tam religiosè consequatur, quo jure illius effectum esse negabimus? Verùm non facilè occurrit, quâ ratione, quove modo Luna motus maritimos possit moderari. An mare vi quadam magneticâ à corpore lunari attollitur? at quantò foreiùs intumescet inter tropicos, quàm prope vtrumque polum: nam illic Luna radiis directis, & confertis mare percutit; quare longè altiùs aquas attollet, nec patietur vt versùs mundi cardines refluant. Sed tamen contrarium experimur: maximi enim sunt æstus prope polos, minimi inter vtrumque tropicum contingunt. Fors est vt ex Lunæ maculis effluvium quoddam corpusculorum in mare defluat, idque ab ortu in occasum protrudat; hoc quidem in principio tardiùs ascendet, quòd extrario motui magis resistat, sed sensim aucto impetu, motus quoque maris intenditur; donec præ majori resistantiâ tandem languescat, ac per declive mare refluat. Itaque in pleniluniis majores futuri sunt æstus, quòd facies Lunæ telluri obversa, atque à Sole collustrata majorem humoris copiam affundat. In quadraturis verò æstus erunt minimi, quòd valde obliquè Sol Lunam, ac Luna terram aspiciat; perparum adeò humoris à Luna

in

in mare defluit. Sed cur majores æstus in noviluniis, quàm cum Luna dimidio orbe lucet? an quòd interlunio Sol Lunæ proximus humorem resolvat vberiore. Hinc sub æquinoctia æstus in pleniluniis, & noviluniis sunt maximi, quòd tum Sol, tum Luna in æquatore versentur; atque adedò Sol fortius agit in hemisphærium Lunæ nobis obuersum. Sed cur senis horis mare fluit, atque eodem spatio refluit, constanti & indefatigabili lege? quæ vis in istis corpusculis esse potest, quâ Oceani, non Mediterranei maris aquas attollant? an quòd latius pateat Oceanus, & latior aqua facilius agitur? sic pondus quo longiori funi appenditur, eo plures & majores edit vibrationes. Hæc quidem subtiliter dicuntur ab amico nostro, ac mare esse veluti inuersum funependulum ingeniosè fingit. Quare ob minorem aquæ latitudinem, tum in lacubus, tum in mari interno, nullus ferè æstus contingit. Siquidem aqua facilius in lubrico fluit, & quo latius patet, & profundior existit, eo magis agitur. Hinc circa brumale solstitium majores in iis regionibus sunt æstus maritimi, quòd aquæ sint vberiores. Non possum tamen animum inducere, vt existimem tam certum & constantem effectum, à causâ adedò infirmâ & instabili prodire. Nescio quid illud tenue, quod sentiri nullo modo, intelligi autem vix potest, ex infinito propè intervallo à corpore lunari profluens, tam validè, tam æquabili motu totum Oceanum ciere non potest.

*Refellit-
tur.*

Revertar igitur edò vnde sum progressus, nihil enim probabilius dici posse arbitror, quàm Oceanum præ spiritu nitroso intumescere: non quidem per rarefactionem: nihilo enim rarior sit aqua; sed per motum localem, novarum aquarum accessu. Spiritus verò ille à corpore lunari excitatur: vnde citius eodem tempore ejusdem Oceani diversa litora, quorum vnum ad ortum, alterum ad occasum dirigitur, allabente æstu proluuntur. Quapropter vt motus omnis animalium à spiritu proficiscitur; sic verisimile est totum Oceanum à spiritu nitroso, quem in se recondit, agitari. Cum partes vniversi inter se connexæ sint & colligatæ, nihil mirum si Luna, quæ in res humidas vim suam potissimum exercet, illos spiritus stimulet, at-

4. opinio.

que æstus maritimos gubernet. Siquidem inferiora à superioribus reguntur. Iam verò quid causæ est cur stagna, fluvii, lacus, internum ipsum mare non fluant ac refluant? An quoddam angustioribus alveis coërcentur? an potius spiritibus motoribus destituuntur? hinc mare Balthicum minores æstus agitant, quoddam magnorum fluminum appulsu illius falsedo retundatur, ac minorem habeat spirituum copiam. Nec omnis humor, sed spirituosus dumtaxat, & turgidus Lunæ accessum sentit, quoddam maiorem cum Lunâ cognitionem habeat. Ostrea quippe & conchylia, ossium & arborum medullæ in pleniluniis turgescunt. Imò ostrea si longissimis terrarum spatiis à mari absint, fluxu Oceani accedente, valvas aperiunt. Quid nisi vis quædam occulta Lunæ hæc admonet, ut hiatu valvarum aquam vitalem hauriant? quidni & Luna mare sollicitabit, atque reciproco æstu commovebit? non aliter ac magnes vasi suppositus, ferri ramenta eidem vasi imposita huc atque illuc mover.

L. 6.

Exultare etiam Samothracia ferrea vidi

Et ramenta simul ferri furere intus ahenis

In scaphiis, lapis hic magnes cum subditus esset.

Hæc, ni fallor, est de fluxu, & refluxu maris, eruditissimi Fromondi sententia; nisi quoddam, ut falsedinem, sic æstum bitumini; ego nitro potius, quod naturæ flabellum à Chymicis vocitatur, ac totum spirituosum existit,tribuendum esse putem.

*A. opinio
confutatur.*

MEN. Iam tua, vide, ne desideretur constantia. Negabas modò aquam maris per æstum rarefcere: quid igitur opus est illo spiritu quo turgeat? quid causæ est cur inter tropicos minores sint æstus, quàm versùs vtrumque mundi cardinem; huc denique omnia redeunt incommoda, quibus aliorum opinionones mox premebas. Et quod caput est, cur senis horis fluit mare, atque eodem tempore relabitur? cur Luna sub horizonte depressa non minùs attollit mare, quàm cum vertici nostro imminet? an rursus ad magnetem vasi suppositum, tamquam ad ignorantiaæ azylum te referes? mirum si vis Lunæ magnetica globum telluris penetrat. Expecto ut cum Fromondo novum astrum, quod Antisilenem, seu Antilunam vocat, quoddamque oppositum semper Lunæ locum occupet, nobis fabrices. Illud quidem sidus sub visum non cadit, sed ex effectibus colligi

posse putat: non enim liquet cur Lunâ sub horizonte depressâ, mare exâstuet, nisi virtute alterius Lunæ iisdem viribus imbutæ attollatur. Hoc scilicet optare est, & suauissimè nugari. Huc atque illuc te verses, mi Theophile, numquam veram huic effectui causam reddes, quousque terram moveri fatearis. Neque enim aqua naturaliter fluit, nisi per declivia: nec moveri potest, nisi vase, in quo continetur agitato. Id certè præter cæteros perpulchrè Galilæus exposuit. Quòd si terra vno & æquabili motu ab occasu in ortum tenderet, aqua quæ huic motui non adèò religiosè obsequitur, in occasum semper resflueret. Vnde qui sub zonâ torridâ navigant, longè celerius ab Africâ in Americam, seu ab ortu in occasum, quàm è contrâ ab Americâ in Africam promoventur. Verùm terra duplici motu annuo & diurno circumagitur: cùm igitur ambo illi motus in eisdem conspirant partes, necesse est vt motus ex vtroque compositus sit multò celerior: idque semel in die vsuvenit; semel item contrarium accidit, atque ambo telluris motus in oppositas partes nituntur: ex duplici illâ inæqualitate Oceanus quasi concussus & agitatus, bis de die fluit, resfluitque. Iam quis nobis explicet omnia æstus reciproci phænomena: cur circa polos longè sit maximus, sub æquatore vix possit percipi? An fortè idem evenit, quod in vase agitato: nam aqua circa vasis margines altiùs subsultat, quàm in medio? sic maris Mediterranei elationes majores sunt Venetiis quàm Anconæ. Sed cur ipsum mare Mediterraneum non vti Oceanus fluit, ac resfluit? An quòd fretum Gaditanum angustius sit, quàm vt tantam aquæ copiam ab Oceano profluentem possit excipere, illique vicissim reddere? Quid demùm est cur æstus maris ad Lunæ motum alligetur? quare in pleniluniis & interluniis existit maximus? cur bis vnoquoque die mare æstuat? hæc atque alia id genus innumera Galilæus non expedit: sed Cartesiani hanc mentibus nostris offusam caliginem faciliè discutiunt. Terra & Luna in eodem quasi vortice, vel cælo continentur, quod spatio menstruo Luna conficit. Cùm igitur ad meridianum circulum Luna pervenit, tum æther interjacens inter duorum corporum, terræ nimirum & Lunæ angustias, fluit vehementiùs: cùmque omnia corporibus sint plena, neque vllum inane admittat na-

*s. sententia
ex telluris
motu assumæ
maris deducit.*

tura; necesse est vt globus telluris de loco suo dimoveatur, atque in oppositam partem aliquantulum cedat: quod sine vlllo negotio perficitur, cùm sit in æquilibrio constitutus, atque in medio aëre pensilis, instar funependuli, quod minimo momento huc atque illuc impellitur. Quare æther interfusus inter illas angustias rapidiùs agitur, & subiectum aëra, necnon mare ipsum vehementiùs premit, idque versus litora attollit. Iam vbi præ terræ motu diurno longiùs à nobis abscedit Luna, tùmque aër ex iis angustiiis expeditus, maria non ampliùs premit, aquæ vtròq; relabuntur. Bis vnoquoque die æstus recurrit, quòd idem terræ punctum motu diurno ad illas cæli angustias bis de die revertatur; primùm, cùm id Lunæ obvertitur; deinde quando ad locum Lunæ oppositum pervenit; quæcirca senis horis mare fluit, senis itidem recedit, atque omnibus sub eodem Meridiano constitutis, eodem prorsus momento æstus contingit. Hic porro singulis diebus, vnâ ferè horâ tardiùs recurrit, quòd Luna vigesimam fermè octavam sui orbis partem dietim peragret; vnde & $\frac{1}{4}$ vnus horæ tardiùs ad Meridianum accedit. Cùm autem lunare cælum non circularem obtineat figuram, sed ellipticam, vel ovali proximam: ita vt partes Soli obversæ sint angustiores & circa latera laxiores: non mirum si æstus marini majores sint in pleniluniis, vel interluniis, quàm in quadratis aspectibus. Siquidem illic majores angustia majorem quoque aëris pressionem, & maris agitationem efficiunt. Hic contrà cùm partes cæli sint latiores, corporis lunaris interjectu, minùs aër comprimitur. Sed cur stagna & lacus, mare Internum, Caspium, Pontus, non æstuent? id verò accidit, quòd lacuum superficies sint angustiores, nec corporis lunaris obiectu pars vna magis, quàm altera prematur: neque etiam aquæ ab Oceano per fretum Gaditanum exundantes Mediteraneum mare replere possunt. His ita constitutis aliò si vobis videtur pergamus.

*Refellitur
ultima
opinio.*


S I M P. Nondum confecta res est, neque ad exitum perducta quæstio. Nam videris ea sumere, quæ non concedantur, aut ea quæ etiam concessa, nihil te adjuvant. Profectò telluris motum jam hesternâ disputatione profligatum puto: sed neque ex illâ terræ vertigine æstus maris reciprocus concludi potest;

Idque vnicâ demonstratione evincam. Aqua vase contenta cum ipso vase vnâ movetur, nisi fortè vel motus vasis repente sistatur, vel subito acceleretur; hocque principii loco supponitur. Sed motus terræ est æquabilis: ergo nihil est causæ cur mare singulis diebus bis fluat & recurrat. Audio equidem Galilæum, qui magnopere contendit, terram duplici motu diurno, & annuo cieri, qui quidem motus cùm in easdem conspirant partes, velociorem; cùm in oppositas partes nituntur, motum ex utroque compositum reddunt tardior. Optimè quidem. Verùm in iisdem prorsus punctis, atque eadem penitus horâ æstus maris recurrere oportet, cùm certa sint & fixa loca, in quibus telluris motus velocior contingit, vel tardior. Neque à Lunæ motu æstus reciproci suspenduntur: non enim Luna terræ motum vel accelerat, vel remoratur. At Cartesius Galilæo quasi in subsidium venit: placet illi interjectum aëra à corpore lunari comprimi; Oceanum verò ab aëre attolli existimat. Sed cur ab ipso Sole, atque aliis sideribus maria non utique premuntur? Cùm in eodem hemisphærio totus simul Oceanus exæstuet, profectò motus ille à corporis lunaris compressione non proficiscitur. An fortè Luna simul tam vastam aëris molem sic vrget, ut subiecta maria attollat?

Non equidem inficior, æstum maris vix explicari posse citra aliquem telluris motum; non enim aqua naturaliter fluit, nisi vas, in quo continetur, huc atque illuc agitur; neque hunc motum efficit Luna: quo enim modo, quibus machinis illum perficiat? an fortè ad vim magneticam, & occultam, tamquam ad ignorantiaæ aram confugiemus? Cur Luna sub horizonte delitescens mare attollit? quare æstuum periodus 15. diebus absolvitur: neque ut vulgò credunt, æstus in pleniluniis, vel interluniis sunt maximi, sed die tertio à novilunio maximi contingunt, qui usque ad decimum cum semisse diem, sensim minuuntur; hinc usque ad 18. crescunt; ac rursus usque ad 25. cum semisse detumescunt: hinc demùm usque ad tertium proximæ Lunæ augentur. Non igitur æstuum periodus cum revolutione Lunæ consentit: cùm hæc diebus 29. vel circiter; illa 15. ad summum diebus perficiatur. Quocirca, cùm rem omnè ad ipsius rationis trutinam exigo, multum in Cæsaris Arconfilii opinionem

*Probabiles
de astu reci-
proco conje-
ctura.*

propendeo, æstum maris à motu quodam insensibili terrestris globi proficisci. Motus quippe Oceani, si quis alius, est maximè naturalis, cum sit constans, & æquabilis: aqua verò naturaliter non fluit nisi per declivia. Neceffe igitur est vt terra fursùm deorsùmve moveatur, vt aqua fluere ac relabi possit. Id verò luculentius est explicandum.



Sit mundi centrum A, in quo medium terræ constituamus. Globus ex terrâ & aquâ compactus erit circulus G H G. quòd si terræ centrum ibi prorsus staret immobile, nihil foret causæ cur Oceanus G H G, qui terram cingit, moveretur: cum delabi non possit, nisi vt medium mundi viciniùs petat. Centrum itaque terræ hinc inde fertur in L, vel R, seu à Septentrione in Austrum & vicissim. Cùm fuerit in puncto L constitutum, circulus G M G, seu telluris globus partes quasdam altiores, vel à centro mundi remotiores; alias quoque depressiores obtinebit. Igitur aqua quæ decliviora quærit, per G & I in punctum M delabatur; & vicissim, vbi terræ centrum pun-

Etum R occupabit, aqua refluet à puncto S per G & I, in T: centro terræ in L existente, altitudo maris in his regionibus minuetur longitudine H N, & tantumdem in altero hemisphærio intumescit, nimirum rectâ SF. Mirum sanè quàm pulcrè hæc hypothesi cum experienciâ ipsâ consentiat.

Primum enim, longo observationum vsu compertum est eâdem prorsus horâ, in eodem hemisphærio aquam maris intumescere. Centro quippe telluris ad R translato, aquæ in nostro hemisphærio attolluntur, ac simul vltra æquatorem minuuntur. 2. Æstus sunt maximi circa vtrumque polum. Sic maximus æstus erit NH, cùm AN sit omnium rectarum maxima, vt AM minima. 3. Prope æquatorem G I nullus ferè æstus contingit. Quocumque enim terræ centrum transferatur, puncta G & I à medio mundi A æquis distant intervallis. Vnde mare ibi numquam altiùs attollitur, vel humiliùs deprimitur; nullus adeò ibi fluxus aut refluxus. Imò eâdem proportionè æstus minuuntur, quo æquatori loca sunt viciniore. Vnde ad Garumnæ ostium vbi polus 45. gradibus elevatur, æstus maximus OP est ferè tertiâ parte minor, quàm sub vtroque polo. Cùmque OP sit ferè 20. pedum, necesse est lineam NH esse circiter 30. pedum. Adeò vt non ampliùs quàm 30. pedibus centrum terræ à puncto A, hinc atque inde, sursum vel deorsum libretur. Hæc verò libratio 12. horis absolvitur. Nam senis horis ab L in R, (tùmque æstus contingit) senis itidem horis ab R in L redit, & tum aqua relabitur. Nec mihi illud est miraculo terram à Septentrione in Austrum librari; cùm hoc habeat cum omnibus sideribus commune, quæ hoc celerità suas librationes perficiunt, quo terræ sunt propiora. Nam minùs spatii habent decurrendum. Cùm verò senis horis æstus omnes conficiantur: eodem prorsus tempore recurrerent, nisi terræ centrum 12. minutis in vnoquoque suæ librationis termino commoraretur: idque vnoquoque die quater contingit: vnde æstus 48. minutis singulis diebus tardiùs recurrit. Tantumdem Luna motu diurno impendit & $\frac{1}{4}$ vnius horæ feriùs ad meridianum regreditur. Hinc falsò credidere æstum maris reciprocum à motu Lunæ proficisci: cùm tamen vtriusque periodi omninò sint diuersæ. Nam, vt jam monuimus,

Æstus marini phænomena.

1.

2.

3.

aquæ vivæ, seu æstuum incrementa circa decimum Lunæ diem usque ad decimum octavum contingunt : ita ut singulis diebus in elevatione poli 45. graduum, digitis ferè sexdecim, ac versus polum duobus pedibus augeantur. Hinc usque ad 25. diem Lunæ, eâdem proportionem decrescunt, tum aquæ mortuæ vocitantur. Nec difficile est in litoribus quæ alluit Oceanus, ad quam æstus quisque perveniat altitudinem observare. Quocirca æstuum revolutio 15. ad summum diebus perficitur, eâque confectâ, centrum terræ 12. unius horæ minutis in medio mundi A conquiescit, priusquam novam ineat periodum. Quo quidem tempore totus Oceanus in aquas distribuitur partes, non aliter ac si terra omnino quiesceret: quemadmodum bis unoquoque anno dies æquantur noctibus, cum Sol æquinoctialem circulum assequitur. Ut finiam, centrum terræ à medio mundi progressum 7. diebus cum semisse versus Austrum attollitur, tum aquæ Oceani in nostras regiones confluunt, & æstus sensim augentur: sed sub initium huius periodi, ac primis subinde diebus centrum terræ non longè à centro mundi excurrit; primo die duobus dumtaxat pedibus ab eo discedit; eâdem proportionem crescunt æstus, quovsque expletis 7. diebus cum semisse centrum terræ 15. revolutiones versus Austrum, 14. versus Septentrionem perficiat. Tùmque aquæ vivæ dicuntur. Has excipiunt aquæ mortuæ eodem temporis intervallo decrescentes, nempe septem diebus cum semisse, quibus centrum terræ 15. in Boream, 14. in Austrum periodos absolvit. Sic motus ille librationis paulatim senescit, ac minimus tandem evadit. Hæc vera sint an falsa nihil pugno, sunt certè verisimillima.

MEN. Hic quoque tuam constantiam desidero, jam enim non semel nos monuisti, corpora gravia non in mundi ipsius, sed in terræ centrum niti. Nam quocumque telluris globus transferatur, illius medium gravia petent. Quemadmodum pars à corpore lunari revulsa, non mundi, sed Lunæ centrum affectaret. Quod si ita sit, frustra terram ficticio librationis motu exagitas, ut aquæ quasi suspensæ, proprio pondere dilabantur. Illud etiam admiror hunc terræ motum esse naturalem, non ascititium, nec tamen esse continuum, cum in reflexionis

pun-

puncto terra immota consistat, quasi exhaustas vires restauret. An cælestes motus vñquam cessant? Quæ causa novum impetum telluri imprimit, cùm 12. minorum spatio con-
quieuit?

SIMP. Quasi tabellis obsignatis mecum agis, & quid aliquando dixerim mihi ipsi opponis. Nos, vt scitè Tullius, in diem viuimus, & quodcumque nostros animos probabilitate percussit, id dicimus. Verumtamen nondum mihi satis liquet, an grauius in mundi, vel terræ centrum propendeant. In eam sententiam magis inclinabam, corpora terrestria telluris, non mundi centrum affectare. Verùm æstus maris reciprocus in contrarium me retrahit. Vellem equidem terram hinc atque inde, à Septentrione in Austrum librari, nec de loco tamen suo commoueri; vel solum Oceanum ab intelligentiâ quâdam agitari fatendum est. Vetus est opinio terram sursum ac deorsum extra proprium centrum attolli, ac deprimi. Nec satis validis rationibus hæc sententia à Fromondo impugnatur. Negat vllam rationem reddi posse, cur fluxus & refluxus maris sint inæquales. Sed causam huic effectui jam reddidimus, nempe æstus esse maiores, quo terræ centrum longius à mundi centro discedit. Sed cur hic motus cum Lunæ motu adeò confertus existit? Quòd fortè eadem causa omnes naturæ motus æquabiles temperet. Quicquid sit, hæc hypothesis cum experienciâ adeò convenit, vt quicquam probabilius afferri posse planè desperem.

MEN. Vis igitur amici tui sententiam collato pede tueri.

SIMP. Quidni ego velim?

MEN. Ad resistendum igitur te compara. Totum Oceanum simul & eodem tempore à Septentrione in Austrum, ac vicissim, moveri putas. Id verò falsum est: nam & mare Indicum, & alia bene multa, ab ortu in occasum cientur. Imò eodem æstu, idem mare prope Orcades à Septentrione in Austrum, & juxta Caletum ab Austro in Septentrionem nititur: in medio autem inter vtrumque extremum spatio, vix æstus percipitur. Sic mare Britannicum non eodem tempore intumescit: sed longè citius in confiniis Normanix & Armoricæ, quàm versus Belgium recurrit. Addis quoque, vix ad 20. pedum altitudi-

Objectiones.

1.

2.

3.

4. nem Oceanum intumescere: contrarium experientia demon-
strat. Nam juxta sancti Michaëlis sanum, usque ad 60. pe-
dum altitudinem æstus assurgunt; hæc sanè cum vestris prin-
cipiis non cohærent. Libet etiam inquirere, cur mare Rubrum,
5. Mediterraneum, vel ipsa flumina hunc librationis motum non
sentiant? Fatearis ergo necesse est vel nullam hæc æstus
reciproci causam allatam fuisse, vel si quæ sit, aliam esse non
posse, quàm eam quæ à Galilæo & Cartesio tam dilucidè ex-
posita, omnium ferè Doctorum consensu recepta est.

*Diluntur
objectiones.*

S I M P. Necdum de hac opinione, quæ tibi adedò absurda
videtur, conclamatum est. Quæque objicis, dilui facillimè
possunt. Atque ut præpostero ordine respondeam, fluvii instar
Oceanî æstus non reciprocant, quòd pronò & declivi alveo
fluant, atque in ipsâ origine mulcò sint altiores, quàm cùm
in mare delabuntur. Quòd si ingens aliquis fluvius foret ab
vno in alterum polum porrectus, fortè instar Oceanî æstuarer.
At nullus tam latè fusus invenitur, omnes si vnum vel alte-
rum exceperis, eodem hemisphærio continentur: quocirca
etiã si per devexa non fluerent, vix sentirent terræ libratio-
nem. Hinc enim, ut ad aliam objectionem veniamus, Medi-
terraneum mare æstus suos, ut Oceanus non reciprocatur. Nam
si pars illius citra, pars altera vltra æquinoctialem lineam ex-
curreret, nonnullos æstus, licèt minùs perceptibiles obtineret:
nam parte Australi fursum sublatâ, aquæ in Boream conflue-
rent, & vicissim. Sed res non ita se habet, ac totum illud ma-
re quod Mediterraneum vocant, cùm terrâ in Austrum attolli-
tur, simul intumescit; illius verò elationes eo sunt majores,
quo longiùs ab æquatore mare discedit. Sic mare Rubrum vix
illos sensibiles æstus obtinet; est enim illius eadem planè, quæ
interioris maris ratio. Sed, inquis, Oceanus huic sinui finiti-
mus, ab ortu in occasum, non à Septentrione in Austrum cie-
tur. Ratio obscura non est: Oceanus ad litorum, quibus cir-
cumscribitur, situs sese accommodat; idem enim hîc vsue-
nit, quod in fluminis exundatione. Licet tibi mente concipere
Rhodanum vndas suas à Boreâ in Meridiem volvere: sed
ubi exundat, ab ortu in occasum diffunditur. Sic Oceanî mo-
tus ab vno in alterum polum dirigitur, sed in sinus etiã &

freta exundat; vnde accidit vt eodem tempore æstus maris in diuersis locis non recurrat. Hinc citius ad sancti Maclovii, vel diui Michaëlis fanum, quàm ad Caleri portum pervenit, quòd Calerum magis sit in recessu, & longius ab ipso velut Oceani alveo distideat. Cùm autem mare Britannicum, & Germanicum efficiant duos sinus in eodem velut angulo prope Calerum concurrentes: nihil mirum, si Oceanus per oppositas ferè partes, in vtrumque hunc sinum illabens, contrariis motibus ferri videatur, & in medio intervallo immotus ferè appareat; in diversas enim partes distrahitur. Ne illud quidem est miraculo, Oceanum vbique eodem tempore non æstulare, vel in eodem sinu; non potest enim, cùm exundat, & quasi ad latera effunditur, in momento temporis ex. gr. 400. & amplius millaria percurrere, sic ipsa flumina non vno eodémque tempore æstus complet. Sed quid est cur in fluviis n: jus tempus infumat æstus, quàm ipse refluxus? Vnum dumtaxat proponam exemplum, quò res fiat illustrior. Garumnæ æstus vsque ad 120. penè millaria diffunditur; tantum spatii emittitur horis 18. non amplius verò quàm 12. horas in ipso refluxu impendit. Idque ad calculum exigere facile est. Siquidem circa novilunium, æstus tertiâ horâ à media nocte incipiat; senis horis ad quinquagesimum milliare perveniet; nimirum horâ nonâ ante meridiem. Hinc rursus senis horis perveniet Burdegalam; atque adeò ibi tertiâ de meridie horâ naves gyrabunt, ac puppes obvertent, quod est argumentum æstus adventantis. Tandem ad sancti Macarii, horâ fermè nonâ jam languidior advenit; neque ibi moratur, sed eum statim refluxus excipit, quem idcirco senis horis minùs, quàm æstum durare necesse est. Nec mirum si aqua proprio pondere celerius in mare delabantur, quàm à mari in flumina excurrant; ibi enim descendunt, hinc videntur ascendere: est quippe mare ipso flumine depressius: quantò longius aquæ propelluntur, tantò agrius procedunt, cùm fluminis alveum hoc altiore offendant, quo suæ origini propiorem. Nam eò vsque æstus progreditur, donec Oceani & fluminis aquæ veluti in æquilibrio constituantur. Multum quoque momenti affert situs, vel positio fluminis. Siquidem Garumna rectà ferè in mare properat, non item

Sequana; serpit enim hic fluvius multiplici flexu. Hinc maris æstus multò longiùs in Garumnâ, quàm in Sequanam excurrit. Mirantur eodem tempore æstum in Oceano, & in Garumnâ prope Burdegalam contingere. Ratio in proclivest; nam si interlunio æstus ad Garumnæ ostium, tertiâ post mediam noctem horâ incipiat, idem post duodecim horas Burdegalam perveniet; tertiâ nimirum de meridie horâ, quo tempore æstus in Oceano iterum redibit. Itaque eodem tempore Oceanus & Garumna prope Burdegalam intumescunt; non vno quidem æstu, sed diversis. Atque ut nihil videar omittere eorum quæ ab Arconso præclarè observata sunt; dicam quid in Sequanâ ingentem illum æstum quem vulgò (*Labarre*) vocitant, efficiat. Tres sunt ejusmodi fluctus, qui sub æquinoctia & solstitia, imò post novilunia, & plenilunia, adedò tument, ut obvia quæque sternant; & quod magis mirere, primus ad altitudinem quatuor ferè pedum assurgit, huic proximus 8. tertius 12. pedum altitudinem superat; & quatuor penè horarum spatium, 25. leucas Gallicas magno strepitu, impetu majore percurrunt. Idem ferè in Garumnâ, sed rariùs accidit, nimirum sub mensis Augusti finem, vel Septembris initium; quod tum temporis aquæ illius fluminis sint depressiores. Nec verò Garumna, ut Sequana tam sæpe exsiccatur. Quo autem fluvius pleniore alveo fluit, eo minùs has Oceani exundationes experitur. Cùmque sub æquinoctia vel solstitia, necnon circa novilunia & plenilunia majores sint æstus, palàm fit cur iis temporibus decumani illi fluctus, & majores, & frequentiores existant. Sed cur in Sequanâ adedò efferrantur, non item in Garumnâ? An quòd Sequanæ alveus instar infundibili extremum habeat latius, & apertius; adedò ut æstus adveniens ibi tumentes fluctus non excitet, at sensim instar tubi coarctatur; quare necesse est ut aquæ ex Oceano, magno impetu in angustiore alveum irrumpant? Quemadmodum ingentis stagni aqua ruptis obicibus, vehementiùs per prona devolvitur; quòd si angustiore vallem, & faxis abrupta loca pervadat, quantum strepitum, quantas edet strages! nam, ut præclarè Seneca, quamdiu flumini facilis, & liber est alveus, primas quasque aquas explicat. Vbi faxa casu,

vel manu illata pressere venientem, tunc impetum morâ quærit: & quo plura imposita sunt, plus invenit virium: omnis enina illa vnda, quæ à tergo supervenit, & in se crescit, cum onus suum sustinere non potest, vim ruinâ parat, & prona cum his quæ jacebant, fugit. Iam nihil necesse est hoc loco inquirere quæ sit causa, cur in zonâ torridâ fluvii nullo æstu agentur, cum in iis locis Oceanus ipse non æstuet, nedum flumina quæ solius Oceani exundationibus tument. At in temperatis & frigidis zonis fluvii incrementa Oceani hoc magis sentiunt, quo polis sunt viciniore: nam ibi æstus sunt maximi. Verum excipis, quid igitur est causæ, cur circa Normanix & Armoricæ confinia tanti æstus incurrant, quanti aliàs nusquam: adeò ut non solum ad 30. sed etiam ad 60. pedum quandoque perveniant altitudinem? Hic sanè nos sudare necesse est. Tamen non absurdè responsum fuit ab hujus opinionis, quam nunc versamus, auctore. Idcirco id accidere, quòd Oceani aquæ à Meridie in Septentrionem agitatae Britannicarum insularum, ac potissimum Hiberniæ occursum resilire compellantur. Atque ab Armoricæ & Normanix litoribus iterum percussæ, in ipsum veluti angulum, & concursus angustias confluunt vberimæ. Idem evenit in freto Magellanico, propter utriusque maris Æthiopici, & Pacifici concursum, & motus in diversa nitentes: quemadmodum in maris Britannici, & Germanici confiniis contingere diximus. Sed in his jam sum nimius, neque hanc opinionem velim, ut certam & exploratam jactare sententiam, aut vobis inveniendæ veritatis occasionem intercipere; eam dumtaxat utcumque defendi posse contenderim.

Sequitur ut de maris falsedine per pauca subijciam. Existimat quidem Aristoteles exhalationes terrenas, & adultas, quæ calore Solis attolluntur, hanc mari conferre falsedinem. Siquidem ex illius mente sal non nisi per adustionem educi potest, ut in calce, & cineribus videre est. Hinc Oceani aquæ sub zonâ torridâ multo sale inficiuntur; contrarium evenit in mari Glaciali polis finitimo. Addit eximius Scaliger pro comperto veròque haberi, in fundo maris aquas esse dulces, superficiem non dulcem, quia dulce in levi, leve autem à Sole absumitur. Hic sanè Aristoteles, si vsquam aliàs errore labitur. Non enim

*De maris
falsedine.*

*Aristotelis
opinio con-
fuitur.*

sal per aduſtionem procreatur, vt alibi oſtendimus, ſed cùm in corporibus actu ineſſet, extrahitur. Atque vt ipſius quæſtionis jugulum petam: Quòd ſi exhalatio terreſtris ſalfedinem mari imperitur; quid eſt cur ſtagnantes aquæ ſalfæ non appareant? nec facilè tantæ halituum copia, quanta inſciedo mari ſufficit, vi caloris ſolaris educi poteſt. Maximè cùm radii ſolares fundum maris vix attingant. Accedit quòd exhalatio ipſa ſalfæ neſcitum exiſtit. Nimiùm verò Scaliger Ariſtoteſi indulget, cùm aſſerit vrinatores vitreis vaſculis aquam è fundo maris dulcem extrahere. Contrariũ non experientia modò, ſed etiam ratio ipſa perſuadet; cùm aqua ſalfæ ſit dulci grauior. Nec difficile eſt id experiri, & aquam è fundo haurire beneficio vaſis, cujus operculum funiculo alligatum aperiatur, cùm vaſ ad imum deſcendit. Quod autem de zonâ torridâ, & mari Glaciali obrudunt, facilè ſoluitur. Nam vel maior aquæ copia in Glaciali Oceano, vel multorum fluminum influxus, vt in Ponte Euxino, & in mari Caſpio contingit, aquas poſſunt diluere. Sub æquatore Sol feruentior maiorem dulcis aquæ copiam extenuat in vapores, qui verſus polos recidunt. Nemo ignorat aquam coctione fieri ſalubriorem, quòd purior exhale-
tur. Quinetiam dulcis aqua longâ coctione ſalfedinem contrahit; non enim eſt omnis ſalis expers. Mare quoque ſalfius æſtate, quàm hieme inuenitur, iſdem de rationibus. Vnde ergo ſalfedo maris? an fortè in principio ſuæ conditionis ſale, nitro, & bitumine imbutum fuit: nec ſal illud perit, cùm in vapores reſolui nequeat, ſiquidem illius particulæ proprio pondere relabuntur: ſunt enim, vt Carteſio placet, graves, rigidæ, & inſtar cuſpidum acutæ. An potiùs fodinæ ſalis in mari, vt in terrâ ſunt innumerabiles? at jam diſſolutas eas oportuit, niſi fortè novæ ſuccreſcant. An ſalis, nitri, & bituminis exhalationes vi caloris, vel ignis ſubterranei continenter erumpunt, quibus aquæ maritimæ inſciantur? ſic lacus Aſphaltides, ſeu mare mortuum in Palæſtina, non aliunde ſuam ſalfedinem, gravitatem, ſaporem denique mutuatur, quàm ex copioſo quo abundat bitumine. Non alia, vt mihi videtur, cauſa eſt cur mare nauſeam, ac vomitum provocet, niſi quòd circumfuſus vapor multo ſale volatili inſciantur, cujus corpuscula ven-

*De ſalfedine maris
verifimilia.*

tricoli fibras vellicant: hinc aër maritimus oculorum dolores excitat. Fortè etiam bilem calidam item & siccam naturæ familiaritate attrahit. Hinc spiritus salis multâ aquâ permistus huic incommodo remedium est: vel idoneo medicamine purganda bilis, tum succo limonum ventriculus refrigerandus. Aliud remedium nuper edidit vir omni pietate ac doctrinâ præditus Alexander de Rhodes, nimirum pisciculum è majoris ventriculo extractum, qui assatus permodico aceto, & sale conditus, hunc vomitum vi quâdam occultâ inhibet. Non ignoro iactationem maris multum conferre: nam plerique in rhedis vecti nauseant. Nec dubium est quin omnes ferè maris vires, & effectus ex eâdem causâ, ac veluti ex eodem fonte dimanent. Atram bilem purgat, quòd lienis meatus oclusos facilis corpuscula aperiant, his referatis atra bilis expurgatur. Scabiem sanat; quia exsiccât, & abstergit. Lintea, imò & ligna nisi pice oblinantur, adurit, quòd salis corpuscula linteorum filamenta disrumpant. Vnde aqua marina extinguendis incendiis minùs est idonea, quòd quiddam gerat pingue & vinctuosum; hinc sæpe è fluctibus in scopulos vehementiùs impactis ignitæ scintillæ emicant. Quòd verò mare cadavera, & naufragiorum reliquias in litora evomat, id à virtute quâdam secretâ & expultrice non oritur, sed ab æstuum aut fluctuum impetu: idem in exundante flumine cernere est; vbi refluxus imbecillior in alveum non revehit, quod fortior æstus expulit.

Cur mare vomitum, & nauseam provocet.





CAPVT TERTIVM.

De aliis impressionibus tum aqueis, tum aëreis.

- I. De sale multa ex Cartesio. II. De glaciè, nubibus, nebula, pluviâ, rore, & pruinâ. III. De melle, & manna fusè agitur. IV. De nive & grandine. V. De ventorum naturâ, causis, & effectibus, ac de reliquis impressionibus aëreis disputatur.

MENANDER.



ACIS tu quidem, optime Simplici, vt bonum virum, & perurbanum decet; nec quæ aliorum est perversitas, Cartesium nostrum maledictis insectaris: quinimò persæpe illius opinioni non indignaris accedere. Nihil profectò absurdius fingi potest, quàm mare falsedinem suam à terræ limo repetere: cum enim aqua marina ita pelluceat, vt fundum sæpe videndum exhibeat, terrenis exhalationibus non inquinatur. Neque, vt putant, falsedo qualitas existit, sed à sale dimanat in aquâ exoluta. Cum igitur in vellere, vel arenâ percolatur aqua, ibi non qualitatem, sed salis spicula deponit. Hinc aqua maris vbi distillatur, salem exuit; quodd corpuscula ex quibus sal componitur, gravitate aliqua donentur, nec possint ascendere, nisi extremum alterum deorsum vergat: sed tum faciliùs recidunt, quàm sursum eluctentur. Figuram verò teretem & aciculis similem salis corpuscula esse sortita, ex sapore colligimus: siquidem linguam suis cuspidibus altè penetrant; hinc brutis sal adeò sapit, quodd linguam habeant asperiozem, quam inflexibiles, & rigidæ salis particulæ titillant. Hinc etiam sitim excitat, appetitum acuit, quodd linguæ & ventriculi fibras vellicet. Eandem ob rationem pruritum excitat & scabiem, quia fibras corporis dividit, & viam pravis humoribus aperit. Quid, amabo te, est causæ cur sal à putredine vindicet, nisi quodd suis cuspidibus, & bacillis humorem corruptionis fontem, & fermentum expellat. Hinc caro falsa & siccior, & durior existit: nam hu-

De natura
salis quid
Cartesio vi-
deatur.

Salis corpus-
cula esse
instar spicu-
lorum acu-
ta.

Varii salis
effectus ex-
plicantur.

humor, si quis remanet, circum salis oblongas aciculas con-
 uolvitur, ne diffuat; atque his bacillis omnes carnis particulæ
 fortius constringuntur. Humor enim motu suo corpora dissolvit
 & emollit; sal verò humorem vel exprimit, vel retinet. Quam-
 obrem qui sale non vtuntur, gravem spirant anhelitum, quòd
 sal putredinem arceat. Illud quidem est friabile, nam partibus
 constat rigidis, quæ faciliè separantur, nec flecti possunt, nisi sum-
 mo ignis calore; tùmque sal in aquam stygiam, seu fortem abit,
 cùm scilicet illius particulæ ex rigidis, & cylindricis, flexiles,
 planæ, & instar gladiatorum secantes efformantur. Hinc aqua
 stygia penetrat, ac dissolvit metalla, linguam stringit, & sapo-
 re est acerrimo. Enimverò, si salis, vt ita loquar, atomi sunt
 crassiores, & graviores ipsius aquæ atomis, quí fit vt proprio
 pondere ad imas partes non descendant, sed per totam aquam
 diffusæ jaceant? an quia aquæ particulæ sunt lubricæ, & fle-
 xiles, quod earum sapor dulcis demonstrat; unde circa rigida
 salis corpuscula faciliè advolvuntur. Et si credimus Cartesio
 velocissimè circa ea gyran, efficiuntque illam maris perspicui-
 tatem. Quod enim fluidum est, idem in perpetuo motu versa-
 tur, nec luminis transitum adedò impedit, quia motui illius fa-
 ciliùs obsequitur. Atque ea mihi videtur ratio, cur mare vix,
 aut numquam congeletur: nam & calor salis nativus, & mo-
 tus aquæ salis concitator ipsam impediunt congelationem,
 quæ in partium immobilitate consistit. Mare quippe Hyperbo-
 reum fortasse in glaciem non concrevit, sed nix copiosa, quæ
 tegitur mare, conglaciatur: vel si Oceanus ipse congeletur, id
 accidit, quòd magnorum fluminum appulsu minorem habeat
 salis proventum. Quid igitur inter aquam, & glaciem interest?
 hoc scilicet, quòd aquæ particulæ à subtilissimâ materiâ agiten-
 tur, non secùs atque anguillæ in navi perforatâ existentes, ab
 aquâ subeunte huc & illuc inflectuntur: particulæ autem ex
 quibus glacies constat, non ampliùs fluctuant, sed manent im-
 mobiles, atque aliæ aliis incumbunt; fermè vt anguilla (ne
 ab eodem exemplo recedam) in fluminis ripâ exsiccata. Nec
 mirum si glacies dura sit, non item aqua; hujus enim par-
 tes jam motæ faciliùs moventur, quàm glaciei particulæ quie-
 scentes. Quid enim aliud est frigus quàm motus imbecillior?

*Vnde aqua
 fortis tanta
 vires.*

*Cur sal in
 aquâ exsol-
 vatur.*

De glacie.

*Ex quibus
corpufculis
aqua com-
ponatur.*

Quòd autem aquæ corpufcula eam nacla fint figuram; quòd longa fint & lubrica, & facilè à fe invicem feparentur, fapor ipfe indicat. Non enim linguam, vt falis corpufcula compungunt, fed leviter allambunt. Accedit etiam quòd omnium corporum meatus non æquè fubeunt; quia certam obtinent figuram, quæ quibusdam corporibus, vt calci, & arenæ accommodata eft, aliis non item. Quod aquâ mader, facilitùs exficatur, quàm id quod oleo imbuitur. Siquidem olei partes funt ramosæ, & tenaciùs inhærent, partes verò ex quibus aqua componitur, funt flexiles & quàm minimo motu excutiuntur. Sed de his jam aliàs copiofè diximus. Nunc longiùs fi placet progrediamur. Ac de impreffionibus aëris quid ego fentiam breviter explicabo.

*De naturâ
aëris.*

Diffimulare non poffum Cartefii Philofophiâ, acutâ & brevi mirificè animum meum capi: Peripatetici enim nihil quàm lites, & contentiones amant. Dum verba inftar poëtarum fundant, vel adverfarios tortuofis argumentis involvant, magna tollunt fupercilia. Cedo, mi Theophile, quid tuus Aristoteles, de meteoris præclarum memoriæ prodidit: de reciproco Oceani æftu altum filentium: quod falfedinem maris attinet, quæ magis erat obvia, nihil vel verifimile fentit. Iam ubi de Cometis, de viâ lacteâ tractare aggreditur, quàm abfurdâ fcribit, atque ab ipfo fenfu penitùs abhorrentia. Sed quàm breviter, quàm enucleatè Cartefius hæc naturæ arcana nobis aperuit. Quòd fi illum audimus, terra, aqua, aër ipfe ex eadem materiâ, quam tertium vocat elementum prodire. Aquæ, & aëris particulæ minùs inter fe cohærent, & facillimè huc & illuc agitantur. Partes verò aëris funt omninò difjunctæ, ac fingulæ proprio motu gaudent, quem à fubtiliffimâ primi, & fecundi elementi materiâ, vel fimilis à calore mutuantur. Quare particulæ, feu filamenta ex quibus aër componitur, majorem locum, vel circumulum exigunt, quo majori motu cientur: imminutio illius motus, frigus dicitur. Cùm oblonga illa ftamina fibi mutuò incumbunt, tum aërem effe craffiores neceffe eft. Facilè aër comprimitur, quia illius particulæ funt flexiles & difjunctæ; compreffus tamen magno impetu refilit: nam fingulæ partes ab æthereâ fubftantiâ, vel calore agitatæ, com-

muni nisu vasa disrumpunt. Atque obices amoliuntur, quo majus occupent spatium, ac liberiores motum consequuntur.

Quæ porro causa nubes adeò crassas, & densas in mediâ aëris regione suspendit? an corpora minùs gravitant, quo longius à terra discedunt? nix quippe jam efformata libratur in aëre, quo tamen densior existit. Planetæ ejusdem, vel similis sunt cum terrâ naturæ, nec descensum affectant, quia longissimè à nobis recedunt. Aliæ forsitan causæ subesse possunt; aut calor, qui inferiorem aëris regionem dilatat, ac nubes sursum repellit; aut frigus, quo superior aëris plaga constringitur; aut vapor qui continenter è terrâ erumpit, & nubes pensiles sustinet; vel denique ventus, qui nubium particulas disjunctas, & malè colligatas, non evehit modò, sed sublatas retinet. Taceo quòd minutissimæ nubium particule non satis habent virium, ut ipsum aërem diducant, quòd pro mole suâ multum habeant superficiiei. Sic lamina aurî tenuissima aquæ innatat; pulvis agitatùs diu libratur in aëre. Quid verò aliud est nubes, nisi vapor qui in alto aëre suspenditur, & præ opacitate suâ sub obtutum cadit? hinc opacitatem nacta mihi videtur, quòd singula corpuscula nonnihil luminis reflectant; unde simul congesta totam regerunt lucem, vix quicquam transmittunt: frigore autem densantur. Neque nubes quicquam à nebulâ differt, nisi quòd hæc terræ vicinior est, & frigoris vi citius concrefcit, nec altius evehi potest. Ingenito terræ calore, non radiis solaribus plerumque exsurgit: nam manè, vel vesperè sæpiùs; rarò Sole fervido terram obducit, subitò totum horizontem complet, atque ex certis locis erumpit. quæ omnia in vapores à Sole attractos non cadunt. Cùm ex aquâ putrescente expirat, tum fœtet & tussim excitat. Vbi manè recidit, serenum cælum promittit, nam si Sol non potest tenuem illum vaporem attollere; nedum è mari aut fluminibus aquam evehet. Quòd si sursum attollatur, pluviam præfagit. Nam terra adhuc calens novos vapores suppeditat, qui tandem in aquam abeunt, ex quâ prodire. Cùm scilicet vapores insensibiles in alios subinde cadunt, quousque in guttas satis sensibiles crefcant, quæ hoc sunt majores, quo ex sublimiori loco delabuntur. Quapropter flante Austro guttæ sunt pleniores. Cùm ver

Quare nubes in aëre suspenduntur.

De nebulâ.

cœpit, major, inquit Seneca, inclinatio aëris sequitur, & calidiore cælo, majora sunt stillicidia, tumque nimbi graves magis, vastique, quàm pertinaces deferuntur. Guttæ porro decedentes rotundam obtinent figuram, quòd pressus aër relictum à guttâ locum, quàm potest compendiosiore viâ occupat; ac guttam globosam facilius radit, quàm si aliam nacta esset figuram: vel materia subtilissima per poros aquæ commens hos efficit globulos, nam in istis guttulis citius movetur, & facilius, quàm in molli aëre; vnde circa illas gyrat.

*Cur media
aëris regio
nubem frigi-
das.*

De pluvia.

Sed cur media aëris regio tanto frigore alget, vt nubes conglomeret? non certè id accidit, quòd radii solares reflexione solâ calorem excitent: est quippe idem radius directus, qui reflexus. An igitur radii à terra reflexi citò coeunt, & quasi in foculos, vt loquuntur Optici, vel in nodos colliguntur: vnde calor aucto lumine itidem crescit. Nullumque est infimi aëris punctum, in quo plures radii reflexi non vniuntur, & eo plures, quo Sol verticibus nostris vicinior existit: tum enim radios directiores, & confertiores vibrat, qui quasi duplicati, in se ipsos ferè resiliunt. Hinc mediâ æstate vberissimi quidem vapores sursum tolluntur, sed Solis ardoribus dissipantur, nec facile coguntur in pluviam, nisi vento frigidior densentur. Contrà hieme calor est debiliior, quàm vt vapores attollat. Vere & autumnò calor est moderatus, magna quoque diurni æstus, & nocturni frigoris inæqualitas: hinc pluvix vberiores. Nec denique omnes nubes concrescunt in pluvias: vel quòd vaporum particulæ nimium inter se distent, nec sese mutuò contingant; vel quia non satis est frigoris nubi constringendæ. Stillicidia, ait Seneca, quamvis jam inclinent se, & labantur, nondum tamen efficiunt lapsum; sed vbi plura coeere, & turba vires dedit, tum pluerè dicuntur. Quinetiam sublatis vapores, potius in glaciales aromos, quàm in pluvix guttas concrescunt, nisi vento calidiore solvantur. Densantur verò nubes, tum vaporum ascendentium copiâ; tum vento Australi, vel occiduo; tum denique oppositis ventis, quibus sæpe vapor constringitur. Altissimæ nubes acerrimo correptæ frigore in nivem potius, quàm in pluviam concrescunt. Vnde vel in zonâ torridâ, excelsorum montium juga inter tantos ardores, vt

cum Tacito loquar, opaca sunt, fidæque nivibus. Sed de nive postea. Nunc quæ sit pluvix utilitas; quæ illius indicia brevi expediam. Aquam esse elementum volatile norunt Chymici. Sublimatur, atque in mediam æris regionem evehitur, vt faeces exuat, purior recidat, tum vt terram humore superfluo exoneret. Nam vt scitè Auctor Physicæ restitutæ, hæc vaporis sublimatio quasi obstructions terræ amovet, & fastidium illius stomachum sublevat, eumque digestionem aptiorem reddit. 2. Vapor sublimatus, concrevit in aquam, atque in terram demittitur, vt eam necare, cælestique potu perfundat; paulatim distillatur, non confertim ruit, ne vberior aqua intimum terræ calorem extinguat, & vivifico spiritui (jam cum Chymicis loquor) aditum præcludat: sic enim æquabiliter distributa terram fecundat. 3. Pluvia in plantarum, atque arborum alimentum faceffit. Hinc radices arborum numquam ferè ultra duorum passuum, seu decem pedum profunditatem porriguntur. Quòd, vt putat Seneca, nulla pluvia ultra decem pedes in altitudinem madefaciat terram. Hoc alimento extremæ, ac minutissimæ radices, vi quâdam occultâ, aut secreto igne in propriam convertunt substantiam. Sed nullo tempore pluvia plantis acceptior est, quàm circa mensem Maium, quo herbarum fibræ calore Solis laxantur, ac plantæ jam robustiores copiosius exigunt pabulum. Æstate autem pluvia nonnumquam obest, nisi eadem sit vberior, quòd humor ille alimentarius apertas fibras facilè penetret, faciliùs exeat, vnâque secum insitum & nativum humorem educat. Sæpè vsuvenit vt pluvia mordaci, & acri exhalationi admista segetes adurat, idque æstate plerumque accidit.

Multi sunt pluvix adventantis indicia; vt Sol in ortu clarè affulgens, vel solito major, vel cæruleo colore infectus: nam vapor & Solis colorem immutat, & illius speciem auget; sic cum stellæ plus æquo scintillant, & lasciviant, pluviam prænuntiant. Idem vapor Lunæ colorem imminuit, ac pallidam exhibet. Flavæ circa exortum Solis nubes pluviam portendunt, quòd cum sint humiliores, calore Solis sursum tolluntur, & tandem in pluviam resolvuntur. Vespertinæ verò crastinam serenitatem promittunt: nam frigore nocturno recident. Sol

*Qua futura
pluvia indi-
cia.*

concavus oriens (vt loquitur Plinius) pluvias prædicit; si ante illius ortum radii se ostendant , aquam & ventum significabunt. Ex animantibus quoque pluviae futuræ signa conjiciuntur. Priusquam enim vapores cogantur in pluviam , jam insensibiles guttulæ infimum aërem complent , & proprio pondere decidunt. Tūmque vapor roridus subtilitate suâ poros animalium subit , ac vellicat. Hinc ubi gallus gallinaceus crebrò , & de die cantat ; cūm boves extento collo cælum suspiciunt ; felles barbam detergunt ; equi celerius promoventur ; pecora saltus edunt inconditos ; cūm denique porci stramina ore discernunt : tum pluviam imminere conjicimus. Accedit frequens ranarum coaxatio , quòd humidior aëre gaudeant. Copiosos aliquando imbres ventus vehemens in terram ruens antevertit ; tum fortè nubes cadit , quæ hunc ventum ac pluviam efficit ; quæ quidē nubis præcipitatio muscas , & alia minuta animalia in terram deprimit , quas hirundines tamquam prædam persequuntur. Quapropter cūm hirundines juxta terram volitant , tum pluviam brevi futuram prædicimus. Quinetiam , vt optimè Fromondus animadvertit , res insensibiles illo subtili vapore de quo mox diximus perfusæ , imminētis pluviae , aut tempestatis nos admonent. Trifolium inhorrescit , & folia erigit , quòd fibræ humido aëre intendantur. Siquis corium vituli marini Austro flante sub dio exposuerit , tum pilos emicantes , & erectos videbit : sed flante Boreâ subsident. Eadem causâ efficit , vt qui podagrâ laborant acriori dolore vrantur ; callum illud quod pedum digitis succrescit , fortiùs pungit : ligna in ignem coniecta crepitant ; fores magis strident. Quæ quidē ferè omnia ex eodem fonte , nimirum ex vapore rorido & subtili , qui pluviam solet præcurrere , dimanant. Hæc atque alia id genus indicia fallunt persæpe : nam idem calor qui vapores attollit , potest eos dissipare , vel in ventos diffilare.

Ros.

Iam quid de rore , pruinâ , & mannâ necesse est dicere , cūm eadem sit omnium materia , eadem prorsus effectrix causa ? Quid enim aliud ros , quàm vapor nocturno frigore concretus ? Hinc loca aridiora , ros nullus regit , quòd ibi humor deficiat : flante vento , vel cælo nubilo perparum roris concrevit : nam

uentus vaporem dissipat; ac pluvio cælo vel vapor nullus educitur; vel filamentis exhalationum implicatus cum nube confunditur. Siquis rore manus frequentius ablueret, fortasse scabiem, vel lepram brevi contraheret; quòd acria corpuscula habeat admista, quibus subtiliores fibræ dividuntur; hinc segetum rubigo, cum ros spicâ exceptus ardore Solis putrescit. Nec immeritò Chymici existimant nitrum subtilissimum rore contineri, quod fortè erucarum, atque aliorum insectorum procreationi multum confert. Nitrum quippe vim prolificam in se recondit. Quid autem pruina, nisi ros acerrimo frigore congelatus. Hæc cuniculos intra paucos dies saginat, quòd instar roris perdulcis existat, & nitrosa. Quod attinet illa filamenta, quæ Veneris capillitium vocant, & autumnò maximè, instar telæ aranæ volitant, nihil sunt quàm quædam nebularum veluti reliquiæ calore Solis exsiccata: hinc ductiles sunt & viscosæ.

Pruina;

Iam, vt minutiora quæque persequar, quid aliud mel, quàm vapor pingui exhalatione permixtus? Dulcedinem suam ac saporem, vires adèd omnes ab halitu tum florum, tum herbarum contrahit. Hinc flores odoriferi mel præbent suavissimum. Venenatæ herbæ mel quoque reddunt venenatum, quod plerumque pondere dignoscitur; nam gravius est innoxio, sternutamenta excitat, nec facilè densatur. Quo vapor meliùs digeritur, eo mel efficit præstantius. Manna species quædam mellis existit, ex pinguiori halitu æstivo calore sæpe concrevit in granula, & foliis quarundam arborum, vt abietum & cedrorum adhærescit.

De melle & manna.

SIMP. Etsi minimè impediendus est interpellatione iste cursus orationis tuæ, ignosces tamen, si quid ego de melle, & mannâ sentiam, paulò vberiùs aperiàm. Tu vulgi opinione ductus illa inter Meteora censēs, quæ mihi videntur admixta perfectæ referri oportere. Nam mel misionem constantem habet, & crasim stabilem; quinetiam fructus melle conditi diutiùs asservantur: in sua principia, vt mixta reliqua resolvitur, nutrit denique; quid igitur est cur illud inter Meteora, quorum partes sunt malè colligatæ, recenscas? Idem prorsus de manna iudico: sunt enim mel & manna congenera, at-

que ex iisdem ferè ducuntur causis , quas quidem nunc paulò diligentius inquirere non erit alienum. Vulgaris opinio est utrumque ex vapore rorido concrefcere : nam si æstivis diebus rorem colligas , eumque vitreo vase conclusum radiis solaribus exponas , is melleum saporem contrahet. Verùm hæc remotior mellis est, & mannæ materia ; propiorem verò inquirimus; neque enim ros omnis vires mellis, aut mannæ obtinet; nec consistit, nec radiis solaribus induratur. An fortè hæc nihil sunt, quàm florum vel arborum succi ? Siquidem mel non solùm manè ; sed etiam die toto ab apibus colligitur, idque ex profundis florum calicibus exfugunt, hinc etiam mel quoddam venenatum est, aliud amarum; est quod gratissimum odorem afflat, aliud autem foetet. Vnde tanta diversitas, nisi ex florum , herbarum , & succorum varietate ? Manna quod attinet, illud nihil esse , quàm succum & veluti lacrymam quarundam arborum existimat Altomarus Neapolitanus. Non enim alibi quàm in fraxinis, & ornis succrescit Calabriæ manna : si ros foret æreus, nihil esset causæ cur in aliis quoque arboribus non nasceretur. Imò sunt quædam fraxini vicinæ, in quibus manna oritur numquam, quòd steriles sint, & effoetæ; jussit ille arbores pannis tegi, ne ros deflueret; manna tamen sub pannis inventum est; non igitur illud ab aëre depluit; sed ex arboribus exsudat. Est gummi similius, quàm rori : hinc fraxini Calabriæ incisis corticibus manna profundunt, idque foliorum pediculis adhærescit , quòd sit humor excrementitius; vnde æstate, non hieme erumpit. An potius mel ac manna ex plantarum succis , & halituofo rore concrefcunt ; ita visum est olim Erasmo, & meâ quidem sententiâ immeritò reprehenditur à Libavio. Quid enim aliud quàm pinguis, & viscosus halitus, ex ipsis herbis, & floribus erumpens vnâ cum rore aqueo & subtili permistus mel primigenium efficit ? Illud apes ex omni genere florum decerpunt; os & ventrem onerant, ac nimium distentæ evomunt , atque in alveolis recondunt; ibi post aliquot dies musti instar fermentatur, & ebullit. Quapropter ex tribus saltem ducitur mellis natura; ex vapore rorido, pingui florum , atque herbarum halitu , & peculiari quâdam coctione, quam in apum ventriculis consequitur. Vt taceam de

de effluuiis quæ ex terrâ & aquâ iugiter dimanant ; nam sal quoddam nitrosum continet, vnde in locis mari finitimis copiosius invenitur. Ros ipse hoc nitroso sale non caret, ex quo vis illius acrior, & purgatrix exoritur : hinc fortè fermentatio in melle. Est igitur mel ros quidam, sed excoctus, viscidus & pinguis, in quo omnia insunt elementa. Ex vapore quidem & halitu concrefcit, sed odorem, & pinguedinem ex ipsis trahit stirpibus; hinc aliud thymum, aliud absinthium redolet; pars quidem roris aquosior calore Solis diffatur, sed ros melleus & tenacior remanet, quem exorto Sole apes colligunt; ille tamen aquam refert, & perspicuus est, cum in ventriculis apum continetur, idque evisceratis apibus, cum è pastu domos redeunt, facillè comperies; sensim flavescit, & crassiorem adipiscitur substantiam. Sæpe floribus, & foliis arborum guttulæ roridæ insident, quæ si digito leviter excipiantur, nihil ab aquâ differre videbuntur; at si linteo deterferis, melleum saporem, & pinguedinem præ se ferent. Ros igitur est ipsius mellis materies, sed ille ex plantis turgentibus potissimum attollitur, atque ex iis pinguedinem, & visciditatem depromit. Non succus est florum, vel arborum; nam sapor ille dulcis, vis acris & ignea quæ in recessu latet, tenacitas, color, vires adedò omni melli communes, ex eodem principio, & communi origine dimanant. Sed tamen inficiari non possum, illud ab ipsis, ex quibus colligitur plantis nonnihil affici, atque alterari. Multum quoque confert peculiaris quædam elaboratio in apum ventriculis: non enim mel quod vespæ conficiunt, ejusdem saporis, ac naturæ est, cum eo, quod ex apum alvearibus colligitur.

Cum melle multum affinitatis habet manna, idem ferè vtriusque sapor, neque origo multum diversa. Nec mihi placet Donati Altomari sententia, manna succum esse fraxini, vel ornî; præterquam enim illæ arbores non sunt resinosæ, cur quædam fraxini in Calabriâ manna profundunt, aliæ his finitimæ steriles existunt? Quid est cur in aliis regionibus nullæ fraxini manna præbeant, cur sola Calabria hanc habet prærogativam? Succus, gummi, vel lacryma vires arboris continet, est enim purissima essentia, naturæ ingenio extracta: at folia fraxini sunt

amara, fructus calidi & sicci, calculum comminuunt, hydro-
pem fanant; succus vires habet alexipharmacas: nihil horum
mannæ convenit; dulcem & nauseabundum obtinet saporem,
bilem subducit, calculosos non juvat. His atque aliis rationibus
Altomari & Clusii opinionem infringit doctissimus Magnenus.
Iam quæ causa subesse possit, cur manna Calabriæ solis fraxi-
nis, vel ornis insideat? an quòd istarum arborum folia non sunt
bibula, ac manna subdulce respuunt, cum ipsa sint amariora?
an cera primigenia quæ mannæ compositionem ingreditur, ex
iis arboribus copiosior educitur, cumque nihil sit præter lanu-
ginem quamdam fursuream, quæ ex plantis calore solari ex-
halatur, mannæ coagulationem multum promovet. Nam ros
liquidus ex quo manna componitur, siccis & minutis filamen-
tis, quæ ceram efficiunt, incrassatur. Eam porro esse ceræ pri-
migeniæ naturam tibi constare poterit, si apes onustas, & re-
deuntes omphaloptrâ diligentius intueri, atque acu os velis di-
ducere; tum enim asperginem illam è floribus collectam vi-
debis, ac magnum instrumentorum apparatus, quibus eam
subigunt, & fortè cum succis arborum viscosis permiscet. Fors
item est ut multa ejusmodi arbores recrementa profundant, eò-
que vberiora, quo major calor accesserit. Plantæ oleaginosæ,
quæ diutius durant, & combustæ flammam candidiorem præ-
bent, ex quarum censu sunt ornus & fraxinus, pinguiora ejus
generis purgamenta effundunt, ex quibus non modò cera pri-
migenia, sed etiam mannæ coagulum & concretio oritur.
Sed cur ex inciso cortice fraxini in Calabriâ manna distillat?
an quòd cortex bibulus hunc rorem intus admisit, quem ob na-
turæ diversitatem respuit? Cur foliorum pediculis adhærescit?
quia ob nodorum asperitatem ibi tenaciùs infigitur. Cur arbo-
res linteis obductæ manna præbuerunt? quòd ros lintea & pan-
nos faciliè subeat, ac penetret. Quare ros ille in alias arbores
non delabitur? quòd iis desit idoneum coagulum ad mannæ
consistentiam. Vnde illius dulcedo? ex melle primigenio. Qua-
re bilem subducit? ob naturæ familiaritatem hanc attrahit: sal
verò nitrosum quo manna non caret, naturam ad secretionem
extimulat. Nitrosi salis argumento est, quòd ubi inflammatur
multum edat strepitum, & spiritus nitrosi cum impetu dissiliant.

Huc accedit quòd ex rore Chymici nitrum colligunt. Terra quoque Calabriae nitrosa est; in aquâ manna exsoluitur, frigore nocturno concrefcit, calore Solis induratur, friabile est, & dulce; combustum nullos relinquit cineres: quæ quidem omnia ex cerâ primigeniâ, melle, & sale volatili, seu nitroso proficisci est verisimile. Pingui quoque & oleoso halitu constat; nam flammam concipit. Vbi aduritur, odorem spirat mellis ceræ admisti. Ex his igitur licet concludere manna ex pingui halitu, sale nitroso, & volatili; cerâ, & melle primigeniis constari. Ceram ex apum cruribus avulsam, viâ cum melle ex earum ventriculis expresso commiscuit Magnenus; sub dio hanc materiam de nocte in ficus folio reposuit; ante Solis exortum, quiddam mannæ non dissimile concrevisse reperit; erat enim mistura friabilis, & mellei odoris. Sed fortasse longius progredior: quare, si tibi videtur, refer te ad illa quæ nobis explicare occæperas.

MEN. Pervulgatas res requiris, & tibi non incognitas: pergam tamen quoniam ingressus sum, de meteoris quæ mihi nota sunt dicere. Haud equidem scio cur mel, manna, & saccharum ipsum inter mixta imperfecta recenseant: est enim saccharum quarundam arundinum succus alimentarius, qui salis naturam multum refert: siquidem in aquâ exsoluitur, & spiritibus ignitis abundat. Vnde ex affricu ferri lucem igneam in tenebris vibrat. Sic persæpe aqua maris vehementius agitata scintillat: nam salis spicula ex particulis aqueis explicata, & magnâ agitatione vibrata, globulos æthereos secundi elementi expellunt, ac subeunte primi elementi subtilissimâ materiâ, ignis procreatur, eo quo diximus alibi modo. Neque omnes fluctus, sed decumani & maximi scintillant. Nec crassior & turbida aqua maris scintillas emittit, quòd illius particulæ non satis lubricæ existant, vt salis atomi ex iis sese expediant. Imò æstivo tempore cum aquæ filamenta salis particulas minus ardè implicant, tum mare crebrius scintillare observamus. Est igitur saccharum quoddam salis genus; tamen si plurimum sapore differat, quod pinguiori succo temperetur: candorem suum, vt reliqua, ab atomis sphæricis mutuatur, quæ lucem vberiore, atque in omnes partes regerunt. Neque aliud nivi

Saccharum?

*Cur fluctus
maris ad
rupes allisi
scintillent.*

tantum candorem conciliat: nam mille globulos in nive, microscopii beneficio licet intueri.

Nix.

Quid ergo nix nisi quædam vaporis spuma frigore concreta? non quodd existinem cum Plinio, ex mutuâ nubium collisione, & conflictu, nivem instar spumæ ebullire: sed aëre forsitan, vel spiritu quodam tepidior turgent innumerabiles bullæ, quæ nivem componunt. Vnde cum nix imminet, frigus aëris non mediocriter temperatur, ac plerumque caput gravedine laborat, distillationes cerebri excitantur. An quodd spiritus quidam repentes, ac nivium prodromi, ut loquitur Fromondus, deorsum exprimuntur? ut ut sit, flocci nivis non decidunt, nisi vaporum filamenta frigore congelata, in vnum veluti globulum plura conspirent; nec coeunt, nisi extrema velut fila calore modico liquata floccum reddant, & densiorem, & graviorem. Quodd si illi globuli, priusquam terram attingant calore solvuntur, non nix ipsa, sed pluvia quædam frigidior delabitur. Sed ubi inter cadendum flocculi calore liquantur, atque iterum frigore concresecunt, grandinem præbent. Est igitur grando, gutta pluvie acerrimo frigore congelata. Hinc perspicuitatem & rotunditatem suam obtinet. Verum ubi nivem jam liquecentem ventus frigidior corripit, ac multos flocculos in vnum colligit, tum grando & maxima, & polygona præceps ruit. Hujus extrema sæpe tralucet, quodd extremitates prius liquefactas frigus occupaverit, neque intimas partes subierit: hinc nix quædam in medio opaca remanet. Æstate frequentior est: nam hieme non satis est caloris, ut is ad nubes usque sublimiores perveniat: inferiores quidem attingit, sed citius nix soluta decedit, quàm frigore iterum congelari queat. Cum igitur nix nondum liquata est, sed aliquantulum emollita, tum grando non pellucet. Sic nivis & grandinis figuras, tum venti, tum diversi halituum plexus, aut frigoris gradus, varias, ac propè infinitas exhibent. Alii grandinem ex nubis altioris in depresso casu summo frigore concresecere autumant; neque enim verisimile est, æstate cum aër infimus tepidior est, pluviam delabentem congelari. Nec prope terram, sed in mediâ aëris regione, ubi frigus intensissimum regnat, congelatur, I. Mirari subit quodd plerumque nivis flocculi instar stella-

Grando.

rum sex radiis distincti appareant. Placet Cartesio plures globulos simul & in eodem plano agitados plerumque sic coïre, vt sex globuli eundem circulum efforment. An potius ad spiritum vniversi, & rationes seminarias cum Platoniciis nos conferemus? rerum enim omnium semina suis figuris instructa sunt; nec animantes modò, sed etiam res vitæ expertes suas à naturâ figuras fortitas esse arbitrantur. Nivem aiunt fertilitatem terræ inducere; seu quia succum benignum instillat; seu quòd terræ & plantarum halitus contineat, neque expirari sinat. Hinc in montibus nive obductis, erumpentes halitus sibi fornicem, aut crustam excavant, sub quâ læta exsurgunt gramina. An fortè fecunditatem suam ab halinitro mutuatur? Hinc facile in aqua solvitur, & dissoluta ventum frigidum spirat. i i. Nix diu attrectata manus calefacit: nam primò calidum sanguinem atcet, qui postea copiosior & vberior affluit: vel fortè nix ex innumeris sphæculis compacta fibras eodem modo agit, ac calor. i i i. Nix est friabilis, quia globulis constat, qui facile separantur. Eamdem ob rationem perstringit oculos, quòd vberior lucem ex illis sphæculis reflectat: vnde qui mediis in nivibus habitant, plerumque debilius sunt visus. i v. Nix aquæ innatat, quòd multo aëre turgat. Sed cur grando citius, quàm nix calore solvitur, cùm grando acriore frigore concreverit? Id propter densitatem grandinis forsitan evenit. Quemadmodum libra plumbi citius quàm butyri liquefcit; quòd vbi pars vna calorem concepit, statim eum proximæ communicat, & ita quasi per manus citissimè calor per omnes partes diffunditur. Prætereo alios effectus nivis, quos Fromondus recenset; quòd bulimiam, ac quoddam virium deliquium in iis excitet, qui nivali tempore iter faciunt: quia halitus nivales fubeunt corporis meatus præ calore apertos: atque aded calor naturalis vberior expirat. Iidem halitus ventriculum, & pulmones malè afficiunt, ac vellicant; cui morbo remedio sunt, tum panis, qui benigno spiritu ventriculum recreat; tum etiam vehementior ruffis, quâ maligni halitus excutiantur. Cùm ningit, campanarum sonitus, vel colloquentium ex proximo voces vix audimus, quia sonus in flocculos nivis tories impingit, vt tandem dissipetur, nec per eorum intervalla

*Quare nix
sex radiis
plerumque
distincta
videatur.*

integer permeare possit. Nix itaque hoc à pluvîâ differt, quòd illius corpuscula adeò sint exigua vt delabi nequeant. Nam flocci nivis nihil sunt quàm veluti cineres conglobati, non continui, hinc illius candor, vt sæpe monuimus. Nix porrò in loco sublimiore, quàm pluvia generatur; cùm excelsorum montium juga nive perpetuâ obducantur, neque vllâ pluvîâ solvantur. Mollis est quia ex tenuissimis compingitur atomis. Frigus aliquantulum remittitur, cùm nix imminet: quia nubes nive prægnans coarctat aërem terræ finitimum, atque halitus è terrâ erumpentes repercutit, qui calorem augent. Postquam verò nix delapsa est, tum aër magis tepet: vel quia Sol radios prius nubilo oppressos, jam liberius vibrat; vel quòd nubes antè pendula frigore subjectum aërem infestabat. Ita quidem videtur Thomæ Anglo.

*De pluviiis
portentosis.*

Hic nihil addam de prodigiosis pluviiis, de quibus tam multa alii scripsere. Nam & sanguinem, & lac, & lanam, imò & lapides pluissè, Historiarum monumenta prodidere. Refert Agricola anno 1534. in Sueviâ pluissè sanguine; ita vt vestes rubris & sanguineis crucibus tingerentur: idem in Germaniâ & Belgio anno 1501. contigit. Quoties Romæ lapidibus, & metallis pluit? hæc partim fuerunt divinæ providentiæ miracula, quorum tota ratio est omnipotentia facientis; partim etiam ex abditis naturæ prodire. Vapores è terrâ rubrâ sublato pluviam rubeo colore inficere posse multi arbitrantur, sed falsò; nam vapores elati pristinum colorem exuunt, vt in aquis distillatis videre est. Nec aqua rosea rutilum rosæ colorem servat. Quid igitur? an maculæ sanguineæ lapidibus ac parietibus adhærescentes, non ex pluvîâ, sed ex erucis oriuntur; quæ in papiliones abeunt, atque vbi spolia exuunt, guttas relinquunt sanguineas? Rem ita se habere clarissimus Peireskius anno 1608. observavit. Hinc cruentas illas maculas vix aquâ ablui posse, referunt historici, quod ipsa demonstrat experientia in illis papilionum excrementis; neque è cælo sanguineas guttas decidere, hinc constat, quòd neque in ædificiorum tectis, nec ferè in oppidis: sed potius in agris, atque in foraminibus, in quibus nidulantur; neque in devexis, & cælo obversis lapidum superficiebus, sed in averfis, & concavis conspiciantur.

tur. Sunt quædam ex illis guttis satis illustres, quæ aliquando assis magnitudinem exæquant. Neque inficias ibo vapores multis corpusculis terrestribus vel succis permisceri, quæ lactis, vel sanguinis colorem præbeant. Nam terrestria corpora vsque ad mediam aëris regionem attolli posse, hinc jam ostendimus, quod ubi nix, vel pluvia resedit, in fundo vasis multum limum liceat inspicere; imò & pili animalium grandinum granis inclusi visuntur. Sed de his jam nimis. Per pauca adderem de ventorum origine, nisi longius me esse proVectum, quàm institueram, jam pœniteret. Nescio enim quo pacto omnia ferè meteora, non solum ex Cartesii mente; sed etiam ex Peripateticorum fontibus exposui: nec potui pauca nisi è multis seligere.

S I M P. Nihil est quod te pœniteat: res enim amplissimas, non jejuno quidem & exili stylo, sed tamen expresso, & contracto conclusisti. Hæc sanè ratio, & via docendi multum Cartesio arridet: hinc plerisque subobscurus videtur. Profectò affectata illa breuitas mirificè me delectat. Quid enim ineptius, quàm flexuosis ambagibus res minimè obscuras involvere. Perge igitur, quæso te, de ventorum naturâ, & origine, quid sentias expromere. Quicquid dicturus es æquis & attentis auribus excipiemus.

M E N. Quid senserit Cartesius, quæque acceperim, ex sermonibus, colloctionibusque amici nostri, cujus ingenium acerrimum & prope omnium rerum capax meritò demiramur (nosti, mi Simplici, quem hoc elogio designem) paucis aperiam. Ventus nihil mihi videtur, quàm aëris maiorem locum affectantis agitatio. Hic communis sermonis consuetudine abutimur: aërem quippe dicimus corpus quod nec visu percipitur, nec manibus contrectatur. Quamquam ventus ipse non tam aëris sit, quàm vaporum agitatio. Neque vtrumque confundimus, vaporem, & aërem; hic faciliùs comprimitur, agrè dilatatur; ille cùm ex aquâ prodierit multum explicatur, vix coarctatur. Ventus verò ex dilatatione profisciscitur, non aliter atque in æolipilis aquei vapores subiecto igne irritati, suis gyris maiorem quærunt locum, atque in patentem aërem magno impetu per foramen angustissimum prorumpunt. Non dissimili modo vapores ex aquis, nubibus, atque humidioribus terris

*De ventorum origi-
ne.*

sublati, totum aëra exagitant; atque in eam maximè partem feruntur, ubi aër frigore vel aliâ de causâ densatus eos excipit. Cùm verò exhalatio tantæ dilatationis non sit capax, ventus non tam halitus erit, quàm vapor. Quòd ea sit ventorum causa, ex æolipilis ipsis colligimus: nam ubi incaluerit, ventus ex iis tamdiu erumpit, quamdiu aqua suppetit. Sic plerumque ex antris spirant venti: aliquando ex imo mari prodeunt: interim per terræ meatus diffantur, ac sæpe post terræ fremitus spirant. Hinc liquet cur venti, ac procellæ sint in mari, quàm in terrâ majores; quòd vberiore vaporum copiam mare suppeditet. Exhalationes verò quæ è terrâ erumpunt, non tantùm valent, nec tantam sustinent dilatationem. Iam cur ortivi plerumque venti sub ortum Solis, occidui spirant vesperè? Ratio in medio est, aërem noctu condensatum Sol exorians dilatat, & vapores vberiores excitat, qui vtrîmque in partes Soli oppositas cientur. Vesperè & sub occasum Solis venti qui in nostras partes reflant, occidui; qui verò in eas regiones ad quas Sol accedit spirant, ortivi dicuntur. Cùmque aër continuo fluxu in occasum labatur, sive id telluris motus, sive diurna cæli efficiat conversio: palàm est cur ortivi venti sicciiores & vehementiores existant, nam duplici impetu aër propellitur, ac vapores subinde disjicit, nec coalescere permittit; sed occidui motu in contrarias partes nitente nubes sistunt, & condensant; hinc imbriferi sunt & humidiores. Huc accedit quòd aër noctu densatus Orientales ventos majori impetu ruentes excipit. Siquidem solæ aëris compressio ventum persæpe efficit. Sic nimbus cadens magnum ventum excitat. Nonnumquam evenit ut nubecula delabens nullum sensibilem in patenti aëre ventum procreet; sed in caminorum tubis collecta cineres & paleas turbinet. Neque vlla, si bene conjicio, tempestatum ac turbinum causa afferri potest, quàm nubium è sublimi aëre in terram lapsus: nam hinc copiosi imbres, & vehementes venti oriuntur. Densatæ quippe nubes dant pluviam, & suo lapsu aërem exagitant, non secus ac si velum expansum ad terram identidem allideres. Hæ quidem procellæ in mari & crebriores sunt & magis pertinaces. Nam maxima vaporum copia ex mari erumpit, & quo nimbi sunt vel densiores, vel graviore, hoc majores excitant procellas.

Verùm

Verùm vnde tam incertæ sunt ventorum tum vicissitudines, tum etiam affectiones? Ventus enim ex eodem spirans loco, nunc siccus, nunc humidus existit. Numquid humidior erit si ex proximo lacu, siccior, cùm ex arenoso loco perflaverit? Quare in Ægypto Auster, qui ex Africæ arenis nascitur siccissimus est, nec pluias cogit. Numquam adeò, vel rarò in Ægypto pluit, nam qui à Meridie flat ventus siccus est, nec vapores ab Oceano Australi ortos potest eò adducere, quia priùs dissipantur, quàm in Ægyptum perveniant. Boreales quidem venti, à Mediterraneo mari spirant, sed frigidiores sunt, & ferociores, quàm vt vapores densare queant. Addunt nonnulli igneos spiritus ex Ægypti solo continenter erumpere, qui nubes concrefcere non sinunt. Indicio est soli fertilitas, vel corporum sepulcorum quædam incorruptibilitas, necnon diuturna incolarum vita. Iam vt ad eam partem sermonis, ex quâ egressi sumus revertamur, sicciores venti vaporibus terrenis, qui multo aëre & halitu abundant, humidi verò aqueis constant. Tantam porro inæqualitatem ventorum causæ propè innumerabiles efficiunt. Multi credunt variam Lunæ illustrationem non parum in procreatione ventorum momenti obtinere. Vt taceam de calore subterraneo, montium, & vallium asperitate, & diverso cavernarum situ. Nonne hæc atque alia penè innumera tantæ ventorum inæqualitati sufficiunt? Quocirca vbi omnes, vel plurimæ ex his causis defunt, venti magis vniformes, & æquabiles spirant. Vnde illud amplissimum mare, quod ad Austrum dirigitur, Pacificum dixere, non quòd tutum sit à tempestatibus, sed quia illud minùs irregulares venti perflant. Non omittam quosdam ventos penè anniversarios existere; vt in nostris regionibus Etesias, seu Boreales, qui quotannis post æstivum solstitium ferè spirant. An fortè Sol vbi ad tropicum Cancrì pervenit, ex locis Aquilonaribus vapores educit copiosos, quos efferre non potest, cùm versùs Austrum longiùs abscedit? Sic verno tempore procellæ sunt crebriores, quòd Sol ad Boreales plagas nubibus, & nivibus opacas, tum declinet, & magnum vaporum proventum sursum tollat, qui nocturno frigore statim densantur; sed diurno egent calore, quò dilatarì queant, & in ventos diffari: quare tum temporis ven-

ti Boreales & ortivi dominantur. Iam ne longior sim, dicam cur circa oras maritimas, ventus de die à mari flare soleat; noctu verò à terrâ: hæc enim calorem pertinaciùs retinet, quàm aqua, vnde propter calorem illum superstitem, terra etiam noctu vapores ventis procreandis suppeditat, qui quidem venti ad mare diriguntur, quòd ibi nocturno frigore àër condensetur. Sed de ventorum origine satis supérque dictum puto: nec tibi, mi Theophile, quantum ex vultu intelligo, magnopere probantur.

*Cartesii
placita ex-
penduntur.*

TH. Non adeò morosus sum, vt omnes Cartesii, vel aliorum recentiorum opiniones, quâ bonas, quâ malas insecter: sed nondum ita me comparavi, vt tanti viri decretis, vt inconcussæ fidei oraculis planè acquiescam. Sæpe vsuvenit, vt illius inventiunculæ excussæ risum habeant, quæ inventæ facie ingenii blandiuntur. Iam vt contentiones, quantum potero, minuam, salis atomos rigidas, aqueas verò esse flexiles; nubes, pluvias, & alia id genus meteora, eo ferè modo fingi, atque exposuisti, non invitus concedam. Nisi quòd substantiam illam ætheream adeò subtilem minimè arcessendam putem, vt explicemus modum, quo glacies concrescit: vel guttae pluviarum conglobantur. Mallem equidem ire in Francisci Vallesii sententiam, quâ existimat spiritum igneum, per fluida corpora diffusum, illius fluiditatis causam existere. Siquidem metalla ignitis particulis agitata liquantur. Tum igitur aqua, & cæteri liquores congelantur, cum calidæ atomi præ frigore expelluntur. Nec multum diversa est doctissimi Fabry opinio, quâ putat ignitas particulas præ nimio frigore, in primâ aquæ superficie dividi: hinc ne quid inane remaneat, partes aquæ contrahuntur, atque superstites ignis atomos implcant: vnde aqua purissima, si quæ foret, non posset congelari, vti nec vini spiritus, qui vberiore igne abundat. Aqua jugiter fluens, non facilè congelatur: nam perennis motus contractionem partium arcet, & novas subinde ignis particulas sibi comparat: eâdem ratione salis corpuscula nativo calore frigori resistunt. Hinc denique glacies levior efficitur, nam poris & foraminulis magis hiat, maiorem adeò exigit locum. Illam esse intimam congelationis causam pertinaciter tueri no-

lim: est certè verosimilis. Postremò nobilissimi Digbæi sententia non abhorret à vero; terrea, sicca, & exigua corpuscula aquam subire, penetrare, dividere, ac poris demum suis imbibere, cùmque plena & satura fuerint, eorum lateribus reliquæ liquoris, vel aquæ particulæ adhærescunt, adeò vt glacies non aquæ rarefactione, vt visum est Galilæo, sed potiùs condensatione, & novorum corporum ingressu concresecat. Majorem quidem locum aqua congelata obtinet, & videtur quasi intumescere, quòd novì spiritus accesserint, qui cùm sint aquâ leviores, nihil mirum, si glacies in aquâ non deprimi, sed magis extare videatur. Circa vasis latera dehiscit, vt viam novis atomis aperiat, quæ aquam altiùs congelabunt. Hinc qui aquam æstate congelant, nivem, vel glaciem, cum nitro, aut sale ammoniaco permiscant, vt salis calor cum siccitate conjunctus frigiditas nivis partes protrudat, quæ subeuntes aquam lagenâ vitreâ conclusam sensum congelant. Nix fortè non dissimili modo concresecit, nisi quòd in nive aquea corpuscula magis distrahuntur, in glacie sunt confertiora. Pluvia in guttas conglobatur, quòd ab ambiente aëre stillicidia vndique premantur æqualiter. Nubes verò in medio aëre sunt pensiles; non quòd continuo vaporum ascensu veluti fulcian-
 tur; sed quia æqualis sunt cum medio aëre ponderis. Illud quippe staticæ leges exigunt, vt corpora quæ sunt leviora, liquidis immersa sursum tollantur. Quare nubes eo sublimiùs efferuntur, quo sunt leviores. Sunt quidam aëre opaciores, sed non continuo graviore; vt lignum aquæ impositum extat, quam tamen opacitate vincit. Quòd autem infimus aër, & densior, & gravior superiore existat, refractiones siderum, vbi horizontem stringunt, apertissimè demonstrant: siquidem sereno & tranquillo cælo 34. minorum refractionem patiuntur, tum cùm oriuntur, vel occidunt; sed vbi ad 30. graduum altitudinem pervenere, tum ab omni refractione sensibili liberantur. Dixerit aliquis, nubes vaporibus & pluviâ graviora ipsam aërem densitate superat, & pondere. Id verò non concedo, donec nubes frigore constricta pluviæ guttas exprimat. Hinc nubes vaporibus & pluviis foetæ longè sunt depressiores, quàm fumi terreni, qui vsque ad supremam aëris regionem efferun-

*Objection.**Solutio.*

tur, & ultra 50. milliaria conscendunt, ac crepusculorum faces accendunt. Media verò aëris plaga non ultra 4. milliaria porrigitur: hucusque enim vapores evehi possunt, ac tantum ferè altitudinis Ætnæ vertici perpetuis nivibus obducto tribuit Abbas Maurolycus. Sunt quidem alii in Peruvîa montes longè sublimiores, quorum juga nulli vapores obnubilant. Cùm igitur nubes nobis finitimæ vix ultra dimidium milliare, vel 500. passus à nobis distent, (vt norunt ii qui Alpium, & Pyrenæorum juga conscendêre) necesse est mediæ regionis altitudinem trium ferè milliarium cum semisse existere: non enim ultra 4. milliaria vapores ascendunt, aut nives concrefcunt. Sed de his hæctenus.

*De ventorum
causis,
& naturâ.*

Nunc videamus quæso, quid tandem novi de ventorum origine Cartesius attulerit. Diu est quòd Seneca nos docuit edi è specu ventos, recessûque interiore terrarum: tametsi non putat hanc solam esse ventorum causam. Addit aquarum, terrarumque evaporationes; ex his gravitatem aëris fieri, deinde solvi impetu; cùm quæ densa steterant, vt est necesse, extenuata nituntur in ampliorem locum. Sed nimium ingenio indulget suo, cùm docet aërem se ipsum movere, atque in aëre, vt in aqua esse quiddam vitale, omnis motus principium. Modò, inquit, aër spissat se, modò expandit & purgat: aliàs contrahit, aliàs diducit: hocque interest inter aëra & ventum, quod inter lacum & flumen. Quid enim ventus nisi aër fluens impetu, aut cursus aëris aliquò concitior? Hanc certè definitionem non aspernamur: sed quid illum impetum procreat? negamus aërem vivere, neque id vllâ ratione probari potest. Quid igitur aërem incitat, nisi exhalatio multo vapore permista? nec tamen sola ipsius halitus dilatatio majus spatium affectantis, ventum ciet: nam æstate vehementiores flarent venti, quàm vere, & autumnò: siquidem quo radios in terram rectiores Sol jaculatur, hoc aërem, & vapores magis extenuat. Quòd si solâ rarefactione, vel condensatione ventus procreatur, necesse est vt in omnes simul partes spiret; quandoquidem aër in orbem diffunditur. Hanc igitur vaporis, vel halitus extenuationem esse quidem in parte, sed non solam ventorum causam existimo. Nec mihi quorundam Peripate-

ficorum sententia arridet, exhalationem fursum nitentem nubium objectu repelli, quæ cum præ levitate non possit descendere, nec fursum efferri, in transversum movetur. Quod si ita sit, necesse est vt ipsas nubes fingamus tamquam corpora solida, quæ exhalationem adeò fortiter reflectunt: neque in eandem, sed in omnes partes venti resilient. Huc accedit quòd media aëris regio longè foret gravior & solidior infimâ. Quæ igitur causa hunc vento motum imprimit? numquid terræ pulmones cum Keplero, vel Angelos cum Bodino obtendemus? sed alterum vanum est, ac fabulosum; alterum Philosopho indignum videtur: tanta quippe ventorum inæqualitas causam habet minùs constantem & certam: atque vt flumina naturali impetu labuntur; sic motum aëris à causâ naturali proficisci existimare par est. Non inficior tamen creaturam visibilem per spiritus invisibiles regi: verùm alias his rebus causas & propiores, & magis cognatas inquirimus. An singulis ventis, qui provinciales dicuntur, & in certis regionibus spirant, singulos quoque Angelos, quasi præfectos tribuimus? Sed, inquiunt, dæmones plerumque solent, & ventos, & tempestates excitare: sic magi vnde libuerit ventos evocant. Addit Bodinus, quòd si cadaver ex Ægyptiorum sepulcris erutum navibus aliò transvehatur, violentissimæ tempestates tamdiu navem jactant, quousque vel demergatur, vel cadaver in mare projiciatur. Vnde qui Alexandriâ solvunt nautæ scrutantur onerarias naves, ne fortè quis mumiam imposuerit. Hæc atque alia id genus persuadent quidem multum Angelis, & dæmonibus licere in hæc inferiora, ac ventos posse vndequaque excitare; multa extra naturæ ordinem operari: sed eos esse ventorum impulsores, & quasi æolos, vix homo sanæ mentis crediderit. Quid ergo ventos ciet? numquid vt placet Aristoteli, exhalatio fursum sublata à sublimi aëre versus occasum cæli vertigine abripitur, & obliquè detorquetur? At necdum satis constat sublimem aërem primi mobilis conversione rapi: neque facile concipitur, quî hoc fieri possit. Altissimorum certè montium vertices nullo inquietari vento compertum est. Accedit quòd omnes venti ab ortu flarent, ac nubés in occasum propellerent. An fortè nobis in Fromondi sententiam concedendum

Kepleri & Bodini sententia refelluntur.

Objectio.

Responsio.

Opinio Aristotelis perstringitur.

est, quâ putat ventos in terram suo pondere delabi? At ventus non adeo gravitat, ut tanto impetu præceps ruat: maximè cum præ levitate suâ sursum sublatus fuerit. Vnde ergo tantum virium sibi conciliat, ut arbores altis infixas radicibus evellat: id nobis discutiendum est. Sive ventus exhalatio quædam sicca; sive humidus vapor censeatur; vel quod mihi magis placet, exhalatio sit vapore permista: suâ quidem levitate hunc crassum aërem perrumpit; sed mediæ regionis frigore densatus, instar torrentis confertim fluit. Non quidem, ut imber, cadit ad perpendicularum; inferior enim aër resistit; sed movetur in transversum, hoc validiùs, quo major fuerit exhalatio. Nam quæ sequitur præeuntem vrget, & instar fluctuum alia aliam pellit. Hinc sæpe venti vires acquirunt eundo; quo enim plures imprimuntur ictus, eo magis crescit impetus. Sed tamen cum longiorem tractum decurrunt, pars melior exhalationis plerumque dissipatur. Qui ex altiori loco decidunt, longiùs promoventur. Ventus Borealis cum densior sit, & gravior, quasi rectà deorsum propellitur. Non rarò ferocior est Austro: nam sæpiùs acriori frigore densatur. Auster verò, nisi imbribus sit gravis, levior est Aquilone & magis in obliquum fertur. Hinc cessante Austro, fluctus quos excitavit, non statim subsidunt: quemadmodum æstus quos Aquilo commovit, qui subito sternuntur, ubi ventus resederit. Nam Aquilo vehementior quidem est, sed deorsum ruit: non item Auster, qui fluctus ex transverso perstringit. Sæpe tamen evenit ut ventus proprio pondere in terram præcipitatus, non statim frangatur; sed resiliat, vel propter impetum quem sibi acquisivit, vel quòd vna exhalatio aliam vrgeat & insequatur; vel denique quòd crassior sit aër terræ finitimus, quem non facilè perrumpit halitus ventosus. Nonnumquam in contrarias partes feruntur nubes: nam qui leviori halitu constat ventus, sublimior est, nec facilè delabitur. Contingit aliquando ut infimum aëra ne minimus quidem ventus sollicitet, cum tamen eodem tempore nubes celerrimè promoveantur. Horum omnium vna est communis causa, quam subinde attigimus: major aëris inferioris densitas, quem idcirco levior exhalatio non gravat. Quo verò aër magis densatur, eo minùs vaporum minutissimæ

atomi in vnum coïre queunt. Hinc flante Aquilone cælum serenum esse solet: sed vbi Auster spirat, tum aër calore laxatur, & vapor resolvitur; in maiores adeò globulos colligitur. Ille est salubrior, quòd poros adstringat, calorem nativum contineat, nec facilè exspirare patiatur: sed flante Austro caput gravedine laborat, quòd corporis meatus subtili & calidæ exhalationi pateant, quæ humores fundit. Non easdem tamen vbique terrarum qualitates venti obtinent: nam Aquilo pluvias ac nubes vehit, cùm à mari, vel lacu vicino spirat: Auster in Africa serenus est & siccus, quòd prodeat ab arenosis terris. Illud etiam constat, tenuem quamdam auram à mari, & magnis fluminibus excitari: nam Sol vapores citiùs quàm exhalationes educit. Huc accedit quòd aër fluentis aquæ motui obsequitur. Sed cur venti solent maximorum circularum arcus decurrere? an quòd brevissimam affectant viam, quæ in sphæræ superficie est arcus circuli maximi? cur in vnam potiùs partem, quàm in alteram spirant? an fortè id ex situ spiraculorum, ex quibus erumpunt, vel ex aëris resistentiâ dependet? quare alii sunt graves, alii leviores, nonnulli pluvias vehunt, alii cælum serenant, quidam salubres, alii sunt insalubres? hæc quidem dependent è terrâ, ex quâ educuntur, quæ si humida sit & frigida, densiores; si calida & humida, copiosos; si ficior, leviores procreat ventos; item ex calore qui hos vapores effert, qui quo fuerit intensior, crassiores halitus educit. Denique venti eam fortiuntur naturam, quæ materiæ, ex quâ prodeunt, convenit. Postremò minuta illa corpora, quæ vel radiis solaribus, vel calore subterraneo turmatim prorumpunt, in ipso itinere alia offendunt corpuscula, cum quibus sæpe consociantur; quæ si fuerint humida, frigidioris venti occursum in nivem, aut grandinem densantur. Si ventus ficior fuerit, imminet arcet pluviam; nisi major sit vaporum copia, quàm vt à vento exsiccari possint, tum enim pulvis ille cum imperu protrusus, quem ventum dicimus, inito cum humidis vaporibus cœdere in pluviam concrefcit, atque effuso imbre ventus concidit.

De ventis anniversariis nihil necesse est dicere. Etesias vocant, qui æstate à Septentrione quotannis flare solent; sive con-

cussæ magno calore nives (vt cum Seneca loquar) plus vaporis efflent; sive quòd terræ exoneratæ nivibus, retectæque spirent liberius: nam probabile est spiritum nivalem sursum efferrî, & frigore densatum recidere: quare Etesiarum ab Aquilone flatus in Meridiem dirigitur, quòd ibi aërem solutiorẽ, & calore jam dilatatum offendat. Neque alia mihi succurrit ratio, cur in zonâ torridâ Subsolanus ab ortu in occasum indefinenter spiret; nam eò ventus incumbit, quòd liberior exitus invitat, & loci laxitas: nocturno quoque frigore aër condensatur, quem Sol exorïens dilatat, ac novos subinde vapores attollit, qui quærunt quòd diffuant, & eò potissimùm exeunt, vbi plurimum vacui est, & magna, & patens area. Agnoscitis Senecæ verba, quæ facile est traducere ad perennem illum motum explicandum, quem in zonâ torridâ ab ortu in occasum flare experiuntur: nisi si quis fortè velit cum Keplero, & aliis Copernicanis insanire, huncque ventum terræ motui referat acceptum. Terra, inquit Keplerus, in illis regionibus velocissimè rapitur ab occasu in ortum; nec tam celerem motum aër consequi potest; vnde in contrarias partes videtur refluere. Quid igitur causæ est, cur circa vigesimum septimum gradum latitudinis Favonius ferè indefinenter spiret? Crediderim potius Solem ex his locis vapores continenter attollere, qui Sole recedente in ventum diffantur, hic ultra vigesimum septimum gradum occursum litorum resilit; hinc Favonius decem subsequentes gradus occupat. Quòd verò Thomas Anglus ex illo æquabili motu æstum Oceani deducat, vix adducor vt credam ventum tam leniter fluentem totum Oceanum abripere, qui occursum litorum ad Orientem refluat. Majores certè æstus sub æquatore, quàm versus polos contingerent: cur vnâ ferè horâ tardius recurrerent? Quod addit mare ab extrariâ causâ agitari, quia observatum est in locis non admodum profundis infra sextam orgyiam contineri; adeò vt inferior aqua quieta sit, & placida; id si verum est, causâ quam ex terræ libratione, mihi Simplicius, duxissî, non parum vacillat: sed longius excurro.

Iam quæ restant decurramus: diu noctûque in eadem partes perflat ventus, quòd Solis motum consequatur: nam Solis

lis calor, quod sæpe dictum est, vicinum aërem dilatat; laxatus aër exhalationem ad se invitat. Nihil addam de procellis quas Ecnephas vocant; nihil de turbinibus. Ecnephas nihil est quàm spiritus è nube disruptâ ruens; acer est, & vehemens, quòd non fusus, nec in apertum veniat, sed laborat, & iter sibi vi, ac pugna parat. (non ignoratis vnde tam magnifica verba depromam) Ventus verò circumactus, & eundem ambiens locum, & se in ipsâ vertigine concitans, turbo est. Nam vt flumen incurrens in aliquod saxum, retorquetur, & in orbem aquas sine exitu flectit, sic ventus quandiu nihil obfistit, vires suas effundit; sed vbi aliquo promontorio percussus est, aut in tenuem canalem collectus, sæpius in se volutatur, similémque aquis facit vorticem. Quòd si pugnacior est, ac diutius volutatur, inflammatur, & efficit quem *πυρσκη*. Græci vocant: hic est igneus turbo. Neque alia est, vt mihi videtur, fulminis & tonitruui causa, de quibus continuò agerem, nisi esset à cæteris separata ratio: hæc quippe ad ignita metæora pertinent.

CAPVT QVARTVM.

De ignitis meteoris.

- I. De fulguris, fulminis, & tonitruui naturâ, causis, & effectibus. II. De reliquis impressionibus ignitis disseritur.

M E N A N D E R.



ST sanè quamquam diversarum rerum quædam vicinia; siue enim Ecnephas sit ventus sicca nube excussus, siue sit nubes magno impetu cadens; non aliter ipsa fulmina, & fulgura creantur. Quid enim fulgur, nisi exhalatio fulfurea nubibus intercepta, & superiorum nubium casu, vel agitatione inflammata? Superior quippe nubes calore soluitur, atque in inferiores non sine magno sonitu ruit, eoque maior est fragor, quo nubes sunt crassiores. Sæpe evenit, vt

*De fulgure,
fulmine, &
tonitru.*

exhalatio inflammabilis copiosa quidem fit; sed non satis densa sint nubes, tumque citra tonitru micant fulgura. Contra accidit, si densis, & solutis nubibus exhalatio sulfurea, & nitrosa desit: tum enim tonat quidem, non fulgurat. Fulguratio, ait tuus Seneca, mi Theophile, est latè ignis explicitus: fulmen est coactus ignis, & impetu jactus. Nubium in se compressarum angustiae medium spiritum emittunt, & hoc ipso inflammant, & tormenti modo ejiciunt. Quapropter fulmina exploduntur fermè, ut turbines: nisi quod turbo est cruda exhalatio cum nubibus in terram demissa, & sursum non sine magno impetu reflexa, quae obvia quæque contrita vertigine turbinat: sed fulmen exhalatio quidem est inflammabilis, quae nubibus intercepta, & constricta, sæpe in lapidem concoquitur. Siccas quippe, & terrestres partes in mediam aëris regionem attolli, & in fundo vasis ubi diutius pluvia resederit, terrenas faeces conspici, jam subinde monuimus: quae quidem cum nitrosis, & sulfureis fumis permixtae, & incensae, in lapidem abeunt. Quid igitur mirum, si acres, oleosae, & terrestres particulae, in nube tamquam in fornace decoctae, lapidem ceraunium conslent: tamen nemo ex veteribus, ante Avicennam, hujus lapidis meminerit. Ex qua igitur materia fulmen cuditur, nisi ex terrâ, nitro & sulfure? Communis quippe est pulveris pyrii, & fulminis materies; utriusque effectus omnino sunt similes. Quocirca nubes cava instar tormenti erit, cujus claustra dum sulfurea exhalatio disrumpit, & tonitru, & fulgur, & fulmen efficit: fulguratio ostendit ignem, fulminatio emittit; illa comminatio tantum est, ista jaculatio cum ictu; nec naturâ, sed impetu distant.

Quare fulmen in terram dejicitur.

Enimverò multa nos abeuntes retrahunt. Primum quæ fieri possit, ut sola fulminis flamma tanto impetu in terram usque dejiciatur? non enim flamma è tormentis bellicis tam longè prorumpit. An fortè exhalatio illa viscosa est, & tenax, nec facile dissipatur, quod non sulfurea modò, sed etiam bituminosa sit? Sulfur quidem ipso odore se prodit: bitumen verò non abesse hinc conjicimus, quod in aquâ non extinguatur. Multa profectò in chymicis operationibus, fulmini non dissimilia intuemur; nam calcem auri fulminantem,

atque ingenti strepitu deorsum nitentem præparant : vt nihil dicam de croco antimonii , quem per detonationem eliciunt. Sic vbi æs Cyprium in purum excoquitur , si antequam perfectum fuerit , aliquantulum aquæ injeceris , prorumpit ex catio , non sine magno strepitu , ac prosternit quidquid attigerit. Sed quare fulmina deorsum potius , quàm sursum vibrantur ; nam aër infimus , densior cùm sit , plus resistit ? An quòd in illo conflictu densata nubes , vel confertus imber è sublimi aère ruens fulmen deorsum præcipitat ? iuvat etiam *varii ful-* inquirere , cur fulmen alta quæque feriat ; cur aliquando illæ- *minis esse-* sâ vaginâ ferrum fundat ; cur dolia intacta fulmine exhauriantur . Excelsa quæque fulmine iciuntur , quòd non rectâ deor- *ius.* sum ; sed ex obliquo fulmen demittatur : vnde excelsa quæ sunt , sæpius ex transuerso occurrunt : nubes quoque in mediâ sui parte faciliùs distrumpitur , cùm turtis , vel montis cacumen subest , quia plus ibi resistitur.

Cæterùm non eadem semper est , & vniuersi modi exhalatio , quæ fulmen accendit : si pinguis fuerit , & oleosa , mollia tantùm corpora adurit ; si penetrans , & subtilis , cedenti materiæ parcat , obstantia quæque perfringet. Sic aqua fortis dissolvit metalla , non ceram , vel lignum. Exhalationem verò ex quâ fulmen cuditur , multum nitri , ac salis volatilis continere , iam identidem monuimus. Nihil igitur mirum , si manente vaginâ ensis liquefcet ; vel inviolato ligno circa pila ferrum omne distillet ; aut oculis integris confletur argentum. Illud mihi maiori est miraculo , quòd fracto dolio vinum incrustet , ac tam citò facem vini exsiccando , corticem obducat ; aut ipsum vinum congelaciet. Stat , inquit Seneca , in dolio vinum : nec vltra triduum rigor ille durat. An fortè spiritus nitri vinum congelat ? Iam enim notum , & pervagatum est , quòd nitrum glacie contritâ permistum , ac lagenæ vitreæ obductum , aquam lagenâ inclusam congelaciet. Rationem idoneo loco reddidimus. Iam vnde tantus tonitruui fragor ? An quòd in nube humidâ extinguatur ignis : nam ne ferrum quidem ardens silentio tingitur ? Sed tamen ferrum aquâ extinctum , stridentem edit sonum , non tonitruui bombum. An fortè ex nubium collisione , vel exhalationis inclusæ luctâ , & ignis accenditur ,

& tantus fragor exoritur. Sic lauri, & juniperi folia, vel castaneæ non incisæ, atque alia id genus, non sine stridore incenduntur, quoddam spiritus conclusus, & rarefactus, magno impetu corticem disrumpat. Quod si ita sit, non sola collisio, sed etiam nubium scissio tonitruum sonum facit; præsertim cum vehementius crepat. Talia, inquit Philosophus jam sæpe à nobis laudatus, eduntur tonitrua, cum globata dissolvitur nubes, & spiritum quo distenta fuerat, emittit. Exemplum illustre habemus in pulvere pyrio, qui in tormentis rarefactus, magno fragore erumpit.

Obiectio.

TH. Assentior planè, neque vnum vni tam est simile, quàm tormenti & tonitruum sonus: verumtamen non resonant mollia, nisi illis duris; nec auditur fluctus nisi impactus. Iam quid nube ipsa mollius, quid ipsi cum ferreis, vel æneis bombardis commune?

Solutio.

MEN. Tamen nubium materia non sit ferrea, stringit nihilominus spiritum accensum, qui sibi vi atque impetu parat viam. Non dissimile quiddam videmus in fodinis carbonariis: nam halitus bituminosus, si fortè in facem accensam inciderit, magnum edit strepitum; nec tamen ad durum corpus alliditur. Multum etiam confert aeris flagellatio: quid enim sonus nisi ictus aer? Cum verò nubes, non subito, sed paulatim effringitur, tum stridentem emittit sonum, non aliter ac si pannum disruperis. Cum denique per nubem crassiorem exhalatio discurrit, tum grave murmur auditur: quando enim spiritum intra se claudere nubes, in concavis partibus earum volutatus aer similem agit mugitibus sonum. Nec demum inficiari possum nubium lapsu, & tonitru, & pluvias pleniores effici: nam ubi major crepitus insonuit, largior imber effunditur. Quid verò est causæ cur fulmen obliquè feratur? An quia natura ignem sursum vocat; iniuria deorsum premit (non potui hanc Stoici vocem omittere.) Interdum neutra vis alteri cedit, & ignis in superiora nititur, & in inferiora deprimitur; unde, ut jam dictum à nobis est, frequenter cacumina montium feriuntur; quia opposita sunt nubibus, & è cælo cadentibus per hæc transcundum est. Fervidis & æstivis diebus plerumque fulminat,

quodd oleosa, & pinguis materia, nonnisi calore vehementiori attolli possit, vt videre est in distillationibus chymicis, vbi spiritus volatilis, & phlegma leni distillatione proliciuntur; olea verò non nisi aucto igne extrahuntur. Celerrimam rarefactionem velocissima nubis, & vicini aëris compressio sequitur: hinc ingens oritur sonitus.

TH. Iam si placet quàm brevissimè poteris, de reliquis impressionibus ignitis perge dicere: ista enim omnibus sunt obvia, nec longam exigunt disceptationem.

MEN. Sequar quòd vocas; cùmque omnia ferè meteora, quæ calore accenduntur, ex eodem fonte manent; nempe ex pingui & fumoso halitu: satis fortasse fuerit de his in vniuersum dicere. Communis quidem eorum materies halitus est pinguis, & viscosus; sed quo incendatur modo, non ita est in promptu. Volutatio spiritus in nube conclusi valentissimum est accendendi genus. Hinc fieri potest, vt violenta agitatio vaporem ab exhalatione, vt serum à butyro secernat; cùmque copiosa est exhalatio, & tenuis vapor, ac nulla nubes sub obrutum cadit, sulfureus halitus facilè sese expedit à vapore, & sine crepitu in stellæ, aut globuli ignei modum, è cælo in terram præceps ruit. Idem ferè hic, quod in pyrobolis accidit, nisi quodd stellæ cadentes nullum vehementiorem edunt sonum, sed non sine magno strepitu charta toties replicata, & adstricta, perfringitur. Huc accedit quodd pyroboli sursum nitantur, quia materia paulatim accensa ampliorem exigit locum: nec deorsum potest tendere, vel quodd apposita obstat virgula; vel quodd projicientis impetus sursum ire compellat.

*De stellis
cadentibus.*

Stellæ discurrentes simili ferè modo non in supremâ aëris regione, sed propius terram incenduntur; videntur discurrere, quodd aër his exhalationibus sit refertus, & accensus halitus, pabuli sui venam sequatur. Interim velut igne continuo totum iter signant, quia visus nostri tarditas non subsequitur momenta currentis; sed videt simul, & vnde exilierit, & quodd pervenerit. Pleraque ejus generis meteora tempestates præfagiunt: significant enim aëra infici multâ exhalatione. Hinc postquam atrox tempestas sæviit, ignes ejusmodi navium malis adhærescunt; nec verisimile est ex flucti-

*De aliis
impressioni-
bus ignitis.*

bus maris inter se collisus eos procreari. Crediderim potius vaporem vi tempestatis abripi, halitum solum pinguem & viscosum esse superstitem, cujus flocci per aërem volitantes aliquando obviis navium malis tenaciter inhærent, atque ipso motu incenduntur. Interim vnus dumtaxat apparet; hunc veteres nautæ Helenam dicebant, & tempestates portendere arbitrabantur: si duos conspicerent, Castoris, & Pollucis nomine eos insigniebant, felicioris, vt putabant, ominis. Nunc temporis nautæ secus augurantur, & quo plures contuentur, eo maiorem fore tempestatem conjiciunt.

Quid necesse est hîc de Dracone, Caprâ, Clypeo, & aliis bene multis, quæ figurâ tantum, non naturâ distant, fusiùs differere? Quando exhalatio accensa in mucronem acuitur, pyramidem dicunt: si teres sit, & cylindrica, columnæ; si latiori fastigio scintillet, facis: si rotunda sit & plana, clypei; si oblonga, & transversa, trabis; si mediæ partes intumescant, Draconis nomen fortietur. Quod si globus igneus circum se floccos pensiles, instar lanæ præferat, ac saltu incondito lasciviat, Capræ saltantis nomen obtinebit: tenuis quidem exhalatio hos efficit flocculos. Stipulæ dicuntur, cùm globus igneus non apparet, sed exhalatio latè dispersa incensarum stipularum speciem præbet. In quâ porro aëris regione hæc meteora accendantur, difficile est discernere. Nam vix adducor vt credam, non alibi quàm in supremâ aëris regione illa generari; cùm nulli vapores eò conscendant, nec sublimem aëra vllus ventus exagitet: quo igitur modo exhalatio ibi accendi poterit? sæpe hæc incendia ad terram vsque perveniunt: non longè igitur à nobis procreantur. Cæterum cùm ignes illi aërei materiæ tenui & subtili insideant, facilè extinguuntur: nam si crassiori adhæreant materiæ, subito decident, nec proprio renitente pondere, in sublimi aëre diutius suspendentur. Quapropter cometas, imò & trabes, quæ aliquamdiu perseverant, (qualem se vidisse Aquis Sextiis, anno 1637. ab ortu in occasum prætervolantem testatur Gassendus, quæ eodem tempore per totam Occitaniam visa est) nec terrenis halitibus constare, neque in ipso aëre efformari mihi persuasum est. Sed de Cometis aliàs pluribus.

*Vbi hæc me-
teora gene-
rentur.*

Quod ignem fatuum attinet, plerique existimant nihil esse, *De igne fatuo.* quàm halitum pinguem, & tenacem, nullo igne flagrantem: sed instar lampyridum, vel ligni putridi lucentem. Ioannes Fluddus se aliquando hunc ignem assecutum fuisse testatur, ac comperisse illius materiam non igneam, sed viscosam, lubricam, & candidam, nigris maculis inpersam. Alii aliter sentiunt, nec probabile putant, materiam adèd crassam nullo igne accensam, in aère tamdiu pensilem fluctuare. An Fluddo tanta fides debetur, quem vbique ineptire Philosophia Mosaiica, titulo superba, re inanis satis demonstrat? Fieri etiam potest ut stellæ cadentis reliquias pro igne fatuo, manibus contrectaverit: nam illæ sunt viscosæ, & lubricæ, ut experti testantur. Ejusmodi ignes circa cœmeteria, paludes, & cloacas frequentius discurrunt; quòd ex pingui halitu prodeant. In flumina deducunt insequentes: quia secundo flumine tenuis aura spirat, & contiguus aër ab aqua fluvii abripitur. Hinc ignis fatuus insequentem fugit, & fugientem insequitur: nam locum à moto corpore relictum occupat, & aëris fluxui obsequitur. Æstate & autumno, imò & in regionibus fervidis crebriores visuntur; quòd pinguis humor non nisi magno Solis ardore elici, & digeri queat. In præcipitia sæpe deducunt; nam ibi aër instar vorticis volutatur. Subsultant in aère, quia fluctuantem aëra pro vehiculo habent; vel quòd à nocturno frigore, aut ab ipso rore cadente deprimantur, atque ingenitâ levitate resiliant. Ignis denique lambens nihil est, quàm spiritus tenuis, & pinguis, qui equorum sudantibus jubis insidet; vel circa hominum tempora, tamquam spiritus vini tenuissimus accenditur: neque vrit tamen, propter raritatem maximam. Ex equis & felibus ejusmodi scintillas excuties, si adverso pilo astricueris. Spiritus enim lucidos esse jam hesternò colloquio demonstratum fuit. De mixtis imperfectis satis ut opinor multa: reliquum est, ut de Iride, & aliis impressionibus, quæ Emphaticæ, seu Apparentes vulgò dicuntur, quid sentias, optime Simplici, explicare non graveris.





CAPVT QVINTVM.

De Iride, Coronâ, & aliis impressionibus
apparentibus.

I. De loco in quo Iris efformatur. II. De illius figurâ, magnitudine, & coloribus permulta. III. De coronâ & aliis emphaticis impressionibus. IV. De coloribus qui per trigonum crystallinum apparent, varia mittuntur conjecturæ, ac pleraque explicantur ejusmodi phenomena.

S I M P L I C I V S.



VID ipse de naturâ, & coloribus Iridis sentiam quæris, optime Menander. Res est tot difficultatibus obstructa, & tantis circumfusa tenebris, ut qui in eâ indagandâ tempus omne contriverunt, invenire se posse quod cuperent diffisi sint. *Vide arcum*, inquit Ecclesiasticus, & *benedic eum qui fecit illum. Valde speciosus est in splendore suo. Gyravit celum in circuitu gloriæ suæ: manus excelsi aperuerunt illum.* Nec igitur mirum, si hoc divinæ manus miraculum mentis humanæ infirmitas capere non possit; cùm minutissima quæque nemo comprehendat. Quod non obscure innuit Ecclesiastes; *Intellexi quod omnium operum Dei nullam possit homo invenire rationem, eorum quæ fiunt sub Sole, & quanto plus laboraverit ad querendum, tanto minùs inveniat.* Illud sanè cùm in aliorum naturæ operum, tum maximè in Iridis contemplatione contingit, de cujus loco, naturâ, & coloribus, summa est inter Philosophos contentio. Varias ac dissidentes eorum sententias nunc referre non vacat, nec refellere: quæ ad veritatem magis mihi videntur accedere breviter attingam: neque ab eximii Chambræi decretis discedam. Nemo quippe, sive rectè judico, sive amore præcipui in Philosophia viri laboro, hoc argumentum divinius pertractavit. Primum, quod Iridis locum attinget, plerique omnes Philosophi magno in errore versantur, dum

dum putant illuc efformari, vbi se videndam præbet. Profecto nubes non terfa est, & polita instar speculi; sed mollis & inæqualis: adeo vt nec radios Solis reflectere, neque eos variis possit coloribus tingere: præsertim cum solâ reflexione lumen in colorem non degeneret. Radii quippe luminis in diuersis speculis, vel septies reflexi, nullum idcirco induunt colorem. Denique Iris in arcum curuari nequit, nisi ipsa nubes instar speculi concavi existat: adeo vt si vel minimùm ab hac figurâ desciverit, lumen Solis in arcum non flectat: atqui nubes nec cava sunt, nec satis solidæ, vel continuæ, vt speculi vices ob-
 eant. At, inquirunt, non solâ reflexione, sed quâdam etiam ra-
 diorum refractione Iris in nube roridâ & apparet, & gignitur. Quod si ita sit, non in extimâ modò superficie, sed in intimis nu-
 bis penetralibus Iris conspicietur, siquidem radii refracti à recto
 tramite deflectunt; sed tamen corpus ipsum penetrant, atque
 vltius progrediuntur. Verùm quid ago, sanusne sum, qui
 enixè laboro in confutandâ opinione, quam visus ipse erroris
 revincit? Quoties enim vidimus pluviam de cælo labentem,
 vel arbores ipsas Iridis coloribus imbutas? quod ne concipi
 quidem potest, si Irim Sol in nube sibi oppositâ effingat. Quid,
 cum è montis vertice Iridis cornua in vallem vsque demissa
 conspiciamus, an eò vsque nubes decedit? Quid denique, cum
 nubem in quâ Iris depingitur interruptam videmus; num conti-
 nuò Iris evanescit? Hæc sanè nisi me mens fallit planè demon-
 strant Irim non in ipsâ nube, in quâ depictam intuemur; sed
 in aliâ quâdam Soli vicinior non aliter effingi, quàm Irides
 quæ radiis solaribus per trigonum crySTALLINUM refractis in ad-
 verso pariete delineantur; nam suis coloribus tingunt quicquid
 interjacet. Nubes quidem Soli opposita est instar parietis, qui
 suâ opacitate radios Solis refractos sistit, ac videndos præbet.
 Quare non immeritò concludit Keplerus his verbis: ergo ma-
 teria aquea, quæ inter spectatorem, & Solem est; seu pluvia
 sit, seu pellucida nubes, seu nebula, (Vidi enim, inquit, Iri-
 des & in nebula) hæc, inquam, format & figurat refractiones
 radorum Solis: quæ post spectatorem est, ea excipit hos radios
 Solis refractos. Nubes verò superstans obumbrat locum, & ra-
 dios Solis directos avertit, vt colorati radii cerni queant. Ita-

De Iridis
loco.

Obiectio.

Responsio.

que non est verum radios Solis, seu visus reperi, vel frangi in ipso loco nubis, in quo Iris apparet.

Scitè tu quidem Keplere; sed tamen nimis jejunè rem tanti momenti explicas: cùmque subnectis, centra visus, Iridis & Solis in eàdem rectâ esse disposita, Cardani, Maurolyci, atque aliorum communi errore laberis. Videtur enim vobis Iris per solam radorum reflexionem procreari: quasi nubes sit instar speculi chalybei, solida, & polita: aut guttæ roridæ penè insensibiles lumen solare tam validè possint regerere. Hinc tot Irides efformari, quot sunt spectatorum oculi, falsò creditis: cùm per trigonum crystallinum, vna in opposito pariete Iris delineatur, quam ex omni situ, & loco licet intueri: neque adeò necesse est, vt centra Solis, Iridis, & oculi in eàdem rectâ lineâ constituamus. An Iris à Fromondo observata, cujus alterum cornu vix vltra 30. passus ab ipso distabat, cùm alterum longissimè distitum appareret: vel duæ Irides à Fortunio Liceto visæ ad Austrum vergere, cùm Sol occumberet, atque aliæ innumeræ à diversis spectatæ, centra sua, vt fingunt, sic disposita habuere? Quòd si eadem recta linea tot centra conjungat; necesse est vt Iridis brachia æquo semper à nobis distent intervallo, cùm Soli è regione arcus opponatur. Non multum abhorret à vero Fromondus, cùm duplicem Irim ex Aristotele distinguit; vnâ quæ per ἀνάκλασιν, seu reflexionem; alterâ quæ per διάκλασιν, sive refractionem gignitur. Illius quæ per reflexionem efformatur, centrum cum oculi, ac Solis centris in eàdem rectâ disponitur. Secus est de Iride, quæ per refractionem generatur, qualem prismata, vel trigoni vitrei, vulgare etiam vitrum vinarium efficiunt: nam si in cubiculo subobscurato radios Solis per fenestrâ rimulam admissos vitro aquâ pleno sic excipias, vt per summam, & tenuem ejus partem radii trajiciantur; tum in subiecto pavimento Irim suis coloribus distinctam affabrè depingent. Hæc quidem Fromondo concedimus: sed tamen multiplici nomine offendit.

Primum, quòd radios Solis non in nube Soli finitimâ, sed in oppositâ, tot diversis coloribus tingi existimet; cùm radii luminis hanc colorum varietatem ex proximâ nube, per quam refringuntur hauserint: hinc pluviam decidentem iisdem co-

*Itum cen-
tra Solis, o-
culi, & Iri-
dis: eadem
recta conne-
ctas.*

Ioribus induunt. An paries oppositus Irim quæ per trigonum efficitur, tot coloribus distinguit? An potius vitrum ipsum cum radios infringit, tum eos suis ornat coloribus. Rem ita se habere non dubitabis, si oculo juxta parietem constituto, vbi arcus delineatus apparet, aciem in trigonum vitreum dirigas: hunc enim cernes jam Iridis coloribus imbutum, ipsumque arcum in facie trianguli Soli obversâ contueberis. Illud quoque mihi reprehendendum videtur, quod addit raras esse ejusmodi Irides, quæ per refractionem procreantur: cum omnes ita delinari in nubibus, vt altera sit instar trigoni vitrei, in quo formatur; altera instar parietis, in quo depingitur, tam certum sit, quàm quod certissimum. Neque tamen inficior quosdam arcus iisdem in locis videri, in quibus effinguntur. Nam Halo, seu Corona, nihil est, quàm Iris, quæ totum suum implet orbem: sic in rore, vel adamante quiddam Iridi non dissimile efficitur. Hoc verò inter vtramque Irim intercedit discriminis, quòd hæc Sole aduerso, illa averso spectetur: nam si oculum in pariete, vbi Iris per trigonum efformata depingitur, colloces; in ipso triangulo, vt mox diximus, Irim contueberis, quæ per solam refractionem efficitur.

Fateor equidem Irim per reflexionem quamdam apparere, sed nego nubem quæ illius imaginem excipit, esse instar speculi politam: nam radii à corpore polito reflexi, non ex omni situ, neque ab omnibus; sed certo quodam aspectu, & sub determinatis angulis oculos feriunt. Cum igitur Sol horizontem stringit, radios à nube reflexos sursum reget, neque vllâ ratione poterunt ad nos pervenire. Finge animo ingens speculum in nubis loco constitutum; id certè Solis imaginem sursum reflectet, neque illa sub obtutum cadet: necesse est enim vt angulorum incidentiæ, & reflexionis seruetur æqualitas. De loco Iridis satis supérque diximus; nunc quid illam tam aptè circinet, quæ sit illius figuræ causa, intuendum.

Hic sanè Philosophi plus satis sudant, quantumvis Geometras vocent in subsidium. Quid enim obtusius, quid absurdius, quàm ad nubis cavitatem cum Scaligero confugere? An nubes adeò figuræ suæ tenax est, vt eam non mutet, nec jugi aëris motu, nec ventorum flatibus? An Iris quæ per trigonum conspi-

*De figura
Iridis variæ
sententiæ
refelluntur.*

Opinio Scaligeri.

citur, vel in guttis aquæ, quam ore spargimus, efformatur, ab ipsius vitrei trianguli, aut guttarum cavitare in arcum curvatur? Placet aliis Irim esse confusam Solis imaginem. Sed ubi est illud speculum, quod imaginem Solis adeò dissimilem, & enormem exhibet? Nubes erit, si Senecam audimus, quæ in modum concavi speculi, & rotundi formatur: neque enim omnia ad verum specula respondent: sunt quæ facies torqueant, vel evertant. Quid ergo mirum est ejuscemodi speculum, quo Solis species vitiosa reddatur, in nube quoque fieri? Adde quòd Iris numquam non adversa Soli est, sublimis aut humilis, provt ille se submisit, aut sustulit contrario motu: illo enim descendente, altior est, alto depressior. Nec igitur dubium cuiquam relinquitur, quin arcus imago Solis sit malè expressi, ob vitium figuramque speculi: nam & celerissime nascitur, & æquè celeriter aboletur. Nihil autem tam citò redditur, quàm à speculo imago: non enim facit quidquam, sed ostendit. Ingeniosè quidem hæc dicuntur; sed vix crediderim nubem esse speculum concavum, vel Irim nihil esse quàm Solis imaginem: siquidem Sole laborante, vel Lunâ dividuâ visæ sunt Irides ejusdem prorsus figuræ, ac si Sol, vel Luna pleno orbe illuxissent. Præterea, si arcus nihil est quàm Solis imago; quare nec circulum absolvit suum, nec tota area solari impletur lumine? Quid est cur Sole extremo dumtaxat margini formam suam imprimat? Cùm enim radios per foramen vibrat, ac se ipsum in obscurioris cubiculi opposito pariete depingit, non dimidiatum, sed integrum exprimit circulum. Sic Parhelii, & Coronæ totum orbem absolvunt. An cum Scaligero licet ineptire, ac totum illud spatium, quod inter Iridis cornua interjacet, à vaporibus liberum esse fingemus; neque ibi Solem exprimi, quòd speculum desit, quòd nubes non eò usque descendat? Nam si illum audimus, ubi duplex Iris cernitur, non nubes, sed aër inter vtramque intercedit. Nónne, ut ipse loqui solet, hæc scuticæ digna sunt? quis illos hiatu nubium animadvertit? Nubes etiam in quâ arcus depingitur, usque ad horizontem persæpe excurrit. Enimverò Scaligerum dimittamus, atque ad Senecæ opinionem revertamur. Cùm multa, inquit, stillicidia sint, totidem specula sunt: sed quia

Seneca placitum.

Confutatio.

parua sunt, Solis colorem sine figurâ exprimunt. Deinde, cùm in stillicidiis innumerabilibus, & sine intervallo cadentibus reddatur idem color, incipit facies esse non multarum imaginum intermissarum, sed vnius longæ, atque continuæ. Nec mirum si oculi nostri imbrium stillicidia non separent; ingenti spatio intuentibus minutarum imaginum discrimen interit. Hæc quidem facillè refelluntur; imò Seneca, qui gloriosè quidem, sed non constantissimè loquitur, multa aduersus hanc opinionem obijcit, quæ ipse non diluit. Quidnam est, inquit, tam dissimile, quàm Sol, & arcus, in quo neque color, neque figura Solis, neque magnitudo apparet: nullæ nubes habent similitudinem speculi, per medias sæpe transimus; nec in illis nos cernimus: singula stillicidia, singula specula sunt, concedo: sed illud nego, ex stillicidiis constare nubem. Habet enim quædam, ex quibus fieri stillicidia possunt, non ipsa. Nec æquam quidem habet nubes, sed materiam futuræ aquæ. Quid enim simile speculi habent nubes, cùm illa non perluceant, hæ transmittant lucem: illa densa & coacta, hæ raræ sunt: illa ejusdem materiæ tota, hæ ex diversis temerè compositæ, & ob hoc discordes, nec diu cohæsuræ. Numquid hæc quæ sibi obijcit, priùs soluta oportuit, quàm sic concluderet: in eadem sententiâ sum, quâ Posidonius, vt arcum judicem fieri nube formatâ in modum concavi speculi, & rotundi, cui forma sit partis è pilâ sectæ. Prome, ait, est repentina ejus facies, & repentinus interitus. Proprium enim est speculi hoc, quòd non per partes struitur, quod apparet: sed statim totum fit: æquè citò omnis imago in illo aboletur, quàm componitur. Illud certè nemini persuadebit, nubem instar speculi, Solis imaginem reddere: nam arcus, qui per trigonum apparet, non per partes, sed totus statim exprimitur: numquid idcirco trigonus speculum est? Frustrâque Geometrarum opem implorat, vt argumentis nihil dubii relinquentibus doceant arcum Solis esse effigiem: quid enim argumenti promant? An quòd radii à Sole manantes, atque à nube sic reflexi, vt æquales sint anguli reflexionis, & incidentiæ, circuli arcum exhibeant? Id verò non inficior: sed nego hos radios posse in oculos nostros incurrere, cùm reflexi in omnes partes distrahantur. Verùm excipiunt, innumerabiles

radii ab eadem gutta resiliunt, ex quibus aliquot ad oculos usque nostros pervenire nihil prohibet. Enimverò hæc stillicidia nimis sunt exilia, ut tot radios in omnes partes diffundant: & quod caput est, arcum non per reflexionem, sed per luminis refractionem produci iam confecimus.

*Probabilior
de Iridis fi-
gurâ senten-
tiâ.*

Quare dispunctis omnibus, quas posui opinionibus, relinquitur, ut Iris figuram suam non à Sole desumat; neque à nube in quâ excipitur, & apparet; sed ab ipsâ per quam trajicitur nube. Argumento est Iris quam vitrum aquâ plenum exhibet: cum enim eadem figura, iidem penitus colores in utraque Iride conspiciantur; necesse est ut simili quoque modo gignantur. In aliis rebus, ait Seneca, vaga inquisitio est, ubi non habemus quod manu tenere possimus, & latè conjectura mittenda est: hic verò apparet duas causas esse arcus, Solem, nubemque; quia nec sereno umquam fit; nec ita nubilò, ut Sol lateat. Quocirca licet nobis nubem Soli adversam, & finitimam cum vitro contendere; nubes autem, in quâ arcus depingitur instar parietis erit: radii solares summam, & quasi convexam aquæ superficiem ex transverso subeuntes, in concavâ, vel infimâ vitri parte aliquantulum coguntur; & postquam è vitro exiere, citò in vno ferè puncto colliguntur, ubi lucem Solis puriorem, & vegetiorem intueri licet. Hic est veluti focus, in quem omnes radii, qui vitrum pervasere coeunt; ibique necesse est, ut sese mutuò interfecerent: adeò ut qui radius inter cadendum fuit sublimior, jam depressior evadat: ut cum per exiguum obscuri cubiculi foramen imagines Solis, vel hominum foris stantium chartâ foramini oppositâ excipimus: tum objecta situ inverso cernuntur, quòd radii luminis per rimulam decussati transeant, ac situm adeò commutent. Idem planè in vitro evenit. Quorsum hæc? mox dicam, cum decoloribus Iridis sermonem instituiam. Cum itaque solares radii sæpius fracti, ac debilitati, ex illo communi puncto quasi soluti & liberi procedunt longius, eandem retinent figuram, quam induere, tum cum in summam vitri, vel aquæ superficiem inciderunt. Rotundum autem vitrum supponimus; unde nihil mirum, si in arcum curventur radii. Quòd si in pilam vitream ex omni parte in-

currant, Irim quoque exhibebunt, sed cuius integer erit, & absolutus instar coronæ circulus. Secùs est de vitro aquâ pleno, cuius dimidium dumtaxat orbem radii penetrant, arcum adeò, non circulum expriment. Arcus itaque figuram à nube, aut vitro mutuatur, ac rotundam nubem existere par est: alioqui non circuli arcum, sed virgas tantùm exprimet. Præterea necesse est, vt nubes illa cuius interjectu arcus efficitur, densitatem habeat sui vbique similem: nam partium difformitas, colores, & figuram Iridis turbabit: vt accidit in vitro vinario, cui crysalli fragmenta imponuntur. Hinc rarò apparet Iris, cùm graues spirant venti: nubes enim in cuius vtero Iris formatur, citò à ventis dissipatur, ac distrahitur. Nec plus satis crassa, vel ampla nubes existat, ne radii eam penetrare non valeant: hinc rarò hieme, sæpius vere, atque autumnò arcus cernitur: nec diuturnus, vel largior imber eum consequitur, nisi fortè infimam & rariorem nubis partem radii subeant. Sic vbi nubes vel minor, vel rarior intercedit, quàm vt solares radios satis copiosos possit excipere, (qui idcirco in nube, nec tingi coloribus queunt, nec quantum necesse est infringi) tum nullus sub oculos arcus cadit. Hinc Irides quæ per vitra, aut triangula efformantur, cominùs tantùm videntur, quòd pauciores radii per vitrum subeant, quàm vt eminus spectari possint.

Iam quid est causæ cur Iris diameter ejusdem ferè vbique magnitudinis conspiciatur? Illius quippe altitudo, vel semidiameter, si Vitellionem, & Maurolycum audimus, 45. ferè graduum semper existit: nam Solè depressiore, altior assurgit; Solè magis elevato, humilior quidem est: sed tamen sub angulo 45. graduum à nobis conspicitur; centrùmque Iridis tantùm à circumferentiâ, quantum à visu nostro distat. Hæc pulcrè quidem explicantur, si arcum in nube tamquam in speculo per reflexionem radorum, & formari, & videri fateamur; secùs nobis aquam hædere necesse est. Enimverò si interjectu nubis radii Solis infringantur, & paulo vlteriùs progressi decussentur, atque in nube oppositâ, tamquam in tabellâ Irim circinent, quo punctum interfectionis propius nubi Soli aversæ futurum est, hoc minor erit arcus; maior, quo longiùs distabit: quemadmodum suprâ diximus, radios per rimulam cubiculi, vndequa-

*De Iridis
magnitudi-
ne.*

que clausi vibratos majorem Solis imaginem in opposito pariete depingere, quo longiùs à foramine removetur : quia radii decussati, quo longiùs procedunt, eo magis distrahuntur. Unde ergo arcus ejusdem fermè molis aspicitur ? An punctum intersectionis in eodem semper consistit loco ? At nubes Solis radios infringens in eadem statione non permanet. Perfacilis tamen ac perexpedita responsio est, ubicumque Sol existat, radios è sublimiore loco emittit : quòd si vertici nostro sit vicinior, ac nubem ad Iridis procreationem offendat idoneam, Irim quidem generabit, sed in oppositâ nube tanquam in pariete eam non exprimet, cùm radii in terram delabantur. Hinc aliquando evenit, ut arcus conversis ad Solem cornibus, magno spectantium miraculo videretur : quòd radios solares per obviam nubem refractos, lacus, vel mare exciperet, à quo sursum reflexi, vel in nubem mari proximâ, vel in stillicidiis pluviae cadentibus Irim inversam iuxta reflexionis leges exhiberent. Sic nonnumquam accidit, ut Iris in foliis arborum, vel in nebula circumfusa depicta videatur, quòd priusquam radii in nube aversa excipiantur, vel crassus vapor, vel arborum folia, vel denique pluviae stillicidia eos sistant. Sic Iris quam Fromondus à se observatam Lovanii testatur, cujus alterum cornu vix 30. passibus ab eo distabat, non alibi, quàm in cadente pluvia visa est : nam strictior apparebat quo propior ; siquidem puncto intersectionis erat vicinior. Rem ita se habere indicio est, quòd postquam cessavit pluvia, Iris in collem longè à spectatoribus distitum se recepit. Quare non immeritò concludit centra Iridis, Solis, & oculi non semper in eadem rectâ collocari ; neque arcum per angulum 45. graduum necessariò spectari. Addit arcum aliquàdo per refractionem radiorum interjectu nubis procreari. Verùm ignoscet, si arcum in nubibus non aliter efformari pertendam. Quod enim toties inculcat Irim sequentes fugere, & fugientes sequi ; quia radii per reflexionem ex determinato spatio, & certo angulo ad oculum revertantur : non quòd eadem Iris locum mutet ; sed quia aliam perpetuò, & diversam vides. Unde transferri de loco in locum apparet ; quando ab vno ad alterum cornu progredieris, quòd oculus ad centrum Iridis dirigatur : quare si quis locum mutet, aliam subinde

subinde videt Irim; tametsi priorem loco motam esse sibi fingat. Hæc sanè minimè concedimus: ostensum quippe fuit exemplo Iridis quæ per trigonum effingitur, eandem ab omnibus conspici. Tametsi non inficior quasdam per reflexionem sub obtutum cadere; ex hoc genere fuerunt illæ à Fromondo observatæ, quas pluvix stillicidia instar speculi reflectebant. Istæ quidem fugientes sequuntur, & diversæ à diversis conspiciuntur. Sed eò redeat, vnde aberravit oratio. Quî fieri potest ut arcus ejusdem semper magnitudinis exprimatur? Illud minimè admior, cum nubium superficiem, & quasi fornicem iisdem temporibus, æquis à terrâ distare intervallis, nemo non vlrò fateatur. Quocirca cum Sol è sublimiori loco in nubem roridam, vel satis densam, radios suos vibrat, ii propter refractionem variis coloribus tinguntur, & in quodam puncto decussati, in nube Soli oppositâ sistuntur. Punctum illud intersectionis non eundem in aëre locum obtinet: nam Sole horizontem radente altius est: sed tamen eandem ferè vbique retinet tum à nube, quæ radios infringit, tum ab eâ quæ illos excipit, distantiam. Cum igitur hoc, quod sæpius nomino radiorum intersectionis punctum, sit quasi arcus in nube delineati polus; non mirum si vbique ferè sibi æqualis arcus appareat: quamquam fortè Iris quæ horizonti est vicinior, eadem quoque majoris circuli portionem efficiat. Nec dissimile quiddam evenit in vitro aquâ pleno, cujus summam superficiem si radii Solis directiores penetrant, majorem & illustriorem arcum præbunt: nec solum amplioris circuli portio major futura est; sed etiam limbus suis coloribus distinctus, latior apparebit. Cum igitur idem in arcu cælesti observetur; utrumque eodem modo, atque ex eadem prodire causâ, non abhorret à verosimili: neque enim radiorum qui per aëra crassiorum horizonti incumbentem transeunt, refractione, speciem arcus adeò augere potest. Sol quidem, & reliqua sidera cum oriuntur, vel occidunt, videntur majora: sed tum radii è purissimo æthere in vaporum sphaeram incurrentes, multum infringuntur. Iris verò paucis milliaribus à nobis distat; nec interjecti vapores tantam refractionem possunt inducere, ut cornua ipsius arcus quæ horizontem attingunt colores latius diffusos, quàm suppre-

ma illius portio, præferant. Quod magnitudinem Iridis attinet, cum horizonti finitima est, illius radium, vel semidiametrum esse 45. graduum plerique Opici existimant: nonnulli aliquot subducunt gradus, alii adjiciunt, ut hinc constare possit non ejusdem semper magnitudinis arcum effingi; neque ex illâ æqualitate, quam ubique Iris servare nobis videtur, sententiam nostram posse labefactari. Habetis de loco, & figurâ Iridis quid sentiam.


*De coloribus
Iridis.*

Sequitur paulò abstrusior de coloribus disceptatio, quam tamen magnâ ex parte excussimus, tum cum de natura, & varietate colorum agebamus. Meministis, ut opinor, non dubiis conjecturis, sed certis rationibus demonstratum à nobis fuisse, I. Colores qui vulgò apparentes censentur, ejusdem esse generis cum iis, qui altius subjectis suis insident: adeò ut falsum sit, quod asserit Seneca, non esse in nube colorum substantiam, sed mendacium, & sine re similitudinem: Profectò, cum speculum hos reddat colores, cumque ab omnibus sine discrimine spectentur; cum tota denique coloris essentia in hoc posita sit, ut appareat, ac visibilis fiat; nihil absurdius dici potest, quàm hos colores videri tantum, non esse: ac ridenda omnino est colorum distinctio inter fictitios, & reales: quasi objectum visus figmentum esse possit. II. Vterius progressi ostendimus, colores ab ipso lumine ne specie quidem se jungi, cum vnius facultatis vnum sit objectum, cumque Iridis colores nihil sint præter lucem multiplici refractione debilitatam. Quot cuique colori gradus luminis convenirent, ex doctissimi Chambræi meditamentis assignavimus; nempe quod si 24. gradus albo tribuamus, flavus 18. rubeus 16. viridis 12. purpureus 8. gradus decerpant; atque eundem ferè inter sonos, & colores concentum reperiri diximus: neque necesse est quæ tum fusè à nobis disputata sunt, nunc repetere. III. Insinuatum quoque à nobis est lumen variis modis debilitari posse: nam quo longius à suo fonte procedunt radii, hoc magis distrahuntur, & minus collucet: sed non idcirco in colores abeunt, cum eorum natura nullum patiatur dispendium: nam in speculo concavo, vel in vitro convexo rursus colligi possunt. Verùm ubi à rectitudine suâ excidunt, sive objectu corporis opaci resiliant, sive densio-

ris occurſu frangantur, tum ſic debilitantur, vt hoc damnum ſarcire amplius nequeant, atque in varios ſubinde degenerent colores, eo quidem illuſtriores, quo radii minùs detrimenti accipere. 1 v. Illud denique conſecimus, colores Iridis non ex ſolâ luminis cum vmbâ, vel opacitate miſturâ prodire: ſiquidem lux cum vmbâ, vel opacitate permifceri non poteſt: neque lucis, & vmbæ temperies tantam colorum varietatem efficeret. Quinetiam nec ſola reflexio, vel refractio, ſed vtraque ſimul conjuncta lumen in colores commutat: non enim lux Solis ſapius à diverſis reflexa ſpeculis in colorem abit: nec radii per tubum opticum refracti, vllis imbuuntur coloribus. Neque mihi obijcias ſimiles Iridis colores, quos Sol exorienz in foliis arborum pingit: tum enim craſſi vapores radios Solis infringunt, eôſque refleſtunt arborum folia. Sic araneorum fila, licet tenuiſſima, ſuâ tamen perſpicuitate donantur. Quòd ſi aliquando per ſolam reflexionem lumen in colores comseat; tum id accidit, cùm radii luminis tenuiores, vel debiliores ſapius hinc atque inde reflexi, eamdem patiuntur imminutionem, ac ſi refracti fuiſſent; vt in ſubtilibus lineis ſtanno inſculptis videre eſt: nam latiores lineæ hanc colorum varietatem non præbent. Pili etiam ſubtiliſſimi, ac conferti lumen eâdem ratione in colores mutant: ſic columbarum pennæ diſcolores apparent. Iam vt propiùs ad colores Iridis accedam, non aſſentior Senecæ, qui eorum varietatem, partim à Sole, partim à nube deducit: adeò vt humor nubis roridus, modò cæruleas lineas, modò virides, modò purpuræ ſimiles, & luteas, aut igneas ducat: duobus coloribus hanc varietatem efficientibus, remiſſo, & intento. Neque etiam arcus idcirco efficitur diſcolor, quòd partes aliæ in nubibus tumidiores ſint, aliæ ſubmiſſiores; quædam craſſiores, quàm vt Solem tranſmittant, aliæ imbecilliores, quàm vt excludant: ita vt hæc inæqualitas alternis lucem, vmbâmq; permifceat, & expri-
mat illam mirabilem arcus varietatem. Non denique poſſum in Fromondi, & aliorum ſententiam concedere, qui rubrum colorem ex forti radiorum reflexione, tum cùm in primo ingreſſu reſiliunt; viridem verò hinc oriri putant, quòd lumen paulò altiùs nubem penetret, ac multâ opacitate fiat obſcurius; pur-

pureum denique effici, cùm lux altè immerfa, nubis obfcuritate ferè extinguitur. Mirum fi nubes tam diverfam naturam, tantulo fpatio obtineat, vt in fupremo arcus circulo, ftatim radios Solis arceat, atque omnes fermè regerat; in infimo, vbi purpureus depingitur color, adèdè rara exiltat, & mollis, vt meliorem luminis partem transmittat. Quòd fi arcus duplici tantùm colore diftingus foret, ex lumine & vñbrâ forfitan hos colores defumeret: fed neutiquam probabile eft, tot, & tam diffimiles colores ex luminis & opacitatis conjugio nafci poffe. Quæ igitur colorum Iridis caufa, vnde tanta varietas? Non recedamus ab exemplo trigoni cryftallini. Hic prifma à Geometris dicitur: quinque enim fuperficiebus continetur, quarum extremæ duæ triangularem, tres verò reliquæ, & oblongæ quadrangularem figuram naftæ funt. Cùm per illum trigonum objecta contuemur, tum illa quidem mirâ colorum varietate diftingta apparent: hinc ftultorum paradifus, à nonnullis fatis ineptè vocitatur. Radios quoque Solis fic infringit, vt arcum cæleftem in pariete oppofito exprimat. Iàmque vt puto id confecuti fumus, non folâ refractione lucem in colores commearre: fiquidem objecta per vitrum intuentibus majora quidem videntur, fed nativus manet color: accedat igitur quædam reflexio neceffè eft. Imò nulla ferè eft refraction, quæ cum aliquâ reflexione non fit conjuncta: nam vitrum omne quofdam tranfmittit radios, & alios regerit. Cùm itaque folares radii trigonum cryftallinum fubeunt, nonnulli primam fuperficiem penetrare non valent, fed ftatim refiliunt; alii verò illam pervadunt, ex quibus rurfus bene multi in tertiâ, feu vltimâ fuperficie fiftuntur, & coguntur refilire, qui vt angulorum incidentiæ, & reflexionis fervetur æqualitas, in fecundam primò fuperficiem, tum in primam, per quam fubiire, regeruntur; adèdè vt triplicem reflexionem, cum vnâ refractione fufcineant; tumque adèdè imminuuntur, vt in colores degenerent: tot reflexionibus fefsi, trigonum penetrant, atque alios radios puriores, qui tantas reflexiones non fubiire, fuis tingunt coloribus. Mentior, ni rem ita fe habere vltro concedas, poftquam oculos in ipfo parietis loco, vbi arcus depingitur, collocaveris: tum enim Irim in primâ trianguli, feu prifmatis fuperficie deline-

tam cernes, vbi radii ter reflexi, & semel refracti in colores abeunt: qui profundiorẽ trianguli partem subire, purpureo, & magis obscuro colore tinguntur: sed qui transierunt per angulorum apices, minùs debilitati colorem puniceum, & ardentiorẽ præferunt: viridis medio consistit loco. Sic radii solares inferiorẽ, & tenuiorẽ nubis finitimã portionẽ subeunt, in nubis oppositã supremã parte rubeum circulum exprimunt: qui verò prioris nubis superiorẽ, & profundiorẽ partem pervadunt, purpureum induunt colorem. Hoc dabitis, vt opinor, imbecilliores radios in colores quoque debiliores facessere: sic radii, qui vitri aquã pleni citiorẽ, & Soli propiorẽ partem stringunt, rubrum colorem refracti procreant: qui verò summã aquã vitro conclusã remotiores partes, magis ex transverso penetrant, purpureum efficiunt: illi inter cadendum humiliores fuere, sed post interfectionẽ, sublimiorẽ locum tenent, atque arcus superiorẽ partem cingunt. Fingamus vitrum I N, radius B I refringetur in I, & C, & extra vitrum rubro colore tingetur, vt radius B L remotior purpureum induet colorem. Vnde hoc scis, inquires? Hinc nobis liquet, quòd radii decussati situm mutant, quique à Sole prodeuntẽs sunt altiores, colores arcus depressiores effi-



cient. Quòd si manu paulatim promotâ summam aquæ superficiem tegas, primò colorem rubeum sensim evanescere, tum viridem, tum denique purpureum extingui comperies, dummodo citiorem, & Soli viciniorem partem I, primùm obtegere inceperis. Quare sequitur, vt mihi jam sit conclusa ratio; lumen in colores abire eo vegetiores, quo directioribus & confertioribus lineis vibratur: neque enim facis accensæ lumen per triangulum admissum Irim exprimet, quòd lux illa sit imbecillior. Lumen quippe per crebras tum reflexiones, tum refractiones debilitari quidem oportet; sed vt colores tam splendidos procreet, validum & confertum sit necesse est: secus nec visum sistet, nec rutilos colores exhibebit. Hinc per refractionem radii quasi inflectuntur, atque ex iis multi resiliunt: sed qui vitrum penetrarunt, colliguntur, & illustriorem in aëre splendorem præbent.

De Iride secundaria.

Quocirca cum duæ Irides per vitrum aquâ plenum exprimi soleant; altera est angustior, ac coloribus fortioribus imbuta; altera est quidem longè major, atque inversos exhibet colores: illam efficit lux Solis, quæ summam aquæ superficiem I L M pervadit; hanc verò lux eadem effingit, quæ devexam vitri I F partem ex obliquo stringit. Radii ferè ad horizontem subeuntes, vt B P, & B F longè ultra vitrum decussantur, colores adèò debiliores procreant, & longè ampliori spatio sese explicant. Illud porro non omitam, rubeum colorem secundæ Iridis, minorem circulum, & vitri propiorem delineare, quòd radii à Sole vibrati, & rectiores, & fortiores superiorem vitri partem feriant: atque adèò decussati inferiores fiunt, & colorem vegetiorem in secundæ Iridis infimo circulo exprimunt. Contrà qui partem vitri inferiorem perstringunt, cum debiliores sint, sublimiorem quidem sed languidiorem colorem, scilicet purpureum, post intersectionis punctum, refracti depingunt. Viridis vt par est, medium locum occupat. Sic radius B P superior extra vitrum decussatus inferior evadit: B F verò superior; ille fortior, hic inferior; ille in secundâ Iride colorem rubrum, hic purpureum depingit. Ac ne longè abeam, eodem planè modo secunda Iris in nubibus exprimitur, cum Sol devexam nubis portionem collustrat: quemadmodum priorem

Irim effingit, quando supremam nubis partem irradiat. Idem enim prorsus, atque in vitro contingit, vbi secunda Iris & circulis amplioribus, & inuersis coloribus, & loco sublimiore delineatur. Neque necesse est Irim secundariam, imaginem, ac veluti reflexionem primariæ comminisci: jam hoc ipsum absurdum est, nubem instar speculi imaginem arcus reddere, eamque simul in partes oppositas reflectere: siquidem Iris, quam primariam vocant, simul, atque eodem tempore in oculos, & in nubem superiorem resiliret. Sed, inquit, quid colores permutat, nisi reflexio? Quòd si reflexione hæc Iris effingitur, quid est cur illius cornua inuersa non appareant? Illud quippe exigunt reflexionum leges. Numquid fortè Iris illa amplior, quam radii per vitrum trajecti depingunt, prioris, & vegetioris reflexio, vel imago existit? Et tamen colores omninò inuersos obtinet? nōne similes effectus similem quoque causam agnoscunt? Verùm excipit Fromondus: numquam secunda Iris solitaria videtur, quod indicium est secundam Irim esse prioris imaginem, atque ab illâ dependere. Sed vnde habes numquam secundam Irim visam fuisse solam? Nōne aliquando id potuit contingere, quod nemo literis consignauit? An fortè cū 5. vel 6. visæ sunt Irides, vt Snellius se obseruasse testatur, aliæ aliarum erant imagines? nec quo ordine singuli colores essent dispositi, memoriæ quisquam prodidit. Sed demus illud tibi secundam Irim numquam spectari solitariam posse. Numquid alia forsitan subest causa? Iris namque secundaria non effingitur, nisi cū Sol nubem extransverso, & radiis ferè ad horizontem parallelis pervadit: quòd si nubes sit densior, radii quidem eam penetrare non poterunt, sed illius obscuritate extinguentur: si tenuior sit, & densitatis idoneæ, non secundam modò Irim, sed etiam primam Sol delineabit: tum enim nihil est causæ, cur supremam nubis partem radiis validioribus non trajiciat, si de vexam subit.

*Obiectio 1.
Diluitur.*

Obiectio 2.

Respons.

Iam vt quæ fusiori stylo differui in summam contraham: Iris non in nube, in quâ cernitur, sed in aliâ Soli viciniore efformatur. Exemplum habemus illustre in triangulo crySTALLINO, vel in vitro vinario, per quæ radii solares transmissi, in pariete opposito Irim delineant. Arcum verò, non ipsius in quâ exci-

Brevis recapitulatio.

pitur nubes concavitas, non Solis figura circularis; sed nubes interjectæ rotunditas circinat: non enim arcus imago Solis existit, nec nubes speculum concavum. Postremò, colorum varietatem non efficit nubes, vel vitri opacitas; cùm triangula diversæ densitatis eisdem prorsus exhibeant colores: sed neque sola refractionis tot coloribus arcum distinguit: adeò vt certi, & determinati refractionis anguli certos colores procreent: id enim falsum esse hinc colligitur, quòd sub diversis angulis idem color conspiciatur: nam ab angulo 32. graduum, usque ad 78. iidem per trigonum colores spectantur: & quamvis inclinatum triangulum radii obliquiores perstringant, nihil tamen colores mutantur: non igitur sola radiorum obliquitas hanc varietatem inducit. An fortè major radiorum concursus colores item vegetiores procreat? Verùm jam ostendimus per solam refractionem lumen in colores non degenerare: tamen si fiant dilutiores, & arcus magis ampliatur, quo magis triangulum inclinatur: speciem tamen idcirco non mutant. Vnde ergo hæc tam grata colorum varietas? ex imminutâ & fractâ luce, quæ cùm repetitis reflexionibus, non sine aliquâ refractione, tertiâ sui parte mulctatur, in rubrum abit; cùm dimidiâ parte minuitur, in viridem; cùm $\frac{2}{3}$, in purpureum degenerat. Opacitas verò, radiorum obliquitas, reflexio, refractione denique, non seorsim, sed simul junctæ lumen eâ proportionem debilitant, quæ ad colorum procreationem exigitur. Enimverò quid est, cur lumen in hos potius colores, quàm in alios facessat? Nemo homo hunc nodum solverit. Non equidem ignoro lucem cum rubro colore sesqui-alteram, cum viridi duplam, cum purpureo denique triplam habere rationem: natura verò istas præter cæteras affectat proportionem; quod in musicis concentibus experimur: nam faciliè in diapente, tum in diapasone, tum denique in diapasonte sonus comitat: sic vbi Solem diutius spectaveris, si visus aciem in obscuriorem locum convertas, lucis impressio circulum rubrum oculis exhibebit, qui in viridem, tum in purpureum degenerans, tandem evanescet. Illud minimè dissimulandum puto, flavum sæpe colorem, rubrum inter & viridem, medium apparere: cùm tamen supremum locum debeat occupare: siquidem luci vicinior

nior est. An viridis, ac rubri commissura nos decipit, ac rubeus color viridis confinio splendidior videtur? Cur igitur extimus Iridis circulus nigriori nubi finitimus, flavo colore non suffunditur, cum nigredinis viciniâ illustrior futurus sit? Quare Iris per trigonum visa spatium illud, quod rubrum inter, & viridem colorem interjacet, adeò splendidum obtinet? An fortè splendor ille non est realis, sed visus dumtaxat illusio? Quid igitur est cur Iride paulatim evanescente, puniceus color in flavum abeat, ac tandem extinguatur? Flavum rubro esse illustriorem, ac maiorem lucis obtinere portionem, jam alibi collegimus: cur hîc locum & stationem suam deserit? An fortè cum Iris deletur, tum directiores radii per nubem trajecti flavum colorem luci finitimum depingunt; atque adeò flavus color in mediâ Iride, quasi extra suum ordinem collocatus, ex radiis in hanc partem directioribus emergit? At quid id fieri possit, cum obliquiores radii, viridem, & purpureum efficiant, qui flavo in Iride sunt viciniore, quàm rubro? Hæc sanè non pugnant: cum ab eodem Solis puncto innumerabiles radii in orbem spargantur, quorum medij directiores sunt, quàm extremi. Hinc numquam flavus color apparet, nisi cum Iris est valde splendida; idque evenit, cum pluribus radiis ab eodem Solis puncto manantibus perfunditur: cum enim à diversis tantum Solis partibus lumen vibratur, tum Iris efficitur debiliior, nec flavo distinguitur colore. Habes, mi Theophile, quæ de Iridis natura, & coloribus summus & Philosophus, & Medicus disputavit; ac meo quidem iudicio nebulas omnes, quæ arcum hætenus obduxere, non dubiis conjecturis, sed certissimis rationibus discussit; & tamen præclare agi secum putat, si in his rebus à naturâ involutis aliquid verisimile invenit.

TH. Ego verò hæc non verisimilia modò, sed etiam longè verissima esse arbitror: istas porro quæstiones hac arte tractatas oportuit, non à globulis cælestibus circa suum centrum gyran-
tibus præsidium petere. Ioculare enim quiddam mihi videtur Cartesius dicere, cum asserit cælestes globulos à corpore lucido rectâ impulsos luminis sensum efficere; sed vbi circa suum centrum velocius torquentur, aut tardiùs, varios colorum im-

Cart. sui sententia perstringitur.

primunt sensus: quapropter radii per apicem trianguli transeuntes, rubrum in pariete depingunt colorem: tum enim circumvolutio, vel globulorum turbinatio longè celerior est, quàm rectus eorum impulsus: album verò, vel flavum inducunt colorem, cùm illa rotatio ferè æqualis est recto globulorum impulsui; atque hos fermè colores radii intermedii exprimunt: sed qui profundiores trianguli partes subeunt, tardissimo motu contorquentur: colores adèò magis fuscus, & nigro propiores exhibent; quales sunt cæruleus, & purpureus. An radii possunt circa suum centrum tantà pernicitate rotari, ut rectam luminis emissionem, quæ in momento perficitur, longè superent? Nonne hæc fabulis quàm vero propiora sunt? Sed de Iride satis hoc loco dictum sit. Reliquas emphases, seu luminis impressiones raptissimè decurramus.

Occurrit primo loco fulgor ille qui cingit sidera, Halonem Græci, nos Coronam dicimus; nec multum ab Iride discrepat, nisi quòd plerumque unius coloris existat. Sæpius circa Lunam spectatur: nam in Solem ægrè aciem dirigimus, ac tenuis ille vapor, qui coronam efficit, vix radios solares sustinet. Contrà Sol Irim sæpissime, rarò Luna exprimit; quòd in densiori nube procreetur, quam Luna vix, Sol facilè suâ luce pervadit: quòd si aliquando Irim Luna exprimat, variis ea coloribus non distinguitur: neque enim tantùm possunt lunares radii. Sic corona discolor Solem nectit, quòd & nubes sit crassior, & lumen fortius: sed colores aliter atque in Iride disponuntur: nam puniceus Solem proximè ambit, quòd radii vegetiores illum exhibeant. Neque necesse est cum Cartesio fingere stellulas quasdam glaciales, quæ lumen Solis refringunt: mirum sit tam facilè in orbem disponantur, atque aliæ aliis tam citò succedant: nec lucernarum coronæ in stellulis congelatiis, sed in aëre vapido, & crassiore formantur: hinc crebriores in balneis, & flante Austro cernuntur. Neque audiendus est Thimon, qui contendit lucernarum coronas non alibi, quàm in oculi Iride effingi, non faces ipsas cingere, sed oculis illudere. Fateor equidem eas posse lippis oculis, vel à somno surgentibus apparere, quòd humidiores oculi lumen infringant: sed negari non potest, in crasso & pingui

aëre facem cingente sæpius efformari: siquidem circa summum apicem plerumque dirumpitur; ac si quæ fuligo fortè intercedat, ea puniceo colore rutilat. Displicet quoque mihi Senecæ sententia, quâ formari coronam putat, cum lux Solis, aut Lunæ in spissiore aëra incurrens, illum recedere in circulos cogit; quemadmodum videmus lapide in piscinam misso, aquam in multos orbes diduci. Quasi verò corona sensim dilatetur, & ampliores subinde describat circulos: quantò demum majores Sol coronas, & crebriores quàm Luna depingeret. Quod verò monet numquam vllum sidus talem sibi effigiem circumdare, nisi cum aër est densus, atque immotus, & ob hoc custodiens incidentem in se rotundi lineam luminis; non valdè repugno, quòd ille qui manet aër possit figurari; at qui rapitur, & currit non det sui potestatem, & omnem ictum venientemque formam exturbet. Quod verò subjicit de coronarum præfagiis, pulchrè Aristoteli succinit: nimirum, vbi corona dilapsa fuerit æqualiter, & in semetipsâ evanuerit, apparet temperatum esse aëra & placidum: jam si facies non vniuersa subsederit, sed ab vnâ parte intercisa sit, apparet inde aëra incumbere, & ided illa regio ventum dabit: sed si pluribus locis dirumpatur, tempestas sit: manifestum enim est à pluribus partibus in illam impetum fieri, & inquietum aëra hinc, atque illinc affilire: Itaque ex hac inconstantia cæli tam multatentantis, & vndique laborantis, futura tempestas, & ventorum prælium apparet. Non illud omittam, quod Petrus Gasendus de Halone in suis commentariis memoriæ prodidit: rarissimè coronam lunarem ab extremo Maii, ad extremum Septembrem à se visam fuisse; nec ferè alio flante vento, quàm Coro, & Caciâ leniter spirantibus: diameter semper fuit tum in lunari, tum in solari Halone 45. graduum, crassitudo vnius ferè gradus. Sexdecim solares observavit, quorum intimus color rubeus, medius flavus, vltimus subviridis: qui manè visi sunt, plerumque subsequenter pluviam habuerunt, contra: qui à meridie sunt observati.

Quid nunc de virgis dicam, quas Sol in nubibus, instar *De virgibus.* Iridis variis coloribus ornatas depingit? quid aliud sunt quàm imperfecti arcus, qui in rectum jacent, quòd figura nubis ra-

dios Solis infringentis, ad arcus efformationem minùs sit idonea. Alia quidem est ratio virgarum, quas radii solares per angusta foramina nubium vibrati exhibent. Verùm major nos de Parheliis manet difficultas, cùm plures Solis apparent imagines.

De parhelis.

An nubes rotunda, & luce Solis splendida, illius imaginem mentitur? At nubes luce solari imbuta, nec Solem tam religiosè sequitur, nec tanto micat fulgore, vt vix à Sole secerni queat; neque figuram rotundam ita pertinaciter retinere solet: nec demum quatuor, vel quinque Soles tantâ luce fulgentes simul videri possunt, nisi nubes concava, & instar speculi tersa, multiplici Solem reflexione exprimat. Enimverò superiùs demonstratum à te fuit, mi Simplici, Solis imaginem à nube reddi non posse, quòd nec solida sit, nec continua. An fortè responsione Fromondi vtendum est, vaporem eminùs visum instar speculi esse posse? sic tenuis vapor manè pratis incubans, vbi procul conspicitur, exundantis aquæ speciem præbet. Nec parum conferunt terræ opacitas, atque ipsa distantia: sic nebula vix propè conspicitur, cùm eminùs densioris nubis instar appareat; nubes ipsæ eo videntur opaciores, quo longiùs à nobis recedunt. Quid igitur obstat quominus vapor Solis imaginem, tamquam speculum ad nos vsque reflectat? nam opacitate suâ radios regerit. Quòd si Aristotelem audimus, ab omni læuitate corporum visus aciem radios suos replicare testabitur: nam quidam hoc genere valetudinis laborant, vt ipsi sibi videantur occurrere, vbique imaginem suam cernant; quia infirma vis oculorum ne proximum quidem aëra potest percurrere. Taceo de illo Vitellionis familiari, qui cùm de nocte iuxta paludem equitaret, alium quoque equitem videre sibi videbatur, qui vnà cum ipso progrediebatur, stabat, atque ad omnes illius nutus se componebat: sed cùm in puriorem aëra se recepit, hoc spectrum statim evanuit. Quòd si tantùm potest vapidus, & crassus aër, vt noctu imagines, ceu speculum reddat, an dubitabimus quin densior nubes Solis effigiem aliquando queat exprimere? Hinc parhelia sub ortum, vel occasum Solis frequentius apparent, quòd vapores, qui horizonti incumbunt crassiores existant. Facies quippe Solis tam


in sublimi potest, quàm in fonte, aut placido lacu reddi; si modò idonea est materia quæ reddat. Verùm vt cum Menandro in gratiam redeam, Cartesii sententiæ non inuitus accedo, quâ existimat Solem nubi congelatæ, atque adedò politæ, & perspicuæ imaginem suam imprimere: nubis verò superficies congelaciatur, cùm calore soluta repentino frigore corripitur. Sed quid glaciem illam in aëre suspendit? An vapores qui continenter è terra erumpunt, aut venti qui in sublimi vehementiùs spirant? Quid aliud dracones illos volantes, puerorum ludibria, tamdiu in aëre sustinet, nisi vis, & impetus venti? Ad extremum, nobis fatendum erit, corpora minùs gravitare, quò longiùs à terrâ discedunt.

MEN. De arcu cælesti, atque aliis impressionibus quas lux Solis in nubibus effingit, vestra vtriusque disputatio mihi fuit per iucunda, nisi quòd Theophilus Cartesio nostro paululùm videtur iniquior, nec sibi potest temperare, quin virum sine controversiâ magnum, cui renascens Philosophia spiritum ac vitam debet, orationis libertate identidem perstringat: illud fanè mihi inhumanum videtur summum virum numquam nominare, nisi in eâ sermonis parte, in quâ à nobis reprehenditur.

Cartesius quidem colorem nihil esse quàm lumen certâ quâdam ratione modificatum existimat: istuc non reprehendis; nec fortè tu diversa sentis: lumen motum cælestis substantiæ definit; id verò tibi non ferendum videtur. At illud saltem inter nos conveniat, lucem citra aliquem motum nec percipi, nec propagari posse; siue ea sit qualitas primi corporis alterantis, vt Aristoteles decernit, (quamquam vix vllam qualitatis notionem à substantiâ discretæ, quæ propriâ fruatur existentiâ, nec subsistat tamen, possim cogitatione assequi) siue nihil sit quàm ignis purissimus, è corpore lucido jugiter dimanans, ac summam adeptus raritatem, vt Gassendus, Digbæus, atque alii eruditissimi Philosophi statuerunt: dabis, vt opinor, lumen sine motu non diffundi. Neque enim tanta spatia potest decurrere; vel in angustum cogi, vel in latum effundi, vel refringi, resilire, atque omnes motuum servare leges, citra aliquam loci mutationem. Iam si lumen motus est, aut impulsio, vt placet Cartesio; vel certè cum motu conjunctum, vt fateri cogimur; color

verò nihil à lumine diffidet; sequitur colorum varietatem, ex diversitate motionum, quibus lumen agitur, proficisci. Hinc lux reflexa, vel refracta in colorem degenerat: non quòd ipsius lucis radios immutatos, atque in aliam naturam commeasse, putem; sed visus organum, seu nervulos, ex quibus retina tenetur, aliter feriunt & commovent, quàm si rectà progressi, nullius corporis occursum fracti, aut debilitati fuissent. Iam ut quæ mihi dicenda sunt in compendium conferam: Colores Iridis ex luce solari, vel reflexâ, vel refractâ in globulis aqueis, & roridis, non aliter, atque eximius Cartesius exposuit, emergunt. Mitto rationes ex secretiori Mathesi depromptas, solius visus testimonio contentus; sub exortum solis, virentia camporum gramina rore aspersa paulò diligentius intueri, singulorum globuli ex certo situ, & loco spectati omnes Iridis colores exhibebunt: sic aqua quam Sole adverso, ore spargimus, Irim pulcrè exprimit. Est quidam in Provinciâ locus, Sillantium vocant, ubi fluviolus è præcelsâ rupe magno impetu præcipitatus, & vapore rorido, tamquam minutissimo pulvere circumfusus, Irim perennem exhibet; illiusque dextrum cornu sibi proximum, sinistrum verò longissimè distitum Gassendus vidisse restatur: adeò ut centra visus, Iridis, & Solis eadem recta linea non connecteret. Sed unde tanta colorum diversitas? ex refractionum varietate; hæc porrò ex diversâ oritur angulorum obliquitate, & corporis refringentis figurâ; addam, licet fortè reclames, mi Simplici, variam lucis & umbræ temperiem. Nam ubi candor lucis dominatur, flavus, vel rubeus color emergit; cæruleus verò & purpureus exsurgunt, si ater color album vicerit. Nunc sume in manus hunc trigonum crystallinum, atque experire an ex variâ lucis & umbræ commistione, tot colorum species duci & explicari possint; quæque illustris Digbæus (ne fortè me soli Cartesio addictum putes) conscripsit, ipsi experientiæ consentiant. Sed ante omnia meminisse oportet, ab eodem objecti puncto plures radios emitti, qui à diversis trigoni partibus reflexi, ad oculum quandoque perveniunt, ac duplicem objecti imaginem oculo imprimunt, quarum altera est expressior, altera languidior. Iam mensæ nigriori velo obductæ objectum aliquod candidum, qualis est pa-


pyrus, non longè ab ipso mensæ margine colloca, atque trigonum sic compone, vt tibi charta ad pedes ferè jacere videatur, ac superficies trianguli, per quam chartæ species subire debet, sit ipsi objecto, vel papyro parallela: quòd res fiat illustrior, sit oculus B, charta I L tapeti subnigro imposita, hæc duas sui emittit imagines, quarum debilior per superficiem trianguli oculo viciniorem transit, hinc ipsum objectum oculis admovert, & propiùs exhibet. Quòd si partem chartæ citeriorem I velo obduxeris, hæc species debilior, & confusa evanescet; non quòd ab eâ parte effluat, sed quia in eo loco apparet; tametsi à remotiore puncto L dimanet, cùm ea sit languidior, ac sub minore angulo percipiatur. Quorsum hæc evadant attendite. Primò, hinc liquet cur pars objecti candidi citerior I caruleo & obscuro colore infecta appareat: nam species distincta veli nigrioris puncto L vicini, evanidam & languentem objecti candidi imaginem opprimit, ac suo colore perfundit. 11. Punctum L rubro vel flavo colore rutilat, quòd ibi sincera objecti imago languidam, & quasi spuriam nigri speciem superet. Nam punctum L est albi nigrique confinium, falsa quidem attri coloris species, tamquam capillare velum nonnihil candorem objecti adulterat, sed debilior cùm



fit, flavum, vel rubrum efficit colorem. III. Si tapeti albo atrum objectum imposueris, eosdem quidem colores, sed immutato situ videbis; punctum enim L flavum exhibebit, qui sensum in rubrum, tum in purpureum, denique in cæruleum colorem degenerabit; adeò vt nullus relinquatur dubitandi locus colores omnes ex albi nigrìque permistione exsurgere. Nec video vnde Iridis colores deduci possint, nisi ex ipsius lucis imminutione; hæc verò ex radiorum obliquitate, & angulorum exiguitate desumitur. Radius enim B I obliquè incurrens in punctum I, non penetrat vitrum, nisi porus I pateat, cùmque angustissimi illius meatus latera, quæ in partem oppositam, nimirum versus L jacent, directam emissionem inhiſcant, ac versus F reflectant, radius B I refringitur, atque ad perpendicularum propius accedit, non insitâ quâdam scientiâ, vt vires colligat, & majorem vincat opacitatem; sed quia repellitur à lateribus solidæ particulæ porum I contingentis: hinc refraction nulla sine reflexione perficitur. Radius porrò infractus cùm extra vitrum planum egreditur, iterum à puncto C repulsus in radium CO longius à perpendiculo distitum comitat: nam ab eâ parte repellitur, cum quâ angustiorẽ efficit angulum: hanc enim magis premit, & vicissim magis ab eâ premitur; ac proinde non recto tramite cœptum iter pergit; sed in partem oppositam deflectit. Quo autem radius B I obliquior est, & acutiorem efficit angulum, hoc in egressu angulus F C O erit obtusior, ac lumen magis dispergetur. Quare prope trigonum lux cùm sit vegetior, nativum candorem servat, donec longius diffusa, atque umbræ opacitate temperata, varios colores exhibeat. Vnde si radios jam dispersos, atque extra triangulum effusos lente convexâ colligas, vix in colores faceſcent. Vbi radii solares per rimulam obscuri cubiculi subeunt, ac vitri convexi adminiculo coguntur; tum varii luminis coni efformantur, cùm quidam radii propius, alii verò longius à foramine concurrant; extremi istarum pyramidum margines, non lucidi, sed variis coloribus tincti apparent, qui hoc sunt illustriores, quo locus fuerit obscurior. Iam corporis opaci & angusti interjectu breviorẽ conum ita separa, vt illius umbram lux ex vtraque parte cingat; tum rubeus color in ipso pyramidis limbo emerget, quòd

quòd lux vegetior vmbrae opacitatem superet; contrarium experieris, si longiorem, ac proinde debiliorem lucis pyramidem corporis opaci interpositu secueris; tum enim victrix vmbra corporis, ipsius pyramidis margines caeruleo tingeret colore. Ne sim longior, radii obliqui, fracti, ac dispersi in colores abeunt; qui trigoni extrema subeunt, acutiores angulos efficiunt; nam radius BL obliquiorem & strictiorem angulum cum vitri superficie procreat, quàm radius BI: ille in ipso exitu angulum apertorem efficiet cum vltimâ vitri superficie; nam in ipso ingressu radii ad perpendicularum accedunt, in exitu recedunt & magis sparguntur: colorem adedò obscuriorem radius BL exhibebit. Verbo dicam, vbi lux vmbrae dominatur, ibi splendidi apparent colores; cum vmbra lumen superat, obscuriores & nigro propiores emergunt. Hæc fortè cum tuis principiis minùs conveniunt; sed, nisi me mens fallat, nihil afferri potest, quod magis cum ratione, atque ipsâ experientiâ consentiat.

SIMP. Ego quidem videor debere non tam pugnare tecum, quàm quid ipse sentiam dicere. Colores Iridis ab ipsâ luce non oriri modò, sed etiam nihil esse præter lumen imminutum, jam subinde monuimus; lucem eo modo refringi, quo tu exposuisti, refractione debilitari, radios esse languidiores, quo sunt obliquiores, non equidem reprehendo, sed ante oculos posita, atque ab omnibus concessa esse dico. Lumen vegetius in flavum, vel rubrum colorem, debilius in colores obscuriores commear, donec penitus extingatur, ne id quidem reprehendo. Quid enim? si colores ex lumine dimanent, fortius lumen colores itidem fulgidiore procreare necesse est. At verò illud non rebar lucem cum vmbra, vel tenebris commisceri posse; atque ex illâ temperie, tot colorum species sobolescere; nec putabam ex albi nigrique mistura pictores rubrum, viridem, vel purpureum colorem procreare. Verùm ista sunt alterius loci: existimo quidem colorum rationes & causas in universum afferri posse; at definire quot cuique colori gradus luminis conveniant; quæ sit anguli refractionis mensura, ut rubrus color, potiùs quàm viridis emergat; hoc majus quiddam esse videtur, quàm ut hominum possit sensu, aut cogitatione comprehendere.



LIBER SECVNDVS.

De naturâ , causis & vsu fossilium.

CAPVT PRIMVM.

De principiis & causis fossilium in vniversum.

- I. *De spiritu vniuersi quæ sit Platoniorum & Chymicorum sententia.* II. *Varie objectiones aduersus spiritum illum cuncta permeantem , rationes seminarias , & vulgata Chymicorum principia proponuntur.* III. *Quid nobis videatur de rationibus seminariis , generatione fossilium , & tribus principiis , sale , sulfure , & mercurio ; Peripateticos cum Chymicis , quoad fieri potest , conciliamus.*

MENANDER.



ON gravaberis, vt opinor, mi Simplici, exâdificare id opus quod instituisti: nam otiosi sumus, atque ab omnibus negotiis vacui. Multa hæcenus de corporum cælestium motibus, neque non de iis impressionibus, quæ in sublimi spectantur, & d. lucidè, & satis copiosè disseruisti: sed cælestia procul sunt à cognitione nostrâ; meteora autem citissimè fugiunt, vix sui copiam faciunt; adèd vt nullâ ferè scientiâ comprehendiqueant: & si maximè cognita sint, nihil tamen ad vivendum conferant. Sed quæ terra sinu suo complectitur, quæque ad humanæ vitæ vsum, & oblectationem tam liberaliter effundit, minus quidem habent ostentationis: sunt tamen magis necessaria, & ad cognoscendum non illiberalia. Magna quoque est in iis subtilitas, quæ exercere vel altissimam eruditionem, ac scientiam possit. Quare nisi tibi molestum est, à sublimibus ad ima, & terrena, nostra delabatur oratio; neque vt arbitror Theophilo aliter videbitur.

TH. Mihi verò id pergratum fuerit: nec potes hanc disputa-

tionem defugere: cùm præsertim partem illam scientiæ naturalis non ignobilem, quæ circa res fossiles versatur, Alchimiſtæ vt desertam occuparint: vnde & Philosophorum nomen sibi insolentissimè arrogarunt: non enim Alchimiſtæ nomen jam in vulgus probatur.

SI MP. Non equidem ignoro hanc scientiam pessimorum hominum infamiâ laborare: nam impostoribus, & circulatoribus jam diu prædæ fuit: sed non continuè ars ipsa infamis censenda, si nequissimi homines in pravos vsus eam detorqueant: suas habet dotes & quidem maximas, quas nunc persequi nostri non est instituti. Pessimè actum cum rebus humanis erit, si nobilissimas quasque artes proscribi oporteat, quòd iis malè feriat homines abutantur. Nec dissimulare possum me nihil reconditum, nihil expectatione vestrà dignum de fossilibus vobis esse dicturum, nisi ipsa nobis Alchimia quasi in subsidium venerit: hæc enim non metalla modò investigat, & probat; sed etiam quæque corpora in sua resolvit principia; naturæ claustra, & quasi seras recludit, intimaque illius arcana scrutatur. Quo minùs ferendi sunt ii, qui hanc artem vt tenuem, ac jejunam cavillantur: cùm summi eam Philosophi, & Medici coluerint: inter quos Avicenna, Albertus Magnus, Lulius, Fernelius, atque alii eruditionis principes impensam huic scientiæ operam dederunt. Neque is sum tamen, qui Aristotelem, & Galenum præ Chymicis contemnam: sed vtramque Philosophiam, & Peripateticam, & Spagyricam facile conciliari posse arbitror. Quod ipse Severinus Danus vltro confitetur: nimirum Paracelsum cum asserit omnia constare ex sale, sulfure, & mercurio; non repugnare Aristoteli, qui rerum principia statuit materiam, formam, & privationem: nec Platoni dicenti Deum, exemplar, & materiam esse principia omnium: singuli quippe diversas rerum œconomias scrutantur. Hæc quidem Severinus Paracelsistarum antesignanus, homo neque meo iudicio stultus, & suo valde sapiens. Ego verò libentissimè concedam fossilia (nam de iis potissimum nunc agimus) ex materiâ, & formâ, nec non ex elementis compingi: sed quemdam præterea æthereum spiritum, qui formam cum materiâ conciliet; tria quoque principia mercurium, sul-

Peripateticos cum Chymicis conciliari posse.

fur, & salem, tamquam virtutum, & actionum omnium fontes admitti oportere, jure meritòque contenderim.

TH. Ista quidem fumis à Platonis, & Chymicis: sed vide ne plus eis tribuas, quàm res, & veritas ipsa concedat.

SIMP. Metuebam ne à futoribus, & coquis diceres. Verùm de spiritu cælesti, qui materiæ, & formæ vinculum cum sit, meritò à Platonis natura ectypa, archetypæ organum vocatur, jam aliàs vberimè disputatum à nobis fuit, ac demonstratum apertissimè naturæ nomen nec materiæ, nec formæ, sed huic spiritui rationibus seminariis fecundato convenire. Est quippe natura intimum motus principium, quæ à nascendo dicta est, quòd generatio sit illius functio primaria: atqui forma non est intrinsecum generationis principium: non enim proprium subiectum præparat, sed in illud jam dispositum incurrit. Sed neque materia augustum naturæ nomen debet usurpare, cum sit iners, atque omni actione destituta. Hæc est Aristotelis quinta essentia, ab elementis toto genere discreta; calidum innatum Hippocratis, quo cuncta perfunduntur; vitale principium Theophrasti; balsamum naturæ, & sulfur vitale Chymicorum, quod species individuorum propagatione conservat. Illius spiritus substantiam respondere proportionem quâdam elementis stellarum; nostris elementis longè esse diviniorem, calorem continere non igneum, (nam ignis nihil generat) sed planè cælestem, & vivificum: eo denique non semina modò, sed etiam animalium excrementa perfundi, quòd ex iis res vitæ participes procreentur, disertissimè demonstrat Philosophorum princeps. Spiritus dicitur, quòd idem sit tenuissimus, ac subtilissimus: quo enim res est à materiæ contagio solutior, eo quoque est ad motum promptior, atque ad agendum efficacior: sic lumen in momento diffunditur; vitales spiritus, quos lucidos esse jam alibi ostendimus, & fortè ejusdem sunt cum spiritu mundi naturæ, vt subtilissimi, sic vivacissimi existunt. Cælestem porro vocamus spiritum, non quòd eum Sol in terram vnà cum formis demittat, vt plerique falsò existimant: sed quia purissimam, & quasi crystallinam cælestium corporum naturam, atque eorum stabilem duratio-

*De spiritu
universi, vel
quintâ es-
sentiâ.*

rem æmulatur: corruptis enim ac dissolutis corporibus, is integer conservatur. Illud intueri licet in grano tritici, quod terra gremio mollito, & subacto sparsum excipit, idque putrefacit, ac dissolvit: at balsamum radicale ab interitu vindicatur, ac novam subinde molitur generationem: cessare enim non potest; ante omnia elementorum mixtionem aggreditur: quid enim aliud discordes elementorum qualitates conciliare posset? Profectò mirari subit cur tantas de mixtione quæstiones moveant Philosophi: an miscibilia in mixto integra remaneant; an tota totis confundantur; an solæ qualitates destructis elementis sint superstites? nec inquirunt, quo motore mixtio perficiatur. An elementa ex condito ad mixtionem confluant? quid tam iusta pondera, ac mensuras præscribat? nec tanta est in elementis scientia, nec tantæ vires terræ, aquæ, aëri, & igni comperunt, vt ex iis omnes corporum facultates, & actiones deriventur. Nimiùm simplices sumus, si colorum, & saporum varietatem, ac venenorum vires propè incredibiles, ex nudis elementorum qualitatibus prodire arbitremur. Sed nihil est tam incredibile, quod non dicendo fiat probabile. Elementa, inquit, propter qualitatum contrarietatem sese mutuò in minimas particulas comminuunt; alia ab aliis retunduntur; ex illâ pugnâ nova crasis, vel temperamentum, novæ adedò qualitates exsurgunt. Iam cedo quid elementa committat; quo monitore, quo instigatore congregiantur? quid illis tam iustas præscribit leges, vt ex eorum congressu triticum potius, quàm aliud gramen gignatur? quid elicit ex eo herbescentem viriditatem, quæ sensim adolefcit, culmòque erecta geniculato, vaginis jam quasi pubescens includitur, è quibus cum emerferit, fundit frugem spicæ? quid est cur potius ex discordiâ elementorum, quàm ex amicâ principiorum societate mixtionem perfici arbitremur? an sal cum aquâ, vel metalla cum aquis stygiis in quibus exsolvuntur, inimicitias exercent? Terram quidem & aquam ad mixtionem conspirare non inficior; at quorsum ignem è cælo deducimus, qui moliatur corporum ruinam? quibus claustris fugacissimum aërem coërcebitus? Sed dabo illud quoque, elementa omnia ad mixtionem confluere. Quid tandem secum afferent, nisi steriles qualitates, calorem,

frigus, humorem, & siccitatem? at constantes rerum proprietates, vires fecundas, & vitales ex aliis principiis dimanare necesse est: illæ ad materiam, istæ ad formam magis videntur pertinere; illæ terrenæ quidem, & elementares, hæ verò essentielles jure appellantur. Principia verò, & elementa spiritus ille vivificus, de quo jamdiu loquimur, simul connectit, & stabili conjugii fœdere confociat; ex illo tincturas suas, vt jam cum Chymicis loquar, vires, facultates denique omnes depromunt. Hinc formarum origo, quæ tamdiu Philosophorum ingenia fatigavit: hinc incredibilis illa specierum varietas, scilicet ex illo balsamo rationibus seminariis fœto proficiscitur. Nec necesse est ad mundi animam cum Platonis; vel intelligentiam, quæ sit formarum dispensatrix, cum Avicennâ; vel ad cælum ipsum cum Fernelio confugere. Nulla res in seipsâ non sua recondit astra, & occulta gerit semina, quæ stasis revolutionibus constantes siderum periodos imitantur. Ex iis, tamquam ex inexhaustis divinæ sapientiæ thesauris, formæ omnes multiplici sobole succrescunt. Nec credibile est materiam primam è sinu suo tantas opes fundere: subjectum quidem, & quasi matrix formarum existat; sed ex illius gremio non eruuntur, nisi eo quo alibi diximus modo. Hæc habui de spiritu vniversi quæ dicerem.

Varia objectiones.

T H. Da mihi nunc, optime Simplici, satisne ista probas? an licet Philosophis quidvis ad libidinem fingere? an quicquam magis à Philosophiâ alienum fingi potest, quàm spiritus cuncta penetrans, qui nec sensu percipi, nec ratione possit colligi? Veniat jam aliquis recens è Peripateticorum scholis, qui grandiloquentiâ Platonici non dilatat argumenta; sed minutis interrogatiunculis, & quasi punctis, opiniones tuas vellicet.

I. Hic inquam roget te, quid sit ille spiritus, substantia an accidens? Si substantia, forma sit vel materia, an ex utrâque compositus? tot & tantæ dotes in materiam non cadunt: sed neque formæ rationem sibi vindicat, cùm sit omnis corruptionis expers, cùm ex illo formæ scaturiant, cùm denique sit formæ, & materiæ nexus. Nec demùm in accidentium censu repones, est enim quiddam divinius, ac præstantius, quàm vt inter accidentia numeretur. Vrgebit ille forsitan, atque ex te requiret,

an idem & vniufmodi ſpiritus, an multiplex, & varius in tantâ rerum diuerſitate reperiatur? Si multiplex, vnde illa diſtinctio, vnde tot differentiæ repetuntur? non enim ex materiâ, & formâ compingitur; adeò vt materiæ titulo, cum aliis ſpiritibus conveniat, per formam ab iis diſſideat. Quòd ſi vnus eſt, ſimplex, & vbique ſui ſimilis: quo pacto tantam rerum efficit varietatem? an res eadem & vniufmodi tot functionibus ob-
eundis ſufficit? Inſtabit acriùs, & quæret an ille ſpiritus ſit vitæ expers, aut particeps? vitalem vocant; réſque omnes vitâ perfundit: an eâ perfectione deſtituetur, quam omnibus tam liberaliter impertit, adeò vt ipſi lapides & ſpiritus vniuerſalis, & vitæ compotes exiſtant? Quòd ſi enim Paraceliſtas audimus: creſcunt mineralia, ſua maturitatis ſortiuntur tempora, nutriuntur quoque, excrementa ſecernunt, quæ potentibus paroxyſmis ſæpe rejiciunt, magno Metallurgorum pavore: nihil non vivit; ac ſublimis illa philoſophia priſcis temporibus inaudita in viventium anatomîâ tota occupatur. Quæ cùm ita ſint, non dubitabunt hunc ſpiritum, vel mundi animam, vel certè illius ſpiraculum cum Platoniciſ vocitare. Verùm hæc jam inter ineptias evanuerunt; neque illa mundi anima à Chriſtianis Philoſophis recipitur, fœtus eſt profanæ philoſophiæ, quam propè dimiſſam fruſtra revocas. Non igitur ex mundianimâ, quæ cerebri vigilantis ſomnium eſt, neque ex ſpiritu vniverſi, qui nec concipi poteſt, nec enarrari, formarum origo reperenda eſt: ſed fateri oportet è ſinu materiæ illas erui, & benediſtione divinâ, quam in ſui conditione res eunctæ acceperè, propagari. Et quidem memini quòd cùm de principiis rerum naturalium diſſereres, negabas acerrimè formas in materiâ deliteſcere, quòd alioqui nulla foret generatio, ſed ejuſdem individui multiplicatio, vel reconditæ formæ manifeſtatio: nec probabile eſſet formam pulli in ovo contineri: ſecùs duabus ſimul formis ovum ſubſterneretur: neque etiam anima alibi quàm in corpore ſuis organis inſtructo reperitur: an muli forma in equo actu exiſtebat? Hæc atque alia id genus multa diſputabas acutiſſimè. Numquid repentè factus transfuga, à Peripateticis ad Paraceliſtas defeciſti? nihil enim quàm rationes ſeminarias crepant; & magno ſupercilio reli-

quos despiciunt Philosophos, qui neglectâ illarum rationum contemplatione, privationes, informes materias, & mortuas qualitates sectantur.

De formarum origine, quid Paracelsistis videatur.

Sed quid sunt illæ rationes, substantiæ an accidentia? nihil substantiale præter materiam, & formam novimus: quòd si materiæ dispositiones, & apparatus, aut vim causæ effectricis, quâ similem procreat effectum, hoc nomine insigniunt, vtrò eorum sententiæ accedimus. Verùm in ea sunt hæresi, quæ formas in feminibus, non virtute, aut potentiâ, sed actu contineri statuit; atque in eo summa Paracelsicæ Philosophiæ consistit. Negant generationem esse ex non ente ad ens processum; nisi fortè, inquirunt, non entia appellemus, semina in quibus vita, potestas, essentia, scientia vigent: nec quicquam aliud est generatio, nisi fluxus feminum: quæ nova in dies fieri videntur, in semine antè delitefcunt, meliorèque vitâ fruiuntur. Rursus quæ hîc corrumpi dicuntur, non festinant ad non ens, sed destinatis muneribus absolutis, ad fontes suos recurrunt. Iam semina in nocte Orphei, vel orco Hippocratis, vel in iliastro Paracelsi, atque in occultissimis elementorum abyssis latent, vt formæ in feminibus, quæ variis donis, ac scientiis instructæ, per spiritus mechanicos, & artificiosos corpora sibi fabricant, & infelici tum principiorum, tum elementorum conjugio copulatæ, in mundanam scenam prodeunt; tumque partium distantias, & extensiones admittunt, locorum insuetis clauduntur angustiis, & temporum tam tardas revolutiones mirantur. Auditis portentosa Severini deliria, qui pergit ineptire, cùm magnificis verbis docet in semine omnia vigere, quæ hîc generationum, & corruptionum vicissitudine fluere, & refluere videntur; adeoque formam vniuscujusque rei non extrinsecùs accedere; non à datore formarum, post elementorum consentaneam mixtionem, infundi; non à stellarum momentaneo positu in inferiorem naturam derivari; non ex atomorum fortuito congressu integrari: sed in ipsis feminibus delitefcere. Quid, si ista vera sunt, omnis generatio tollitur: nihil enim seipsum generat: formæ dumtaxat emergent ex elementorum abyssis, & tamquam spectra peregrinis corporibus vestita apparebunt. Formæ erunt suis corpo-

Ref. litur.

corporibus longè antiquiores, ac semen canis, jam canem appellare nihil vetat. Potèstne quisquam ista sentire, & literis consignare? nihil gignitur, sed occulta quæ sunt manifestantur; nihil quoque interit, nam formæ elementorum diuersoria repetunt: hinc rursus digestis temporibus suscitantur, & admirabili scientiâ, generationum corruptionumque fluxus, & refluxus moderantur. Sed quibus adminiculis generationum liturgias perficiunt, quibus organis elementa, ac principia permiscet? spiritibus nempe mechanicis, & architectonicis vtuntur, qui amicâ societate dissentaneas copulent naturas: sunt enim visibilibus, & inuisibilibus; corruptibilibus, & incorruptibilibus vincula, atque artificiosè omnia operantur. *Qui sint spiritus mechanici ex Chymicorū sententiâ.*

Hinc non ineptè mechanici nominantur; cūque sint corporum, & spirituum nexus, ambigunt quodammodo, & corpora sunt, sed spiritalia; sunt item spiritus, sed corporei: tincturis suis, & impressionibus sapes, colores, & alias signaturas, seu qualitates corporibus impertiuntur: horum enim omnium perfectam habent notitiam: ne fortè indoctos spiritus putes. Nec mirum si tantâ arte animantium, stirpium, imò & mineralium partes conforment. Quid est enim cur vitam metallis & lapidibus inideas? tamen individuorum propagatione speciem non custodiunt, non continuò tamen seminibus destituuntur. Quot animantes, vel plantæ steriles existunt, an fortè idcirco carent semine? nequiquam: sed vitali eorum sulfuri altè infidet vis seminaria; quod quidem sulfur, vel balsamum, digestionem, & fermentationem peractis, statim temporibus turget, & efflorescit. Non dissimili modo mineralia seminibus suis, licet infœcundis donantur, & sua maturitatis obtinent tempora; nec non paroxysmorum ratas periodos, venarum ordinatas progressionem, corporum consentaneas compositiones, saporum, & colorum efficaces virtutes, ætatum discrimina, morborum, & mortis necessitatem. Nec magis est artificium in plantarum, vel animalium formis, & figuris, quàm in colorum, odorum, saporum, & proprietatum, quæ in mineralibus vigent, ordinatâ explicatione. Quinetiam in iis formæ naturales non sunt prætermittæ: alia namque est Adamantis, alia Crystalli forma; non igitur eorum semina vitæ, vel

De vitâ mineralium ex Severino.

scientiâ destituuntur. Iam hoc ferè modo fossilium generatio perficitur. Semina in abyssis occultata, vbi digesta expleverint tempora, cum spiritibus conjugium ineunt, qui quamvis sint initio invisibiles, corporum tamen principia, elementa, & ornatum omnem in se continent: cùm dispositiones aptas, & materiam attemperatam invenerint, tum donorum varietate, scientiâ abditam majestatem exerunt. Siquidem matricibus, & locis repertis, corporum visibilibus, magisque concretorum admittunt commercium, tum elementa, & principia sibi idonea constituunt: sal nempe minerale, quod opportunam soliditatem tribuit: sed ne conererâ salium proprietate ligati spiritus mechanici actionum principes, officiorum injusta paterentur dispendia; adjunxit idcirco natura principium, quod copiosâ, pingui, viscosâque substantiâ salis congelationem benignâ commixtione temperaret: sulfuris officium id fuit. Sed desiderabatur tertium, quod assiduâ irrigatione duo priora fovet, fluidâque, & labili substantiâ mixtionem facilem redderet: hinc sali & sulfuri adjunctus est mercurius.

Hæc adeo sunt Severini & Paracelsistarum commenta, quibus veram Philosophiam evertunt funditus; ut difficile sit de eorum temeritate, perinde ut causa postulat, dicere. Primum, Philosophi non satis habent magnifica verba fundere, sed rationibus progrediuntur, & incerta certis probant. Hic verò multa falsa occurrunt, pleraque dubia, nihil demonstratione stabilitum. Audio semina in orco Hippocratis quiescere, nullis dimensionum legibus adstricta, digestis temporibus fructus parere, ac sulfuri incombustibili, seu vitali balsamo insidere: addunt spiritus mechanicos scientiâ instructos variis ornatos donis, hæc semina corporibus alligare. An nobis argumenta querenda sunt, quibus hæc opinionum monstra convellantur?

1. Quis ignorat animantes, & plantas in seipsis sua semina possidere, non ex Iliastro Paracelsi, vel Orphei nocte arcessere.
2. Terra verbo divino fecundata plantas produxit, quæ semen in semetipsis haberent, non ex vacuis elementorum abyssis repeterent. Sed illud perabsurdum, semina, & spiritus mechanicos scientiâ donare: numquid cogitando rerum imagines depingunt, aut de rerum veritate judicant, vel vnum ex alio col-

*Refellitur
Severinus.*

ligunt? Taceo spiritus in corpora degenerare, nihil interire, 3.
 nihil corrumpi; cùm tamen Christus & Apostolus testentur
 granum tritici terræ sinu exceptum priùs mori, quàm in no- 4.
 vam frugem adolescat. Iam quo fato semina, cùm sint incor-
 poreæ, corporum infelix conjugium ambiunt? non vt propriam 5.
 speciem individuorum multiplicatione conseruent; sunt enim
 formæ spirituales, & morti non obnoxia: quid formis separa-
 tis, & spiritalibus cum caducis corporibus? Sed quis illa ar-
 tem fabrilem edocuit, vt ex elementis cudant principia? si ta- 6.
 men principia dicenda sunt, quæ ex aliis prodire. Mitto dice-
 re de sulfure incombustibili, cui semina, alstra, radices inhæ-
 rent; cùm sulfur, oleum, balsamum, vel quocumque alio
 signetur nomine, quo purius existit, hoc citiùs ab igne consu-
 matur: nec quicquam sit in hoc inferiori globo ab omni corru-
 ptione tutum. Iam hîc locus non postulat vt de generatione
 animalium ac plantarum differamus: pauca dumtaxat de mine-
 ralium ortu delibemus; hîc enim Paracelsistarum factio seriò
 triumphat.

Primùm, quòd vitam fossilibus largiuntur, faciunt puerili-
 ter: istuc enim non temerè assertum, sed probatum oportuit. *Metalla non vivere.*
 Quòd si vivunt mineralia, quid est cur non alia generent, vti
 plantæ, & animantes? generantur, inquiunt, sed ex occultis
 naturæ thesauris. Hæc quidem inconstantissimè dicuntur, cùm
 Paracelsistæ, atque alii magni magisterii, seu lapidis Philoso-
 phici professores, aurum in seipso suum semen recondere perti-
 nacissimè defendant. Sed illa metallorum transmutatio meâ
 quidem sententiâ est impossibilis, neque ex feminibus oriun-
 tur metalla; sed ex terrâ & aquâ permixtis, vt placet Agrico-
 læ; vel ex vapore resoluta, qui frigore instar pruinæ concre-
 scit, vt sentit summus Philosophiæ dictatot. Verùm de his
 alius est nobis sepositus locus. At crescunt metalla. Demus id
 vobis. An continuò aluntur? nisi fortè ignem vivere, quòd
 pabulum exigit, stultissimus Paracelsista existimet. Iam quid
 absurdius, quàm fossilium semina elementis nutrire, atque illa
 ex orco Hippocratis evocare? an semina alimentis indigent? 3.
 Quid demum illis deest? formæ sunt spirituales (si vobis credi-
 mus) nec bene iis cum corporibus convenit. Sed neque cor- 4.

pora alibi, quàm in suis matricibus gignuntur: quis enim ferat stellas prægnantes fructus suos, pluvias scilicet, ac ventos in aëre; aurum, & gemmas in terrâ deponere? Vnumquodque elementum, inquit Severinus, non in propriâ, sed in peregrinâ regione parturit. Atqui hoc falsum est, neque aqua in terram sua semina immittit, sed in seipsâ concipit, & concepta femina promovet: idem in terra vsuvenit. Falsum id quoque est quasdam stellas ventorum generationibus incumbere, in quibus spiritus mechanici, & scientiæ lateant talium corporum productrices. Quis nescit pluvias ex vaporibus, quos è terrâ, vel mari Sol evexit prodire, non ex sideribus demitti? quasi ut Aristophanes de Iove jocatur, & Paracelsus de stellis seriò rugatur, sidera per cribrum mejerent. Quòd si quædam stellæ australes ventos, aliæ boreales excitant; profectò in eodem terræ hemisphærio, eisdem simul spirare ventos necesse est: nam eadem ubique stellæ collucent. Verùm hæc otiosorum hominum, atque in Paracelsi Iliastro somniantium deliria faceffant.

De principis Chymicorum diversis opinionibus.

Venio ad ea quæ veri propiora mihi videntur, nimirum ad principia ex quibus Chymici omnia compingunt corpora. Ego quidem optarem, ut inter hujus scientiæ professores magis conveniret: magna quippe est inter eos de numero, naturâ, & officiis principiorum dissensio. Sunt qui principia ex elementis, tamquam ex fontibus deducant; aliis contrarium placet, ac negant prima rerum initia ab elementis prodire: nec defunt qui putent in rebus omnibus eadem non esse principia: neque enim fit eis verisimile sulfur auri ejusdem esse naturæ cum aquâ ardente, seu vini sulfure: contrarium ab aliis defenditur, quòd plantæ ex mineralibus, animalia ex plantis nutriantur: vnde apertissimè colligi putant eadem esse omnium corporum exordia. Iam vtrum stirpes è terrâ, vnâ cum succo, hæc quoque rerum primordia eliciant; an potiùs ex eodem humore diversa principia vitali facultate producant, magnâ opinionum contentione certatur. Plerique posterius asserunt, cum ex maturis, & immaturis fructibus, eadem non eruantur principia: illa igitur humori ex quo planta alitur, non inerant actu, sed potestate tantum, & sua habent coctionis vel maturitatis tempora. Reclamant alii, & prima rerum exordia non fieri, sed

tantum secerni contendunt; cum ex eodem humore simplici & vniufmodi, tam diuersa principia prodire nequeant: neque idem agens ex eodem subiecto diuersos effectus procreare possit. De numero principiorum nullatenus inter se consentiunt. Paracelsus à Basilio Valentino, & Isaaco Hollando sulfur, sal, & mercurium mutuatus est. Libavius quintam essentiam, seu ætheream substantiam, vel calidum innatum adjicit. Veteres Alchimistæ duo dumtaxat metallorum principia, sulfur, & mercurium agnovere: Geber arsenicum his adiungit. Omnes hoc communi errore labuntur, quod ea decernant principia, in quæ corpora mixta resolvuntur. Id verò concedimus, cum res naturali putrefactione dissolvitur: non autem cum vi quâdam per ignem destruitur: ignis quippe hæc principia generat, non educit: nam si varios ignis gradus adhibeas, diuersos itidem effectus procreabis. Exemplo sit vinum, ex quo spiritum tenuissimum, phlegma seu aquam, acetum, aquam ardentem, oleum pingue, terram, salem denique tum fixum, tum volatilem eliciunt. Plura ex vitriolo proferunt: an tot principia statuenda sunt, quot res diuersæ extrahuntur? Frustrâ nobis obtrudunt varias opii & vini qualitates, quas non nisi ex diuersis principijs oriri falsò colligunt. Diu multumque de opio dubitatum est, inquit Dânus, quâ ratione in tantâ amaritudine stupefaciendi virtus excelleret: nos substantiarum factâ separatione, sulfur, vel oleosum quippiamprehendimus planè narcoticum: ejusdem naturæ sulfura antea conspexeramus: eâdem analysi in opio sal quoddam diaphoreticumprehendimus, quod subtili resolutione penetrando sudores mouet, cujus similitudinem in multis naturæ partibus similiter demonstrare possumus. Simili planè modo in vino oleum calidum cum multo phlegmate, & tartaro conjunctumprehendimus: hinc minùs admiramur cur calidum cum sit, diurnorum, & grauium morborum, calculi, podagræ, & colicæ causa esse possit. Hæc quidem magnâ verisimilitudine dicuntur. Enimverò si quis ex te, Severine, requirat, cur opii sulfur somnum inducat, sal sudores excitet? neque enim hæc vires in sal, vel sulfur omne cadunt. Quid est cur spiritus vini inebriet, non item alia sulfura, vel olea? cur sal Rhabarbari adstringat, cum oleum

illius virtute purgatrice excellat? hærebis forſitan, niſi ad peculiarem craſim vniuſcujuſque corporis cum Galenicis, vel ad formas ſpecificas cum Peripateticis te referas.

Sed non alio magis angor, quàm quòd principia ipſa Chymici inconstantiffimè deſignent: nam vt taceam de ſale, & ſulfure, nondum conſtare nobis potuit, quid per mercurium intelligant: an puriſſimum ſpiritum, inflammabilem, & planè cæleſtem? Verùm hic nihil eſt quàm ſulfur tenuiſſimum, vel ſolemnis illa non magis cognita, quàm nominata quinta Ariſtotelis eſſentia. An ſpiritus acidus, & penetrans mercurii nomine inſinuat: at multi negant hanc aciditatem aliunde, quàm à ſale volatili proficiſci; quo quidem ſiacetofum liquorem ſpoliaueris, humor fatuus, & inſuſus remanebit. Non ineptè quidam mercurium nihil ab aquâ diſferre arbitrantur: ſic enim commodiùs explicari poteſt: nunc ad te refero quos ſequar? Sed illud palmare eſt, omnes ſapores ſali, atque odores ſulfuri tribuere: quaſi ex eodem ſale tanta ſaporum varietas proficiſci queat. Nucem arborem in cineres redige, ſalem extrahe, cedo an ſal ille omnes exhibeat ſapores, qui in foliis, corrice, nucleis magnâ varietate diſcernuntur? an ſulfur ipſum omni ſapore deſtituitur? Verùm hæc ad vivum non reſeco: jam aliàs de principiis Chymicorum diſputatum à nobis eſt ſubtiliùs: hæc adeò placuit leuiter perſtringere, quò te ab Alchimistarum vanitate, ſi fieri poſſet, retraherem.

Quæ ſit noſtra de placitis Chymicorum ſententia.

SI MP. Non eſt quòd vereare, ne ad Paracelſi, vel Severini ſtultas opiniones dilabar: ipſam quidem Alchimiam amo, quòd naturas rerum quaſi perſecare, & aperire videatur: ſed illos Chymicos odi malè, qui opinionum ſuarum monſtra, tamquam certiſſima decreta venditant; fingunt omnia, probant nihil. Quocirca nobis hoc ipſum faciendum eſt, quod Alchimiftæ profitentur, purum ſcilicet ab impuro, verum à falſo eſt ſecernendum. Nec verò ſum adeò mentis inops, vt cum Severino exiſtimem formas rerum in feminibus actu eſſe reconditas; vel ex inviſibilibus elementis, tamquam è latebris in lucem prodire: nec ſpiritus mechanicos ſcientiâ, & intelligentiâ præditos exiſtere, mihi vmquam perſuadebunt illi fumivenduli. Vix credam metalla vivere, vel tamquam ſiderum fructus è

cælo in terram demitti : hæc qui sentiunt , prorsus desipere arbitror. Cæterum quæ tibi vehementissimè displicent ; nimirum spiritus vniversi , quo cuncta perfunduntur ; rationes seminariæ , ex quibus formæ omnes repetuntur ; mineralium ex propriis seminibus procreatio ; tria demum pervulgata Chymicorum , ex quibus rerum omnium vires ducuntur , principia : hæc inquam puto probabiliter posse defendi ; neque tamen ea sicut caput , & famam tueri necesse est. Verùm captiosis interrogatiunculis tentas nos circumscribere : quæris an spiritus ille substantia sit , vel accidens ; vnus an multiplex ; vitæ particeps , an secus ? hos quidem cavillos nobis discutere in proclivi est. Itaque respondeo spiritum illum cælestem tenuissimam esse substantiam ex materiâ , & formâ concretam , simillimam spiritui vitali , qui à corde per arterias in omnia corporis membra diffunditur ; qui cùm sit vniusmodi , varia tamen obit munera , quòd animæ sit primarium organum. Adderet Aristoteles hunc spiritum esse veluti flammam purissimam , cuius oleum , & quasi pabulum sit humidum primigenium. Generantur , inquit , in terra animalia , & plantæ , quoniam humor in terrâ , spiritus in humore , calor animalis in vniuerso inest : ita vt quodammodo plena sint animarum omnia. Calor igitur cælestis , quem aliàs longè ab elementari diversum esse confecimus , huic spiritui insitus est : quemadmodum humidum radicale , quod spiritus ætherei est veluti pabulum , humore elementari longè præstantius existit : nam vt calor cælestis blandus est , & suavis , non vorax vt igneus : sic humidum primigenium est vitæ fomes , materiæ , & formæ nexus , elementorum gluten , oleum purissimum : hoc humore cineres ipsi diluuntur , & vitro cælestem planè naturam tribuit ; neque enim vitrum posset fluere , si omni humore foret destitutum. Frustra interrogas an ille spiritus vivat , an suâ donetur animâ ? nego eum vivere , quamquam sit corporis , & animæ vinculum : est quippe similis , vel ejusdem prorsus naturæ cum spiritu vitali animalium , qui instrumenti nomine vitales functiones obit ; nec vivit tamen. Quamquam Alexander Alensis huic spiritui vitam tribuere non reformidet ; adèò vt spiritus vitæ sit particeps , non animæ : neque ineruditè vitam ab animâ discrimi-

*De spiritu
vniuersi.*

*Respondetur
objectionibus.*

*L. 3. de
gen. an.*

nat, cùm anima corpori inesse queat, tamenſi vitam illi non imperiat: quidni etiam vitam ſine animâ conſiſtere poſſe fateamur? Sed vtrum iſta defendi poſſint, ipſe viderit: nobis ſatis fuerit ſpiritus vniverſi vitam, tamquam diuinæ providentiæ organo, & naturæ ætypæ concedere. Nec multum nos torquet alia interrogatiuncula, vtrum vnus ſit, vel multiplex: vtrumvis elegeris, mihi perinde eſt. Vnus eſt, antequam ad rerum individuarum compositionem deſcendat; varius & multiplex, vbi naturam aliquam conſtituit: ſic varias exerit actiones, quatenus diverſis formis quaſi famulatur. Vnde ergo, inquebas, tanta rerum varietas, ſi vnus ſit ſpiritus omnium generationum opifex? Vnde, niſi à rationibus feminariis, quæ nihil ſunt, quàm quidam idearum quaſi characteres, numeri efficaciſſimi (vt cum Platoniciſ loquar) qui generationes promouent. Eſt quippe ratio ſeminalis vis quædam occulta, quæ materiam ideæ diuinæ conformat, (ſic illam doctiſſimus Furnencus definit:) neque aliunde quàm ex ideis formarum origo, & varietas deducitur: iſtæ ſunt formæ principales, & originales regulæ, ex quibus quæcumque naſcendo ad oculos noſtros exeunt, accipiunt progrediendi primordia, & incrementa debitæ magnitudinis, diſtinctioneſque formarum. Non enim ab inſormi materiâ formas omnes, vel ſtabilem rerum ſeriem ex natura inſtabili proſiciſci, mihi ſit veriſimile. Sed rationes ſeminarie jam aliàs ſunt à nobis explicatæ, atque ab iis, ſi videbitur, qui iſta diſputant quæritote.

M E N. Nos autem à te potiùs. Nec clam me eſt, non Platonicoſ modò, ſed etiam Auguſtinum, occultis illis rationibus diuinæ ſapientiæ organis, rerum omnium formas, & diſtinctiones acceptas referre. Sed quid ſint iſtæ rationes, ſpirituales, an corporeæ; ſubſtantiæ, vel accidentiæ; formæ ipſæ, an formarum rudimenta, quod ſit earum ſubjectum, effectrices, an formales ſint cauſæ, quotuſquiſque explicat? Quare da nobis hanc veniam, vt ea quæ ſentis audiamus.

S I M P. Ego verò tibi obſequi ſtudeo: nec gravabor breuiter, meo more, quid ſentiam dicere. Ac primùm, à feminum cognitione ſenſus ipſoſ removeamus: nam eorum cenſuræ neuiquam ſubjiciuntur. Nam vt pulchrè Auguſtinus, rerum

quæ

De rationibus feminariis.

L. 3. de Trin.

quæ corporaliter, visibilitérque nascuntur occulta quædam semina in istis corporeis hujus mundi elementis latent: alia sunt enim hæc jam conspicua oculis nostris, ex fructibus, & animantibus; alia verò illa occulta istorum feminum semina, unde jubente Deo Creatore produxit aqua prima natatilia, & volatilia; terra autem prima sui generis germina, & prima sui generis animalia: neque enim tunc hujusmodi foetus ita producti sunt, vt in eis quæ producta sunt, vis illa consumpta sit; sed plerumque desunt congruæ temperamentorum occasiones, quibus erumpant, & species suas propagent. Fateor equidem, mi Theophile, res omnes benedictione divinâ accepisse vim sui similis productricem: at quiddam est in rerum naturâ quod iussu divinum exequitur, & generationis principium intimum existit. Docet quidem scriptura Deum ab omni opere quod creavit, die septimo cessasse: cuncta enim in feminibus suis tum creata fuerunt, per generationem hæc semina in formas visibiles explicantur. Hoc ipsum apertissimè colligit Augustinus. In semine ergo, inquit, illa omnia fuerunt primitus, non mole corporeæ magnitudinis; sed vi, potentiâque causaliter: nam illa magnitudo copiâ terræ, & humoris congesta est; sed illa in exiguo grano mirabilior præstantiorque vis est, quâ valuit adjacens humor commixtus terræ, tamquam materies verti in illius ligni qualitatem, in ramorum diffusionem, in foliorum viriditatem, ac figuram, in fructuum formas, & opulentiam, omniumque ordinatissimam distinctionem. Quid enim ex arbore illâ surgit, aut pender, quod non ex occulto quodam thesauro feminis illius extractum, atque depromptum est. Eadem ferè paulò superiùs præmiserat, cùm exponeret locum illum Geneseos: Fons ascendebat de terrâ, & irrigabat omnem faciem terræ. Omnia, inquit, primordia feminum; sive vnde omnis caro, sive vnde omnia fructifera gignuntur, humida sunt, & ex humore conrescunt: insunt autem in illis efficacissimi numeri trahentes secum sequaces potentias de illis perfectis operibus Dei, à quibus in die septimo requievit. Verùm non locis, sed rationibus pugnandum, & quid sit illa ratio seminalis breviter est aperiendum.

Nec substantiæ, nec accidentis nomen illi convenit, si

L. 5. de Genesi ad lit.

Quid stratio semina-
ria.

exquisitè, atque ad scholasticorum regulam loqui volumus: non enim est quiddam completum, quod alicujus prædicamenti claustris arceatur; sed radix est tum substantiæ, tum accidentium. Nam rerum omnium numeri, & species in rationibus illis latent, non tumore locorum distenti, sed quasi complicati, atque eo ferè modo (vt ab exemplo Augustini non recedam) quo omnes numerosi soni Lusciniaë imaginationi quasi spiritaliter imprimuntur: vel vt pulcri alicujus carminis numeri in ipsâ arte delitescunt: non enim ars quâ versus fabricatur, sic tempori obnoxia est, vt pulcritudo ejus per mensuras morarum digeratur; sed simul habet omnia, quibus efficit versum non simul habentem omnia. At molestissimâ subtilitate inquiritis, vtrum illæ rationes formæ sint, an formarum exordia? cum formis eas non confundimus: cum hæ sint fluxæ, & caducæ; rationes seminales non item: sunt igitur formarum potius effectrices; quàm formæ; rationem, & quasi vim plasticam rerum continent, non vt causæ principes, sed vt instrumentariæ: sic artem quâ versus cuditur, ab ipso versu discernimus. Nihil verò aliud est spiritus ratione seminali prægnans, nisi natura ipsa formarum radix. Quid autem natura, nisi ars Dei in materiâ? Cum igitur res gignuntur, numquid formæ prius in materiâ existebant? Responderet Albertus formarum essentiam in materiâ ab ipso mundi exordio, sub existentia alienâ delituisse: sed cum res generatur, tum propriâ fruitur existentia. Huic opinioni neque omninò accedo, neque planè dissentio: sed vt omnem effugiam cavillationem, rationes seminales vt idearum vicarias, effectricis, non formalis causæ titulo rerum omnium formas procreare statuo. Nam vt scitè Augustinus, sicut matres gravidæ sunt foetibus, sic ipse mundus gravidus est causis nascentium. Iam vbi materiam idoneam nactæ sunt, tum quæ secreto naturæ sinu abdita continentur, erumpunt, & explicant mensuras, numeros, & pondera sua, quæ in occulto acceperunt. Idque eo ferè modo perficitur, quo ratio mente concepta inflati pulmonis captat occasionem, vt voce sensibili induta, distinctè exprimat, quidquid antea indistinctum, & quasi convolutum gerebat. Nec dubito quin rationes seminariæ, distinctione, si minùs reali,

certe formali, ab ipsâ materiâ secernantur: nihil quippe sola materia molitur: atque alia est in semine ratio frondis, alia floris. Quid ergo sunt illæ rationes, corporeæ, an spiritales? Diu est quod Doctor eximius Alexander Alensis huic occurrit interrogationi: quod nimirum elementis mundi indita sit quædam natura simplex, & incorporea, alia à natura elementari; quæ quidem virtus, seu seminalis ratio dici potest corporalis, quia radicatur in corporibus, seu in elementis; & spiritalis, quia mole caret corporali.

Restat vt iis respondeam, qui subiectum & sedem harum rationum demonstrari sibi postulant; quod quidem nobis est in promptu: non enim alibi quàm in ipso spiritu æthereo inhabitant. Custos verò hujus spiritus, ac seminariæ rationis semen est visibile, quod potestate, non actu formam continet. Quare cælum ad generationem causæ vniuersalis nomine conspirat; calore suo cuncta promouet, inferiores causas excitat, & corroborat: sed è cælo formæ non delabuntur, vt suo loco ostendimus. Vnumquodque medio semine tamquam instrumento, suum simile procreat. Hinc virtus generantis est principium, quo, (sic enim hodie rerum nomina obtinent) ratio verò seminalis principium erit ex quo res quæque gignitur. Existit autem hoc loco quædam quæstio subdificilis de animalibus, quæ ex putredine nascuntur, vbi seminariæ eorum rationes delitescunt? non alibi profectò quàm in spiritu vniuersi: aut dicant mihi qui contrarium sentiunt, quæ sit effectrix causa istorum animalium? vnde prodeant quæ è terra nascuntur in iussa gramina? Numquid fortè à cælo formantur? Sed cælum cum sit omni vitâ privatum, quî poterit vitam, & sensum largiri? nulla causa effectu suo deterior est, maximè si principis causæ nomine operetur. An necesse est ad intelligentias corporum cælestium motrices recurrere? at principium generationis intrinsecum, & naturale inquirimus. Cælum quidem ab Angelis moveatur, nihil repugno. Num continuò Angeli principales erunt generationum causæ? Hanc ego subtilitatem Philosophiâ indignam iudico. Influxus cælestes his inferioribus fortasse applicent: non aliud præstabunt, quàm quod cæli viribus est attemperatum. Non igitur spirituales illæ na-

*De animalibus,
quæ ex putredine nascuntur.*

turæ causæ sunt naturales eorum, quæ sine manifesto semine gignuntur. An verò saltem vt artifices operantur? ne id quidem: quid enim est opus artefactum, nisi id quod ab ideâ artificis formam suam mutuatur? atqui res naturales non Angelorum, sed vnius Dei ideas, seu formas originales participant. Structura, & conformatio animalium majus quiddam est, quàm vt ab vllâ creaturâ, tamquam ab artifice procreari queat. Aliud est, inquit sublimis Doctör, ex intimo, ac summo causarum cardine condere, atque administrare creaturam, quod qui facit solus creator est Deus: aliud autem pro distributis ab illo viribus, & facultatibus aliquam operationem forinsecus adhibere, vt tunc, vel tunc, sic vel sic exeat quod creatur. Ista quippe originaliter, ac primordialiter in quâdam texturâ elementorum cuncta jam creata sunt, sed acceptis opportunitatibus prodeunt. Quid igitur restat nisi vt soli Deo tamquam omnipotenti artifice, & causæ principi omnium animalium quæ sine semine nascuntur, ortus tribuatur. Sed fors est, vt Deus non sit immediata, & proxima generationis causa. Quamobrem reliquum est vt spiritum cuncta permeantem, rationibus seminariis fecundatum cum vniversâ Academicorum familiâ agnoscamus.

Nec stirpes modò, vel animantes, sed lapides etiam, metalla, & cuncta fossilia ex iisdem causis procreantur; non ex fortuito elementorum concursu, vel ex sublatis vaporibus, frigoris vi concrescunt: non enim frigus quicquam generat: neque ex terrâ, & aquâ permixtis aliud quàm lutum fieri potest. Corporum quædam affectiones, vt densitas, raritas, durities ab elementorum qualitatibus non absurdè repetuntur: at rationes, & naturæ corporum, ab intimo motu, atque ab interiore principio oriuntur; quod quidem principium seminale res cunctas maturat, perficit, ac certis circumscribit figuris. Vnde quæso te crystalli hexagonam figuram vbique fortiuntur? an fortè ex fluitantis materiæ concrectione? an potius ex spiritu architecto suis rationibus seminariis instructo? sed quid crystallos solas commemoro, cum natura vel in lapidibus arenaceis quiddam regulare affectet: nam cores duplo longiores, quàm latæ esse solent: sic arenulæ quæ ex vesicâ expelluntur, rhombi

figuram imitantur: hinc fortè suis angulis tantos excitant dolores: sal gemmeus ex atomis cubicis exsurgit. Numquid hæc temerè, & fortuitò eveniunt? Quid igitur est cur mineralia ex intimis principiis, vel seminis, vti plantæ non oriantur? tametsi stirpes fecundæ esse soleant, non item fossilia. Non enim aurum aliud aurum gignit. Stirpium quoque semina terræ mandantur, vt multiplicata species suas conseruent: semen verò fossilium in ipsis conclusum, & occultum manet: longâ temporum successione propriam materiam immutat, coquit, & perficit; non enim sequacem, vt in plantis materiam offendit. Vt semel finiam, fossilia maximam cum plantis habent cognationem: nam instar arborum eriguntur, in ramos ac venas diffunduntur; pleraque exhausta ex seminis renascuntur; crescunt quodammodo, & nutriuntur: neque tanto à plantis intervallo, quanto stirpes ab animantibus, dissident; adèd vt infimum vitæ gradum obtinere videantur. Sed ne verbi controversia nos torqueat, fateor mineralia omni vitâ destitui; spiritu tamen æthereo perfundi, & suis rationibus seminariis instrui iure contenderim; cùm iisdem vbique viribus, figuris, & coloribus donentur.

Venio jam ad principia Chymicorum, quæ tibi non probantur, quòd ne Chymici quidem de numero, naturâ, & officiis principiorum inter se consentiant. Nimis invidiosè hæc à te dicuntur: nōne & ipsi Periparetici in multis, ne dicam in omnibus ferè dissentiant. Nonnulli elementa actu in mixto, alii potestate tantùm remanere contendunt. Quanta pugna est de elementorum qualitatibus; vtrum integræ, vel reusæ conseruentur; an potiùs iis decedentibus novæ succrescant? vtrum ex earum pugnâ, nova eaque simplex qualitas exsurgat? quare Chymicos in invidiam vocas, quòd negent omnes corporum vires ex elementis prodire, ac nova inducant principia, quæ ad intimam corporum mixtorum essentiam pertineant? minùs fortasse de numero principiorum inter eos convenit; at illud certè apud eos constat qualitates omnes ab elementis non duci. Neque enim vis narcotica opii, aut facultas purgatrix Rhabbarbari à terrâ, vel aquâ proficiscitur: nec tanta saporum, & colorum varietas ab elementis insipidis, atque omni odore,

De principiis Chymicorum quid sentiendum.

vel colore destitutis prodire potest. De sulfure quidem, & sale magna est inter eos consensio; mercurius dubiæ magis & antiquitatis naturæ existit. Nonnulli cum spiritum acidum definiunt: in hanc quidem sententiam multum olim propendebam, cui nunc planè non confido, cum nitrum, & sales quique volatiles istam aquæ aciditatem concilient. Imò spiritus salis cum lapide calaminari distillatus omnem ferè aciditatem exuit. Mercurium alii nihil esse putant, quàm liquorem aqueum corporis mixti virtute imbutum, qualis est aqua rosacea. Sed quid propriè sit mercurius, quia parum refert, liberum opinaturis relinquo. Neque etiam hîc discutiendum est, vtrum principia actu (quod mihi probabilius videtur) an potestate tantum in mixto resideant: satis est, si revera inesse fateamur.

Obiectio 1.


Respons.

At inquis, hæc sunt ignis artificialis, non naturæ opera. Mirum si tantum arti liceat, vt essentias quæ priùs non erant, efficiat. Numquid ex vino spiritum ardentem elicimus, quo extracto frustra tentaris alium prolectare? Quid causæ est cur in ipsis essentis eadem vires deprehendantur, quæ in mixto inerant? quid ignis, nisi ignem procreat? quid demum est cur ex eodem vitriolo, spiritum, oleum, sal, terram, & aquam producat? sed cur ex omni vitriolo idem spiritus elicitur? Cum finis calore, vel balneo roris distillantur liquores, numquid ignis violentiam, atque artificialem corruptionem obtendes? an potius eadem in artificiosis instrumentis, quæ in naturæ ipsius vasis eveniunt; nisi quòd in illis diversa corporum principia faciliùs discernantur: non enim in auras abeunt, sed suis conceptaculis excipiuntur. Falsâ querela est non educi principia, sed produci. An terra ipsa quæ in cineribus superest, vel aqua quæ vnà cum spiritu distillatur, ab igne artificioso procreantur? Neque is sum tamen, qui elementa nihil esse quàm sordes, & excrementa corporum putem. Terram, & aquam nihil ad mixti essentiam pertinere, sed esse capsulas, & involucra principiorum, sentiunt quidem impuri Paracelsistæ, quibus minimè accedo: non enim ex solis nutrimur essentis, vel principiis: ex iisdem verò alimur, ex quibus constamus: non igitur sola principia compositionem rerum ingrediuntur. Sed neque ex elementis principia, vel vicissim elementa ex principiis prodeunt:

Obiectio 2.

Solutio.

numquam enim terra in salem, vel sal in terram faceffet. Elementa materiæ vices obeunt, principia magis ad formam videntur attinere: siquidem calor, frigus, humor, & siccitas, quæ ex elementis dimanant, materiam magis sapiunt, & qualitates sunt omnibus corporibus communes. Sed odor, sapor, vis purgatrix, & aliæ facultates, quæ ex principiis ducuntur, formales, propriæ, ac specificæ jure nominantur. Hinc Mefue eos sapientes vocat, qui quod occultum erat manifestant, & quasi speciem à materiâ separant, quæ quidem sunt Chymicorum partes. Hanc ipse Galenus olim optabat artem, quæ diversas mixtorum corporum partes secerneret. Verùm cum de principiis alio loco multa dixerimus, nunc mihi est perorandum. Sed tibi quid tandem videtur, optime Menander.



CAPVT SECVNDVM.

De mixtis terreis, & variis terrarum generibus.

- I. *Principia Chymicorum ex Cartesii decretis exponuntur.*
 II. *De resolutione, & variis illius differentiis, nempe sublimatione, distillatione, calcinatione &c. agitur.* III. *De diversis terrarum generibus, & usu pertractamus.*

M E N A N D E R.



ISTRAHOR, cum hoc, tum illud probabilius mihi videtur. Principia quidem Chymicorum non planè rejicio; sed nego ea inter se aliter, quàm partium subtilitate, vel crassitie; figurâ, vel situ differre. Primus enim isque tenuissimus humor, qui inter distillandum evehitur, mercurii nomen accepit; nihil est quàm aqua corporis tincturâ, vel essentiâ leviter imbuta: minùs censetur utilis, quòd humor sit dumtaxat alimentarius, nondum bene concoctus, vel percolatus, qui facilè egreditur, quòd cum aliis partibus malè cohæreat. Hunc excipit oleosus humor intimus corporis mixti succus, quem sulfur, vel spiritum vocitant: is majore calore attollitur: altiùs quippe rei ipsi

*Principia
Chymicorū
ex Cartesii
placitis ex-
ponuntur.*

ex quâ elicitur, infidet. Salis demum nomine quidquid fursurn efferrî nequit, insigniunt: crassioribus enim constat particulis, quàm vt à calore eveli possint. Quare fæces illæ crassiores, nec calorî vi satis agitari queunt, vt liquecant; nec attolli, vt in humorem distillentur. Hinc omnia naturæ, & artis miracula calore, & frigore perficiuntur; calor movet, agitât, dissolvit, aperit, separat; frigore verò humores concreescunt, interim fecnuntur, vt in sanguine videre est. Iam vbi fossilium, & rerum sensibilibum naturas, vel causas scrutamur, frustra recurrimus ad spiritus mechanicos, vel rationes seminarias, atque alia ignorantie nostræ patrocinia: hæc enim sunt densissimis circumfusa tenebris, neque vllâ ratione percipi possunt. Alia sunt principia magis obvia, & intellectu facilia, quæ magno errore inflati contemnimus. Placet mihi illustri Cartesii (cujus memoriam excipient omnes anni consequentes) sententia, quâ nulla corporum principia agnoscit, nisi eadem cum rebus ipsis consentiant, & sint explicatu facilia. Finge aliquem non planè impolitum, qui te vltro percontetur, quæ sit causa illius aciditatis, quam in spiritu vitrioliprehendimus; quare aquæ fortes metalla, & lapides dissolvant; cur è contrâ pleraque olea quamdam præ se ferant dulcedinem? numquid fortè ad materiam, vel formam, aut spiritum vniversi rationibus seminariis prægnantem te referes? Næ tu illi furere videberis: quid enim absurdius quàm rebus manifestis causas incertas, & abstrusas reddere? Quod si eum apertè docueris spiritum vitrioli, vel nitri ex particulis rigidis, oblongis, & duris compingi, quæ tamquam aciculæ linguam pungant, subeant, penerent, ac tandem dissolvant metalla: olea verò ex particulis mollioribus, & flexilibus componi; hinc linguam non vellicant, sed leniter allambunt, ac pinguedine suâ demulcent. Profectò ille tibi vehementer assentietur, atque vltro in tuam concedet sententiam. Sed redeo ad principia, & causas fossilium.

Omnis vt naturæ, sic artis operatio mixtione, & resolutione continetur. Cæterum eo ferè modo miscibilia natura permiscet, quo cernimus Pharmacopolas in suis mixtionibus procedere: terunt corpora quàm fieri potest minutissimè; coctionem adhibent: nam calor dividit, resolvit, agitât: humore tandem diluunt;

diluunt; est enim humor quasi vehiculum, & facillè subit mixti corpuscula, illàque separat, vt exquisitiùs misceantur. Neque aliter, quantum auguror, metalla, & lapides ex tribus principiis, mercurio, sulfure, & sale optimè permistis exsurgunt. Mercurium voco hydrargyrum, cujus atomi à subtili materiâ (non enim à Cartesii decretis facillè dimoveor) agitantur, nam licèt sint crassissimæ, malè tamen cohærent. Sulfur est succus oleosus, cujus particulæ flexiles, & ramosæ materiam omnibus bituminibus, quæ è terrâ exæstuant, suggerunt. Sales denique, vt vitriolum, alumen, nitrum constant ex rigidis, & acutis corpusculis. Omnia, vt jam dixi, mineralia ex iis succis compinguntur: nam liquida quæ sunt, facillè permiscentur.

Omnem verò mixtionem præcedit quædam resolutio, quæ varia est, & multiplex. Exhalatio inter præcipuas illius species numeratur, eaque nihil est quàm resolutio in halitus; illius adedò tres species recensentur; sublimatio, distillatio, & calcinatio. Quòd si halitus in corpus durum concresecat, sublimatio dicitur: sic flores ex sulfure, stibio, & aliis mineralibus attolluntur, ac superiori vasis in quo incenduntur, parti, instar pruinæ adhærescunt: quo quidem modo metalla generari credidit Aristoteles; rectè, an secùs postea viderimus. Plerumque autem sal volatile sublimari solet: hinc sublimata acria sunt, & caustica, sæpe etiam & venefica, vt hydrargyrus sublimatus: corpusculis enim duris, acutis, & penetrantibus constant. Sic

De resolutione corporum, & variis eius differentiis.

De sublimatione.

fuligo quæ ex incensis lignis, vel succis pinguioribus attollitur, est acerrima; & quia ex striatis particulis componitur, amarum præ se fert saporem, camino tenaciter inhæret, & præ illis particulis asperis facillè infigitur: flammam tamen concipit, quòd omni oleo non destituatur. Illud quidem oleum non ignis violentiâ, sed quod magis mirere, summo extrahitur frigore. Fuligo multâ aquâ, vel vrinâ, quæ huic negotio optima est, diluitur; coquitur donec rubedinem quamdam, quæ sanguinem referat, contraxerit; sub dio frigori intensissimo exponitur; confractâ glaciò excipitur oleum fuliginis, quod in medium locum sese receperat, optimum (si Chymicos audimus) scabiei foetidæ, atque aliis id genus morbis remedium. Omitto fuliginem vberiore esse circa superiorem camini partem,

De fuligine.

quàm versus infimam : nam vbi nimio calore , vel flammâ agitur , non facîle potest consistere. Solet autem plerumque in floccos glomerari , quod omnis halitus in filamenta , & flocculos diducatur. Sic mucus in pane , & aliis corporibus putredini obnoxiiis , ætate præsertim , in filamenta floccescit ; quòd nimio æstu multus halitus diffletur. Nec solus calor , sed etiam humor æris immodicus mucum educit copiosorem , quòd halitum erumpentem crassities æris , vel humiditas repellat , eúmque in summâ panis superficie harere compellat. Verùm ista ad putredinem spectant , de quâ jam aliàs diximus , eámque tum calore , tum humore perfici satis compertum est : siue quòd calor æris ambientis intimum corporis mixti calorem vnâ cum humore evocet , quo vinculo sublato , miscibilia dissolvi , & separari necesse est ; sic enim placet Aristoteli : seu potiùs calor poros corporis subeat , & aditum præbeat corpusculis acrioribus , quibus fibræ jam calore dissolutæ laxantur , & subtiliores mixti corporis partes exhalantur. Humor verò eandem ferè ruinam affert corporibus : nam fibras solvit , ac subtilissimas rei cuiusque partes secum educit.

Distillatio.

Nunc ad secundam exhalationis speciem accedo , in quâ sublatus vapor concrefcit in liquorem , distillatio nominatur. Hac meo quidem iudicio est præcipua naturæ rota , quâ omnes ferè suos perficit motus : huic tota incumbit Alchimia ; modò vapores in Alembico sursum extollunt ; aliquando per ignem rotæ , vel circularem carbonibus in orbem dispositis , & sensum admotis , humorem deorsum propellunt : sed vbi olea tenaciora sunt extrahenda , quoddam vasis genus , quod retortam vocant , adhibent ; atque illius beneficio liquor magis rebellis ad latus , vel vt loquuntur , per inclinationem elicitur. Nonnumquam distillatos liquores suo magmati , seu facibus remissent , vt intimam essentiam , quæ plerumque in fundo vasis contumacior residet , educant : nam humor affusus tritas , & excusfas corporis distillati partes solvit , laxat , & secum trahit. Humore resoluto , restant soli cineres ; vnde hæc operatio quæ corpus mixtum in minutissimum pulverem , omni humore abstracto redigit , dicitur calcinatio , quæ tertia est exhalationis species.

Cinīs quidē ē plantis, & animantibus; calx verò ex lapidibus, vel metallis potissimū educitur. Tum calces, cū cineres quamdam præ se ferunt albedinem, quòd terrestres atomi quibus maximè constant, globosæ sint, & rotundæ, & radios in omnes reflectant partes: hinc illa cinerum mollities; nam sphaerulæ nullis angulis tactum offendunt. Corpuscula tamen acria, & caustica continent, quæ non ignis vi, sed solâ aquâ separantur: terrestres enim particulæ ignis calore non faciliè excutuntur, quòd crassiores existant, quàm vt eas subtilis materia, quæ omnium corporum meatus subit, & in perpetuo versatur motu, exagitet. Sed cū laxiores habeant poros, humorem faciliè admittunt; is enim tenuiores partes secum educit, vt in ipsis vulgatis infusionibus vsuuenit. Hinc lixivio sordes linteorum absterguntur: nam acria illa corpuscula humoris beneficio, linteï meatus subeunt, tenaciter adhærescunt, nec elui possunt, nisi sordes vnâ secum abripiant. Non dissimili ratione calcis corpuscula caustica, corrosiva, & acerrima cū sint, corporum particulas penetrant, & citò dissolvunt: hinc absument cadavera, & arenam conglutinant. Si qua verò sit ratio seminaria, seu vis organica, & plastica, in ipsis delitescit cineribus. Hinc illa plantarum ē cineribus renascentium à Chymicis adedò iactata phantasmata: infinita propè ab iis referuntur exempla. Quercetanus narrat se lixivium ex vrticarum cineribus confecisse, quod hiberno tempore congelatum vrticas apprimè delineatas exhibebat. Idem refert se vidisse Polonum, qui cū varia haberet vasa sigillata, & in singulis pulverem quemdam debitè præparatum, moderato calore adhibito, quam quisque vellet plantam ostenderet. Nec memoro ex fimis animalium easdem sæpe herbas criri, quæ ipsis pecoribus pabulo fuere. Imo testatur Beguinus plantas ex sparsis cineribus nonnumquam exsurgere. Ex cancri calcinatis & in aquam stagnantem projectis, alios subindè cancrios renasci, plerique se expertos dicunt. Multis quoque profuit plantarum radices cinerum dilutis perfundere; siue quòd sal spiritus vivifici, & rationum seminalium custos existat, vt Chymici omnes contendunt: siue vt existimat amicus noster, vir summo ingenio, & exquisitæ scientiæ, superfluis imber subtilia

salium corpuscula secum evehat, quibus occlusi per hiemem fibrarum meatus, recluduntur. Satis, vt opinor, de præcipuis naturæ, & artis Chymicæ resolutionibus dictum est.

Liquisfactio.

Nihil addo de liquefactione, quâ partes dumtaxat homogeneæ, & congenere corporis mixti separantur, cum perfecta resolutio etiam heterogeneas dividat. Hinc metalla facile liquantur, vix resolvuntur, quod partes heterogeneæ arctiori nectantur vinculo, quàm vt dividi possint. Lignum verò non ægrè resolvitur, cum liquari non possit, quod partes heterogeneæ facile separentur; humor caloris vi citò avolat, terra superest, quæ liquari nequit. Nihil etiam necesse est de coctione dicere, quâ crudiores partes exhalantur, vel maturantur: hinc cocta fiunt molliora: vinculis enim solutis, ac multis partibus distantibus, reliquæ minùs distantæ tactui cedunt. Quod frixum est, elixato durius existit, quod pinguis humor vix subeat angustos corporis meatus: sed humor aqueus corporis elixati poros facile ingreditur: vnde pisces priusquam frigi possint, persecandi sunt, quod altius oleum penetret. Cum verò olei particule sint ramosæ, & tenaces, nihil mirum, si corpora fortius agglutinent, & contrahant; vnde spiritus ventriculi qui digestionem perficiunt, frixa corpora ægrius resolvunt, ac digerunt. Quæ assantur, vel friguntur, intus humidiora sunt, quàm quæ elixantur: siquidem in his ambiens humor fibras laxat, poros aperit, atque intimum corporis elixati humorem evocat: sed affata crudum, & mercurialem humorem efflant, quo absumpto, siccior crusta obducuntur, ac meatus occluduntur; adeò vt succi pars melior ad interiora revocetur. Alias quæstiones infinitas non persequor; tametsi ad mineralium intelligentiam non parum lucis afferant: sed hæc ipsa quæ dixi sentio fuisse longiora.

TH. Ista certè quæ abs te breviter decursa sunt, jam copiosius alibi tractavimus; nunc igitur quod cœperas, mi Simplici, de ortu, naturâ, & causis mineralium perge dicere.

SI MP. Dicam equidem quoniam institui; simul vt vos plenius demerear obsequio, non modò de fossilibus disseram, sed etiam secretiora Chymicorum arcana vobis aperiam. Indagatio ipsa rerum occultissimarum suam habet oblectationem; est

enim, vt præclare Tullius, animorum ingeniorumque naturale quoddam quasi pabulum, consideratio, contemplatioque naturæ. Sed præclara res mihi videtur vtilitatem cum delectatione conjungere: neque id infra Philosophi dignitatem puto, ad ipsius Alchimix opera quandoque descendere: nam vera sapientia vtilitate, non solâ contemplatione laudatur. Nemini tamen auctor fuerim, vt in iis operibus consenescat, vel curiosius quàm par sit, inquirat in naturæ secreta: plerique enim dum huic studio nimis indulgent, in damna, & dedecora incurrunt; sæpe etiam legum judiciorumque pœnis obligantur. Multos credendi facilitas decipit: sed non morabor in hac parte diutius: nimium est quod intelligitur. Nunc ad propositum. Fossilia quorum naturas, causas, & effectus inquirimus, in tria genera brevissimè dividi possunt; primum terras ipsas continet; siue sint communes, siue in pretio habeantur: alterum est succorum, qui vel pingues sunt, vt sulfur & bitumen; vel macri, vt sal gemmæ, alumen, & vitriolum: tertium denique mineralia propriè dicta complectitur, quæ iterum in tres veluti species diducuntur, lapides, metalla, & metallica, quæ nimirum inter lapides, & metalla ambigunt. Horum omnium ortus, naturas, & vsus investigare non erit injucundum.

*Fossilium
in tria ge-
nera distri-
butio.*

Ac primum de terris ipsis dicendum, quarum facilis est, & expedita distinctio: nam aliæ sunt steriles, aliæ pingues, & frugiferae: illæ ut plurimum candidæ, leves, vel arenosæ existunt: quid enim arena, nisi minutissimorum lapillorum congeries cum permodicâ terræ portione conjuncta? hinc arenosa terra humorem non retinet, sed per laxiores poros trajicit, & quantumvis copioso imbre diluatur, non lutescit. Addit Gasfendus corpuscula, ex quibus arena compingitur esse angulosa, & vitrea: sic enim perspicillis, quæ rerum species mirificè augent, deprehenduntur. Quare nihil mirum est, si terra arenosa sterilis existat: non enim humore exsolvi potest; neque illæ particulæ quibus constat, seminali, vel altrici facultati obsequuntur. Neque obscurum est cur illæ arenulæ vim habeant abstersivam, cur cotes ex iis compactæ ferrum exacuant; cur cæmentum ex calce & arenâ fiat tenacissimum. Ista enim omnia ex angulorum asperitate, & corpusculorum, quibus arena

*De variis
terrarum
generibus.*

constat, duritie oriuntur: nam calcem viscidam hæc arenulæ suis angulis retinet. Fluvii omnes cùm exundant, sabulo obducunt terras: siquidem aqua corporum quibus affluit ramenta exedit, & secum defert. Terra pinguis ut plurimum subnigra est; humore quippe perfusa hunc exhibet colorem: sed exsiccata albescit: candor enim, ut Strato Lampfacenus olim cen-
 sebat, est nativus terræ color. Pinguis terra ubi aqua diluitur, lutum facit; tenacior, & densior est quàm arenosa; humore affuso, ac manibus subacta, vel agitata, non facile dividitur, aut dissolvitur: sterilis verò, & macra citò solvitur, cùm illius partes nullo vinciantur glutine. Hoc quidem indicio Georgius Agricola pingues à sterilibus terris discernit. Est tamen quoddam solum argillosum, densum, tenax, & sterile: generatio enim, ac nutritio fieri non possunt citra resolutionem; terra illa cùm sit tenacior, resolvi nequit, nec succum plantis suppeditare, cùm nullos habeat meatus quibus alimentum percoletur; quin potius plantarum fibras suo glutine implicat. Nec tenacitas omnis cum pinguedine conjungitur: nam spiritus vini suo phlegmate pinguior existit, non tenacior. Quædam est argilla succulenta, & pinguis, quæ terris inspersa eas fecundat; Marnam Galli vocant, olim Margam, mutuata à Germanis voce, quod sit velut terræ medulla: alia est durior, lapidi similis, quæ longiore temporis tractu dissolvitur, eaque humidoribus terris habetur utilior; alia verò mollior siccioribus magis convenit. Utraque suam fecunditatem sal nitroso refert acceptam: sal quippe fertilitatem inducere (quamquam sint qui dissentiant) jam alibi demonstratum à nobis fuit. Huic creta ferè similis est; de cujus candore nihil necesse est dicere, cùm hic locus non postulet ut colorum causas indagemus. Omnes ex rationibus seminariis colores duci Severiniani existimant, quod mihi omninò non probatur; cùm res eadem colores, non naturam mutet; cùmque ex plumbo cerussa, vel minium conficiatur. Quis tantam colorum mutationem in rationes seminarias, vel spiritus mechanicos refundat? Vobis placet colores omnes, ex varia luminis reflexione proficisci; adèd ut cretæ candor ex corpusculis sphaericis, quæ lumen solare in omnes partes regerunt, oriatur. Hinc mollis quoque

Margac.

Creta.

Vnde colorum, & saporum in terris diversitas.

est, & friabilis; vbi panno vel ligno affricatur, sui relinquit vestigia; vitro affricta non item, quod illæ particulæ sint faciliè separabiles, & panni rimulis vtrò inhærescant: vitrum autem cum ejusmodi rimulas non habeat, vix cretâ inficitur. Hæc factis acutè concluduntur. Enimverò rubrica, carbo, atque alia ejusdem generis corpora sphærule non constant, faciliè tamen sui vestigia imprimunt corporibus. Quamobrem in meâ veteri sententiâ permaneo, atque omnes colores non à diversâ luminis reflexione, neque ab ipso temperamento, seu elementarium qualitarum conjugio, vt vult Agricola, sed ab insito, & nativo corporum lumine prodire arbitror. Non equidem ignoreo nullam ferè esse terram simplicem, sed plerasque cum succis, vel aliis mineralibus permixtas inveniri. Hinc diversum colores, tum sapes, diversæ adedò facultates oriuntur. Succus aluminosus adstringentem, atramentosus acrem, nitrosus amarum saporem conciliat: vbi terra succo pingui, vel bituminoso imbuitur, flammam faciliè concipit. Vix adduci possum vt credam ex incendio falsedinem, ex moderato calore pinguedinem oriri: neque ignis calor acrem, vel frigus acidum semper procreat saporem: cum eadem persæpe terra sit pinguis, calida, & adstringens: nec quidquid acidum est, id continuò frigidum existit, nisi fortasse spiritum salis, vel sulfuris frigidum putes.

Non mihi diu laborandum est, vt ostendam vnde terræ pretiosiores oriantur. Numquid fortè, vt placet Agricolæ, superfusus imber telluris meatus, & venas subiens, saxorum, vel lapidum ramenta vehit, quæ certis in locis colliguntur, & benigno calore digeruntur: tandem cum humor superfluous, vel frigore expressus est, vel calore absumptus, terra remanet. Hæc si minus vera sunt, formam quamdam habent veritatis. Quod si tamen pluviam vltra decem pedum altitudinem non madefaciant terram, vt Seneca opinatur; necesse est vt terræ, quæ altiùs generantur, ex aquis subterraneis suam ducant originem; ac rupes illæ ad calcis naturam debent proximè accedere, quò prætercurrens aqua faciliùs eas arrodât. Sed ne diutiùs differam de re nobis penitus ignotâ; quæ ex telluris visceribus non effodiuntur, sed in ipsâ superficie passim occurrunt terræ, ex aquâ

*Qua causa
pretiosas terras
procreet.*

lapidum minutias secum deferente prodire nequeunt. Quemadmodum Aristoteles omnia ferè corpora ex vapore, & halitu effingit; sic Agricola, lapides, metalla, fossilia denique omnia ex terrâ & aquâ permixtis compingi arbitratur. Sed neutri sententiæ prorsus assentior; neque ex tenuissimo halitu metallâ durissima concrefcere, neque ex terrâ simplici, & aquâ tam varia fossilium genera procreari possunt. Quocirca vel vnâ cum saxis, & rupibus in ipsâ rerum conditione terræ productæ sunt; vel ex elementis, & principiis Chymicorum in propriis matricibus gignuntur; vel denique ex terrâ diuersis succorum generibus infectâ emergunt. Neque hîc omnes terrarum species possum persequi: sunt enim infinitæ, ac pleræque varia sortitæ sunt nomina ab ipsis, ex quibus eruuntur locis. Sic creta, ab insula ejusdem nominis notissimâ; quamquam alibi passim inueniatur, nomen suum deduxit. Hæc, vt reliquæ omnes, variis vsibus accommodatur: hinc Creta argentaria, argento expoliendo inservit; abstergit enim, & sordes eluit, vel propter arenularum asperitatem, vel quia salis abundat corpusculis. Terra Samia olim in pretio fuit, quòd ex illâ oculorum collyriæ pararentur: eam fuisse pinguem, mollem, candidam, & glutinosam ex Galeno colligimus. Terra Lemnia, vel sigillata præter cæteras est illustris, figurâ capræ, Dianæ sigillo olim signabatur; quemadmodum nunc temporis quædam literæ Turcicæ ipsi imprimuntur: pinguis est, densa, mollis, adstringens, rubricæ aliquando non dissimilis, nisi quòd manus contrectantium non inficit: oxycrate permixta sanguinem sistit ex ore profluentem; succo plantaginis diluta, sedat ventris tormina. Illud silentio non præteribo quod clarissimus Busbequius de terrâ Lemniâ literis consignavit. Fuit, inquit, Græcorum institutum, vt non nisi sexto die Augusti festo transfigurationis Domini specus recluderetur, vnde in Lemno terra, quam Ægos sphragida vocabant, hauritur. Idem institutum hodieque seruant Turcæ, & vt olim Sacerdos Græcus liturgiam ibi celebrabat, sic & illam hodie celebrari volunt, ipsi quidem sacrorum ex longinquo tantum spectatores. Terra Armena colore pallida, & dura ferè instar lapidis vi exsiccante donatur, sanguinem inhibet, oris sanat vlcera, eamque contra pestis venenum non mani-

Terræ Samia.

Terra Lemnia.

Epithola.

Terra Armena.

manifestâ, sed occultâ qualitate vtilem prædicant. Quædam terræ ex mineris eruuntur, ac plerumque sunt acerrimæ, quod vitriolo abundant. Ochra non solum ex vitrioli, sed etiam ex propriâ effoditur minera, colore luteo tingitur, auri pigmento non dissimilis; aceto extincta magis purpurefcit; acerrima cum sit, vulneribus perutilis censetur; carnes luxuriantes reprimat, tumores colli vel inguinum curat. Ne sim longior, terræ ad varios vsus à Medicis adhibentur: nam vel abstergunt, & mundificant; vel erumpentem sistunt sanguinem, vel medentur vulneribus: ut plurimum exsiccant, adstringunt, corrodunt: verum hæc ad Medicos; non enim artem medendi tractare suscepimus, sed cum in ordinem incurreret, inhonoratam transire nolumus. Hinc jam quibus terris alii vtantur artifices tradere incipiam. Pictores macris, & raris vtuntur; sic varia cretarum genera, albam, nigram, viridem; necnon rubricam, & ochram plerumque adhibent. Qui vestibus abstergendis operam impendunt, ii terras pinguiore, acres, & raras seligunt, quas Sardinia, & aliæ passim regiones præbent. Ne illud quidem quod admoneamus, indignum est, figulos, statuarios, plasticos denique omnes cretâ, vel argillâ pingui, viscosâ, densâ, molli, non terris aridis, & macilentis vt; cum enim argilla multo, ac pingui humore, & fibris tenacioribus constet, ductilis est, ac figuras vltro excipit. Terræ verò aridæ citius dissolvuntur; duræ vix subigi, & manibus tractari possunt; raræ igni admotæ liquores non continent. Sed tamen nisi ars, vel natura argillam sabulo miscuerit, vix catini, & alia vasa quæ ignis ardore sustineant, effinguntur: sed arenulæ corpuscula quæ dura, vitrea, & aspera esse diximus, suis angulis terram pinguiorem vinciunt, ne solvatur prohibent, meatus occludunt, & cæmenti vices obeunt. Ex terrâ minùs densâ figuli vreeolos, discos, atque alia ejusdem generis vasa fingunt, sed arenâ, vel sabulo per cribrum trajecto priùs eam commisceri oportet, vt ignis vim ferre queat: tum Soli antè est exponenda, & exsiccaanda, quàm summo fornacis calore torreatur. Ratiorem quoque terram postulant lateres, & tegulæ, ne recta graventur nimio pondere; fragiles fiunt humoris defectu; cum vasi aquâ pleno immerguntur, tum aqua videtur effervesce, quod aër,

Ochra.


Varii terrarum vsus.

vel halitus laterum poris conclusus erumpat bullarum specie. Ne illud quidem ignorare oportet, quas terras Chymici fornacibus suis, crucibulis seu catillis, & testis accommodent, quo luto vasa sua conglutinent, ne iis diffractis spiritus erumpant: hæc enim instituto nostro viciniora sunt, atque ad ipsius Alchimix encheiriam pertinent.

*De terris ex
quibus fur-
nuli com-
pinguntur,
& vasa
Chymicorū
parantur.*

Fornaces solent ex optimâ argillâ, vel lateribus bene junctis compingi: nec tamen laterculi ignis vehementioris patientes sunt: quare cum metalla funduntur, partem illam fornacis, quæ pyriasterium, vel focus nominatur, ac destinatur carbonibus excipiendis, ex terrâ optimâ constructam oportet: illa verò idonea haberi potest, ex quâ testæ, vel crucibula finguntur, quæ igni fortissimo cremata albescit, facile abit in lapidem, neque in pulverem fatiscit. Soli prius exponitur, tum malleo ligneo contunditur, per cribrum trajicitur; cum alterius terræ in figulino furno crematæ, atque in pulverem comminuatæ duplâ, vel triplâ portione eam permiscet, aquâ temperant, subigunt, denique beneficio typi lignei formant crucibulum, calore solis exsiccant; nec tamen sales retinebit, quousque in furno cremetur. Argilla verò ex qua fornax erigitur, nonnumquam muriâ, & arenâ diluitur; sic enim rimas non agit. Consulit quoque Glauberus, vir meo quidem judicio industrius, ex capite mortuo, vel facibus vitrioli, aut aquæ fortis, cum suppetunt, arenâ, & aquâ argillam temperare, atque ex ea fornaces compingere; idque optimum erit lutum, quo vasorum colla jungantur, retortæ, & cucurbitæ, cum opus erit, armentur: nam linteo madido id facile separatur; quod non evenit ubi argilla, neque muriâ, neque vitrioli facibus, sed aquâ tantum, & animalium pilis, vel equorum fimo permiscetur: tum enim sæpè accidit, ut pilis aut paleis combustis lutum fatiscat; nec facile separari potest; adeò ut necesse sit vasa, non sine dispendio confringere. Cum verò spiritus subtilissimi distillantur, si corrosivi existant, vasorum juncturæ non solum aquæ fortis capite mortuo, seu reliquiis committendæ sunt, sed etiam calce vivâ minutissimè contritâ, atque oleo lini dilutâ sunt obducendæ. Quod si spiritus tenuissimi quidem sint, non corrosivi, satis erit vasorum collis amyllum aquâ dilutum, vel vesicam

tubulam albumine ovi madidam, vel denique argillam ovi itidem albumine temperatam, cum linteolis applicare. Ista quidem Philosophi, vt professione suâ minora despiciunt: his tamen neglectis, vix maioribus relinquitur locus: plerique omnes abstractis, & interminatis quæstionibus oblectantur, neque iis vlla disputatio placet, nisi quæ magnam largiatur contradicendi libertatem: sunt enim contentionum cupidiores, quàm veritatis, cum tamen nihil sit veritatis luce dulcius.



CAPVT TERTIVM.

De fale, & nitro.

I. De salis naturâ & origine juxta Aristotelis principia, de salis & nitri vulgarâ in sua principia resolutione. **II.** Peripateticorum opinio de salis naturâ refellitur, & verisimilior adducitur. **III.** De nitri causis, usu, & præparatione: necnon de duplici salis petreæ liquore, fixo & volatili, per multa explicantur.

THEOPHILVS.

BENE actum tecum puto, quòd Medici, Chymi-
ci, Figuli, atque alii artifices huic disputationi
non intersint: nam vniversi impetum in te face-
rent, vel certè litem tibi intenderent, quòd in
alienas possessiones irrueris. Quid amabo te, Phi-
losophiæ cum arte figulinâ, cum quâ ne minimâ quidem socie-
tate coniungitur? Quid est, cur eorum luto manus inquines?
Et sanè cum Medicis, vel Chymicis licet quodam jure postli-
minii agere, & veluti nostrum reposcere: nam & suas omise-
runt, & Philosophorum partes occuparunt. Medici quidem
quorum scientia non ipsius contemplationis, sed valetudinis
causâ probatur; nihil ferè nobis reliquère: Physicam enim
totam, Physiologiæ nomine pertractant: Chymici verò Phi-
losophorum nomen impudentissimè sibi arrogant, cùm tamen
extra fusoriam, vel distillatricem artem non debeant excurrere.
Vtrique fines suos norint, neque in Physicorum ditionem

R ij

Ordo dicendorum.

De sale communi ex Peripateticorum principis.

temerè irrumpant. Verùm hætenus evagari fatis fuerit : ad mineralia redeamus : quæ quidem Avicenna in quatuor genera brevissimè distribuit, sales, sulfura, lapides, & liquabilia : de singulis nonnulla dicemus. Ac primùm id omne salis nomine complectimur, quod in aquâ, vel humore exsolvitur; quo titulo nitrum, alumen, & vitriolum inter sales censemus. De sale communi, quo cibos condimus, in-primis agendum. Illud quidem ex aquâ maris, fontium, aut puteorum, Solis ardore, aut coctione concrevit; vel ex montibus, & mineris eruitur; quod ubi instar crysalli pellucet, ut Sarmaticum, & Hungaricum; tum sal gemmæ vocatur. Neque hîc necesse est omnes salium persequi differentias, cùm propè innumerabiles reperiantur: nam sal candidum passim occurrit, nigrum in Norvegiâ, croceum in Cappadociâ, purpureum in Hispaniâ & Sicilia invenitur. Sal ammoniacum quod in arenis Libyæ efflorescit, instar lapidis specularis tralucet. Illud verò sal melius sapit, quod ex aquâ falsâ excoquitur; non enim omni humore exuitur; minùs habet amaritudinis, & subtilius cùm sit, citiùs liquefcit. Quod verò Solis calore exsiccat, particulis constat aliquantulum crassioribus; hinc linguam acriùs vellicat; nec ita facilè solvitur. Sal denuin fossile durius cùm sit, magis quidem adstringit, & carnem à corruptione fortiùs vindicat, sed condiendis cibis minùs est idoneum: nam & dentes suâ asperitate offendit, nec facilè exsolvitur. Ne sim longus, id omni sali commune est, quod humore solvatur, quia calore, & siccitate concrevit. Quamobrem optimè conservatur in locis siccioribus: nam siccitatem amat, quod ex illâ suam ducat originem. Humiditatem verò ut sibi infestam averfatur: neque in humidiori loco citra aliquod sui dispendium, asservari potest. Multâ abundat terrâ; siquidem ex humore aquoso cum terrâ combustâ permixto coaluit: hinc adstringentem, & exsiccantem obtinet facultatem. Neque hoc loco expendam, vtrum sal quod ex mixtis corporibus in cinerem redactis, per aquæ calidæ affusionem elicitur, naturæ, an Chymicæ artis sit opus: id enim jam alibi excussimus; neque in iis controversiis Latii opes positæ sunt. Per me licet Chymicis insanire, & suum Alkali, (sic enim vocant salem, qui è corporibus extrahitur) inter ele-

menta, vel principia recensere; atque ex illo omnium saporum differentias, fecunditatis, & coagulationis causas repetere: cùm tamen salem ipsum in sua itidem dissoluant principia: nam & sublimatione salem volatilem, & minutissimum consequuntur; distillatione spiritum eliciunt, quem mirificè commendant.

Ante omnia salem ab omnibus expurgant fordibus, quod solutionibus, & coagulationibus repetitis perficitur: siquidem salem aquâ exsolvunt, tum per filtrum trajiciunt, vel saltem percolant, vt terrenas sordes deponat; aqua sale prægnans moderato calore exhalatur, quæ salem in fundo, & candidiorem, & puriorem præbet. Deinde vasi fictili, & operto, igne circulari, vel rotæ (cùm scilicet catillus inter carbones sic collocatur, vt aliquo intervallo ab iis distideat, & carbonibus accensis calor per gradus paulatim intendatur) torrent vt humiditatem elementarem, & pinguedinem quamdam terrestrem, necnon spiritus persæpe noxios exuat. Tandem terrâ lutosâ, vel argillâ figulorum salem permiscunt, & permodicâ aquâ temperant. Ex quâ misturâ efformant globulos nucum juglandum magnitudine, quibus blando calore priùs exsiccatis, dimidiam ferè retortam luto vndique obductam complent; collocant in arenâ, igne per gradus adhibito spiritus distillatur; quousque sub finem retorta candeat. Sed ne vasa disrumpantur, excipulo (vas est quod recipiendo spiritui destinatur) aqua frigida, quam præmissoriam vocant, imponitur, vt spirituum turgentium frangat impetus: tum iteratâ distillatione, quam rectificationem nominant, in balneo phlegma separatur; balneum hîc voco, cùm alembicus, seu vas distillatorium aquæ fervidæ imponitur; deinde vase in cineribus collocato, spiritum acidum eliciunt; oleum in fundo remanet. Alii in vesicâ bubulâ salem exsolvunt, fragmenta ignitorum laterum, vel testas ollarum candentes injiciunt, vt salis diluto imbuantur; hæc, vt priùs, igne sensim aucto per gradus distillant; ultimo tandem ignis gradu terram ex sale dulcem, & candidam sublimant, quam fixam & saccharinam dicunt. Neque aliâ ratione salis ammoniaci, tartari, & nitri spiritus eliciuntur, nisi quòd hæc non duplam modò terræ, cum quâ permisceantur, (vt sal

*De salis in
sua princi-
pia resolu-
tione.*

commune) sed triplam, vel quadruplam exigunt portionem, quòd magis effervescent. Iam verò spiritus salis optimè rectificatus metalla, si argentum exceperis, omnia, & lapides solvit; quinetiam si Chymicis credimus, omnes ferè morbos profligat; ventriculum liberat noxio phlegmate, comminuit calculum, hydropem sanat: sed multâ aquâ eum temperatum oportet, ne suâ aciditate quid obsit. Nec nihil, nec omnia credo: quotus enim quisque Chymicus imposturæ nomine suspectus non est; quis circulatoriæ iactationis infamiâ non laborat? Ac de sale quidem hætenus: nunc de nitro perpauca dicemus; non quòd latus locus non sit, sed explicatâ salis origine, atque vñu, simul ea quæ ad nitri naturam spectant, aperuimus: vix enim nitrum à sale differt.

De nitro.

Qui è solidioribus lignis quercu, buxo, guaiaco, sal elicatur, is nitrosus est: vrina & recrementa animalium, faeces vini calcinatæ, calx ipsa viva nitrum præbent; adeò vt plerique Chymici nitrum esse rerum omnium principium essentialè arbitrentur; rectè an secùs, ipsi viderint. Id porrò vti & sal vel à naturâ, vel ab arte gignitur; illud vel est fossile, ac maiorem præ se fert duritiem, atque ex propriâ venâ, vti & alia mineralia, eruitur; vel mollius est, & rarioris naturæ, atque in ipsâ terræ superficie efflorescit: hoc Halmitraga, quasi terræ florem nominant. Ex nitro fossili sit Borax, seu Chrysocolia Veneta, quâ aurifabri tamquam glutine vtuntur, quo argentum cum auro compingant, vel vt citius fundant metalla. Nitrum factitium olim ex aquâ Nili in scrobibus, vel nitrariis exceptâ, non aliter atque sal ex aquâ marinâ formatum fuisse novimus: illius pars subtilior Aphronitrum dicebatur. Nitrum fossile, vti & Borax aliquantulum pellucet; flos vel spuma nitri magis candicat, faciliè in aquâ exsolvitur, mundificat, aperit, exsiccat. Vtroque infectores vtuntur, vt lanam imbuant coloribus: vbi nitrum deest, faeces vini adhibent. Quædam rupes halinitrum, vt apud nos veteres muri, exsulant. Iam de nitri naturâ, mirum quantum, non Philosophi modò, sed etiam Chymici digladientur. Sunt qui illud calidum & siccum instar ignis fingant: nam & flammam concipit, incendit, abstergit, corrodit: ita quidem Alberto Magno videtur.

Aliis placet nitrum esse frigidissimum, nam salî & nivî, vel glaciæ contritis admistum, ac lagenæ vitreæ aquâ plenæ circumpositum, ipsam aquam vel mediâ æstate congelat. Hinc Quercetanus in Chymiâ, & Medicinâ nobilis nitrum ex triplici sale componit, nempe ex fixo, nitroso, & ammoniaco; hic cum sit summè volatilis, in distillatione primus avolat; sequitur nitrosus: sed sal fixus, & marino similis in fundo remanet contumacior, atque ignis vires spernit. Vulgare halinitrum, vt venale prostat, ex sale constat, alumine, & nitro. Cum igni admotum dissilit, & crepitat, tum multo abundat sale; alumen verò facilè discernitur; nam ignis ardore effervesceat, neque ægrè calcinatur. Nitrum autem purum citissimè inflammatur, atque in prunas coniectum non exsilit. Sic ubi nitrum calci vivæ admistum est, prunis admotum, ingrati odorẽ fœtet; cum purum, & non adulteratum existit, nullum ferè odorẽ spirat. Copioso quidem turgēt spiritu; hinc vasa disrumpit, atque in multos halitus sese effundit. Lazarus Erckerus ignem quemdam frigidum in salepetræ, portentosâ opinione agnoscit, quod spiritus nitri frigidus lingua ipsa ac dentes experiantur: solent etiam plerique æstate injecto halinitro aquæ frigus intendere. Nec tamen nitrum expers caloris credimus: nam pinguedine quâdam sulphureâ donatur, quæ flammam concipit, quæque non modò in pulvere pyrio, sed etiam in salis prunellæ confectiōe manifestè se exerit.

Nitrum quippe purissimum, atque ab omni sale liberatum imponunt vasi fictili, vt ignis calore lique scat; tum flores sulfuris paulatim immittunt, & prunâ, vel ferro candente sulfur incenditur, quod vnâ secum nitri pinguedinem rapit, ac multum fumi non sine strepitu exhalat; singulis porro vnciis nitri, singulæ sulfuris drachmæ apponuntur. Cum nitrum perspicuitatem debitam obtinet, tum ab igne remouent; refrigeratum in marmore contundunt in pulverem: aquâ simplici, vel quod longè erit optimum, aquâ rosacê hunc diluunt pulverem; trajiciunt per manicam laneam Hippocratis; dimidia ferè aqua evaporatur, vel si sit rosacea, distillanda est, ne pereat; reliqua in cellâ, vel caveâ frigori exponitur, donec crystalli, quas minerales vocant, aquæ innatent. Hac quidem

*Crystallæ
mineralis
preparatio.*

arte omne salium genus aquâ dilutorum crystallos præbet: nec tamen tota aqua statim in crystallos abit; unde rursus excoquenda erit vsque ad dimidiâ partis consumptionem, vel quousque appareat cuticula; frigori iterum exposita crystallos exhibebit, quæ ablutæ in sicciore loco conseruentur. Nitrum sic præparatum, salem prunellæ vocitant, quod linguæ atro colore infectæ, & instar prunarum accensæ, scabritiem abstergat, sitim immodicam in febribus restinguat; permagni quoque vsus est ad anginam, & dysurias. Sed cautio est ne summo frigore nativum opprimat calorem, ventriculo, & hepatis noceat; neve humor tanto frigore impulsus obstructions gignat, atque in colicam, vel hydropem præcipitet. Cum bilis abundat, nescio an crystallo minerali uti oporteat: nam vi acerrimâ, & mordaci instar salis donatur: quæ autem sunt ejusmodi cum bile malè conveniunt: siquidem acria simul permista intemperantiùs effervescunt.

Nitri præparatio.

Iam nihil necesse est dicere quâ industriâ nitrum parari soleat: id enim ab Agricola, Erbero, atque aliis tractatum est. vberimè: atque ex ipsis officinis peti potest. Neminem fugit salempetræ ex terris nitrosæ, fimo columbino, ex veterum murorum rudibus, cellarum, & stabulorum pavimenti nullo stratis lapide confici. Terræ porro nitrosæ plerumque sunt argillose: sic lutum ex quo veteres muri compinguntur, dummodo nimio imbre non diluantur; terræ animalium lotio identidem perfusæ, vel in quas infectores tincturarum reliquias conjiciunt; cumuli cinerum quos saponarii, fullones, atque alii ejusdem generis artifices seposuere, nitrum suggerunt; terra ipsa, vel alia materia nitro exhausta, quinto quoque anno novum salispetræ proventum suppeditat. Taceo de calce vivâ, quercus, vel fagi cineribus; de situ parietum, quicquilliis suburbanis, terrâ in quam distillatores aquarum fortium fæces, vel aurifabri aquas mortificatas projiciunt. Nitrosam verò materiam multâ aquâ solent diluere, coquere, percolare: ubi necdum aqua satis halinitro imprægnata fuerit, illam novæ materiæ cupis, vel doliis conclusæ infundunt, vel in vas mundum per lacinias trajiciunt, seu filtrant; aquam denique nitro divitem ad justam consistentiam, vel crassitiem, inde-

indefinenter despumantes, excoquant; tum exponunt cellæ frigori, quousque præbeat crystallos, quibus extractis, reliquam aquæ iterum igni admovent, donec gustu acrior percipitur; frigori itidem exponitur, & novæ subinde expectantur crystalli. Omnes demum crystalli aquâ dulci rursus diluuntur, & simili prorsus modo puriores procreantur: sal verò in fundo subsidit. Cùm nitrum sine strepitu in igne funditur, & candelæ calori admotum non exsilit, sed primò liquefcit, deinde flammam concipit, tum purum censetur. Verùm hæc Alchimistis relinquamus. Nolim ego Philosophum his minutis illigari.

S I M P. Quasi verò id Philosophi majestate indignum sit rerum quæ ob oculos positæ sunt, quæque vitæ humanæ commodis inserviunt, principia, & causas contemplari. Qui rectam philosophandi viam, & rationem insistit, non nudâ speculatione contentus est; nec etiam totus in distillationem incumbit: ut plerique Chymici, quos Artistas vocant, qui formulas ab aliis præscriptas tamquam jussi sequuntur, atque omne vitæ spatium fornacibus adornandis, vel tractandis carbonibus miserè consumunt. Hi satis se instructos putant, si quem ex iis qui circumferuntur artis spagyricæ libellum edidicerint, & velut decretis Technicorum se tutos credunt: nec ultra intendunt animum, ut rerum differentias, consensus, causas, effectus denique speculentur. Fateor equidem Philosophiam in cognitione, & æstimatione rerum maximè esse positam: neque tamen ab actu, & operâ omninò recedit. Quòd si Astronomia quæ prorsus θεωρητική videtur, quæque in rerum cælestium inspectione versatur, ipso tamen actu, & observatione perfectionem consequitur suam: nam siderum intervalla, & mensuras terræ, ac Solis colligit; eclipses prædicit; tempora definit, atque alia id genus præstat innumera, quæ sine observationibus fieri non possunt. Quantò magis hæc scientiæ naturalis pars melior, quæ circa fossilia occupatur, quæque ut ex omnibus scientiis est novissimè inventa, ita est longè utilissima; multo labore, assiduo studio, pluribus constat experimentis. Quapropter ut Philosophiæ studioso auctor non fuerim, ut statim furculos erigat, & in laboratorio (quæ vox licèt dura videatur,

tamen sola est) confefcat : fic illi vt Chymicos , Docimaftas , Aurifices , & Gemmarios adeat fuadere non dubitabo. Mihi enim videtur hæc ſcientia ex omnibus ferè artibus multum aſſumere. Quòd ſi id curæ foret Philoſophis , circa otioſas , & inutiles quæſtiones non hærent , & rebus obſcuris majorem fortæſſe lucem inferrent. Sed nescio quo pacto plerique cum veteribus errare malint , & eam ſententiam quam ſemel adamaverunt , pugnaciſſimè defendere , quàm ſine pertinaciâ quid conſtantiſſimè dicatur , quid ſenſui & experientiæ conveniat , exquirere. Quod certè in hac ipſâ de qua nunc diſputamus materiâ vſu venit. Multa enim à nobis te coram , mi Theophile , olim quæſita , & diſputata ſunt de ſalis naturâ , & origine : an inter elementa numeratum illud oporteret , an actu , vel poteſtate in mixtis corporibus deliteſceret , an denique ex terrâ combuſtâ prodiret : ac tota ferè quæſtio tractata videbatur. Non potuiſti tamen ſententiâ deſiſtere ; & in veteri tuâ perſuaſione manes , ſalem nihil eſſe quàm terram aduſtam , tenui humore perſuſam. Poſſetne quiſquam dicere integros ſalis montes ex incendiis prodiſſe ? Neminem latet è cineribus per aquæ calidæ affuſionem ſalem extrahi : ſed cùm ſimus columbinus , atque alia animantium excrementa ſolius aquæ affuſione Nitroſum ſuum ſalem exhibeant ; cùm terra quæ ſale exuta eſt , quantumvis ignis calore fatigetur , in ſalem non abeat , nec viciffim ſal in terram convertatur ; cùm quædam herbæ ſuum ſalem ipſo ſapore prodant , vt præter cæteras herba Kali (ſic enim eam vocant Arabes) ex quâ Alkali , vel Sodam conficiunt : quis ſalem in mixtis actu contineri non vltro fateatur ? Inſaniunt ſcilicet Alchi miſtæ qui ſalem inter elementa numeratum volunt , quique ex illo pleroſque ſapores ducunt. Non ignoro quosdam eſſe Chymicos timidiore paulò contra veſtra convitia , qui ſalem in aliquibus mixtis actu contineri , in aliis potentiâ dumtaxat , vt loquuntur , proximâ & expeditâ ineſſe putant. Verùm iſti nullâ ſatis idoneâ ratione ducuntur. Quid enim in rerum naturâ ſale deſtituitur ? neque extrahi poteſt , quod antè non fuit ; neque ignis vnumquam ſalem generabit ; ſed illum aliis elementis occultatum , & quaſi oppreſſum liberabit. Quis nescit ex terrâ pingui , & argilloſâ ; ex muris veteribus

De ſalis natura, & origine.

Reſellitur opinio Peripateticorum.

cellarum, citra vllam combustionem nitrum elici? vnde vrinarum, & sudorum falfedo, nisi ex fale qui cibis inerat, quique blando animalis calore, non ignis violentiâ resolvitur? illa quidem minimè ferenda est opinio Paracelsistarum, quâ sapores omnes ex fale proficisci statuunt: cùm ex eodem principio tanta prodire non possit saporum varietas. Certa igitur cum illis, qui à te toti diversi sunt, noli mecum, qui sapores omnes nego ex vno fale, sed ex variâ principiorum, atque elementorum mixtione arbitror dimanare. Quamquam ipsi Paracelsistæ faciliè sese, vt mihi videtur, expediant: magnam enim salium diversitatem agnoscunt: aliud quippe est fixum, aliud volatile, & fugax; est quoddam acidum, est nitrosum, & sulfureum: hoc faciliè sublimatur, & magnum in Medicinâ vsum obtinet: quædam herbæ acrimoniam suam penetrantem, & mordacem ex eo mutuuntur: sic persicaria, allium, sinapi, isto fale abundant, quod cum ammoniaco nonnullam habet cognationem. Sal acidum tartaro vini non dissimile ex vvis ipsis, pomis sylvestribus, cerasis, atque omnibus plantis acetosis copiosum elicitur. Hinc vina immatura, & austera multum tartari, & phlegmatis, perparum spiritus ardentis distillata exhibent. Contrâ, calidiora quæ sunt, vt Hispanicum, & Græcum spiritus ardentis magnam copiam profundunt, & parum præbent tartari. Quapropter non absurdè quidam existimant acetum nihil esse præter aquam, vel phlegma vini, cui multum salis acidi, aut tartari admiscetur. Digna adèò res est, quam acriori studio expendamus.

Mustum ex vvis expressum plurimo quidem abundat fale, quod tamen ante fermentationem, vel ebullitionem nondum manifestè se exerit: quæ sit illius ebullitionis causa suo loco dicendum. Fermentatione peractâ vinum partem salis tenuiorem exsolvit, quæ gratum ipsi acorem conciliat: pars crassior salis, partim lateribus dolii adhærescit, & tartarum vulgò appellatur, partim vnâ cum sæcibus ad imum descendit. Sal quippe in humore calido non ægrè dissolvitur; sed vbi humor detepescit, salem ipsum quasi manumittit, qui vel vasis latera incrustat, vel instar crystallorum enatat; vel denique vbi crassior existit, ad fundum deprimitur. Quocirca in vino, vt in alijs

liquoribus, duplex falis genus licet animadvertere: vnum subtilius, quod per vini substantiam diffunditur; alterum crassius, quod in fæcibus fixum remanet. Quemadmodum spiritus oleosus, vel ardens, in duplici quoque invenitur differentiâ: alter quippe est fugax & maximè volatilis, qui ex vino distillato statim profilit, huic phlegma succedit sale dilutum, quod aceti donatur nomine: alter spiritus magis est oleosus, & pinguis, atque ex vini fæcibus multâ aquâ perfusis, vesicæ æneæ beneficio, suo alembico instructæ solet elici. Fæces verò tamquam inutiles projiciunt, quibus porci saginantur: ex iis magnam tartari copiam extrahi posse clarus in arte Chymicâ docet Glauberus.

*Qua arte
multum
tartari, aceti,
& aqua
ardentis ex
vini fæcibus
proliciat.*

Fæces faccis concludit, ex quibus vinum prælo exprimit, quod in acetum vulgari methodo facilè convertitur. Reliquum multâ aquâ perfundit, & spiritum ardentem per vesicam notâ arte exstillat: quæ in vesicâ residua est aqua, per oblongum tubum in saccum prælo subjectum deducit: aquam prælo vrget, quæ vasis idoneis excepta, tartarum sponte suâ dimittit: idque vel in fundo vasis subsidit, vel lateribus adhærescit. Fæces in faccos superstites, exsiccata, & combustæ præbent cines clavellatos, quibus infectores vtuntur. Aqua quidem vase contenta non omne deposuit tartarum, sed plurimum adhuc continet, quod aciditate suâ se prodit. Hinc aliis vini fæcibus diluendis, vt spiritus ardens è vesicâ distilletur, optima futura est. Aliis quoque vsibus inseruit: nam cuprum dissolvit: ac viliores cupri Marcastitæ; vel inutiles scoriæ in istâ aquâ excoctæ, per ferri ramenta instar luti præcipitantur; quod quidem lutum aquâ dulci abluitur, funditur, & in cuprum non contemnendum faceffit. Tartarum porrò contritum aquæ incoquitur, & inter coquendum despumatur: aqua in vas mundum trajicitur: vbi refrigerescit, crystallos tartari ad vasis latera deponit. Libra tartari cum 10. vel 12. aquæ libris permiscetur, quod si nimium aquæ apposueris, tardissimè effingentur crystalli: si parcius, tartari pars non exsoluta perit. Crystalli iterum solvuntur, vt puriores fiant. Quod si cremorem tartari quæras, priusquam aqua refrigerescat, eam baculo agita, tum enim ad fundum cremor tartari descendet. Ex iis profectò li-

quet aciditatem vini à fale tartateo proficisci. Multi qui acetato conficiendo navant operam, in loco calidiore aliquot erigunt dolia, quorum singula mediis fundis, tamquam septis foraminibus perviis in duas partes determinant: superiorem partem vinaceis implent, quibus jam incallescensibus, vinum affundunt; dolia quàm possunt accuratè regunt, vinum in partem inferiorem delapsum extrahunt; cùmque vinacea aliis do-
liis conclusa jam incaluere, eductum priùs vinum ipsis infundunt; quâ operatione identidem repetitâ, vinum in acetum convertitur: nam vinacea calore fermentata suum salem tartareum vino facilè impertiuntur. Non igitur vinum, cerevisia, pomacium, atque alii ejusdem generis liquores in acetum per solam corruptionem faceffunt: sed istam aciditatem ex fale, fermentatione, atque ipsius aëris calore depromunt. Libram sacchari, vel mellis decem aquæ libris dilue, calido aëri per aliquot hebdomadas exponere: tota aqua brevi in optimum acetum convertetur: vel quòd calor aëris particulas salis, qui in melle, & saccharo inest, cum aquâ permisceat; vel, quod mihi magis probatur, aër ipse abundet spiritu acido, & nitroso, qui rerum ortus promovet. Est quippe in nitro spiritus vni-
versi, præcipuum naturæ instrumentum, cuncta fecundans, & vitâ implens.

Non mihi excidit spiritum acidum à nitroso distinxisse: neque hæc quam nunc tueor sententia priori diversa est. Sal quippe acidum in nitrosum facilè commutatur. Nitrum enim dubiam, & quasi ancipitem sortitum est naturam; ignem & aquam; sulfuream, & mercurialem, sive acidam substantiam complectitur: hinc aqua ignea, & ignis aqueus meritò vocatur. Intus calidum, foris existit frigidum: aciditate suâ cuncta permeat; pinguedine, ac sulfureâ visciditate rebus omnibus confert fecunditatem: ex fixo demum, & acido, seu volatili fale coalescit. Iam quid, & quale sit nitrum non tam definitionibus, & argumentis intelligi potest, quàm vsu, & experientiâ. Quantum ego quidem conjecturâ assequi possum, seminariæ rationes in spiritu vniuersi, hic verò in nitro tamquam in propriâ sede residet. Nitrum quippe è rebus detrahe, vim ipsam prolificam, generationem, & vitam simul auferas

*Quæ sit ni-
tri natura.*

neceſſe eſt. Quare mihi eſt miraculo, quòd veteres Philoſophi rem tam latè fuſam, vel ſilentio præterierint, vel tam breviter perſtrinxerint: hinc enim pender totius ferè naturæ contemplatio. Vnde terræ, & mari tanta fœcunditas, niſi ex nitroſo ſale? Hinc ſolum mari finitimum vberius eſſe ſolet: nec tantam Ægypto Nilus exundans feracitatem largiretur, niſi nitro abundaret. In iis quoque regionibus peſtis graſſantis contagium Nilo exæſtuante ſiſtitur, quòd nitri corpuscula ab omni putredine corpora vindicent. Arenofum ſolum omnino inutile foret, niſi aliquantulum ſaliſpetræ contineret, quod inſtar glutinis aquam cum terra conſociat. Iam alio loco oſtendimus terram ex cineribus palearum, & fruticum reddi vberiore. Quis ignorat oſſa vel cornua abraſa, aut coriorumamenta, in quibus halinitrum copioſum eſt, terras in multos annos pingues, & feraces reddere. Verùm hæc mittere: nam meminime aliàs hoc argumentum vobis coram pertractaſſe, & vereor ne iſta vobis, vt frigidi, & reſoſiti cibi ſaſtidium moveant. Nunc quæ ſit nitri natura, quæ origo, qui effectus paucis exequar.

Quod antea jeci non muto, halinitrum, ex duplici ſale pingui, & acido coaluiſſe: ex ſulfure enim, & mercurio componitur, hinc illi amarus ſapor: atque, vt ſuprà monuimus, acidum ſalem ex acetofiſ herbis elici; ſic nitrum ex amariſ, vt ex Abſynthio, & Fumariâ copioſum educitur. Quòd ſi enim ex iis ſuccum expreſſeris; & ex eo purgato phlegma ſuſtuleris, quod reliquum eſt liquoris in frigido loco conſtitutum, nitrum purum, & inflammabile præbebit. Eâdem ratione ſal quod ex vrinis, & excrementis animalium educitur, facilè in nitrum abit, eo quidem citiùs, quo magis vrinoſum, ſulfureum & fu-gax exiſtit. Imò quidquid ſaliſ ineſt in animantibus, id totum ferè eſt nitroſum: adeò vt non oſſa modò, pili, vel cornua; ſed etiam caro ipſa, & ſanguis ſalepetræ abundant. Nam vt generationis, ſic nutritionis eſt principium. Ac ne vobis videar verba tantum fundere, vnum item & alterum exemplum, ex eo quem ſuprà laudavi Auctore ſubjiciam. Vas aliquod ſanguine bubulo impletum calidiori loco, quouſque putreſcat, & quaſi in terram lutoſam degeneret, colloca: aquâ fervente hanc

*Qua planta
nitroſum
ſalem ha-
beant.*

terram perfunde; lixivium extrahe, coque donec cuticula appareat; frigido demum in loco repone; crystallos nitrosas dabit: aded vt ex centum libris sanguinis, sex salispetræ libras non ægrè obtineas. Sic quodcumque animal calido loco vt putrescat expositum vermes procreat; quos si vitro oblongioris colli, & angusti (quod postea chartâ occludatur) imposueris, & in tepidiore loco constitueris, in aquam abibunt: hæc vasi cupreo, stanno quidem obducto, affusa, ovorum albumine, more aliorum succorum, vt loquuntur, clarificata, & vsque ad cuticulam, vt priùs, excocta, frigidiore denique loco reposita lapillos nitrosos exhibet. Omitto terram nitrosam quæ ex antiquis cœmeteriis eruitur, magnum salispetræ proventum præbere. Quamobrem qui citra magnos sumptus ingentem salispetræ copiam parare volet, nihil necesse est vt proximo incommodet, ac cellarum muris, vel pavimentis abradendis operam impendat: sed profundiores foveas, quæ Solem, & aërem admittant, pluvias arceant, compleat materiâ nitrosâ: quo loco censerî possunt plantæ acriores, & amaræ, quas bruta respiciunt; arborum folia, animalium cornua, avium plumæ, fuligo caminorum, cineres, & terra ipsa è cineribus post lixivium tamquam inutilis abjecta. Hæc atque alia id genus aquâ communi, vel potiùs vrinâ, muriâ, boum, vel ovium sanguine per biennium identidem irrigentur, quousque putrescant: ex illâ enim materiâ exsiccâtâ, salpetræ per lixivium eruitur, vnde spes lucri non contemnendi metitur.

Halinitrum ex sulfureo, & acido sale exurgere jam ostendimus: fertilitas quam rebus propè omnibus confert, pinguem illius naturam demonstrat; subtilitas verò quâ metalla dissolvit, sapor ipse pungens, ac penetrans summam illius aciditatem prodit: nam acetum in nitrum faciliè concrefcit, & vicissim nitrum, in spiritum acidissimum distillatur. Vulgarem tu quidem & vsitatum distillandi modum nobis exposuisti, optime Theophile: sed longè compendiosior mihi videtur via quam Glauberus ingreditur: non enim artificem per ambages fatigat, nec vasa discrimini fractionis objicit. Vnicum dumtaxat vas requiritur, quod fornaci communi sic apratur, & vt loqui solent, incameratur, vt tubus è vase, dodrante pedis, vel

*De spiritus
nitri distil-
latione.*

novem digitis extra furnum promineat. Hoc instrumento nota nitri solum, sed etiam aliorum mineralium spiritus, atque olea distillantur: ac duo saltem ejusmodi vasa parari debent, vnum ferreum; terreum alterum: nam quædam mineralia ferrum aggrediuntur, & corrodunt, quæ terrâ faciliè coercentur. Tubus qui extra furnum eminet, & ex lato sensim fit angustior, cum magno excipulo committitur, ne spiritus fugaces per rimulas diffentur. Cum igitur salis petrae spiritus acidus eliciendus erit: partem vnâ nitri cum duabus aluminis, vel pulveris regularum commiscebis, ne fusio nitri quid obsit: vasi jam candenti misturam ferreo cochleari impones: tum statim operculo vas claudetur. Interim è nitro accenso spiritus volatilis ruber, instar nebulae erumpet, quæ quidem nebula ubi evanuerit, tantumdem nitri immittes: sic paulatim totum halinitrum in spiritum acidissimum facesset. Nec necesse est ut moneam vasis operculum suâ anfulâ instructum esse oportere, ut forcipe commodè auferri possit: atque ut quàm accuratissimè vas occludat, cavendum est. Quo id modo fieri possit: norunt artifices. Vasis orificium in orbem excavant, sic ut hanc fossulam, vel cavitatem operculum parte sui prominulâ exactissimè impleat. Vasi recipienti tantum aquæ præmittitur, quantum nitri est distillandum, ut spiritus faciliùs concrecant. Tum leni calore balnei spiritus rectificatur, seu iteratâ distillatione phlegma à spiritu secernitur: nam cucurbitam cum suo alembico in aquâ fervente, vel cineribus collocant; tumque spiritus volatilis rubeus primùm egreditur; phlegma succedit, quod sublato recipiente exhalatur; tum iterum aptatur receptaculum, quo spiritus nitri acidus, & corrosivus excipitur. Hac quidem arte salis communis, vitrioli, & aluminis spiritus eliciuntur. Spiritum nitri volatilem ad gangrænam commendant: spiritus acidus magnum in re metallica momentum obtinet: nam metalla dissolvit, & aquæ fortis vices obit. Sollet quippe aqua fortis ex vitriolo, & nitro per retortam luto obductam, seu armatam distillari: sed vitriolum eâ tantum ratione appositum plerique putant, ut nitri fusionem inhibeat: vix enim spiritus vitrioli vnâ cum spiritu nitri, moderato calore sursum potest efferri. Huc accedit quòd vitrioli spiritus aurum ipsum

ipsum invadat: quòd si enim cum nitri spiritu cum conjunxeris, aurum ab argento neutiquam fecernes, quod tamen aqua fortis præstare debet. Hoc enim discrimine aqua fortis à regali discernitur, quòd illa argentum, non item aurum: hæc contrà aurum, argento illæso dissolvat. Ex nitri spiritu acido, regalem aquam conficies, si in illo salem communem calcinatum exsolveris, & per retortam igne violento distillaveris: tum enim aquam regalem consequeris solvendo auro idoneam. Hæc diutius forent dicenda, si veluti nova præciperem: sed omnes ferè Chymici de nitri naturâ, & usu copiosè pertractant, ac præter cæteros Glauberus plures de nitro conscripsit libros, quos nihil necesse est nunc contexere. Illud tamquam mundi miraculum, Philosophorum mercurium, & menstruum universale prædicat. Aliquando illud in fixum & igneum convertit liquorem, quo sulfurea quæque solvuntur: interim distillat in spiritum acidum, qui cuncta mineralia, quæ mercurio abundant, penetrat: utroque res venenatas sic expurgat, ut in optima medicamenta convertantur. Quod liquor sulfureus, & fixus exsolvit, illud spiritus acidus præcipitat, & vicissim: nitrum enim ex rebus contrariis, (quod sæpius dicendum est) nempe ex sulfureo, & acido sale, qui sese mutuò retundunt, componitur: salis quippe acidi vim corrosivam, & volatilem sal sulfureum elidit, sulfurei lentam, & fixam naturam acidum sal exacuit: & quod magis mirere, ubi liquor fixus cum acido conjungitur, uterque velut inito fœdere in nitrum vulgare, tamquam in commune principium revertitur, & nitri vulgaris naturam induit. Hæc video dum breviter volui dicere, dicta esse à me paulò obscurius: sed experiar, & dicam, si potero, planius. Maximam nitri vim esse in dissolvendis corporibus fugit neminem: quinetiam eluit, & abstergit; crudum quidem nitrum cuncta expurgat mineralia. Sic antimonium vnâ cum sale petreæ calcinatum noxios exhalat spiritus: nam stibii sulfur combustibile per sale petreæ incensum diffiatur. Eodem prorsus modo arsenicum, & auripigmentum, atque alia ejus generis toxica nitri beneficio deponunt spiritus venenatos. Quamquam nemini nisi in hac arte peritissimo suaserim, ut ista tractet deleteria. Alios nitri in metallis fundendis, & separandis usus non illi-

*Duplex è
nitro liquor
fixus & vo-
latis v-
triusque
preparatio.*

benter prætereo, atque in alium locum differo: neque enim omnia simul tradi possunt. Plantæ verò & animantes crudo, & simplici nitro expurgari, & parari nequeunt: illud quippe accensum eas penitus consumit, & redigit in cineres: nec vis purgatrix herbarum, vel animalium in cineribus, aut fixo sale; sed magis in sale, vel spiritu volatili consistit. Hinc Chymici non immeritò vulgares coctiones irrident, quòd tenuissimæ partes, quæque vim totam herbæ continent, ignis calore pereant, solo phlegmate superstite. Quòd si enim alembicum adhibeas, spiritus volatilis primus egredietur, cui cruda & insipida aqua succedet. Quare ii mihi videntur meliùs procedere, qui spiritus volatiles leni distillatione proliciunt, quos recenti herbæ affundunt, vt vires efficaciores obtineant. Sed redeo ad nitri spiritum, quo res vegetabiles, vel ipsa animalia digeruntur, purgantur, atque in tuta convertuntur medicamina. Pleraque enim medicamenta venenis sunt finitima, ea maximè quæ vires suas fortiùs exerunt: quare nisi optimè corrigantur, non sine aliquo vitæ discrimine adhiberi solent. Quod vt brevissimò pateat exemplo; quanta est in opio vis narcotica, vel somnifera? nam spiritus vitales ligat; nec rarò nativum extinguit calorem, atque in summum vitæ adducit periculum. Quâ igitur arte medicamentum vtile doloribus leniendis, somno conciliando, viribus denique restaurandis evadet? Spiritu nitri digerendum est: hocque vasculum vitreum angustioris orificii ferè complebitur, cui papavera concisum sensim appones, quousque dissolvatur: deinde per tenuè linteum percolabis; fæces quæ solvi non potuerunt, abjicientur. Iam illud caput artis est herbam exsolutam instar pulveris præcipitare; id munus præstabit liquor nitri sulfureus: nam quæ spiritus acidus, & volatilis solvit, ea fixus liquor præcipitat, & vicissim. Quamvis enim ambo isti liquores sibi infensi videantur; cum tamen ex vnâ radice, & veluti ex eodem prodierint fonte, originis suæ non immemores, vtrò consociantur. Itaque spiritus acidus exsolutum opium dimittit, ac præcipitat, vt is cum fixo nitri humore conjungatur. Effusis humoribus colligitur pulvis papaveris, qui multâ ablutus aquâ, vt omnes salispetræ reliquæ abstergantur, chartâ bibulâ aliquoties complicatâ per-

colatur, exsiccatum pulverem in tutum atque optimum medicamentum commearare affirmant. Illud mirari subit, quòd ex vtriusque liquoris acidi, & fixi conjugio nitrum iterum renascatur aliis vñsibus profuturum. Non deerant plura quæ dicerem, nisi hæc à Glaubero jam tradita, verbosius fortasse quàm necesse erat exposuissem. Illud tamen non possum omittere, quâ industriâ liquor nitri fixus, vel sulfureus præparetur. Res est minimè ardua, atque inter maxima Alchimia arcana meritò recensetur. Nitrum purissimum, hoc est, ab omni sale communi expurgatum, forti, & operto crucibulo, medios inter carbones imponitur: cum totum fluit, tum pulvis carbonum sensim in catillum conjicitur; hic pulvis flammam statim concipit; idque toties iteratur, donec injecti carbones inflammari amplius non possint, ac nitrum viridi, vel cæruleo colore tinctum appareat: illud extrahitur; mortario jam candenti infunditur: nam si vasi frigidiusculo committeres, id in faciem involare: contusum frigido collocatur in loco, vt in liquorem igneum, fixum, & sulfureum abeat: quod quidem & sulfur commune, & mineralia, quæ sulfure combustibili abundant, exsolvet. Sic antimonium, auripigmentum, arsenicum rubrum, cuprum, ferrum, & stannum dissolvit, non item argentum in quo mercurius est copiosior; nedum aurum solvet, cui nullum inest sulfur combustibile. Argentum verò spiritus nitri acidus, qui per distillationem elicitur, exsolvit: idem spiritus, ne auro quidem parcat, si sale ammoniaco, vel sale communi imprægnetur. Quòd si cum spiritu nitri acido lapis calaminaris contusus permisceatur, hic quidem lapis spiritum acidissimum secum retinet, dum phlegma, seu aqua insipida ignis calore exhalatur: adeò vt spiritus nitri tantam aciditatem lapidis calaminaris, vel alterius cuiusdam mineralis, quod Zinchum vocant, acquirat, vt aurum ipsum facile dissolvat. Quamobrem licet irrideat, si quis velit, mihi persuasum est nitrum esse quasi naturæ clavem, quæ corporum omnium penetralia nobis referat. An difficile erit fossilium vires, & naturas dignoscere, quæque mercurio abundant, vel sulfure discernere? cum liquor nitri fixus oleosa quæque, vt plantarum semina, pretiosos, & vulgares lapides, atque omnia

bituminosa resolvat, quæ certè spiritus acidus non aggreditur. Contrà spiritus nitri aurum, argentum, & hydrargyrum, herbas acidiores corrodit; quæ liquor sulfureus relinquit illæsa. Stirpes igitur omnes oleosæ, semina ferè omnia, vel animalia venenata, quæque pinguem, & resinæ similem naturam sortita sunt, liquore nitri sulfureo dissolvuntur: sive in pulverem comminuuntur, si sint aridiora; sive in frustula concidantur, si recentiora, atque humidiora fuerint; in illo liquore macerata, vel potiùs in balneo per 24. horas digesta, omne virus, atque inimicas exuunt qualitates. Quòd si spiritus vini ab omni phlegmate liberatus affundatur, hic nitri liquori innatans essentiam stirpis, vel animantis extrahet. Effuso igitur vini spiritu, novum affunde, idque sæpiùs repete, donec omnem tincturam, vel essentiam eduxeris: tum leni balnei calore spiritum vini ardentem elice, oleosus remanebit liquor, quem herbæ, seminis, vel animalis extractum vocant: neque is humor nitrosus peribit: nam vitreato tigillo impositus, ad siccitatem usque decoctus, & calcinatus, frigido demum loco constitutus liquefcet, pristinæ naturæ restituetur, atque aliis itidem operationibus inserviet. Mixta corpora, quæ nec mercurio, nec sulfure adeò excellunt, utroque nitri humore, tum sulfureo, tum acido æquè dissolvuntur. De his in univèrsum dixisse sufficiat; neque enim opus est ad minutas rerum particulas descendere: ac verecundiùs de iis jamdudum loquor, quæ ad Medicæ, vel Chymicæ artis Professores videntur pertinere: quòd si ipsi adessent, mecum fortasse ex lege agerent, vel interdicto contenderent. Quare moderabor ipse me, ac rerum fossilium principia dumtaxat, & naturas inquiram.


Nitrum esse igneum.

De nitro ambigunt calidum sit, an frigidum: ego aquam esse igneam meritò contenderim. Nec desunt argumenta quibus calor igneus nitri asseratur: nam metalla penetrat, & fundit: spiritus quoque vini aquæ forti, vel nitri spiritui affusus flammam concipit: sic ferri, vel lapidis calaminaris frustulum eidem spiritui acido impositum, tantum procreat calorem, ut vas ipsum manibus vix contrectari queat. Quòd si ferrum, vel lapidem calaminarem in eodem spiritu dissolveris, ac phlegma frigidum ignis calore sensim exhalaveris, restabit spiritus planè

igneus, cui si aliquot aquæ frigida guttulas instilles, igneum suum calorem quasi laceffitus prode: istâ quidem arte calor in vase citra vllum ignem diutius conservari poterit, dum novæ aquæ guttulæ identidem vasi affundantur. Idem planè efficiet liquor nitri per antimonium, eo quo fortè aliàs dicturi sumus modo, fixari. Nescio an thermarum ebullientium fervor oriri possit ex spiritu nitri acido, qui ferri, vel calaminaris lapidis mineras præterfluit, easque arrodit; atque vbi cum aqua dulci permiscetur, eum calorem procreat, quem in calce vivâ aquæ affusione cernimus. Mecum facit ipsa experientia: sæpe enim thermæ ferri, vel lapidis calaminaris fodinis finitimæ occurrunt. Quapropter nullatenus dubito nitrum calidum esse, & inflammabile: atque ipse me paululum in aliâ, quàm prius habuerim opinione, nunc esse confiteor. Huc enim adducebar ut crederem nitrum esse frigidissimum, nec flammam in pulvere pyrio concipere, sed instar venti vehementioris sulfur duntaxat accendere arbitrabar. Videbam enim in antimonii diaphoretici præparatione, vbi nitrum cum Stibio permiscetur, injectâ prunâ misturam statim accendi; cùmque cessasset detonatio, ac rursus tantumdem nitri coniceretur, agrè tamen flammam concipiebat. Quod si tertio nitrum apponeretur, nullum sequebatur incendium, nulla erumpebat flamma. Hinc sanè coniciebam non ipsum nitrum, sed sulfur antimonii combustibile accendi. Nec attendebam nitrum per antimonium adeò fixum evadere, ut ignem amplius non reformidet. Cùm tamen in omnes partes cogitationem meam verso, vix quicquam causæ comminisci possum cur salpetræ cùm sit calidissimum, linguæ ipsius iudicio frigidissimum percipiat: cur ipsâ æstate aquam congelet. An fortè non igneos modò, sed etiam frigidos continet spiritus: hi quidem extrâ prorumpunt, illi ad interiora sese recipiunt? An nitri, ut acetii phlegma frigidiusculum est, quo ignita, & sulfurea substantia temperatur? sed vbi hæc soluta, & libera existit, tum occultum, & quasi prius oppressum calorem exerit, maximè cùm permotâ aquâ irritatur. Res enim ferè omnes calcinatæ, & nitrosæ folius aquæ affusione incalescunt, cùm oleo potius extinguantur. Hinc simusequinus aquâ perfusus adeò calet, ut plerisque

distillationibus ac digestionibus Chymicis inserviat. Quòd si quis contenderit istum calorem persæpe ex motu, & velut conflictu spirituum oriri, non admodum repugnabo: nam calorem affricu corporum excitari fatis compertum est. An fortè ex illâ spirituum agitatione tantus musti calor, vel fermentatio exurgit? frigus certè vini fervorem & fermentationem impedit. Testatur Io. Bapt. de Portâ, quòd pumex, vel argentum vivum vitro inclusum, atque intra dolium demissum, musti fermentationem inhibeat. Contrà Georgius Valla memoriæ prodidit, quòd si paululum casei in dolium musto plenum injiciatur, tantum excitabit fervorem, vt ipsi dolio periculum fractionis immineat. Eadem forsitan est ratio, cur injectis lapillis quidam lacus tumultuentur. In Comitatu Fuxensi inter Pyrenæa juga lacus est in montis cacumine constitutus, cui nomen Fanum sancti Bartholomæi dedit; hic lapide coniecto nitrosos, ac sulfureos exhalat vapores, qui in mediâ aëris regione densati, cælum statim obducunt nubibus, & multum imbrem non sine tonitruï fragore effundunt. Idem prorsus contingere in quodam Helvetiæ lacu, in montis, qui ruptus vocitatur, vertice collocato testatur Ioannes Faber in arte Chymicâ eruditissimus. Effudi vobis omnia quæ de nitri origine, & naturâ sentiebam: quâ methodo in fixum liquorem, & spiritum acidum cuncta permeantem convertatur, exposui. Restabat vt vos item docerem quâ industriâ spiritus acidus ex plantis & lignis distillatus, non sine emolumento concreascit in nitrum: sed si quantum de nitro dici potest, prosequamur, finis orationis non reperietur. Potestis Glauberi libros consulere, vbi hanc artem quâ spiritus acetosus ex omnibus lignorum generibus eliciatur, isque in nitrum abeat, tractat apertissimè; homo meâ quidem sententiâ est non multum oratione limatus, sed ingenio & solertiâ acutissimus.





CAPVT QVARTVM.

De aliis salium generibus.

- I. De nitri, & salis spiritu nonnulla præmittuntur. II. De alumine. III. De vitriolo, & variis illius generibus. IV. De vitrioli analysi, atque usu, ubi de medicamentis Chymicis perpaucæ.

M E N A N D E R.



OG ipsum ex te audire cupimus: nec vacat nobis Chymicorum libros evolvere; plerique enim obscuritatem affectant, & nihil quàm sinuosas, vel parabolicas descriptiones amant; mallem vt res nudas, atque inornatas proponerent. Nam Ciceroni facilè accedo: A Philosopho, inquit, si eloquentiam afferat, non asperner; si non habeat, non admodum flagitem: nec me illius oratio offendit, qui complectitur verbis quod vult, & dicit planè quod intelligam. Iam verò Chymici non orationis modò ornamenta negligunt, (quod vtrique ferendum esset) sed latebras quærunt, nolunt intelligi; res dissolutas, & malè cohærentes tradunt; abrupta quædam, vt fortè ad manum venere, jaculantur. Quapropter magnam tibi habebimus gratiam, si optima quæque ab iis tractata feligas, & illustres. Injurius sim, si illud à te postulem, vt interpretis tantum fungaris munere, vel aliorum dumtaxat dicta regeras: sed potes tueri ea quæ dicta sunt ab iis, quos probas, eisque tuum iudicium adjungere. Quod si tibi materia tam latè fusa videatur, vt vno die absolvi non possit, quod tractandum supererit, in crastinum diem differemus.

SIMP. Pergam igitur, quoniam institui, de nitro, sale, alumine, & vitriolo dicere: sed peto à vobis ne has meas ineptias efferatis; neque enim Chymicus esse, vel haberi volo: non quòd ars illa me offendat; est enim liberalis, & jucunda: sed nobis difficile est huic studio seriò incumbere, quin labor noster in varias reprehensiones incurrat. Verùm ista facessant,

*Quomodo
& spiritus,
& nitrum
ignis in-
ensis edu-
antur.*

& redeamus vnde egressi sumus. Primum igitur, quâ arte spiritus acidus ex incensis lignis eliciatur, ostendam; tum quâ viâ ex illo spiritu nitrum colligatur, aperiam. Qui ex lignis incensis exhalatur fumus, multum habet aciditatis: nam oculos pungit, & lacrymas saepe exprimit: itaque si frigore condensetur, non dubito quin in spiritum acidum faciliè concreascit. Neque ad hoc opus vnâ pervenitur viâ; illa tamen mihi compendiosissima videtur, quam vir industrius, & artifex eximius ingreditur. Furnum erigit ex laterculis, amplum quidem, & rotundum; adeò vt ex lato in angustum sensim desinat: tribus foraminibus instruitur. Primum in ipsius fornacis existit fastigio, per quod ligna conjiciuntur, & cum opus est suo operculo clauditur: est item aliud in infimâ fornacis parte, quo extrahuntur carbones. Tercio denique in latere furni constituto fistula terrea quatuor saltem hexapedas longa aptatur. Incensis lignis singula foramina, vel ostia quàm fieri potest accuratissimè occluduntur: ita vt fumus per oblongam fistulam cogatur erumpere, qui in acetosum liquorem densatur, atque in vas subiectum vnâ cum oleo sensim defluit. Fistulâ ablâtâ foramen ipsum, cui adharebat, madefactis cineribus obducitur: sic enim carbones integros conservabis. Quòd si minutos ramulos, vel frutices incenderis, nihil aliud quàm pulverem carbonum, eumque inutilem obtinebis. Licebit quoque carbones apertâ fornace in cineres redigere. Priusquam lignum immitas, & acetum extrahas, operæ pretium fuerit lapides ex quibus calx conficitur in fornacem conjicere, vel cum ligno alternis ordinibus disponere: nam vnâ cum carbonibus calcinati, atque aëri expositi; ita vt tamen à pluvîâ tuti sint, in minutissimum pulverem citò fatiscunt. Denique poteris citra vllum furnum, vel in mediâ sylvâ hoc acetum elicere, si lignorum strues eo prorsus modo, quo solent carbones arte vulgari confici, cespitibus viridibus operiatur. Vnâ igitur, atque eâdem operâ spiritum acidum, oleum quod spiritui innatat, & salem lignorum consequeris. Acetum illud rectificatum, seu leni distillatione à superfluo phlegmate secretum, eadem prorsus quæ acetum vini distillatum præstat: vniones, seu margaritas, neque non animalium lapillos, vel calculos dissolvit: aquâ calente

lentè temperatum, balneum scabiei, & fœtidis vlceribus curandis idoneum, atque ipsis fortasse thermis vtilius exhibet; præsertim si ex quercu, & aliis nitrosiis, vel solidioribus lignis proliciatur. Hoc enim balnei genus expurgat sanguinem, atque eum à putredine vindicat. Alios spiritus acidi vsus prætereo. Quòd si intus fumatur, noxios humores per sudorem expellit, viscerum referat obstructions. Exteriùs verò balnei loco vsurpatus inflammationes restinguit: proprio oleo admistus podagræ lenit dolores. Verùm ista Medicorum iudicio relinquo. Addámne, ligna hoc oleo illita, etiamsi aquæ immergantur, vix corrumpi. Imò si palorum, quos vites, vel lupuli complectuntur, extrema adurantur, & dum adhuc calent, isto oleo imbuantur, diutissimè durabunt, vix putrescent, & vites reddent feraciores. Spiritus quidem acidus multo diluitur phlegmate, quo facilè liberabitur, si intenso frigori hiemis tempore expositus congelietur; tum enim spiritus acidissimus vnà cum oleo ad interiora refugit: hinc longè acrior factus metalla ipsa corrodit, & dissolvit. Omitto ipsum oleum à spiritu cui innatat secretum, acri lixivio ex calce, & cineribus conflato solutum, & coctum, tantam terris arenosis vbertatem conferre, quanta ne vix concipi quidem potest. Sed ne longiùs exspatiemur, salempetræ facilè obtinebis, si carbonum cineres, necnon lapidis vnà calcinati pulverem in spiritu acetofo (à quo tamen oleum proprium ne detrahas) exsolveris: huncque liquorem idoneis conclusum vasis, sub tecto quatuor columnis fuluto, sic aëri exposueris, vt radios quidem solares admittat, pluvias verò arceat, atque vrinà identidem perfuderis. Cùm enim materia exsiccata fuerit, ante biennium optimum præbebit salempetræ, quem more solito extrahes: aqua nimirum fervida affunditur, excoquitur, in frigidiori loco reponitur, ac nitrosæ supernatant crytalli. Quæ relinquitur materia, tamen si omni nitro videatur exhausta, nihilo tamen seciùs in eodem reposita loco, atque vrinâ, vel aquâ subinde perfusa, vertente biennio novam salempetræ copiam suppeditat. Quibus ex rebus optimè colligimus salempetræ ex duplici sale fixo nimirum, & volatili coalescere: nam sal qui in cineribus carbonum, & calce fixus invenitur, spiritum ligni acidum multo sale volatili prægnan-

tem reddit fixiorem, & quasi compedes ne avolet, ipsi injicit: ac vicissim spiritus acidus obtusum salem carbonum exacuit; ex utriusque conflictu, & agitatione, longo temporis intervallo nitrum emergit. Non magna quidem præcipimus, sed ea tamen quæ ad Medicinæ, atque ipsius œconomix usum non prorsus inutilia videantur. Suspecti mihi sunt, qui nihil quàm Panaceas, aurum potabile, & Elyxir vitæ crepant: id enim circulatoriam jactationem omnino redolet. Perrarò accidit ut promissis eventus respondeat: quo enim quisque ingenio, vel arte minùs valet, hoc se magis attollere, & dilatare conatur. Magna sanè & stupenda esse Chymicorum arcana consentio: sed optarem ut Philosophus non ineruditus quæ usu probata, & expedita sunt, seligeret: nec solis contentus formulis, intimas rationes inquireret. Nisi enim ratio præluceat, atque ipsa dirigat opera, necesse est ut sæpiùs offendamus, & in multos errores dilabamur. Hæc ferè sunt mihi de nitro comperta.

Quòd si lignorum, ac vegetabilium spiritus, vel olea eo tantùm desideres, quo quibusdam succurras morbis, nihil opus erit tam amplam struere fornacem; sed satis fuerit aliam minusculam, & ferè vulgarem adhibere, quæ duobus ostiis, vel foraminibus pateat: vnum in fastigio ipsius fornacis, ut moris est, apponetur, quod ubi necesse erit suo operculo accuratissimè occludetur: alterum verò ostium, per quod non carbones modò, vel prunæ ardentes, sed etiam herbarum radices, semina, & ligna concisa imponuntur, in mediâ velut fornacis fronte collocatur. Injectis rebus quarum spiritum acidum cupis extrahere, mox utrumque foramen occludes, & spiritus vnâ cum oleo per fistulam fornacis lateri aptatam, quam alter tubus longior, instar gnomonis, vel recti anguli formatus excipit, in vas quoddam terreum deducitur. Quod quidem vas oblongum in labro aquâ frigidâ pleno constituetur, quò spiritus frigore citiùs concrecant. Hujus fornacis operâ brevissimo tempore magna spiritus salis copia educi potest. Sal in communi aquâ exsolvitur, prunæ ardentes in illâ extincti aquâ, sale imprægnantur: alii carbones priùs incensi conjiciuntur in furnum, quibus prunas sale imbutas adjicies: utroque foramine occluso, spiritus salis fami instar, per fistulam exhalatur, qui statim in liquorem

Vide, si libear, figuram hujus fornacis apud Glauherum, parte 1. furnorum.

De spiritu salis exstillando.

denfatur, & fenfim in excipulum defluit. Quòd fi iftum liquorem leni diffillatione rectificaveris, fpiritum nitri vtilitate vineet: non enim modò metalla, (argentum excipio) & lapides folvit: fed etiam magnis, & gravibus medetur morbis. Nam fi Chymicos audiamus, illius fpiritus aliquot guttulæ vino, vel aquæ inflillatæ, ventriculum noxiis liberant humoribus, obftructiones aperiunt; icterum, & hydropem fpiritus ille fanat, ventris fedat tormina, vrinas promovet, arenulas difturbat, vifcerum recludit meatus, vermes enecat, podagræ dolores mitigat, maximè fi oleo ceræ, vel terebinthinæ permiftus adhibeatur. Hic quippe fpiritus acidus, & penetrans tartareos humores difcutit, putredinem inhibet, exficcat, folvit, & fuperflua quæque confumit. Verùm tot, & tam præclaræ dotes non cadunt in fpiritum falis, nifi idem quantâ poteft diligentia maximâ præparetur.

Nec diffimulare poffum aliam hujus fpiritus diffillandi methodum, laboriofam quidem, fed vfu optimam: & meâ quidem fententiâ præftat longiorem ingredi viam, quàm compendio periclitari. Salem itaque (vt rem ipfam aggrediar) bene purgatum, eo quo tu, mi Theophile, fuperiùs docuifti modo, in aquâ exfolve; percolatam aquam vt omnes deponat fordes, quoufque cuticula appareat, excoque: globulos terræ lutofæ ab omni arenulâ vacuæ exficca, tum vafi fictili impofiti ad ignem admoveantur, vt omnis pinguedo confumatur: hos globulos candentes in diluto falis extingue, quibus dimidiam ferè retortam implebis, fubjecto igne, eoque paulatim, & velut per gradus aucto totum fpiritum extrahes, donec nullus fumus appareat. Neque opus eft vt moneam aquam in excipulo præmitti oportere: illud enim in omni fpirituum diffillatione obfervatur. Spiritum in breviori cucurbita repositum leniori igne iterum diffillabis; tum aqua infipida primùm egredietur, hanc verò excipiet fpiritus falis fapore non injucundus, cujus aliquot guttulæ communi aquæ affufæ, gratam illam & falubrem reddunt, ac putredinem inhibent. Taceo quòd hic fpiritus falis vini dolio affufus tartarum fuperfluum præcipitat; ventriculi quoque crudos humores digerit, aquam intercurrentem expellit, vifcidam pituitam diffolvit. Plura ne dicam de-

terreor, ne fortè Chymicis nimium videar indulgere.

TH. Istuc est sapere: Alchimistarum nomen fugis, vt invidia atque infamiæ subiectum, in eorum tamen opiniones vltro delaberis: hos si contemnis, & abjectos putas, quid est cur Aristotele neglecto, in eorum partes concedis? Profectò seriò ringor paulatim elabi è manibus adolescentum tanti Philosophi monumenta, atque illis anteponi abortivos partus quorundam Philosophorum, quorum præcipua virtus est furnos adornare, carbones tractare, & magnifica verba fundere. Peripatetica quidem Philosophia minùs vanitatis, atque ostentationis fronte ipsâ prætexit, sed magna habet in recessu; vbiq; & secum & cum ipsâ naturâ consentit. Verùm nec otium datur, nec fert animus, vt Philosophiam tot retrò sæculis bene constitutam à calumniis recentiorum quorundam nebulonum vindicem: id fortasse plenius alio loco exequemur: nunc ad id quod cœpimus revertamur, & reliqua salium genera transcurramus. Nec diu nos morabuntur alumen & vitriolum, quæ magnâ inter se societate junguntur. Vtrumque donatur vi adstringente, & stipticâ: vtriusque eadem sunt in Medicinâ vires, atque ex eadem venâ interim eruuntur. Alumen quidem fossile est, vel factitium; liquidum item, vel congelatum existit: vtriusque diversa sunt genera; aliud est scissile, quod in fibras, & veluti in capillos ducitur, idque sulfureum odorem foetet; aliud in laminulas, & quasi in foliola dividitur; aliquando instar spongiæ innumeris foraminulis pervium est; infinitis nonnumquam sphaerulis est asperum. Utuntur alumine aurifices, & quotquot rei metallicæ navant operam; infectores quoque in suum vsum illud adhibent: nam lanæ soluto aluminis imbuuntur, quò facilius, & tenacius colores excipiant. Sic charta nisi aquæ aluminosæ immergatur, non retinet atramentum, sed transmittit. Iam verò præstantissimi Philosophi Agricola, Scaliger, Libavius, & alii bene multi quâ industriâ alumen è lapidibus, vel terris aluminosis extrahatur, apertissimè tradidere. Summa est, lapis crematur donec aëri expositus, & pluviâ identidem irrigatus vltro fatiscat; fit lixivium ex calce vivâ, & cineribus betulæ, vel fagi, cui quarta pars lapidis in pulverem resoluti admiscetur; vsque ad tertiæ partis consum-

ptionem excoquitur; liquor effusus percolatur; frigido loco collocatus alumen præbet, quod specie cryſtalli humori innatat.

De vitriolo.

Vitriolum alumini eſt finitimum, illud Græci chalcanthum vocant, quaſi æris florem, Latini atramentum dixere; noſtri mutuata ab Italis voce cuperoſam appellant. In varias ſecatur ſpecies, vitriolum Hungaricum dicunt, quod ex ære, vel æruginè conficitur; chalcitis æris colorem imitatur; miſy flavo, & aureo; ſory rubro; melanteria cineritio colore tingitur. Sory duriffimum eſt, quâdam donatur pinguedine, & gravem odorem foetet; ſæpe multis foraminibus hiat. Miſy ſubtile eſt, & quaſi flos tenuiſſimus. Chalcitis vt ſory ſubtilior, ſic miſy craſſior exiſtit; quo æri ſimilior eo pluris ducitur; maximè ſi longas, & ſplendidas gerat fibras, nec ægrè fatiſcat in pulverem. Laudatur miſy cum inſtar auri micat; melanteria aquam atro colore inficit. Neque hæc naturâ, ſed accidentibus duntaxat differunt: nam vnum facilè in aliud commeat; colores quoque habent inſtabiles: hinc vitriolum cæruleum in viride, hoc verò in album ſenſim degenerat. Nunc minimè neceſſe eſt vt oſtendam quâ arte vitriolum ex aquis chalcanthoſis, terrâ, lapidibus, pyrite in-primis, & lapide fiſſili eruatur: non enim aliter atque in alumine, & halinitro procedunt. Poſtquam è pyrite ſulſur per deſcenſum (vt loqui ſolent) extractum fuit, quod reliquum eſt crematur, fit lixivium, quod percolatum in cortinis, ſeu vaſis plumbeis excoquitur. Siquidem plumbum à vitriolo non corroditur: eſt enim dulce, & poroſum, atque omnem pinguedinem ad ſe trahit: quæ autem pingua ſunt, vel dulcia, corroſivis, & acribus reſiſtunt: ſic lacte, & butyro venenorum vires obtunduntur. Aqua excocta per lacus, ſeu cupas, vel alveolos ligneos diſtributa lapillos præbet. Conſumptâ demùm aquâ atramentum luteum in imo conſiſtit. Ex terrâ cinereâ, quæque odorem præ ſe fert virulentum, & acerbum ſaporem, in agro Romano, eâ quam Cæſalpinus literis conſignavit indiſtriâ, vitriolum educitur. Terra non cuniculis, ne venenati halitus foſſores enecent, ſed aperto ſolo eruitur, in cumulos congeſta toto vertente ſemeſtri aëri exponitur, vt ſpiritus volatiles humore coërciti conſiſtant: hinc alio ſe-

mestri sub tecto asservatur, vt suam consequatur maturitatem, & fugaces halitus figantur: aquam affundunt; castellis, vel cupiscam excipiunt, tum in cortinis plumbeis excoquitur: sed addenda sunt æris, vel ferri frustula, secùs non vitriolum, sed alumen concrefcet; sic vbi ex lapide pyrite educitur, nisi quiddam æris, vel ferri adjiciant, quòd illa quæ in vitriolo sunt æris exordia, vel ramenta ad se trahat, vitriolum non prodibit. Idem ferè vsuvenit, cùm argentum aquâ forti exsolvitur, & aquæ dulcis affusione præcipitatur; laminas enim cupreas supponunt, quæ argenti calcem colligant. Iam quæ sit vitrioli natura, ad quos adhibeatur vsus intuendum puto.

*De naturâ
vitrioli.*

Placet nonnullis vitriolum ex alumine & sulfure potissimum conflari. Multum certè cum vtroque habet cognitionis: nam cum alumine in eadem venâ conjungitur: nec facile est spiritum vitrioli à spiritu sulfuris discernere; eadem sunt vtriusque vires. Alii vitriolum ex tribus principiis, & quatuor elementis constituunt. Hic sanè Chymicorum de tribus principiis decretum vacillat: nam si vitriolum aquâ dilutum in loco calidiore, vt in fimo equino ad digestionem collocetur, post aliquot dies sulfur volatile efflorescet; fæces crassiores subsident. Quòd si liquor per lacinias trajectus, seu filtratus leni calore distilletur; primùm spiritus volatilis, tamquam purissima vitrioli essentia prodibit, succedet spiritus vitrioli acidus, quem vt summum morbis omnibus melancholicis, & pituitosis remedium jactitant, eumque feliciter ad calculum, jecinoris & ventris atoniam, puerorum vermes, & quartanam se adhibuisse testatur Libavius. Alii tamen non infimæ notæ Medici hujus spiritus acidi vim causticam, & corrosivam reformidant: maximè cum res acidæ nervis infestæ esse soleant; hanc litem Medici ipsi dijudicent. Cæterùm diversis ignis gradibus varia itidem spirituum genera eliciuntur, quorum alii alios aciditate vincunt. Mitiores qui sunt, & multo phlegmate diluti primi erumpunt, hos excipiunt aciores, tum aucto igne oleum rubrum extrahitur; succedit oleum acerrimum, quo vel aurum ipsum dissolvitur. Restat veluti calx vitrioli, Colcotar à Chymicis vocatur, ex quo salem, oleum dulce, terram denique quam virginæam vocitant, colligunt. Ecce tibi tria sulfuris genera; vnum.

*De vitrioli
in sua prin-
cipia resolu-
tione.*

est superfluum, & volatile, quod in primâ digestionem efflorescit; aliud est item volatile, sed essentialia; tertium denique fixum, & vitriolo intimum existit. Nec pauciores sunt spirituum differentia; vt taceam de spiritu dulci, quem tamen Crollius negat se vmquam vidisse; vel de spiritu qui violam redolet, eumque ex quintâ vitrioli essentialia, seu ex spiritu volatili, subdulci, & penetrante, vnâ cum spiritu acido conjuncto, per longas in pellicano digestionem conficiunt. Pelicanum vocant quoddam alembici genus, cuius rostrum in ipsum ventrem reflectitur. Quod si ea sint rerum exordia, atque elementa, in quâ ignis ardoribus resolvuntur; non tria tantum, sed duodecim saltem vitrioli principia censenda sunt. An potest quisquam dicere inter sulfur volatile, & fixum; oleum dulce, & acerrimum nihil interesse? quare frustra Chymici principia rerum ex artificiosa distillatione colligunt: sed de his jam aliâs saepe. Omnes verò summæ apud antiquos auctoritatis scriptores Aristotelem secuti hæc mineralia inter lapides & metalla ambigere consentiunt; ita vt ex vapore, atque exhalatione coalescant: nam metalla ex vapore humido, lapides ex halitu sicco prodire: ambo conspirant ad vitrioli, & aluminis generationem. Splendorem metallorum, inquit Albertus, & lapidum compositionem obtinent: siquidem instar lapidum faciliè comminuuntur. Quapropter non aliunde quàm ex terrâ, & aquâ commixtis, atque caloris accessu concectis, vt cætera fossilia, oriuntur.

Nonnumquam præterfluens aqua materiam metallicam arrodit, quâ in vapores exhaustâ, sal, alumen, vitriolum, chrysocola, cyaneum, seu cæruleum condensata restant. Vnde ex pyrite artifices alumen, & vitriolum eadem ferè arte, quam ipsa adhibet natura, eliciunt. Sic chrysocola, ærugo, & cæruleum ex aquis acetosis fodinas æris arrodentibus emergunt: siue substantiæ adhæreant metallicæ, siue instar minuti pulveris, vel arenæ colligantur: graviora quippe illa corpuscula ab ipsis metallis abrafa in fundo aquæ subsidunt. Hæc quidem omnia vi quâdam acri, mordicante, & absterfivâ donantur: hinc chirurgis, pictoribus, atque ipsis insectoribus magno vsui esse solent. Quis enim ignorat vitriolum sanguinem si ste-

*De usu vi-
trioli.*

re, vel quòd venarum meatus obstruat, vel quia extremum sanguinem coagulat. Neminem quoque fugit illud putrida viscera abstergere, carnes luxuriantes exedere; atque ex eo collurgia oculis parari.

Cæterum illud vehementer demiror, quòd cùm nec vitriolo, nec gallis ater color infideat, ex iis tamen aquâ dilutis atramentum conficiatur. An fortè corpuscula ex quibus constat vitriolum eam temporis successione figuram adipiscuntur, quæ perpaucos luminis radios regerat, & nigrum adèò præferat colorem. Profectò vitrioli acuminatas esse particulas sapor ipse testatur: hinc atramentum tenaciter chartæ adhærescit. Sutores ipsi vtuntur vitriolo, quòd nigro colore coria imbuant; hinc atramenti futorii nomen obtinuit. Ferrum vetus sero lactis solutum eidem quoque vsui esse potest. Quare in veteri meâ persuasione permaneo, colores omnes ex solâ luminis reflexione, atque ex corpusculorum quibus res quæque constant variis figuris emergere: nam terrea corpuscula candidum, fuliginosa verò, striata, & acuminata nigrum colorem exhibent: neque tanta colorum varietas ex ipso ducitur temperamento; cùm ex ære flavo ærugo adèò viridis exsurgat; quòd si spiritum ammoniacum addideris, cæruleum emerget. Dicta sunt à me quæ in promptu erant, à te autem, mi Simplici, reconditorum desidero.

SIMP. De principiis Chymicorum nihil necesse est contendere, non quòd rationibus tuis ex vitrioli analysi desumptis respondere me posse diffidam. Nihil quippe in vitriolo præter terram, salem, oleum, spiritum, & aquam deprehendes: sed de iis nec certare pugnaciter velim, nec committam vt dubia faciam defensionis sollicitudine. Verùm, inquis, quanta salium, spirituum, & sulfurum varietas ex vitriolo educitur. Hoc ipsum in sententiæ nostræ argumentum traho, cùm fieri nequaquam possit vt ex eodem corpore res adèò diversæ ejusdem ignis virtute prodeant. Sed neque vitriolum in extrema principia vulgari arte resolvitur. Meministi, vt puto, nos duplicem salem, vnum volatilem, alterum fixum; duplex item sulfur, vnum fugax, & spiritale, quod distillatione primùm elicitor, alterum tenax, & viscosum distinxisse. Hæc infinitis propè

*Ex quibus
partibus
constat vi-
triolum.*

propè modis permisceri possunt: nam sal vitrioli fixum oleum acerrimum efficit, sal volatile phlegmati aciditatem conciliat: oleum corrosivum spiritu acido temperatum dulce evadit: acria enim quæ sunt ab acidis, & vicissim acida ab acribus, vt fales volatiles à fixis retunduntur. Imò res ipsæ acres sese mutuo jugulant: sic oleum tartari spiritui vitrioli affusum fervorem, & veluti ebullitionem quandam excitat: sed ex utroque quiddam tertium subdulce, & minimè corrosivum exsurgit. *De fermentatione.* Hinc musti fermentationem plerique deducunt: nimirum ex salium fixorum, & acrium cum fugacibus mutuo conflictu: in illa verò ebullitione subtiliores spiritus exhalantur: sal fixum attenuatur; superfluum quod est, ad imum descendit. Itaque omnis præcipitatio à spiritu acetoso, hic verò à sale volatili proficiscitur. Rem ita se habere, cum multa quæ jam suprà attingimus de musti fermentatione demonstrant, tum illud quòd oleum ex vitriolo calcinato, seu ex colcotare extractum certis temporibus intumescat, aliis autem decrescat. Vix credam Lunam tumentem novum chalcantio humorem affundere, sifientem resorbere. Probabilius est oleum, vel spiritum vitrioli statis temporibus fermentari, cum sal fixum à volatili superatur: subsidit verò quando sal volatile à fixo quasi subactum figitur. Fieri etiam potest vt gravi, & humido caelo àër ipse subeat spiritum, vel oleum vitrioli, quidquid est salis exsolvat, & suo ingressu augeat humorem: nam quæ extremos ignes sustinere, occultâ quâdam naturæ vi humidum aërem vtrò ad se invitant, quo summam siccitatem temperet, atque exhaustum humorem refarciat. Hinc illud chalcantii oleum æstate plerumque minuitur, vere, vel autumno intumescit. Interim tamen evenit vt eodem tempore oleum vitrioli vase conclusum augeatur, cum alterum decrescit. Forse est vt alterum plurimo sale fixo abundet, aliud verò majore spirituum copiâ turgeat. Vt vt sit, mihi certum est nitrum, & vitriolum aëri exposita, non modò intumescere, sed novos etiam spiritus, ac veluti vinum novam prolificam haurire. Denitro quidem nullus est dubitationi locus: vitam enim suam, & quasi animam ipsi aëri debet; adeò vt certis temporum intervallis renasci videatur, cum exhaustæ terræ novum salempetræ suppeditent. Verum de vitriolo

nunc agimus, quod ex quibusdam lapidibus nullo ferè labore elicitur. Nam contriti lapides aëri frigidiusculo per mensem expositi, humoris accessu aliquantò graviores deprehenduntur, atque in nigrum pulverem vltro fatiscunt, qui post dimidium ferè mensem fit candidior, & quiddam vitriolo simile sapit. Illos porrò lapides passim occurrere asserit Glauberus, qui hoc arcanum primus aperuit. Nigri & politi sunt lapilli, rarò ovi magnitudinem æquant, in lutosa, & candidiore terrâ plerumque inveniuntur; fracti aureum colorem instat marcasitæ aureæ exhibent. Itaque hi lapides primùm in atrum, tum in album successunt pulverem; vitreis vasis conduntur, multâ perfunduntur aquâ; ita vt duorum digitorum altitudinem emineat: hæc intra aliquot dies virorem contrahit, in vas alterum effunditur; nova subinde aqua pulveri adjicitur, idque toties iteratum oportet, quousque nullum ampliùs virorem contrahat. Quidquid aquæ viridis collegisti, per chartam bibulam trajice, tum vsque ad cuticulam calore moderatò exhaletur, in frigidiorè loco reposita caruleos præbebit lapides, qui nihil sunt quàm vitriolum purissimum. Reliquum aquæ iterum vsque ad apparentem cuticulam excoque, in cellâ colloca, vt novos exhibeat lapillos, idque toties repete; quousque aqua nullum ampliùs chalcanthum suggerat, sed liquor tantàm viridis remaneat, qui nec calore coaguletur, nec frigore congeletur. Illud esse oleum vitrioli dulce adedò quasitum, & à veteribus Chymicis commendatum, Auctòr jam sæpe laudatus asseverat: ita vt aliquot guttulæ vnà cum vino, vel alio vehiculo haustæ vitiosos & superfluos expellant humores, sanguinem expurgent, viscerum obstructions aperiant, epilepsiam, febres, pestem ipsam feliciter curent. Quæ si vera sunt, magna certè illi Chymico habenda est gratia, qui nos tanti arcani fecit participes. Hæc quidem mihi vsu comperta non sunt: plurium in vnum dumtaxat confero inventa, non ingenii, sed curæ testimonium meruisse contentus. Id genus secreta minimè repudianda puto: sed iis bono modo vtendum est, tantum scilicet, quantum sanitati expediet; nihil sine prudentis Medici consilio audendum. Cùm de vitæ summâ agitur, periculum facere grave est.


MEN. Medicos narras. Numquid forſitan te latet quanta ſit inter eos diſſenſio: nec de terminis, ſed de torâ poſſeſſione contendunt, cùm alii medicamenta Chymica omninò vt venenata, & naturæ noſtræ inimica proſcribant; alii hæc remedia vulgaribus longè anteponant, quòd morborum exſtirpent radices, citò & jucundè vires ſuas exerant. Ad te nunc refero quos ſequar.

SIMP. Iſta quidem aliàs excutiemus, neque hic locus negligenter à nobis tranſibitur. Vetera remedia majeſtas, & vt ſic dixerim, religio quædam commendat: ſed vel abolita, atque abrogata retinere, vel recèns inventa damnare, inſolentiæ cuiuſdam eſt, & perſicaciæ non ferendæ. Neque me cuiuſquam ſectæ, velut quædam ſuperſtitione imbutus addixi: neque has lites quæ Medicos exercent componere præſumo. Equidem optarem vt Medici ſpagyricas medicamentorum præparationes, vel remedia è mineralibus deprompta non aſpernarentur: hæc ad Chirurgiam, & Pharmaceuticem plurimum momenti obtinere, ne inimici quidem artis Chymicæ negaverint. At timent ne intus ſumpta calorem nativum opprimant, ſi frigidiora ſint; vel ipſa incendant viſcera, ſi calidiora exiſtant; vel cerè arroſant, ſi multo abundant ſale. Hinc quondam Riolanus ſpiritus vitrioli uſu omninò interdicebat: nam ſi ipſa corrodit metalla, quid non viſceribus facturus eſt? Quæ ſi accipimus, nec aceto, nec limoniorum ſuccis, quibus lapides ſolvuntur, vtendum eſt. In his certè eventus ipſe optimus eſt controverſiæ iudex. Fateor equidem ſpiritus vitrioli, niſi quàm optimè præparetur, vti & alia remedia Chymicorum periculòſè adhiberi. Quòd ſi erretur, non ars ipſa, ſed artifex in vitio erit. Quot morbi adverſus Galeniſtarum medicamina contumaces exiſtunt, qui ſpagyricis remediis ſtatim proſligantur. Sed, inquiunt, mineralia plerumque vehementiùs operantur. Sit illud incommodum, (nam quid ferè vndique placet) nos illud comparabimus commodis: noxios quippe humores fortiùs invadunt; minore doſi exhibentur; quæ languidiora Medicorum remedia non aggrediuntur, ſpagyrica expugnabunt; tenaces, & viſcoſos humores, ex quibus morbi ferè omnes ſcaturiunt, faciliùs diſcutient, & incident: cruda quæ ſunt ſuo calore dige-

De Chymicis medicamentis.

rent. Hæc penè omnia vnus vitrioli spiritus (ne longiùs diuertam) præstat. Nec difficilis erit illius præparatio: nam eodem planè modo, quo nitrum distillatur; sensim in vas candens fornace jam superiùs à nobis descriptâ inclusum, conjicitur: statim operculo suo vas occluditur; spiritus vnà cum oleo in amplum delabitur excipulum. Vbi fumus in liquorem resolutus fuerit, tantumdem vitrioli, nimirum semuncia, vel circiter, operculo forcipe sublato, vasi immittitur. Istâ quidem arte magnam liquoris copiam facilè eliciunt: sed eum novâ distillatione rectificatum oportet, secùs nulli ferè vsui futurus est. Quare quidquid humoris extraxisti in retortam effunde, quæ cum suo receptaculo quàm accuratissimè lutetur, & committatur: (nam vtendum est vocabulis, quæ in vnaquaque arte versantur) eaque in arenâ collocatâ, lentissimo igne spiritum volatilem primum elicies; cùm phlegma maioribus guttis se prodit; tum receptaculum subducitur; aliud sine luto apponitur: exhalato phlegmate oleum corrosivum superest. Sed cùm spiritus volatilis multâ aquâ diluatur, poterit oleo corrosivo reddi, ac moderato calore iterum distillari. Quòd si spiritum illum volatilem ab omni phlegmate solutum, & liberum eduxeris, næ tibi & temporis, & impensæ ratio optimè constabit. Spiritui vini admixtus magnus erit chirurgiæ thesaurus: nam, extrinsecè adhibitus vlcera tum nova, cùm vetera, cancrum, scabiem, & malè affectos nervos sanat, podagræ lenit dolores: pauculæ guttæ morbos omnes ab impuritate sanguinis, vel obstructionibus prognatos, epilepsiam, apoplexiam, & maniam expugnare perhibentur. Vnde verò tanta spiritui volatili vis? nam totum corpus facile permeat? an fortè sulfure tenuissimo, & subtili sale abundat? Sanè quidem vbi acri, & corrosivo oleo non redditur, vt iteratâ distillatione purior fiat, tractu temporis sulfur quoddam subrubrum in vasis fundo deponit; id enim debilior spiritus, & vberiore aquâ dilutus retinere non valet. Nec sulfur tamen illud narcoticum pretio suo caret: nam egregium remedium est anodinum, & tribus, vel quatuor granis adhibitu acerrimos dolores levat, blandum quoque somnum conciliat. Enimverò neque artem Chymicam tractare suscepimus, neque his artificum formulis nimium confidimus. Nescio quo pa-

Et ab ipsius Philosophiæ meditamentis ad spagyricos labores nostra identidem deflectit oratio : nec culpam tamen deprecor : nam vos huius sermonis ordiendi principes fuistis : si quid peccatum est , maximam culpæ partem sustinetis.



CAPVT QVINTVM.

De sulfure, & bituminibus.

- I. De sale, & aquis stygiis perpaucæ ex Cartesii principiis præmittuntur. II. De sulfuris naturâ, origine, & variis effectibus, necnon de auripigmento, & arsenico differitur. III. De variis bituminum generibus, & potissimum de succini naturâ, analysi, & usu agitur.

THEOPHILVS.



ACILEM huic errato veniam dabimus, eâ tamen lege vt ejuratâ Alchimistarum pseudo-philosophiâ, in Lyceum totus concedas. Quid enim insulsius quàm extorquere ex animis nostris cognitiones tum rerum, tum verborum quibus imbuti sumus, ac novas voces penitus barbaras, & inusitatas, obscuritate plenas, nova aded & inaudita principia inducere. An qui sapiat, Aristotelem Paracelso, & Severino non anteponat? vel error honestus est magnos duces sequentibus. Iam pridem desitum est contra Democritum, Epicurum, & alios magni nominis Philosophos disputare; nunc recentes, & minutissimi Philosophi cum ipso Aristotele de principatu contendunt. Mitto Chymicos qui nec cum aliis, nec secum ipsi consentiunt, quique in infinitas propè hæreses scinduntur; & magno tamen supercilio non Galenistas modò, sed etiam suæ artis professores despiciunt. Quis ferat nunc Cartesii Philosophiam jejunam prorsus, atque aridam, ac densissimis tenebris involutam, omninò commentitiâ, non doceri modò publicè, atque omnibus qui sibi de ingenii subtilitate blandiuntur, probari; sed, quod me magis animi angit, eam longè anteferrî

Philosophiæ Peripateticæ, quam totius orbis consensus tot retro sæculis approbavit. Ille quidem, vt jam subinde diximus, Democriti, & Epicuri vmbram securus est, & quæ immutauit, ipse corrumpit.

MEN. Desine quæso his communibus locis; nobis ista domi nascuntur. Quodd si Democritum, & Epicurum sequitur Cartesius; an flagitium est ea sentire, quæ tu ipse nobilissimis Philosophis placuisse concedis. Sed pauca adjecit, & quæ immutauit, ipse corrumpit. Ista sanè nisi hic in tuo regno essemus, non ferrem. An ignoras Epicurum atomos, & inane, vt rerum omnium principia inducere; ita vt ex fortuitâ atomorum concursione efficiantur ea quæ cernuntur omnia. Inane quoque infinitum, in quo nec vltimum, nec extremum sit, commentus est. Motum denique atomorum nulli principio refert, sed ab æterno tempore deducit. Iam vel teipso iudice videamus vtrâ Philosophia, Epicuri, an Cartesii cum rebus ipsis, & ratione magis conveniat. Cartesius nullum vacuum in rerum naturâ admittit: neque atomos insectiles, seu individua corpora inducit, tamquam rerum omnium primordia. Terram, aquam, ærem ipsum ex particulis ramosis, & crassiusculis componit: in terrâ sunt compactissimæ, & crassissimæ; in aquâ maximè flexiles, & lubricæ; in aëre tenues, & disjunctæ. Istarum partium, vt identidem monuimus, interstitia subtiliôri quâdam complentur substantiâ, cujus particulæ sunt globosæ; neque vquam cessant, sed indefinenter moventur, eumque motum à supremo opifice in ipsâ rerum conditione acceperè. Cùmque ipsi globuli non possint seipfos contingere, quin vacua relinquunt spatiosa: hæc adedò subtiliori materiâ, & veluti minutissimo pulvere repleti necesse est; hanc substantiam primum elementum liceat appellare; secundum globuli ætherei, tertium ramosæ, & crassiusculæ partes component. Tenuissima substantia in Sole, stellis, atque igne est vberima, lucem, calorem, & flammam irrequieto suo motu efficit; cælestes globuli æthereum mundum constant, atque in aëre, & aquâ dominantur: non enim aquæ fluxilitas aliunde, quàm ex motu secundi elementi deducitur; & corpus fluidum hoc solo à duro discrepat, quodd hujus particulæ sibi implicatæ & consertæ, nec mo-

*Philosophia
Cartesiana
fundamen-
ta.*

verì, neque à seipsis disjungi facilè possint; illius verò partes fluxiles in perpetuo versantur motu, quem ætherea efficit substantia. Quid igitur *æër*, nisi terrestres particulæ disjunctæ, & malè *æër*. coherentes in cælesti substantiâ, vel secundo elemento fluxuantes? Quid ignis, nisi terrestres quoque particulæ in subtilissimâ materiâ, vel primo elemento innatantes, atque ab eo celerrimè actæ. Sed cùm hæc alio loco plura, nunc ad ea quæ à te, mi Simplici, de salibus dicta sunt. *Ignis.*

Vobis quidem maximus est circa naturam salis, qualitates, & differentias sudor: cur sal omne in aquâ exsolvitur; vnde tanta saporum varietas; nitrum calidum sit, an frigidum; cur sales metallis fundendis, & dissolvendis adhibeantur. Hæc atque alia id genus infinita vestrum acumen exercent, quæ nobis videntur facillima, & expedita. Sal ex multis corpusculis rigidis componi non semel diximus. Hinc friabile existit, quòd particulæ inflexiles, & duræ, ex quibus constat, non agrè separentur: statim in aquâ liquefcit, quòd aquæ corpuscula lubrica & flexilia circa salis spicula convolvantur, eaque secum abducant. Malim ego cum Cartesio salis atomos oblongas, & acuminatas, quàm cubicas, vel angulosas cum Epicureis supponere. Hinc enim salis compungens sapor, atque illius in aquâ, vel aëre humido exolutio facilè explicantur. Nec mihi fit vero simile poros in aquâ esse inanes, eosque figuræ cubicæ, qui salis quadratas atomos; item alios esse diversæ figuræ, qui vitrioli, vel aluminis corpuscula alterius figuræ excipiant. Nullum quippe inane patitur natura, cùm omne spatium trinâ dimensione constans, corporis notionem, & naturam obtineat. Ne illud quidem Epicureis concedam alias atomos esse calorificas, alias frigorificas; (sic enim loquuntur) illas esse rotundas, has pyramidis similes, vnde illæ discutunt, & agitant, hæ verò constringunt, & condensant. Fateor equidem calorem, & frigus inter qualitates malè numerari; sed nego à solâ figurâ atomorum prodire. Calorem tum percipimus, cùm nervi tactiles fortius movètur: hæc verò agitatio non aliunde ducitur, quàm à motu vehementiore partium corporis quod contrectamus, vel tangimus: istarum verò partium motus ab agitatione subtilis materiæ corporis meatus replentis proficiscitur. Itaq; ca- *De sale juxta Cartesii placita.* *Quid calor.*

Quid frigus.

lor nihil erit, quàm insensibilium corpusculorum major, & in omnes partes agitatio. Cælestis autem materiæ, ex quâ omnis motus oritur, corpuscula alia sunt aliis majora; quæque cum aliis comparata sunt majuscula, eadem vehementiorem procreant calorem, quòd fortioris agitationis sint capacia. Hinc frigidiora censentur corpora, quorum angustiores sunt meatus, quàm vt majusculis pateant subtilis materiæ corpusculis; vt marmor politum, & glacies ipsa, quæ nihil est quàm aqua, cuius partes fluiditatem vnà cum motu amiserunt. Cessat porro motus, quòd subtilis materiæ majusculæ partes avolarint: minores verò quæ restant, non satis habent virium, vt partes aquæ commoveant: hinc illæ partes ex flexilibus fiunt rigidæ; ex fluidis duræ; ex agitatæ immotæ. Imò sal ipsum ex crassioribus aquæ particulis constat, quæ cælestis substantiæ motu, nec flecti possunt, nec cieri. Quòd si ignis vehementiâ, vel mutuo conflictu fiant planæ, & flexiles, tum metalla acie suâ dissolvent, & linguam sapore acerrimo compungent.

De nitro.

Frustrâ quærent vtum sal, nitrum, & vitriolum frigida sint an calida; virtualement, an formalem occultent calorem: cum his corporibus calor insitus non sit, sed à subtilis materiæ motu dependeat: ita vt idem corpus in aliis calorem, in aliis frigus procreet; nitrum enim carbones accendit, & linguam summo frigore percellit: sic vini spiritus extinguendis sæpe inflammationibus vtiliter adhibetur. Ne illud quidem à me impetrabunt, nitrum, vitriolum, caustica omnia, venena demum ipsa virtualement calorem continere: nam si ita sit, cur linguam, & viscera inflammant, cæteris verò parcunt corporibus? an potius idcirco censentur calida, quòd spiritus acerrimos concludant; qui humore diluti, & soluti nervorum fibras dividunt, atque eadem prorsus, quæ calor solet efficere, exerunt. Plura ne addam & res occultissimas aperiam deterreor, ne fortè Theophilus non ferat, si formis, & qualitativis explosis, ad motum, & figuram, rerum penè omnium virtutes, atque actiones referam.

TH. Tamenne in istâ pravitate persistitis? & miror te hæc tam apertè, perspicuèque, & perversa, & falsa sequi.

MEN. Hæc certè mihi magis probantur, quàm fallaces quædam

quædam conclusiunculæ, quas Peripatetici ex obscuris, & incognitis principiis colligunt. Sed ista omittamus, & varias salium differentias prosequamur. Sal fixum (vt pauca delibem) à volatili secernitur, quod illius corpuscula crassiora, hujus sint tenuiora. Sal ammoniacum præ cæteris maximè fugax, & penetrans existit, quod delinat in cuspides, quarum apicibus aliæ minutissimæ succrescunt: hinc linguam pungit, & cuncta permeat. Sal tartari oleo vitrioli admistum effervesceat, quod isti liquores simul commixti sic aptatos habeant meatus, vt primi elementi subtilissimam materiam admittant, globulos verò cælestes excludant. Ignis autem, vel calor tum gignitur, cum subtilissima materia in corporibus regnat, & cælestes globuli exulant: id verò evenit cum tenuissima primi elementi substantia satis valida est vt discutiat corporum partes, atque æthereos globulos propellat. Hinc spiritus vini, cujus partes sunt tenuissimæ, meatus angustissimi, & primo duntaxat elemento accommodati, statim ignem concipit. Quod si aquæ stygiæ, vel spiritui nitri instilletur, brevi incendetur; vtriusque enim mixturâ globulis cælestibus occluduntur meatus, & soli subtilissimæ, vel ignitæ materiæ patent: hinc primum calor, tum ignis accenditur, quod tenuissimæ spirituum partes faciliè disjungantur, & cum impetu quaquaversum propellantur. Cum partes terrestres adeò sunt crassæ vt dividi non possint, solus calor, non flamma gignitur, vt in calce contingit. Sic metalla igne vehementissimo liquefcunt, sed inflammari nequeunt. Sales verò fundendis metallis adjunguntur: nam spiculis suis partes metallorum duriores aperiunt: lapides autem nullo ferè calore funduntur, quia crassioribus constant particulis, quàm vt possint separari. Quamobrem primum elementum tenues, & oleosas partes mover, dividit, & magno impetu disjicit: hinc flamma: metallorum corpuscula separat, & efficit fluida, sed foras non expellit: vnde nec ignis accenditur: marmoris verò partes mover quidem, sed non disjungit; nimium quippe sunt ramossæ, & sibi mutuò impliciæ. Itaque partes tenuissimæ corporum in flammam; crassiusculæ in fumum, aut fuliginem; crassissimæ in cineres abeunt. Nam vbi corpus exurit, si tenuissimæ particule tantâ erumpunt copiâ, vt globulos cælestes è vi-

Sal ammoniacum.

De igne & calore.

cino aëre depellant, tum illud spatium flamma implet. Ex his porro liquet, cur sales fixi aquâ diluti calorem dumtaxat, non ignem generent; spiritus verò volatiles, & tenues flammam concipiant. De spirituum collisione, & fermentatione nihil attinet dicere: nam palàm est omnem liquorum misionem, fermentationem, pugnam, præcipationem denique à subtilis materiæ motu dimanare: neque enim liquores seipsis permiscuntur, sed cælestes globuli corpuscula tertii elementi sibi obvia exagitant, in omnes movent partes, & tandem confundunt. Si quæ sint partes crassiores, & magis rebelles, tandiu de loco suo dimoventur, donec cælestis materiæ agitationi, non magis quàm cæteræ partes resistent: vel si id obtineri non possit, à reliquis separentur. Non dissimili ratione caseus coagulatur; crassiores enim partes ex quibus caseus componitur, fluidis antè innatabant, atque vnà cum iis movebantur: sed vbi calor fluidas partes congregat, vel separat, tum crassiores particule moveri desinunt, & tandem subsidunt. Quid attinet de his plura, cum ex iisdem principiis omnia artis Chymicæ mysteria explicari facillimè possint: calore enim & motu cuncta perficiuntur: motus à cælesti prodit materiâ, cujus maiusculæ partes intensiorem calorem, vel motum vehementiorem procreant: sed hæc plenius suo loco exposuimus: nunc igitur seriem disputationis nostræ retexamus.

TH. Rectè tu quidem admones: nam si volumus omnia quæ pro his, aut contra dici possunt, complecti, numquam ad exitum deducetur oratio. Nec verò satis assequi possum quod sit vestrum consilium, aut quid velitis, cum materiam, formas, qualitates è medio tollitis, vt ætheream substantiam omnium motionum effectricem, cuncta permiscentem inducat; quasi hæc materia invisibilis, atque omnis motus architecta faciliùs mente concipiatur, quàm vulgatæ qualitates. Illa rerum omnium principia decernitis, quæ omnibus sint obvia, expedita, & summè perspicua: sed cum cuncta moveri, & misceri ab æthereâ substantiâ supponitis, cumque corpora in minutissimas particulas conciditis, ex quarum varietate, motu, & figuris, rerum ortus, naturæ, & differentię ducantur, in eandem inciditis obscuritatem, contra quam Philosophia vestra inventa est.

Misio.

Fermentatio.

170.

Coagulum.

Quidquid sit de veritate horum decretorum (neque enim hîc meam interpono sententiam) mihi certum est ab Aristotele, qui omnium ferè doctorem consensum meruit, non discedere, vt minutos & obscuros Philosophos sequar, qui laudem sibi ex temeritate, & arrogantia quæsierunt. Recta quidem, & aperta philosophandi ratio plerisque nihil habere ex ingenio videtur: corruptam verò, obscuram, & vitiosam iudiciorum prauitate mirantur; & quod peius est, propter hoc ipsum, quòd prava sit, & à recto itinere deflexa, laudant. Verùm hæc omittamus, vt ad id vnde diuertimus, post longos errores tandem reuertamur. De iis quidem succis qui calore concresecunt, atque humore solvuntur, fusiùs quàm necesse erat disseruimus; nunc de aliis succorum generibus, quæ maiorem pinguedinem præ se ferunt, quæque calore liquecunt, quòd frigore coaluerint, presiore stylo dicendum. Ante omnia occurrit sulfur, quod tamquam omnium fossilium commune principium Alchimistæ statuerunt; vix enim vlla marcasita, vel vena metallica invenitur, ex quâ sulfur non eliciatur. Quibus verò modis ex pyrite, aut marcasitâ sulfur, & atramentum per descensum soleant distillari, apertissimè ostendit Georgius Agricola. Pyritis, vel metallicæ venæ sulfure & atramento prægnantis per tabulam ferream multis perviam foraminibus, ignis incumbentis ardore, halitus in vasa supposita efflatur, qui in aquam frigidioris vasis contentam incurrens, statim concresecit. Marcassita quoque in minutiores partes concisa retortæ ferreæ, cuius rostrum in aquam descendit, vel ollæ cuius tubulus prominens aquæ itidem immergitur, imponi solet; igne accensa sulfur subrubrum præbet. Nonnumquam sulfur integrum, & purum è mineris effoditur, præsertim prope montes ignivomos: aliquando lapidibus adhærescit; sæpe ex aquâ sulfureâ; interim è glebis coctione educitur. Magnos habet in Alchimia vsus: sulfur sublimatione expurgant; hinc flores è sulfure sub campanâ accenso colligunt: spiritum item acidum, quem mirificè commendant, arte non dissimili eliciunt. Neque eandem viam insunt omnes: ea mihi & tutior, & compendiosior videtur quam Libavius describit. Sulfur in pulverem comminutum paropsidi, vel conchæ latiori, aut vasculo terreo imponit; retortam vi-

De sulfure.

ream fundo reſecto ita ſuſpendit, vt vapor incenſi ſulſuris per apertum retortæ fundum ſuſum enitens, in amplum ingrediat-
 tur excipulum, cui aqua frigida immittitur, & medio ſepto in
 duas ſecatur partes, relicto in medio diaphragmate foraminulo,
 per quod ſulſuris vapor ſubeat, & in frigidam aquam impin-
 gens citiſſimè denſetur. Rectificatione opus erit, vt ſpiritum
 acidum conſequaris. Illud demiror ſpiritus acidus ex fale, vi-
 triolo, & ſulſure vix elici poſſe, niſi aquâ frigidiusculâ in rece-
 ptaculo præmiſſâ temperentur; quòd fortasſe ſpiritus alii ſint
 humidiores, & inſipidi; alii acriores, & ſicci, atque ex utrorum-
 que ſocietate aciditas emergit. Cæterum hic ſpiritus noxios
 humores ad partes extimas propellit, atque illius ope multi è
 ferro vitriolum viride, ex ære cæruleum, è cretâ alumen ſe fa-
 cilè extracturos pollicentur.

De ſulſuris naturâ omnes ferè conſentiunt; calidum eſt, &
 ſiccum, ignis pabulum, terræ pinguedo, & quaſi reſina vocita-
 tur. Cùm purum eſt, citò incenditur: vbi alumine, & atra-
 mento inſcitur, flammam ægrè concipit. Colores omnes in-
 ſtar chalcanthi induit; ex iſdem plerumque venis eruitur.
 Iam verò difficile eſt omnes ſulſuris vires, atque uſus enume-
 rare: cùm enim vi expultrice donetur, ſcabiem detergit, phthi-
 ſim ſanat; pulmonum exſiccatur, & conſolidat vlcera, aliis que
 medetur morbis, qui ex putredine ſcaturiuñt: ſed ſulſur fla-
 vum, ſplendidum, & molle ad hos uſus eligitur, idque variis
 modis antè defæcatum oportet. Nonnumquam vnâ cum cerâ
 liquefactum in aquam effunditur, cera innatat, ſulſur ſubſidit,
 quòd ſi identidem id repetitur, ſulſur & purius exiſtit, & rubro
 colore tingitur. Mitto alios uſus quibus ab Alchimiſtis deſtina-
 tur, nam rei metallicæ mirum quantum inſervit. Ex illo quo-
 que olea, baſama, ſpiritus, imò & lacteum ſuccum eliciunt,
 ſulſur enim cum lini oleo coctum, tum diſtillatum, liquorem
 lacteum præbet, cui oleum ſubrubicum innatat. Siquidem
 oleoſa, & pingua quæ ſunt, cum aquâ permiſta, lacteum per-
 ſepe candorem inducunt. Hinc aquæ ſulſuræ aliquando al-
 bæ viſuntur: licèt enim ſulſur non facilè aquam ſubeat, nihilo
 ramen ſeciùs cum eâ tandem miſcetur, & lacteum colorem
 illi conciliat.

Hæc de sulfure: nunc de arsenico, sandarachâ, & auripigmento perpaucâ: nam sulfuris sunt finitima; ex iisdem venis, & marcaffitis effodiuntur; nec tam naturâ, quàm accidentibus inter se dissident. Auripigmentum luteum est, auro non dissimile: in tenues squamas, aut folia diductum, vel in minutissimum pulverem comminutum splendidiore colore invenitur. Glebosum quoque, & subrubrum, ac sandarachæ similis occurrit; est volatile, & venenatum, nisi probè emendetur. Vbi halinitro, vel sale vrinæ fixum, & correctum fuerit, non cancris modò, & externis vlceribus curandis accommodant, sed etiam interioribus adhibent; & ita impunè de corio nostro ludunt. Veteres solâ vstione purgabant sandaracham, & resinâ temperatam præbebant astmaticis. Colore tantùm rubeo ab auripigmento, vel arsenico differt: neque enim arsenicum ab auripigmento sejungimus: album quippe arsenicum factitium est, & solius additione salis per crebras sublimationes albescit. Sic testâ opertâ conclusum, ignis calore in sandaracham facessit; adeò vt hæc omnia ejusdem speciei, & naturæ censeantur: cùmque in omni ferè metallicâ venâ, maximè si auro, vel argento durescat, soleat occurrere, credidit Geberus Alchimistarum princeps metalla ex sulfure, mercurio, & arsenico consilari: nam multùm arsenici, vel cadmiæ, aut realgaris exhalant venæ metallicæ, cùm excoquantur, idque è spiraculis fornacum colligunt, ad multos vsus profuturum. Alii aliter opinantur; sed hæc posterius.

Nunc de bitumine quod in varias species diducitur, paulò vberius agendum est: nam de sulfuris, & arsenici vsu multis in locis spargemus, præsertim cùm ad metallorum tractationem pervenerimus: sed de bituminum naturâ differendi fortasse aliàs non recurret occasio. Magna est bituminum varietas: nam alia liquida, & oleo simillima aquis innatant; alia verò duriora, & compactioniora è terræ faucibus eruuntur: illa diversis signantur nominibus. Bitumen candidum, & subtile, naphtha vocatur; nigrum, fœrens, & amarum bituminis nomen retinet: in Iudæâ purpureum invenitur, illud asphaltum dicunt, quo mare mortuum, seu lacus Asphaltides abundat. Sic pissphaltum dicitur, quòd ex pice, & asphaltò compositum appareat; non

Auripigmentum.

Arsenicum.

*Bituminum
varia genera.*

Gagates.

quòd sit mixtura ex pice, & bitumine; sed quia communem vtrique odorem foetet. Nonnumquam instar olei liquidum est, idque petroleum nominant; aliquando instar limi densum, & crassum existit, maltham vocant. Bitumen fossile, & durum variis itidem donatur nominibus: nam gagates, lapis Thracius, obsidianus, carbo fossilis, lithantrax, terra ampelitis appellatur: quamquam fortasse tot diversis vocibus res eadem subji-ciatur. Bitumen durum, & politum gagates dicitur, quod nomen à quodam Lyciæ, vel ut placet aliis Ciliciæ fluvio mutatum est. Nec ferè differt à gagate lapis Thracius, qui è Thraciæ flumine colligitur: vel obsidianus, qui in Æthiopiâ à quodam Obsidio repertus fertur, cùm tamen in Hispaniâ citiore, Germaniâ, & alibi passim occurrat. Terra ampelitis, cuius pulvis vermiculos, qui verno tempore vites arroduct, enecat: pharmacitis ex quâ multa parantur medicamina, carbonēs fossiles, & alia id genus vix inter se, nisi fortè diversâ co-ctione, & variâ partium tenuitate, aut crassitie dissident: sed diversæ nationes diversa itidem nomina illis indiderunt. Itaque hæc nihil sunt, quàm bitumen nigrum, & fossile: nam accensa bituminosum odorem exhalant; contrita in pulverem, ut pingua quæque in oleo exsolvuntur: ignem faciliè concipiunt; neque aquâ, sed oleo extinguuntur. Eosdem quoque vsus in Medicinâ habent; exsiccant enim, & aperiunt: adde communem omnibus levitatem, nigredinem, splendorem, magnam cum picæ arboris carbonibus, quam veteres omnes observant, affinitatem. Imò crediderim bitumen liquidum ex fossili scaturire; vtriusque enim eadem sunt vires, eadem ferè natura. Galenus quidem testatur se in monte qui mare mortuum cingit, quosdam lapides planos, & leves collegisse, qui subtilem flammam, atque odorem bituminosum incensi reddebant: adeò ut verisimile sit illos lapides nihil esse præter bitumen durum, & fossile, quod ab aquis fervidis, & præterlabentibus dissolutum in mare mortuum devoluitur.

Succinum.

De succini naturâ, & origine multùm ambigitur: quidam succum arboris definiunt: nam succini nomen à succo deductum putant. Alii quorum nos sententiæ accedimus, succum quidem esse, sed bituminosum, & fossilem contendunt. Qui

succinum ex arboribus instar resinæ, gummi, vel lacrymæ exoriri sibi persuadent, in diversas distrahuntur sententias. Quibusdam placet succinum è populis arboribus defluere, in quas Heliadas mutatas fuisse, dum Phaëthontis interitum deslerent, easque succinum pro lacrymis fundere Poëtæ fabulantur. Sed faciunt imperitè qui ab Euripide, & Ovidio vt à testibus veritatem exigunt. Sunt qui à cedro, alii ab abietibus instar resinæ exstillari purant; atque ingentes sylvas ad litora maris Germanici, in quo succinum expiscantur, consitas fingunt. Mirum has arbores, vel sylvas nec dum à quoquam conspectas fuisse. Nec cedri, nec abietes in aliis regionibus hunc succum fundunt. Mitto ingentes electri massas ex lacrymis arborum confari non posse. Non facilè explicabunt quâ ratione hoc resinæ genus in mare defluat; citiùs frigore congelabitur, quàm in mare dilabatur. Quamobrem mihi persuasum est succinum in mineralium censu esse reponendum. E fundo maris Boruscici propter peninsulam Sudinorum ebullit, idque frigore aquæ concretum, in recessu, seu refluxu maris incolæ retibus extrahunt. Iam vtrum sit species quædam bituminis, vel quasi flos, & subtilior pars sulfuris, quæque sint electri differentiæ, ex quibus principiis coalescat, aliis excutiendum relinquo.

MEN. Da nobis hoc, mi Simplici, & perface vt quæ Theophilus coarctavit, & perangustè referit, de variis bituminum generibus dilates tu nobis, atque explices.

SIMP. Quò me vocas, aut quid hortaris, vt in iis diutiùs immorer, quæ conscripta sunt à multis diligenter, quæque sunt abjectiora, quàm illa quæ à vobis expectari puto. Nec mihi auctor fueris vt curiosiùs inquiram in ea quæ paruum, vel nullum momentum afferunt. Quis enim non irrideat magnorum alioqui, & nobilium Philosophorum ludicra certamina debiti-
 minum origine. Vtrum gagati, Lyciæ, vel Ciliciæ fluuiolus nomen dederit: vtrum inter lapides, gemmas, aut bitumina referri debeat? an eadem sit gagatis, nigri succini, lapidis Thracii, gemmæ, vel lapidis obsidiani, & lithantracis natura? an res eadem tot diversis vocibus signetur? an denique, quod Gesnero, & nonnullis videtur, variis duntaxat concretionis gradibus, & aliis quibusdam accidentibus discernantur? Naphta

quippe liquidior est, quam excipit bitumen limosum molli luto simile; pissaphaltum sequitur, quod aliquantulum crassius existit: sed tamen instar ceræ digitis cedit: asphaltum maiorem præ se fert duritiem: succinum nigrum, terra ampelitis, carbo fossilis, lithantrax, gagates, lapideam ferè duritiem nata sunt. Hæc quidem omnia ex bitumine concresecunt, sed varia terræ, & salium admistio, diversâ itidem coctio, tot inducunt differentias. Gagates plus olei reddit, quàm ambra nigra; hæc sicciore cùm sit, non tantum fumi exhalat. Qui istarum rerum intimas differentias inquirat, distillatione utatur; ea verò nec exiguo potest tempore absolvi, nec institui, nisi præparatorio: nec mihi vacat in his rerum minutiis tempus impendere. Quod si Libavium, quem Theophilus cæteris Chymicis anteponit, audiamus, gagates distillatus primùm aquam nitrosam, acrem, & albam exhibet. **II.** Oleum nigrum. **III.** Bitumen quod initio liquidum, tum crassius est, & asphaltum simile elicitur. Caput mortuum nigerrimum, & naturæ rarioris in fundo superest.

*De succini
analysi.*

Succinum itidem distillatione resolutum aquam lacteam, & acrem præbet, tum oleum primò album, deinde citrinum, quod ultimò egreditur crassum est, & bitumini simillimum. Sal quoque candidum quod pruina refert, è succino attollitur: illius sapor nitrosus est, & acutus, in candentem laminam coniectum, multum exhalat fumum. Succinum vitrioli acrem saporem, cum pinguedine quâdam ingrata videtur præ se ferre, quod argumenti satis est, ut inter mineralia censetur. Bitumine quippe abundat, nec chalcanti, & nitri deest commixtio. Arborum verò lacrymæ, vel gummi ubi distillantur, nec cineres relinquunt, nec tot res adedò diversas præbent: non demùm tanta durities in succum arboris cadit. Addit Gœbelius se vidisse succino adnatam melanteriam, vel chalcitim; Islebiæ inventam esse massam succini, quæ capitis humani molem æquaret. Odor, sapor, vires, colorum varietas electro, & bitumini sunt communes. Nec mirum si bitumen ex imo mari exæstans concresecat in succinum, cùm oleum stillatitium electri, vel succini bitumen in fundo relinquat. Gagates, bitumen, & alia id genus leviter incensa succinum olent; quòd si acriore

acriore flammâ torreantur, graviolem odorem fœrent, qualis est nidor sulfuris cum electo permisti. Purissimum quoque oleum succini vix à petroleo discernes.

Sed perturbat nos Plinii, Cornelii Taciti, atque aliorum veterum auctoritas. Hos quidem placare cupit Libavius, refellere non audet. Succinum aliud esse minerale, & quasi bituminis florem; aliud vegetabile, & resinofum; tertium denique ex utroque temperatum esse decernit. Nam Orientale quod instat vini Falerni tralucet, & Falernum vocitatur, non succinum, sed quoddam aromaticum redolet. Hinc solvit argumentum eorum, qui electrum statuunt arboris succum, quod nimirum muscas sæpe, formicas, & alia animalcula visciditate suâ implicata exhibeat: quam rationem vrget summo vir ingenio C. Tacitus. Succum, inquit, arborum esse intelligas, quia terrena quædam, atque etiam volucris animalia plerumque interlucent, quæ implicata, humore mox durefcente, materiâ eluduntur. Accedit etiam permagna succini cum resinis, & pice affinitas. Si naturam, inquit Tacitus, succini admoto igne tentes, in modum tædæ accenditur, alitque flammam pinguem, mox vt in picem resinâmve lentescit. Plinius quoque refert ex Indiis advectum electrum fuisse cum cortice. Sed quid obstat quominus muscas, vel alia animalia, imò & arborum cortices succino adhuc liquido, & oleaginoso involuta, ac veluti sepulta fuisse fateamur? Præsertim cum pisces, & piscium ova inserta, atque implicata succino nonnumquam reperiantur. Neque necesse est varia electri genera comminisci; eum nullum nisi idem minerale occurrat, cuius vt bituminis diversæ species numerantur. Primas quidem candido deferunt: est enim purissima bituminis portio, & odoris gratissimi. Illud excipit fulvum, seu Falernum, quod veteribus magno in pretio fuit; sequitur succinum variis distinctum coloribus; est quoddam opacum, squalidum, nec colore, vel odore suave, quod nullo ferè habetur loco. Succinum, gagatem, ceram obsignatoriam, & alia id genus pingua, ac resinosa paleas attrahere fugit neminem: quæ sit hujus tractionis causa idoneo loco diximus. Spiritus acres, & oleosi affrictu, vel calore excitati res obviâs faciliè penetrant, & viscidi cum sint, tenacius

*Objectiones
diluuntur;*

adhærescunt; frigore coagulati ad locum suæ originis revertuntur, & secum levia corpuscula, quibus erant implicati abducunt: vel halitus pingues erumpunt apertis meatibus, & tamquam tenuissimi nervuli ducuntur, donec longo itinere tandem fatigati disrumpantur: vnde altera extremitas, quæ succino adhæret, in originis suæ locum redit, vt evenit in funiculo vehementius tenso. Quamobrem nihil necesse est ad sympathiæ, vel antipathiæ miracula recurrere, vt electricas attractiones explicemus: nam tenuis, & viscosus halitus qui ex succino prorumpit, leviora quæque corpora corripit, iisque visco suo tenaciter adhæret; frigore verò densatus in locum suæ originis vnâ cum prædâ revertitur. Hîc nullus est qualitatibus locus; effluviis, & halitibus res tota perficitur. Nec doctissimo Cabæo assentior, qui ex electricis, & bituminosis corporibus effluvia tantâ vi putat erumpere, vt ventum excitent, quo aër verberatus interjecta corpuscula in electrum defert. Mirum si ventus illa corpora potius in ipsum succinum, quàm aliò propellat. Quid est cur paleæ & arida folia in electrum impacta, ipsi adhærescant? nec verisimile est halitus pingues tanto impetu efflari, vt circumfusus aëra dimoveant. Quantò probabilius est illustris Digbæi, quam mox exposui sententia, halitus pingues è succis bituminosis calore extenuari, frigore contrahi, cumque sua spicula folio, vel paleæ infixere, tum illud corpusculum, non familiaritate quâdam naturæ, non occultâ & magicâ qualitate, sed glutine, & oleosâ pinguedine irretitum in succinum ruit. Sed cur bitumina potius, quàm alii non minus oleosi succi hac vi attractrice donantur? an quoddâ dura hæc corpora halitus vegetiores emittunt, qui frigore contracti, non ab aëre dissipantur, sed in fontem suum reflectuntur. Quare affricu laceffita fortius trahunt? an quoddâ spiritus copiosi motu excitantur? an potius sordes frictione detergantur, & meatus aperiuntur? Hinc politum succinum vim suam fortius exerit. Concretis etiam, & densatis halitibus oclusi meatus motu, & affricione referantur. Tenuissima illa stamina nimio calore disrumpi, moderato excitari satis compertum est. Vis quoque illa electrica humido cælo languidior est, sereno vegetior: nam humor aquosus ista effluvia reprimat, & poros obstruit.

Bituminosa quæque semel incensa vix frigida possunt restin-
gui: non enim aqua facile oleosa corpora penetrat, neque cum
his permiscetur: sed affuso oleo citius extinguuntur, quod oleum
suâ densitate, ac naturæ familiaritate istorum corporum subeat
meatus, & flammam opprimat.

MEN. De naturâ, & origine succini, neque non de variis
bituminum generibus satis vt opinor multa. Cùm verò ad ho-
minum commoditates tantam rerum vbertatem natura largi-
ta sit, si præcipuos tum succini, tum bituminum vsus expone-
re non graveris, non mediocrem à nobis initurus es gratiam.

SIMP. Exprimam vt potero. Non equidem is sum qui *De vsu suc-*
scientias omnes utilitate, & emolumentis meriar: neque igno-
ro illas esse longè diuiniore, quæ in solâ inspectione, & con-
templatione sui objecti posita sunt. Sed quorsum ad rerum mi-
nutissimarum cognitionem descendimus, si nolumus ex iis quos-
dâm veluti fructus decerpere? Frustra mineralium, & planta-
rum anatomiam tam accuratè, & quasi supersticiosè persequi-
mur, nisi hæc ad vtilitatem nostram referamus. Succinum qui-
dem si retortâ conclusum, cui excipulus cum aquâ præmissor-
iâ aptetur, leni & moderatò calore distillem: primum, oleum
tenue, & album proliciam, cui flavum succedet, quod mutato
receptaculo excipiam: tandem rubrum seorsim quoque extra-
ham. Numquid tantum his operibus laborem impendam, vt
natura succini mihi explorata habeatur. Quod si res omnes re-
solvere, & vsque ad vltimas fibras rescare velim, quando fi-
nis? Quare longè consultius fuerit ista olea ad corporis sanita-
tem, & morbos expugnandos convertere, quàm de eorum na-
turâ, & variis coloribus disputare. Quod si Chymicis aliqua sit
habenda fides, nihil est cordi, & cerebro tam amicum, atque
oleum succini repetitâ distillatione rectificatum. Balsami loco
esse potest, atque illi potissimum conueniunt omnia, quæ pe-
troleo (quod nihil est quàm purissimum bituminis oleum)
tribuuntur. Morbis ferè omnibus, qui cerebrum, & cor inva-
dunt medetur; apoplexiam, vertiginem, paralysem curat; ad-
versus venena, & pestem summum habetur remedium; pestis
tempore naribus admoventur, vt venenatum aëra procul ar-
ceat. Oleum crassiusculum succini cum vnguento idoneo per-


*De campho-
ra.*


miscetur, eoque membra paralytica illinuntur; contractos sæpe nervos solvit; nec mediocriter ad strangulatum vteri, calculum, & hydropem confert. Dentium doloribus vtilissimum quoque habetur: nam sive spiritus acres hunc dolorem efficiant; sive humores è cerebro distillati; seu denique vermes quidam dentes arrodant: succini oleum tenue, & penetrans spiritus dissipat, humoribus viam aperit, vermes enecat. Multis profuit camphora spiritu vini soluta: magna quippe est inter succinum, & camphoram cognatio: hinc Averroes ambram sive succinum camphoræ speciem definit. Et certè oleum succini camphoram redolet; ita vt multum in Agricolæ sententiam propendeam, qui camphoram inter mineralia, non inter gummi, vel lacrymas numerat: nec ferè à Babyloniorum naphthâ differt, nisi solâ partium subtilitate. Imò quæ ex Indiâ in has regiones advehitur, factitia est, atque ex nativâ, seu ex bitumine Indico per sublimationem extrahitur. Nullus verò arboris succus sublimatione purior evadit: nam per arboris fibras, tamquam per tubulos elatus satis defæcatur. Sic thus, myrrha, bdellium nullâ arte elaborata ad nos perveniunt. Sed quæ è terræ visceribus eruuntur, operam, & laborem hominum exigunt, vt fiant puriora: ex multis enim succis promiscuè confusis coalescunt, quorum alii nobis sunt viles, alii verò infesti: atque in hoc artis Chymicæ summa consistit, vt fossilia in suas partes dissecans, venenatas à salutaribus secernat. Sulfurea inprimis, & pingua vix pura, atque à noxiis mineralibus libera occurrunt: rarè sulfur omnis arsenici, vel vitrioli expers invenitur: quantumvis in flores sublimetur, virus suum non deponet. Neque aliter quàm salis, vel nitri spiritu acido expurgari omninò poterit. Florum sulfuris libra in cucurbitâ, seu vase vitreo vnâ cum duabus libris spiritus salis collocatur; aptato alembico, ne spiritus pereat; primùm igne moderato, tum sensim aucto excoquitur, quousque sulfur instar olei spiritui salis innatet: post aliquot horas instar vitri pellucidum extrahitur magno vsui futurum: nam spiritus salis quicquid in sulfure alienum, & impurum latebat, exsolvit.

Eâdem arte succini, bituminum, & omnium vegetabilium olea purgantur: nam rectificata cum spiritu salis, non modò

puriora, sed etiam tutiora redduntur: suauem odorem afflant; empyreuma, seu ignis impressionem exuunt; crassiores faeces in fundo vasis deponunt. Sic oleum succini & gagatis purissimum & gratissimum elicitur, crassum in imo subsidit, quod à spiritu salis seceretur, instar balsami vulneribus externis vtile futurum est. Cùm autem pleraque Chymicorum remedia vehementioris caloris vitio laborent, huic incommodo facillè possumus occurrere, si olea exstillata diversis vasis excipiantur: quod enim primum egreditur purissimum quidem, sed idem impensè est calidum, interiores sanat affectus, qui ex nimio plerumque frigore, vel obstructionibus oriuntur: est quippe penetrans & subtile. Sequitur aliud, quod vt tenuitate, sic calore aliquantulum inferius est: vltimò tandem crassum oleum prolicitur, quod interioribus morbis minùs quidem commodum, sed vulneribus est optimum. Taceo spiritus salis beneficio ex rebus ferè omnibus oleum, non substantiæ modò purioris, sed etiam odore, & sapore longè gratissimum, ac multo vberius quàm vulgari methodo nos posse consequi. Quod enim ex retortâ elicitur, vtplurimum redolet empyreuma: ignis quippe gravem rebus omnibus odorem imprimit, vt videre est in rosis per retortam distillatis. Neque illud ignis vestigium aliter deponunt, quàm spiritu acido, qui partes fuliginosas retinet. Major quoque ex rebus ferè omnibus olei copia hac arte educitur: neque enim seminum, & plantarum olea per vesicam vulgari methodo facillè attolluntur, cùm aqua non satis habeat virium, vt delitescens in seminibus oleum solvat; nec sat caloris vt id fursum efferat: hinc vesicæ cupreæ beneficio perpaucum elicitur, quod etiam cupri vitriolo inficitur. Copiosius quidem per retortam prodit, sed adustum, nigrum, odore ingrato, & sapore injucundo. Quapropter optimam his operationibus munierunt viam, qui spiritum salis, vel nitri acidum adhibuere: quâ quidem arte ex succino, gagate, & carbonibus fossilibus oleum album, tum flavum proliciunt, nigro in vasis fundo superstitæ, quod instar balsami vulneribus curandis esse potest. Album verò, & flavum spiritu salis rectificata odorem spirant suavissimum, & plerisque sanant morbos, qui ex venenato aëre, obstructionibus, atque aliis ex causis scatent. Non equidem mi-

hi excidit, quod superius attigi, sulfur, & oleosa quæque fixi nitri liquore defacari; atque hæc industriâ res venenatas in vtilia commutare medicamina: sed aliâ insistitur viâ, quam quidem vobis satis apertè commonstravi. Sulfur in pulverem comminuunt, cui alterum tantum nitri fixi adjiciunt: sulfuris libram cum duabus nitri fixi permiscent, quibus sex aquæ libræ affunduntur; in arena horæ spatio vnâ digeruntur, tum sulfur exsolvitur, per chartam bibulam trajectum, spiritu nitri acido in tenuissimum præcipitatur pulverem, quem elutum pulmonum morbis vtilem prædicant. Nihil hîc opus est de spiritu sulfuris dicere: sed ne quid dissimulem, vix purum, & sincerum sulfuris oleum venale offendimus; illius loco prostat vitrioli spiritus, non multum absimilis, sed viribus longè impar: nam spiritus sulfuris jucundam præ se fert aciditatem, pulmones iuvat, gangranam curat, magnos denique & multiplices habet vsus, tum in Alchimîâ, tum etiam in Medicinâ. Campanæ vitreæ beneficio perpaucum eliciunt; citius enim incallescit campana, nec possunt sublatis vapores conrescere. Mihi cuncta rimanti nulla compendiosior succurrit ratio, quàm in vas distillatorium superius à nobis descriptum jam candens frustulum sulfuris ovi magnitudine conjicere; occluso statim vase, spiritus vnâ cum floribus in receptaculum protrahitur: idque sæpius iterabis; spiritum à floribus per aquæ affusionem secerne: aquam distillatione extrahes; ac reliquum erit optimum sulfuris oleum, vel spiritus: sed ista vsu magis, quàm præceptis docebuntur.





CAPVT SEXTVM.

De lapidibus in vniversum.

- I. *De communi lapidum materiâ, effectrice, & formali causâ ex communi Peripateticorum sententiâ differitur.* II. *Quid nobis videatur de lapidum causis proponimus.* III. *De principio coagulationis.* IV. *De calculo disputatur.*

M E N A N D E R.



O B I S quidem ista sunt pergrata, p̄rque iucunda; & vt mihi videtur, de rebus obscuris à te dictum est, non modò dilucidè, sed etiam verbis ornatiùs, quàm plerique solent Philosophi. Non equidem in eâ sum sententiâ, vt Philosophus neglectâ rerum copiâ, Latinitatis minutias capret; id enim puerile est, & frivola in parvis iactantiæ. Præclare dixerit, si res bonas planè & perspicuè expediat; neque abhorreat ab omni politiore elegantiâ, nec verborum argutias affectet: obscuritatem tamquam scopulum fugiat; nec verba aliquando parere, ac nova novis rebus nomina imponere reformidet. Nam vt pulchrè Tullius, ne opifices quidem tueri sua artificia possent; nisi vocabulis vterentur nobis incognitis, vsitatis sibi. Verùm hîc quoque certus est adhibendus modus: Chymici enim nimis intemperanter hoc jure abutuntur; nec satis habent loqui more quodam suo, nisi etiam nova quotidie fingant vocabula; adeò vt non tam sint rerum inventores, quàm verborum. Illis tamen vulgares Philosophi ignoscant velim, quorum scientia magis terminorum, quàm rerum explicatione continetur: magna quidem professi, in parvis versantur. Fremant omnes licet, dicam quod sentio, vnus Cartesii liber omnium Philosophorum bibliothecas, & rationum pondere, & vtilitatis vbertate superat. Verbis vtitur non privatis, non barbaris, sed vsitatis, & communibus; rerum omnium principia, mundi structuram, siderum motus, atque omnia naturæ opera tam apertè tra-

dit, vt post illum tacere modestissimum foret.

TH. Quàm sit facilis, & cuique obvia Cartesii philosophandi ratio, illi viderint, qui ejus disciplinæ arrogantiam, quasi difficillima sit, ita subnixi ambulant. Præclare de rebus cælestibus, & meteoris tractaverit, nihil enim pugno: certè res subterraneas & fossiles parcè, ac leviter attigit. Quare licebit nobis per Cartesium de naturâ, & generatione tum lapidum, tum metallorum diligentius inquirere. Id enim sequitur, vt postquam de terris, salibus, sulfure, & bituminibus, fusiùs fortasse, quàm necesse erat, tractatum à nobis est, de lapidibus primum in vniversum, tum de singulis separatim agamus. Atque vt viâ, & ordine progrediamur; quæ sit communis lapidum materia, quæ causâ effectrix, quæ demum forma, intuendum puto; tum de lapidum perspicuitate, coloribus, figuris, duritie, atque aliis accidentibus agendum. Placet igitur, quoniam omnis disputatio de lapidibus futura est, antè definire quid sit lapis. Nonnulli definiunt mixtum perfectum, durum, terrestre, frangibile, non ductile, nec per se liquabile: alii paulò aliter finiunt, corpus mixtum, maximè durum, nec ductile, quod in aquâ non exsolvitur. Non enim adèd constat lapides liquari non posse, vt id extra omnem sit controversiam. Nunc quæ sit materia lapidum videamus. An fortè, vt ex vapore aquoso metalla, ita ex halitu sicco lapides concrescunt? Sic videtur Aristoteli: an potius ex humido vinctuoso, vel ex terrâ, & aquâ subtilissimè permistis; vel denique ex succo lapidifico, per varios terræ meatus percolato lapides efformantur? Profectò eos ipsos, qui in hoc se aliquid certi habere arbitrantur, addubitare cogit doctissimorum hominum de re obscurissimâ tanta dissensio. Quòd si quid in his sequi oporteat, potior erit apud me Avicennæ sententia, qui lapidum materiam, non tenuem exhalationem cum Aristotele: non enim potest halitus ficcus citra humorem in corpus durum commeare; nec solam terram, cujus partes, si omni humore destituantur, in pulverem fatiscunt; nec solam aquam, quæ frigore concrescit, calore solvitur; cum lapides vix, aut numquam calore liquentur; non demum terram aquâ leviter dilutam, ex quâ nihil nisi lutum emergit; sed humorem viscosum & terrestrem esse putat;

adèd

Lapidis definitio.

Qua sit lapidum materia.

adèd vt continuitatem humor, terra largiatur soliditatem. Siccitas terræ humiditatem aquæ sistit, ne diffluet; humor minutissimas terræ partes commiscet, & nectit: hinc lutum induratum, atque à superfluo humore liberatum, ad lapidis soliditatem accedit. Quòd si humor viscosus non foret, calore citò avolaret. Hinc quæ lapides pervagantur venæ, nihil sunt quàm terra quædam exsiccata, quæ faciliè in pulverem comminuitur, quòd ab his partibus omnis humor sit exhaustus. Aristotelis sententia vix potest defendi, nisi fortè materiam lapidum, non quidem proximam, sed remotiorem adferat. Quamvis non sola exhalatio sicca, ex quâ nihil nisi minutissimus pulvis potest emergere, sed halitus vapore permixtus ad generationem lapidum conspiret: exhalatio tamen terrestris primas sibi partes sumit: nam terram magis, quàm aquam in lapidibus abundare, hinc satis liquet, quòd non vti metalla, calore solvantur. Quòd si sola in lapidibus regnaret aqua, nihil esset causæ, cur omnes fundum aquæ pererent: non enim glacies ad imum deprimitur, sed magis enatat. Quocirca lapides non aliunde, quàm ex tenaci luto, vel succo lapidifico prodeunt: lutum est, vbi terra copiosior; succus, vbi aqua dominatur: nec succus lapidificus aliud est, quàm aqua saxeis ramentis prægnans: hæc enim vbi calcis mineras præterfluit, calceum pulverem secum vehit, qui sæpe in gypsum, vel in lapidem specularem abit, eum exuberans aqua, vel percolata, vel calore diffusa fuerit. Quamdiu succus ille agitur speciem aquæ præ se fert, sed vbi consistit, lapidis duritiem statim contrahit. De materiâ lapidum hætenus; nunc quæ sit eorum effectrix causa dicere experiar.

Non solus calor lapides fingit; vt placet Aristoteli: sed qui aquâ dissolvuntur, calore induruerunt; qui verò ignis violentiâ liquefcunt, vt silices, frigore obriguere: calor quidem humorem superfluum exhalat, & tantum relinquit, quantum partibus vniendis satis est; frigus verò cum aërem expellit, tum humorem fortiùs congelat, & conglutinat: hinc lateres, & pumices quos calor effinxit, multis poris hiant: silices, & gemmæ occlusos habent meatus. Frustra igitur Avicenna, & Albertus Magnus ad vim quamdam mineralem & plasticam con-

*De causâ
effetrice la-
pidum, ex
vulgari sen-
sentia.*

fugiant; quasi lapides instar plantarum, vel animantium vi feminariâ, & formatrice donarentur. Lapis lapidem non gignit, & vis illa feminaria omnino commentitia est, & inutilis, cum solo calore, vel frigore lapidum materies transmutari possit. Sed de Alberti inconstantia longum est dicere: nam vim lapidum formatricem, in ipsâ materiâ aliquando collocat; modò illam stellis firmamenti affingit; interdum loco ipsi, qui materiam lapidis comprehendit, istam virtutem tribuit: quæ quidem vis lapidifica primò materiam alterat, tum illam apprehendit, seu terram vinctuosam complectitur, & tandem superior facta terræ dominatur, & eam convertit in lapidem. Virtus verò formatrix à cæli motore, tamquam ab vniversali opifice dimanat, hanc stellæ determinant, atque ad certam speciem trahunt: nam vt ex planetis metalla, sic è stellis fixis varias lapidum species oriri putat. Elementa demum materiam suggerunt, & præparant; vis illa formatrix, quæ à primo motore defluit, est tamquam ars ipsius artificis, vel forma dirigens: virtus stellarum similis est operationi manus; sed elementa quasi instrumenta quæ manus movet, & ars dirigit, famulantur. Hoc igitur fundamentum suæ opinionis præclare jactum Albertus existimat. Non equidem inficior Deum vt supremum opificem, rerum omnium ortus moderari; cælum quoque causæ vniversalis nomine generationes promovere, non invitus concedam: sed ex variis stellarum affectibus, diversas lapidum species exoriri, numquam in animum inducam meum; & vehementer admiror, tantum Philosophum Chaldæorum vanitate seductum puerilibus fabulis suos libros referuisse: quasi eadem sidera non vbique radiarent, aut stella quæ toti lucet orbi, in vnum locum potius, quàm in alium, influxus suos effunderet. An fortè cum calculi in lumbis concrefcunt, stellas fixas, non lentum, & viscosum humorem, vel exuberantem calorem accusabis? Quorsum ad causas primas, vniversales, & occultas confugere, cum proximæ, & continentes in promptu sint.

Omnes quippe lapides vel calor, vel frigus, vel succus denique lapidificus indurat; siue hic corporum subeat meatus, siue plantas, vel animalia obducatur, & incrustet; seu demum

intrinseco calore sensim concoctus, & densatus, vbi moveri cessat, statim cogatur in lapidem. Neque vlla vis lapidum effectorix ipsi loco inest: tamen figuram fortè largiatur: nam succus lapidificus sui loci figuram induit; adeò vt necesse non sit ad spiritum lapidificum, vel rationes seminarias recurrere. Non quòd existimem omnes omnium lapidum figuras à loco duci oportere: sed partim loci, tamquam vasis figuræ materia lapidum sese accommodat; partim à caloris, vel materiæ diversitate oriuntur. Vbi calor æquo nisu humorem expellit, & materiam vbique sui similem subigit, tum lapides rotundat. Interim ex parvis initiis incrementa sumunt; sive æquabiliter succus affundatur; sive ex minutissimis compingantur arenulis? Cùm verò humiditas exprimitur, non ipsius caloris vi, sed quia humor ipse sensim exhalatur, ac veluti languescit, tum lapides in diversos scinduntur angulos: idque eo ferè modo perficitur, quo videmus nitrum, atque alia salium genera in varias efformari cuspidas: tum enim humore paulatim ad interiora confluente, partes leviores ad exteriora, vel angulorum apices protruduntur. Multum quoque hîc fortunæ, & casui licet: nam materies lapidum exsiccata, sponte suâ finditur in varias partes; fermè vti paludosa terra, vbi solis appulsu exarsit, vltro fatiscit, & variis linearum ductibus, diversas quoque delineat figuras, quarum rationes si curiosiùs investigates, nihil agas.

Non figuram modò, sed etiam magnitudinem, & distinctionem, tum à materiæ diversitate, tum à loci dispositione lapides mutantur: majores enim exsurgunt, cùm locus est solidus, & succi copiâ vberior: cùm autem locus multis meatibus hiat, tum calor per hæc spiracula diffusus ipsam dividit materiem, nec tantæ molis efformantur lapides. Sic arena, & minutissimi lapilli effingi solent: quamquam arena non rarò ex aquâ, quæ saxa præterfluit, colligatur.

Hîc quas tum perspicuitatis gemmarum, tum colorum causas esse putem, nunc dicere aggrederer, nisi hic locus jam alibi fusè tractatus à nobis fuisset. Interim illud monuisse satis fuerit perspicuitatem non à terrâ, sed ab aquâ, vel succo purissimo dimanare. Nam terram sequitur opacitas, aqua verò pelucet, quam in pretiosis lapidibus dominari, hinc patet, quòd

Vnde lapidum figura.

De lapidum perspicuitate, & coloribus.

gemmæ ignis ardoribus solvantur , cùm saxa quæ plurimum terræ obtinent , nullo liquentur igne. CrySTALLUS itaque, beryllus, adamas, vitra sunt sincera, quæ naturæ elaboravit industria, & quam ars dare non potest duritiem, vel firmam partium adhæſionem, gemmis natura conceſſit. Ars quippe imitatur naturam, non aſſequitur. Mitto alias cauſas ex quibus gemmarum perſpicuitas duci poſſit; præcipuæ tamén ſunt ſubſtantię puritas, continuitas, partium homogenearum in eâdem rectâ lineâ collocatio. Nec diu nos morabitur alia huic proxima diſputatio, vnde oriatur tanta in lapidibus colorum varietas: nam de natura & diſtinctione colorum ſubtiliùs ſuo loco diſſeruimus: quamquam rem nondum conſectam eſſe, neque ad exitum veniſſe quæſtionem putem. Vix enim tibi aſſentior, Simplici, colores omnes ex interno lumine emergere; neque, vt ego arbitror, vna omnium colorum cauſa, & origo exiſtit: nonnulli ex elementorum qualitibus exſurgunt; quæ aduruntur, ſi pauco humore diluantur, nigrum contrahunt colorem: plumbum calcinatum, primò candidum fit, tum flavum, tum denique purpureum. Lapides Soli expoſiti plerumque virides, vel ſubnigri evadunt: ſed qui in locis vmbroſis, & opacioribus jacent, æruginofum quemdam colorem præ ſe ferunt. Interim colores ex variâ corpuſculorum figurâ, & diverſâ radiorum interceptione prodeunt: nam mihi perſuaſum eſt, ſæpiſſime candorem ex multiplici reflexione, hanc verò ex multis corpuſculis ſphæricis, oriri; idque in ſpumâ, & nive licet intueri, quæ innumeris conſtant globulis: ſic albi marmoris corpuſcula ſunt ſphærica, & longè minora, quàm nigri; vnde illud crebriores radios regerit, hoc pauciores. Poſtremò lapides eum præſæpe colorem ſervant, quem ſucci, ex quibus coaluere, antè obtinuerunt. Nonnumquam mineralium tinguntur halitibus. Quantum igitur complector animo, quatuor ſunt potiſſimæ colorum in lapidibus cauſæ; temperamentum, varia luminis externi reflexio, quæ ex figuris corpuſculorum, ex quibus compinguntur lapides, pendet; tinctura foris adveniens, quibus denique (ne tecum litigare videar) lumen quoddam intimum, & ſecretum, ac perſpicuitatem rebus omnibus congenitam adjungemus. De materiâ, &

causâ effectrice, neque non de figuris, coloribus, & perspicuitate lapidum diximus; sequitur vt vnde duritiem suam, & soliditatem repetant, inquiramus. In quo mihi magnum cum Spagyricis certamen ineundum est; ita vt verear, ne Simplicio Chymicorum patrono maiorem largiar contradicendi libertatem, & licentiam.

STMP. Ego quidem nec Chymicis, neque vlli sectæ, ita addictus sum, vt mihi, velim nolim, sit certa quædam tuenda sententia. Quare ne verere quidquid istuc est, quod aduersus Chymicos animo premis, nobis proponere.

TH. Accingor. Communis omnium Philosophorum sententia est, non lapides modò, sed etiam mixta quæcumque sint omnia, suam firmitatem, soliditatem, atque, vt loquuntur, coagulationem à terrâ repetere: seu calor ea constringat, seu frigus congelet. Metalla quidem, quæque calore solvuntur, multâ aquâ abundare fugit neminem: verùm illam concretionem non aqua sola efficit, sed aquæ cum terrâ exquisita commixtio. Quare, vt id verbo complectar quod volo, in rebus solidis terra dominatur; calor, & frigus illam concretionem, vt causæ effectrices promovent; humor pinguis, & tenax, fibrarum plexus, accurata denique terræ, & aquæ permixtio nihil esse, quàm causæ adiutrices mihi videntur. Qui ex succo prodeunt lapides, & gemmæ, plerumque sunt duriores: nam ex terrâ, & aquâ, subtilissimè permixtis coaluere, occlusos adeò, & angustissimos sortiti sunt meatus; ita vt humor exitum non habeat. Postremò lapides, qui neque ex tenaci luto, neque ex succo lapidifico induruerunt, vbi longum, & vehementiorem sustinent calorem, tum humor malè commixtus apertis meatibus facilè exhalatur, & sola remanet terra, plerumque instar cretæ alba, mollis, rara, friabilis, vnde & in pulverem sponte suâ dissolvitur. Hoc lapidum genus fabricis est penitus inutile: nam Soli expositi statim humore privantur suo, vel cæmento distracti solvuntur: contrà duriores, & densi ad Solem magis indurescunt; nam superfluous dumtaxat humor radiis solaribus extrahitur. Silices verò, quòd poros habeant angustissimos, nec calcis corpuscula possint admittere, neque ad regulam secari queant, ab Architectis rejiciuntur. Marmor quidem cùm

*De lapidum
concretionem,
ex Peripateticis.*

patentiores habeat meatus, & rectâ dispositos, ferrâ inciditur, nec calcem recusat. Ex his igitur manifestæ sunt, concretionis, seu coagulationis, lapidum causæ: neque opus est ad salem cum impurâ Paracelsistarum factione recurrere: salem quippe in lapidibus, & metallis delitescere, magis à Chymicis disputatum est, quàm probatum. Sed ut minuam controversiam, rem ita esse, ut volunt, concedam: quibus tandem rationibus evincunt rerum firmitatem, & duritiem ex sale potius, quàm ex terrâ duci oportere? Sal omne in aquâ exsolvitur, corpora quæque arrodit, ut in aquis stygiis videre est. Quomodo igitur figit, consolidat, ac rebus omnibus tribuit firmitatem, cum ipsum nec stabile, nec firmum existat? Quis unquam Chirurgus fractis ossibus sal adhibuit? Mallem ego ut oleosum, & bituminosum humorem coagulationis causam inducerent: nam & bitumina concresecunt in lapides, & viscosus humor conglutinandis corporibus magis erit idoneus, quàm sal omni tenacitate, & soliditate destitutum. Profectò si à sale quidquid terræ, & olei inest detraxeris, nihil supererit quàm minutissimus pulvis, qui dissolvit quidem, non adstringet corpora. Mirum etiam Chymicos coagulationem principiis potius, quàm elementis tribuere; cum illa sint subtiliora, hæc crassiora; illa spiritibus, hæc corporibus viciniora. Tota res vacillat, & claudicat, nec quicquam efferunt constantissimè. Modò spiritus quosdam inducunt mechanicos, qui figant, & coagulent corpora; interim sal esse omnis concretionis causam defendunt acerrimè: neque hîc, neque usquam alibi sibi constant. An fortè ossa, quæ initio mollia sunt, & cartilaginea, suam à sale postea mutuuntur soliditatem? An potius calore sensim exsiccata, hanc contrahunt duritiem? Quid est cur ossa, & cornua lixivii quibusdam emolliantur? Cur vitra candefacta aquis stygiis, vel cinerum clavellarum dilutis immersa dissiliunt? An ex eodem fonte rerum stabilitas, & dissolutio manabunt? Multi corallium quamdiu in fundo maris jacet, molle esse, & tenerum, extra aquam putant statim lapidescere. Illud sanè mihi est miraculo, salem, qui mari plurimus inest, quam cæteris confert compactionem, ipsi corallio adimere. Sic ovorum testas statim indurescere, ubi excludun-

tur, autumant : numquid hanc duritiem à sale potius, quàm ab aëre sortiuntur ? Imò sal exsolvitur, cùm humidiori loco exponitur ; non ergo ovorum putamina suam à sale duritiem desumunt. Sic laterculi, vel regulæ ex terrâ pingui, & argillossâ, non salis vi, sed ignis calore induruerunt : nec salis copia, at terra pinguis, & tenax lapidibus materiam suppeditat. Sed enim, inquis, quò res quæque sunt duriores, eo plus salis reddunt. Quem tibi hoc daturum putas ? Mirum si tantum valeat ars Chymica, vt ex metallis, & lapidibus purum salem eliciat : nusquam eum mihi videre contigit. Sed pugnare nolo, ad id enim quod agitur nihil interest, vtrum calx illa, quæ ex metallis educitur, ejusdem sit cum sale generis, an potius, hoc vnum habeat commune, quòd summis ardoribus exsiccata dissolvatur in humido : id quidem mihi certum est, perparum salis ab omni terrâ expurgati ex iis educi corporibus : nec fortè ossa plus salis præbent, quàm mollis caro. Postremò, vt eundem locum sæpius vrgeam, in ovi albumine tantum salis non inest, vt ex eo pulli ossa, membranæ, nervi, atque omnes partes compingantur.

Iam quid est quod minùs probari possit, quàm calculum in renibus, vel vesicâ ex sale, aut tartaro concreescere ? An non monstri simile est salem in aquâ non exsolvi, sed potius ibi lapidescere ? Desipiunt scilicet Medici qui aquas nitrosas, & sal-sas præscribunt iis qui laborant calculo. An quisquam conqueritur, se ex falsidulis, vel aluminosis aquis calculum contraxisse ; nec certè vsus salis vel immodicus, hunc morbum procreat. Accedit etiam quòd calculus arte spagyricâ resolutus, plusterræ, & pinguis sulfuris præbeat, quàm salis. Frustra recurrunt ad spiritum quemdam salis, qui figat, & coagulet ; cùm eundem soleant spiritum confringendo calculo præcipere : ita malè instituta ratio exitum reperire non potest. Quocirca vt quid mihi videatur, paucis aperi-am. Non vna est calculi causa, sed varia, & multiplex : materia quidem est humor lentus, & pinguis, qui calore indurescit : ex angustia meatuum ; renum dispositione, & temperie ; fibrarum ductu sensim coagmentatur. Sæpe ex arenulis viscoso humore conglutinati prodit : arenæ verò vnà cum sero ad renes deferuntur, & prodeunt

De calculo.

ex ciborum reliquiis, sanguinis vitio, vel hepatis ardore induratis. Neque vna est omnium forma, vel natura; alii gypsum referunt, alii sunt marmorei, & duriores. Plerique adusti flammam alunt, ac tetrum spirant odorem; quod indicio est non ex terrâ tantum vel sale, sed eos ex succo pingui, & bituminoso coaluisse: hinc persæpe bituminosum quid redolent. Libavius refert quod calculi confracti nucleus à se combustus, quiddam oleret facci cerevisiæ non dissimile, cujus etiam colorem referebat: fors est ut ex illius alimenti reliquiis coaluerit. Iam verò non disputo utrum pituita crassa, & viscosa, longo, & lento renum calore exsiccata, & concocta in calculum lapidescat, ut veteres crediderunt? An fortè terrena, & limosa substantia omni humore exhausto abeat in lapidem; adeò ut serum, seu salsus & acrior succus cum terrestri materia permixtus sit vera lapidum materies, ut Platero visum est: Vtrum arenulæ ex nimio hepatis calore, cum sero sanguinis ad renes deductæ materiam calculi suggerant: id enim fabulum pierumque cum putri pituitâ commiscetur, & nimium cunctando durefcit. Hæc Medici ipsi dijudicent: res sanè est magna, & diligenti contemplatione dignissima: sed mihi sit ineptiendi modus, neque enim tam dicendi mihi habenda ratio fuit, quàm audiendi.

S I M P. Sanè quidem, ut ego judico, de lapidum natura & causis dictum est à te, non modò eruditè, sed etiam ornate, & sententiis copiosè: adeò ut nihil ferè quod de hac re dici possit, mihi reliqueris. Et quidem de materiâ lapidum, non potest inter nos esse magna contentio: nam ex tenaci luto, vel humore viscoso, vel succo lapidifico omnes lapides concrefcere, non ægrè concessero. Tametsi putem, nec salem, cujus acrimoniâ terræ, & aquæ particulæ minutiùs conciduntur, & exquisitiùs permiscentur; nec oleosum & bituminosum humorem, qui partes dissipatas, & malè cohærentes conglutinet, excludi oportere. De sale quidem postea. De pingui & bituminoso humore nullus est dubitandi locus. Quid enim aliud minutissimas arenulas in vnum corpus adstringeret? Quis ignorat pulverem ex lapillis fluviatilibus detritum lapidescere, cum resinæ fusæ incoquitur. Sic lithocolla, seu lapide-

fcens

*Quæ sit natura
de materia
lapidum
sententia.*

fcens gluten ex calce , & adipe fuillo , vel ovi albumine effingitur. Neque extra fidem est multos lapides bituminoso habitu , quem calor subterraneus exexit , adunari. Hinc plerique molliores sunt , quamdiu terræ conduntur visceribus ; sub dio autem durescunt , non aliter atque ovorum putamina , & vesicæ calculi. Interim calor vehementior gluten illud solvit , vt in Libyæ regionibus ; nec lapides ex his arenis nullo vinculo confertis compingi possunt. Hæc sanè non inuitus dabis , qui succinum , gagatem , & alia bituminosa in lapideum durescere non ignoras ; ac vesicæ calculos multo bitumine abundare ex Chymicorum resolutionibus demonstraſti.

Sed illud molestè fero , te nullam omnium lapidum effatricem causam , præter calorem , & frigus agnoscere. In quo quidem Agricola secutus , illustres Peripateticos , Avicennam , & Albertum Magnum deseris , qui præter jejunas , & steriles elementorum qualitates , quibus etiam plus tribuunt quàm necesse est , vim quamdam admittunt lapidum formatricem. Hæc vis plastica materiem nacta commodam , similes vbique terrarum lapides effingit. Nec video cur Agricola Albertum omnibus vexet contumeliis , quòd ex rationibus seminariis , non ex tumultuario elementorum concursu lapidum formas deducat. Illud certè ne in cogitationem quidè cadit , omnium gemmarum formas , figuras , distinctiones , non aliunde oriri quàm ex vario elementorum temperamento , atque ex incertâ fluitantis materiæ concrectione. Quòd si miscibilium formæ in mixto integrè conseruentur , vt jam aliàs apertissimè collegimus , quid novam lapidis , vel mixti formam procreat , nisi ex inexhaustis naturæ thesauris , siue ex seminariis rationibus scaturiat ? Quid illum calorem regit , quid frigus temperat , quid materiam colligit , quid tandem iisdem figuris gemmas vbique vestit , nisi constans , vegetus , & vbique regnans spiritus , rationibus seminariis prægnans , ac supremi artificis organum ? Hinc rerum omnium varietas , & distinctio longè probabiliùs repetitur , quàm ex instabili materiâ , vel ex incertâ elementorum crasi. Neque continuò gemmis vitam , vel animam affingimus ; non enim individuorum propagatione species custodiunt suas ; neque in seipsis , sed in-

*De lapidum
effatrice
causâ.*

star animalium, quæ ex putredine nascuntur, in naturâ communi, atque vniuersali, sua habent seminia. Exhalatio quippe spiritu lapidifico facta, vbi locum idoneum, calorem attemperatum, materiam rectè dispositam offendit; lapidem, vel gemmam effingit; gemma quidem ex succo puro, & defæcato, lapis ex impurâ, & crassâ materiâ fingitur. Neque, vt tu sumebas, crystallus, granata, atque aliæ gemmæ figuram suam à loco, tamquam à vase mutantur: cum plures ex vnâ succrescant radice; vel in eâdem matrice, vt grana in spicâ contineantur; cum denique sæpe bulbosis distinguantur radicibus. Crescunt quidem in suis fodinis gemmæ, & quo magis mirere, aliæ aliis decedentibus succedunt. Neque tamen crediderim hanc veram esse accretionem per alimentum intus susceptum: sed eas puto per appositionem, siue incrustationem auferere: nam quæ ex succo lapidescunt, non aliter augentur. Sic vidimus gypsum novi floris accessu intumescere: hinc aliquando ex gypsi mineris ossa humana eruntur, quod ante biennium his in regionibus visum est. Quapropter vt causas lapidum in summam conferam; materia plerumque est succus lapidificus, cuius puritas, perspicuitas, & nitor ex mixtione, tum elementorum, tum principiorum exquisitâ proficiscitur: vbi partes sunt crassiores & lutosæ, in lapides communes, & opacos degenerant. Opacitas verò non ex solâ terrâ, vt ex solâ aquâ non oritur perspicuitas: neque enim in lapide speculari, nec fortè in adamante, atque aliis gemmis aqua præ cæteris excellit elementis: cum speculari lapide nihil siccius, neque adamante quicquam sit solidius. Quare gemmarum perspicuitas magis ex continuatâ, & nullis ferè poris interruptâ partium dispositione, quàm ex aquâ videretur proficisci: hanc porro continuitatem efficit miscibilium in minutissimas atomos resolutio. Siquidem cum terra, & aqua in tenuissimas particulas sunt comminutæ, & spiritu lapidifico adstrictæ, nulla relinquunt vacua spatiola; neque adeò luminis radios sistunt, nec propriis, sed vno, & communi termino clauduntur. Iam alio loco insinuatum à nobis est vitrum comminutum, vel fractum, perspicuitatem vnâ cum sua continuitate deperdere: charta verò quæ mul-

tis meatibus patet, opaca est, nisi oleum affusum poros occludat. Quid porro terræ, & aquæ particulas adeò minutim concidit, nisi sal, quod aquâ dissolutum terram suâ acrimoniâ, ac veluti suis gladiolis perfecat, & humore exhausto in lapidem coagulat?

Formæ autem lapidum non aliunde, quàm ex rationibus seminariis hauriuntur: hinc vires promunt suas: hinc constantes, & vbique sui similes sortiuntur figuras: hinc demum, si Anselmo Boëcio credimus, tanta colorum oritur varietas. Siquidem vt figuris, sic coloribus, tamquam notis, & characteribus ab ipsâ naturâ inuistis, gemmæ discernuntur: neque abhorret à vero, non figuras modò, sed etiam colores ex naturæ seminiis prodire; maximè in iis gemmis, quarum constans figura, & certi sunt colores. In plantis quidem, & animantibus omnis colorum varietas non ab externi luminis reflexione, neque ab elementorum misturâ; sed à virtute ipsâ formatrice, & plasticâ dimanat. Quid enim aliud fingi possit, quod pavonis caudam tot coloribus illustrem exornet? Quid in illâ tot oculos vel orbes, ac veluti lunulas ita concinnè delineat? An fortè ex ipso exsurgunt temperamento? Quid igitur eandem pennam diversis tingit coloribus? Vnde illa tam apta, & blandiens colorum proportio? An non eadem est elementorum temperies? Sed mihi non est animus de colorum origine longam disputationem texere. Redeo ad effectricem lapidum causam, quam spiritum lapidificum vocamus: nam spiritus latissimè fusus, cum in materiam duram, & minùs obsequentem incurrit, lapidem efficit, vel gemmam: atque omnis distinctio, & specierum diuersitas, à seminariis rationibus, quibus natura grauida est repetitur.

Hic spiritus lapidificus arenulas compingit: Vnde enses, fo- *De spiritu
lapidifico.*
leæ, atque alia id genus eruuntur è Rhodano; atque aliis fluminibus jam in lapides conversa: in montibus potissimùm, & fluuiis occultus ille regnat spiritus: hinc rarè in campis longè à fluuiis, vel montibus distitis, magna invenitur lapidum copia. Vnde ergo, inquires, tot emerfere lapides, quibus Herculei campi (Crautiam vocant) prope Arelatem cernuntur? Existimat Gassendus, hanc lapidum portentosam congeriem,

non aliunde, quàm ex Rhodani, vel Druentinae exundatione, & longâ aquarum restagnatione prodijisse. Indicio est quòd in extremis velut marginibus lapilli minutissimi, in medio jaceant majores. Quemadmodum sal in catino exsolutum, vbi aqua leni calore exhalata fuerit, majora in medio, minora in extremis grana deponit. Illic quidem inter confertissimos lapides, quoddam nascitur herbæ genus, quo pecora mirum in modum saginantur: non enim in iis locis deest spiritus nitrosus, & pinguis humor. An fortè spiritus lapidificus multo sale abundet necesse est? Id sanè mihi confitendum erit, si omnem lapidum concretionem ex sale duci putem: verùm illud mox videro: nunc effectricem, & communem lapidum causam persequor, quæ spiritus lapidifici nomine insignitur. Non quòd ita insaniam, vt spiritus omnis magnitudinis expertes in corpora degenerare statuam; id enim perabsurdum est, atque ab omni ratione alienum: sed spiritum voco tenuissimam substantiam, quæ ad certum corpus confirmandum destinatur. Quæ igitur abeunt in lapides, hoc spiritu correpta, tamquam aspectu quodam Gorgoneo rigescunt, cùm succus lapideus corporis poros illabens, atque intima penetrans, minima quæque corpuscula occupat, & comprehendit. Sic arbores in Bohemiâ inveniuntur conversæ in lapides; sic calculi in vesicâ lamellatim incrustantur; sic visus est ante annos 55. Agendici Senonum embryo lapideus, quem 28. annorum spatio mulier gestaverat; sic denique quorundam fluviorum fundus lapidescit. Est in Arverniâ amnis, cujus alveus lapideus sensim intumescit, quòd aquæ germinis lapidifico fœtæ indurescant. Vnde, amabo te, conchyli lapidea procul à mari, vel in ipsis occurrunt montibus, nisi natura, vel spiritus vniversi, qui cuncta permeat, nusquam cessat, juxta ideas sibi impressas, vel seminarias rationes, quæ nihil sunt, quàm idearum vestigia, conchas è succo lapidescente effingat? An fortè terra magnis motibus concussa, nonnumquam dehiscit, tùmque pisces, vel conchyli è subterraneis abyssis erumpunt, quæ spiritu, vel succo lapideo indurantur? Cùm in Cariâ, inquit Seneca, talis exisset vnda, periire quicumque illos ederant pisces, quos igno-

to ante eum diem cælo, novus amnis ostendit. Nec id mirum; erant enim pingua & differta, vt ex longo otio corpora; cæterum inexercitata, & in tenebris faginata, & lucis expertia, ex quâ salubritas ducitur. Nasci autem posse priscæ in illo terrarum profundo, sit indicium, quòd anguilla quoque latibrosis locis nascuntur: gravis & ipse cibus ob ignaviam; vti-que altitudo illas luti penitus abscondit. Hactenus de causa lapidum effectrice, quam non absurdè spiritum mineralem Albertus nominat: nam hunc spiritum acutum esse, penetrantem, & falsum necesse est, vt instar cæmenti adstringat, & compagnet: illum adedò spiritum nitrosum in omni fusum esse naturâ, jam suprâ ostendimus: ita vt in eo sit procreandi vis, & causa gignendi: est quippe vi prolificâ, & sui assimilatrice præditus. Nonnumquam instar halitus effunditur, quòd faciliùs subeat corporum meatus; interim pinguis est, & sulfureus, qui corpora bituminosa, & oleosa citiùs permeat; sæpius humori aqueo infidet, vt terrestrem materiam ex omni parte penetret: sed nisi acutus sit, & falsus, nec missionem exquisitam perficiet, nec poterit materiam pervadere, aut comprehendere.

Quapropter sal tum effectricis, tum etiam materialis causæ nomine concurrat ad lapidum generationem, vel concretionem: materia quippe omni sale exhausta lapidescet numquam: neque ex terrâ & aquâ permistis, si salem detrahas, quicquam aliud quàm lutum prodibit. Nec conturbor subtilitate rationum, quas ex Libavio adversus Chymicorum sententiam protulisti. In quo quidem ipsius Libavii inconstantiam admiror; nam in Alchimia triumpho acriùs certè, quàm Philosophum deceat, adversus Riolanum disputans, salem esse concretionis causam multis evincit argumentis. Quòd sal metallicas solutiones cogat, cuncta induret corpora; quòd ovorum testæ, & marina conchylia ex sale suam repetant duritiem; quòd nitrum, & quædam lixivía lapidescant: vt taceam de salidulis, quarum canalibus tophi, & lapides succrescunt. Quis ignorat ligna eo esse solidiora, quo plus salis continent? Sic plurimum nitri è quercu, fago, gaiaco elicatur. Quid addam de salis gemmei, vel fossilis duritie lapideâ, de concretionibus item lapideis, quæ cortinis, tum cùm muria excoquitur, adhære-

Sal est principium coagulationis, sed non solum.

seunt? Calculum denique, & articulorum tophos, ex falso phlegmate durescere contra Riolanum decernit Libavius; quòd calculosi mucum saepe reddant, qui falsus, corrosivus, & acerrimus cùm sit, linteo exceptus durescit in lapidem; quòd gustatus liquor artriticus nitro falsior appareat. Postremò non irridet modò, sed etiam conviciis exagitat Riolanum, qui negabat quicquam esse salis in sanguine, quod illius concretionem efficeret, cùm sanguis triplici coctione, omni sale spoliatur. Quod si, inquit, natura salem separat; ergo in alimento priùs inerat. Accedit etiam rem eo falsiorem evadere, quo magis excoquitur: non igitur ars, vel natura multiplici coctione salem exuit. Atque hæc quidem tua sunt Libavi; sed soles in decretis tuis fluctuare. Huic equidem versatili ingenio facillè ignoscerem, nisi eos, qui à te dissentiunt, contumeliosissimè vexares. Sed fortè ipsâ veritate convictus, & coactus, à Chymicorum sententiâ destitisti: hoc ipsum excutiamus; atque ut opinor, vnius, vel alterius argumenti conclusione tota causa comprehendere potest. Illud corpus consistentiam dare nequit, quod nec firmum est, nec fixum, nec compactum, quòdque magis corporum vincula resolvit, quàm agglutinet: jam sal est ejusmodi, ut terrâ spoliatum, nec consistentiam, nec soliditatem habeat ullam; corpora potiùs exedat, quàm vinciat: non igitur sal figit, vel compingit lapides, quin potiùs subtilitate suâ eorum compagem solvit; in aquâ vel humido aëre tabescit; nullâque nisi à terrâ habet firmitatem. Iam quid obtusius, quàm calculum ex sale compingere, cùm sal in humido non soleat condescere; cùm resolutus calculus parùm salis, plurimum præbeat bituminosi sulfuris; cùm denique falsidulæ, & aquæ nitrosæ comminuant calculum, disturbent arenulas. An fortè ex eâdem causâ contrarii manant effectus? Sal calculum gignit, eumque dissolvit: ista non coherent. Huc ferè redeunt omnia quæ Libavius colligit adversus Chymicorum opinionem: & certè illius loquacitas habet aliquid argutarum; neque tamen difficillimum erit ejusmodi captionibus occurrere: harum quippe omnium una depulsio est, scilicet esse coagulationis, & firmitatis principium, sed non solum.

Diluantur.


Verùm sal dissolvit corpora non compingit; quis hoc tibi de-

derit nullum sal figere, & coagulare? Quis nescit sal aliud esse volatile, aliud fixum: illud corpora penetrare, & solvere, hoc vincere, & adstringere? Quid multa? Sal variè præparatum, diuersa quoque obire munera ignorat nemo. Multo humore dilutum non concrefcit; sed exhausto humore indurefcit. At terra lapidibus duritiem, & firmitatem potiùs, quàm sal impartit: calor verò exprimit humorem, & limum, qui est lapidis, vel calculi materia, indurat. Nos quidem, nec terram, nec calorem excludimus; sed terra omni sale spoliata fatifcet, neque poterit in lapidem durefcere. Sal terram cum aquâ confociat, & vtriusque est quasi commune vinculum: mutuis auxiliis subsistunt: nam terra sale m retinet, ne in aquâ exsoluatur; sal vicissim terræ atomos coërcet, ne in minutum dilabantur pulverem.

Non inficior calculos ex limo terrestri, seu ex alimentorum reliquiis, & quasi tartaro conflari: at sale m non abesse hinc conjicio, quòd calculi in renibus, vel vesicâ, non in aliis locis, nisi perraro gignantur. Enimverò calculum ex humore pingui & viscoso, tamquam lutum in fornace vi caloris indurefcere, summa est inter Medicos consensio: sit ita sanè. At Medici communem, & remotam dumtaxat, non proximam causam adferunt. Querimus enim ex quibus elementis mucus ille coaluerit. An fortè ex solâ terrâ, & aquâ compingitur? Sed neque lutum in aquâ lapidescit; neque humor in lumbis, aut vesicâ deest. An calore induratur? Quid igitur est, cur senes calculo sapius, quàm iuvenes laborent; cùm in his vberior sit calor? Cur vrina reddita in matulis lapidescit, si calore, non facultatis expultricis imbecillitate, coacervata induratur? Cur mucus in naribus, intestinis, atque aliis conceptaculis non cogitur in lapidem? Omitto renem, & vesicæ naturam, ac siccitatem, ad calculi generationem non mediocriter conferre: sic tophi dentibus ex ciborum sordibus accrescunt, & vnaquæque pars sibi familiare attrahit alimentum. Postremò generatio calculi multum pendet à certo fibrarum plexu, qui quidem à spermaticarum fibrarum texturâ, atque hæc à dispositione fibrarum in parentibus oritur: vnde iste morbus à parentibus in filios traducitur. Non vna denique est omnium calculorum natura, neque adèò vna est eorum causa, vel origo: alii sunt arenosi, & sca-

*De calculi
generatione.*

bri; alii politi, & terfi; alii demum gypfei, & friabiles: in nonnullis fal abundat, in aliis humor quidam pinguis, & bituminosus excellit. Quamobrem non vna erit hujus morbi curandi ratio. Spiritus nitrosi & sulfurei vtilius sæpe adhibentur dissolvendis calculis, quàm acetosi, & mercuriales. Multa facultatem expultricem irritant, & stimulant, quò arenulas, vel lapillos protrudat; vt locustarum, leporum, scorpionum cines, spiritus vitrioli, quique ex nitrosis lignis, fago, quercu, buxo, & aliis per descensum educuntur spiritus. Oleum è fraxini semine, vel si illius copia non adsit, ex ipsa arbore extractum, plurimum commendat Glaberus: verùm spiritu salis reëtificatum, aque ab omni fœtore liberatum oportet. Quod in fundo remanebit oleum crassum à spiritu salis secretum, cum cerâ permixtum, vt vnguenti formam obtineat; linteo illitum, & lumbis extrinsecùs appositum, non mediocriter ægrum iuvare perhibet. Sed de his satis multa dicta sunt: nunc Menandrum de singulis seorsim lapidibus, si ipsi commodum est, differenter audiamus.



CAPVT SEPTIMVM.

De variis lapidum differentiis.

- I. De magnete juxta Cartesii sententiam. II. De lapidibus seorsim sumptis, vbi de eorum formis, coloribus, & viribus differitur. III. De variis saxorum, & marmorum generibus tractatur.

M E N A N D E R.



ERAM tibi morem, & agam quambrevissimè potero; non enim mihi est animus omnes omnium lapidum species persequi, vel in opinionum quæ diversissimæ fuerunt, inquisitione, tempus conterere; quod sanè foret longè difficillimum, & nescio an vobis futurum esset voluptati; sed illustriores dumtaxat lapidum differentias percurram, eorúmque originem,

nem, naturam, atque vfus, cùm res pofcet, attingam; magis adeò, vt vobis obfequar, quàm vt quicquam novi vos docere præfumam. Iam ne vagari, & errare cogatur oratio, quidquid communi lapidis notione comprehenditur, in quatuor veluti genera partiri licet; in lapides propriè dictos, faxa, marmora, & gemmas. Aliis alia diuifio placet: nam lapides, vel ex arenis compinguntur, vt cotes; vel lamellatim concrefcunt, vt lapis specularis, aut talcus; vel contufi in frufta comminuuntur, vt filices, & marmora. Rurfus quidam ex viventibus, alii ex vitæ expertibus eruuntur: illi vel ex plantis vt corallium, vel ex animantibus prodeunt, vt bezoar ex caprâ Indicâ: hi verò vel certam, & quafi præfcriptam habent figuram, vt granata & cryftallus: vel nulli sunt addicti figuræ, feu viles fiant, & communes, feu rari, & pretiofi. Ego verò ab Agricola diuifione, quam primo loco pofui, non recedam, & nobilem fecutus Philofophum, à Magnete, qui inter lapides principatum tenet, ducam exordium.

Vnde id nomen deduxerit, vtrum à pastore quodam, qui primus in Idâ monte eum reperiffè fertur, vel à Magnetiâ finitimâ Macedoniæ regione, quemadmodum Heraclius, & Hercules dictus eft, quòd prope Heracleam vrbe frequens reperiretur, non eft quòd multum folliciti fimus. Magnes, & ferrum ex iisdem fodinis eruuntur, adeò vt multi exiftiment, Magnetem effè ferri matricem, & venam; vt ferrum nihil eft, nifi Magnes excoctus. Profectò in Germaniâ ferrum optimum ex Magnete elicitur, & maxima eft inter vtrumque cognatio. In veteri quidem meâ perfuafione permaneo, terræ nucleum interiorem, nihil effè quàm Magnetem puriffimum, cuius furculi in extimam partem subinde diffunduntur: adeò vt vis magnetica in supremâ telluris regione fit obfcurior, quòd aquis, metallis, atque ipfo aëre infringatur: idque non leuibz indi-
ciis, fed certis argumentis olim confecimus. Primùm enim, virga ferrea, & candens vim à terrâ, in quâ jacet, magneticam haurit; adeò vt acus verforia polum fuum Borealem, ad virgæ ferreæ cuspide[m] Australem dirigat: fic cancelli ferrei, qui terræ ad perpendicularum infiftunt, eâdem vi ad polos mundi directrice imbuuntur: verforium quippe ad partem cancellorum infe-

*Quatuor
lapidum
genera.*

*De Magnete
to juxta
Cælesti
placita.*

riorem, cuspidem suam Australem convertit. Iam quibus machinis Magnes ad se rapiat ferrum, cur ad vtrumque mundi cardinem acus vi magneticâ imbuta suos obvertat polos; quare verforii polus Borealis, alterius itidem verforii polum Borealem, ut sibi infestum fugiat, Australem verò, ut amicum anxie insequatur, jam alio loco fusiori stylo sumus profecti. Placet mihi Cartesii sententia, quâ putat materiam striatam, & instar cochlearum contortam, jam sapius à nobis explicatam, ab vno terræ polo ad alterum commeare: sed eâ lege ut quæ per Australem polum erumpit, per eundem regredi non possit, quod meatus offendat egressui quidem accommodatos, non item reversioni: hinc cogitur per alterum terræ polum remeare. Cùmque terra fibras habeat sibi, & axi parallelas, ex illis venulis striata materia indefinenter egreditur, quæ circa telluris globum innumerabiles circulos, & vortices agit. Subtilis quippe illa substantia poros in aëre minùs idoneos invenit: vnde si in Magnetem vel ferrum incurrat, per vtriusque fibrillas liberius, quàm per aërem it, reditque, & Magnetem ad vtrumque telluris polum convertit. Nec mirum si acus verforia, vel Magnes ipse ad terræ polos dirigatur; cùm debilior Magnes sese ad fortioris situm componat: terram verò nihil esse quàm Magnetem ostendimus. Vis maxima in polis Magnetis viget; quod in hæc puncta omnium fibrarum meatus, & quasi oscula desinant. Polus Septentrionalis acus verforiæ alterius polum itidem Septentrionalem fugat, quod particulæ striatæ, & contortæ ab vno polo egressæ, per alium ejusdem generis subire nequeant; quare in eum impactæ, vel resiliunt, vel ipsum verforium circumagunt, quo Australem polum ita obvertat, ut per eum commeare possint. Itaque striata materia, quam sæpe nominamus, Magnetem permeans, in orbem circumducitur, & per vnum egressa polum, per alterum revertitur, ac secundum fibras Magnetis axi parallelas fluit, & refluat. Quod ut vobis persuadeam: ecce duos Magnetes, qui suo colore ferrum referunt. Scobs ferrea circa alterum Magnetem temerè effusa sese in modum vorticum componit. Quid illam scobem tam aptè disposuit, nisi striata materia jugiter à terrâ dimanans, quæ Magnetis fibrarum ductus sequitur, & per vnum fibræ osculum egressa, per alterum regredi

affectat. Neque hîc, vt jam aliàs monuimus, tractione, sed magis impulsu opus est. Iam polum ejusdem Magnetis Borealem eâdem scobe chalybeâ obduco, quæ tamquam acicularum congeries, illi ad perpendicularum insistit: huic alterius Magnetis consimilem polum admoveo; viden' vt scobem instar follis, aut vehementioris venti difflet, ac separet: sed Australi polo alterius Magnetis admoto scobs eadem contrahitur, & quasi amicum polum complecti gestit: tum striatam materiam vitro excipit, quam prius repellebat. Hæc sanè fieri nequeunt citra aliquem impulsum, vel corpusculorum effluuium; nec solâ alteratione, aut occultis qualitatibus perficiuntur. Neque necesse est vt longiori oratione demonstrem, quo pacto striata materia è Magnete turmatim erumpat, interjectum aërem magnâ vi expellat, quo extruso ferrum in Magnetem ruit; cuius fortè motum non mediocriter promouet contorta illa substantia, quæ postquam pervasit ferrum, in Magnetem reflectitur, & vnà secum ferrum defert. Iam vel ipsi iudicent Peripatetici vtrum hæc naturæ miracula faciliùs per occultas qualitates, quàm per verum, & realem impulsum, explicari queant. Hic quàm volent jocentur, plus apud me vera ratio valebit, quàm vulgi opinio: ac mihi certum est è Magnete quiddam corporeum egredi: nam ferrum movet, impellit, trahit, densitatis, & raritatis est capax. Notum quippe est Magnetem chalybe armatum multo maiorem ferri molem ad se rapere, quòd radii confertiores, & densiores per chalybem erumpant. Tamen si dissimulare non possum Magnetem chalybe instructum, non vtiq; è longiore spatio ferrum attrahere, sed attracto tenaciùs adhærescere; quòd plures ferri partes armatus tangat, quàm nudus. Quòd autem vis illa magnetica quiddam sit corporeum, non simplex qualitas, hinc constat, quòd odoris instar; vel temporis progressu, vel nimio calore evanescat. Addit Gasfendus effluuium quoddam tenuissimum è Magnete, & ferro indefinenter emitti; adeò vt Magnes radios in orbem jaculetur: qui per axem ducuntur sunt directiores, & fortiores, reliqui sunt quasi refracti, & incurvati, hi reciprocis radiis à ferro exeuntibus implicati, ferrum ipsum stringunt, & attrahunt. Hæc sanè mihi non probantur, neque villo prorsus modo in-

telligo, & quod inter nos liceat, ne tu quidem, mi Simplici, Gassendo juratus intelligis. Non deest vobis copia rationum, quibus doceatis ferrum, & Magnetem vim illam ad polos mundi directricem à terra desumere: Magnetis fibras juxta telluris venas duci, atque à Septentrione in Austrum porrigi: hæc enim concedimus, & libenter quidem. Adde Magnetis declinationem in diversis locis variam existere, propter terræ fibras non vno modo dispositas: quemadmodum si virgæ ferreæ acum versoriam superinduxeris, juxta subditi ferri declinationem illâ quoque à polis deviabit. Conveniat etiam inter nos necesse est, ferrum à terrâ, vel Magnete hanc virtutem non mutuari, citra aliquam minutissimarum partium immutationem: hinc ferrum quam vim vno ductu contrahit, eandem ductu contrario amittit; quod ne concipi quidem potest, nisi ferri particulæ situm mutant. Sed illud fateor me nullâ mentis contentione assequi posse, è Magnete, aut ferro effluvium quoddam jugiter dimanare, citra vllum, vel minimum ponderis, aut molis dispendium. Profectò cum Magnes vim suam ferro communicat, ferrum nihilo sit gravius, nihil ipsi extrinsecum accedit: nam licet acus versoria cuspidem alteram inclinet, eam tamen in exquisitissimâ libellâ, cujus lancem quater millesima pars vnius grani deprimebat, nihilo graviorem factam esse, Gassendus ipse expertus est. Vnde ergo affricu Magnetis vim illam acus contraxit, si nihil novi accessit? Mutata, inquam, sunt ferri corpuscula striatæ materiæ affluxu; obstantes fibrillæ depressæ viam subtili illi substantiæ aperuerunt; non aliter ac ventus Boreas segetes in Austrum, Auster in Boream inflectit: sic illa substantia minutissimas ferri fibras in contrariam partem intorquet. Hæc illustranda forent exemplis, nisi aliò festinaret intentio. Nec tamen mihi possum temperare, quin majoris lucis gratiâ in hac chartâ scobem ferream in longum, atque in eandem ferè rectam lineam disponam, cui Magnetis polum Borealem obverto. Viden' vt ductu Magnetis illæ aciculæ tamquam vento perflatæ in Austrum inflectantur. Iam converso altero Magnetis polo, corpuscula erecta in Boream incurvantur. An putas ferri particulas affricu Magnetis aliter componi, cum ab illâ substantiâ, quæ è telluris globo jugiter

ebullit, attolluntur, vel deprimuntur? sed hæc alio jam loco plenius tractata sunt.

SIMP. Agis tu quidem Philosophorum, non Mathematicorum more: nam, vt rectè M. Tullius, Philosophi quaecumque rem habent in manibus, in eam quæ conveniunt congerunt omnia: & si alio loco disputata sunt: Geometra verò quæ antè docuerunt, id sumunt pro concessio, & probato: illud modò explicant, de quo nihil antè dictum est. Sed Philosophiæ Cartesianæ studio longiùs te prosectum scio; priùsque te quis de omni vitæ statu, quàm de istâ sententiâ dejecerit. Neque id nunc aggredior, vt tam leves, ne dicam ineptas opiniones (bona venia me audies) refellam: id enim jam aliàs sæpe præstitimus. Quis enim ferat striatam materiem ab Australi polo egressam circa totum orbem circumduci, vt ingressum per oppositum polum offendat? Cur tantos cursus circumflectit, cùm omnis cochlea eandem possit remetiri viam, quàm decurrit: nec video cur non possit remeare, per eundem polum vnde est egressa. Mirum si totus aër his effluviis scateat, quæ si fortè in Magnetem incurrunt, jam cœptum iter non pergunt, sed circa amicam corpus gyros, & quasi choreas agunt. Verùm aliò pergamus, ac si placet infinitas illas concertationumque plenas disputationes relinquamus; & lapidum historiam, quanto poteris compendio prosequere.

MEN. Ne vobis tædio sim futurus, summa dumtaxat rerum capita decurram. Ac primùm de variis Magnetis speciebus, quæ coloribus magis, quàm naturâ inter se dissident, mitto dicere. Vidimus non ita pridem pseudomagnetem apud doctissimum virum, cuius venæ erant interruptæ, & nonnihil inflexæ, nec totum lapidem permeabant. Hinc scobs chalybea circa illum temere effusa, venarum ductus imitata, dimidios dumtaxat orbis, seu vortices delineabat. Taceo quoque de Theamede veterum, qui ferrum fugaret. Albertus se vidisse Magnetem qui vnâ sui parte ferrum alliceret, alterâ repelleret, vt magnum quiddam commemorat; cùm id tamen omnibus commune sit: necdum enim veteribus comperti erant oppositi Magnetis poli. Multa quoque commenti sunt omnino fictitia, vix digna lucubratione anicularum: Magnetem alio perun-

Etum virtutem suam deperdere; eandem ab Adamante ligari, & vt ita dicam, fascinari; Magnetem aliquem inveniri, qui aurum, alium qui argentum, alium denique qui carnem attrahat. Sed ista opinionum commenta deleuit dies; nec ferè quicquam invenitur, qui istis fabulis fidem adhibeat. Novimus quemdam lapidem album nigris lineis distinctum reperiri, qui cum sit mollis, & rarus facilè labiis suspenditur, & linguæ tenaciter adhærescit: nam humor quo lingua perfunditur, lapidem diluit; vt vicissim partes lapidis molliores subeunt linguæ poros. Hinc Itali istum lapidem Magnetis albi nomine insigniunt, cui certè eæ vires prorsus mirabiles, quas se expertum esse testatur Cardanus, non conveniunt. Narrat ille se hunc lapidem à quodam Empirico allatum vidisse, cui acus illita carnem citra vllum dolorem non penetrabat modò, sed etiam extracta nullum vulneris vestigium relinquebat, quod præstigiis, & magicis artibus ipse Cardanus refert. Infinita quidem jocularia, & ludicra, quæ Magnetis ope exhiberi possunt, libens prætereo. Vidi qui se aquam instar maris perpetuò agitatam exhibiturum promitteret. Scobem chalybeam aquâ forti exsolutam phialæ vitreæ imponebat, atque optimo Magnete phialam occludebat, illius collo vesicæ porcinae, ne aër subiret involuto; futurum aiebat, vt aqua fortis ferro prægnans à Magnete invitata ascenderet, mox proprio relapsa pondere, iterum assurgeret, & ita in perpetuo versaretur motu. Nihil de vfu Magnetis medico subijciam. Contritum pulverem aquæ calidæ infusum crassos humores evacuare, & hydropes curare; sanguinem sistere, atque eadem ferè, quæ Hæmatitem præstare aiunt; exsiccat enim, adstringit, consolidat.

Hæmatites. Hæmatites quidem id nomen accepit, vel quòd succum sanguineum reddat ad cotem; vel quòd erumpentem sanguinem inhibeat. Hinc Trallianus magnis hunc lapidem effert laudibus, atque illius pulveris ad cotem contriti vnum, vel alterum scrupulum vino infusum præscribit iis, qui sanguinem exspuunt, & vlceratos habent pulmones: exsiccat enim, & agglutinat. In ferri fodinis, vel terris subrubris passim occurrit, isque aliquando vi ferri attractrice, licet obscurâ donatur. Multas illius species recenset Plinius, nunc ferè incognitas. Lapis

cui minium nativum succrescit , secundam speciem videtur
 obtinere; Androdamas à Plinio vocitatur : niger est , & prædu-
 rus , ferrum , & alia metalla ad serapere perhibetur , quòd mul-
 to abundet mercurio : magnam enim inter hydrargyrum , &
 metalla esse cognationem ignorat nemo. Quinta sanguinei la-
 pidis species Schistos , vel lapis scissilis , quòd facillè scindatur ,
 ab eodem auctore nominatur : instar salis ammoniaci concre-
 scit , croceus invenitur , atque vt lapis specularis pellucet : su-
 perficiem habet aliquando tersam , & ceu ferrum politum mi-
 cat ; interim scaber est exteriùs , intus micat , vt Cinnabaris.
 Hæmatites , & Schistus combusti colorem minii referunt , v-
 triusque eadem sunt vires ; luxuriantem carnem reprimunt , &
 vulneribus medentur. Quo nigrior , & splendidior est lapis scis-
 silis , eo quoque durior censetur. Nodus Misenus nihil est
 quàm Schistos adeò prædurus , vt incudi impositus , vix malleo
 cedat. Illo vtuntur aurifices , vbi argentum inaurant , vel folia ,
 quæ gemmis solent substernere , expoliunt. Eiusdem ferè ge-
 neris est Smyris quo nihil ferè durius : hinc gemmis poliendis ,
 & armis detergendis permagni est vsus. In minutissimum con-
 tusus pulverem , oleo vel aquâ aspergitur , quo duriores gem-
 mas paulatim deterat , vel æruginem abstergat : hinc etiam den-
 tibus detergendis adhibetur. Omnes isti lapides nigro , vel cro-
 ceo colore tinguntur , & multum de naturâ ferri referunt ; in sa-
 xis , vel terris subrubris inveniuntur. Quemadmodum Gala-
 ctites , Morochthus , & Melitites. Talcus , & lapis specularis ex
 albis rupibus , & calceis eruuntur. Hæmatites , Schistos , & Smy-
 ris , cotis affricu succum croceum , vel sanguineum reddunt ;
 ex Morochtho & Galactite succus lacteus , & Melitite melleus
 exprimitur. Galactites vtplurimum cinerei est coloris ; Melitites
 flavescit ; Morochthus est subviridis , & ferè instar gemmæ ni-
 tet. Nec fortè quicquam à Margâ induratâ tres istæ lapidum
 species differunt. Cicatrices obducunt , corporis spiracula ob-
 struunt : hinc sunt utiles iis , qui exspuunt sanguinem , distilla-
 tiones oculorum arcent. Nec multum ab iis discrepat Steati-
 tes ; mollis enim est , & sebaceus , colore tamen subruber ,
 quamvis lineas candidas in ligno ducat.

*Schistos.**Smyris.**Morochthus**Galactites.**Melitites.*

Talcus lapidis scissilis multum est affinis , nisi quòd ex la- *Talcus.*

mellis flexilibus, & argenteis constat: neque igne, neque senio consumitur; iisdem ferè vsibus, quibus lapis Amiantus, seu Abestos, potest inservire: nam ex utroque perpetua conficiuntur ellychnia, quæ ignis ardores impunè sustinent.

Amiantus.

Amiantus quidem alumini scissili, vel plumbofo non dissimilis, instar ligni fibrosus, & mollis colore candido, aut subviridi, magno quondam in pretio fuit, quòd ex eo confuso, atque intenuissimas fibras diducto quoddam telæ genus ignis patiens texeretur. Hinc linum vivum, vel asbestinum, quasi igni inconsumptibile dictum est. Refert Plinius visas esse mappas ex eo in focus conviviorum ardentes, sordibus exustis splendere magis igni, quàm possent aquis, Regum inde funebres tunicas, quibus combusta cadavera à reliquo cinere separentur: rarum inuentu, difficile textu propter brevitatem: cùm inventum est æquare pretia margaritarum. Vbi contunditur, quemdam præbet florem adedò acrem, & penetrantem, ut suis aculeis instar vrticæ compungat, & incredibili pruritu discruciet.

Lapis specularis.

Lapis specularis Talco non dissimilis, ex tenuissimis foliis compingitur: atque instar vitri pellucet; hinc suum deduxit nomen. Hic forsitan est veterum Selenites, sic dictus quòd noctu inueniatur plenus, Lunâ crescente. Selenites, ut placet Plinio, ex candido translucet, melleo fulgore imaginem Lunæ continens, redditque eam in dies singulos, crescentis, minuentisque numero. Gemma tamen Selenites, cujus macula nigra juxta Lunæ ætatem ampliantur, qualem habuisse Leo X. fertur, longè diversa est à lapide speculari passim obvio. Tamen si valde dubiæ fidei sunt quæ de Selenite referunt, vel Helite, cujus aurea macula solis motum subsequitur, qualem fuisse penes Clementem VII. perhibent. Fieri tamen potest ut tenuis halitus ad Solis, vel Lunæ motum instar humoris, qui conchyliis, vel ostreis inest, crescat paritèrque decrescat. Garcias ab Horto nobilis quondam apud Indos Medicus, memoriæ prodidit Margaritas post plenilunium captas cum tempore minui, & decrescere; quæ verò ante plenilunium capiuntur, huic vitio haudquaquam esse obnoxias: hinc colligit Cæsalpinus Selenitem veterum à Margaritis non differre. Sed fallitur:

fallitur; nunquam enim veteres Philosophi vniones hoc nomine signarunt: ac de iis satis dictum sit: deinceps, vt erat propositum, de lapidibus quibus certa est, & constans figura dicemus: atque ab Osteocollâ placet initium sumere.

Hic lapis diversis insignitur nominibus, & variæ illius sunt differentiæ. Prima, & præcipua illius species, os fractum, & combustum, figurâ, & colore refert; atque vbi comburitur, gravem urinæ odorem spirat; adeò vt nihil esse videatur præter os in lapidem conversum. Prope Hildebergam, atque in aliis Germaniæ locis quidam lapis arenosus, & fragilis invenitur, nodosus, & trunco arboris non absumilis: ita vt prope modum iis fidem habeam, qui eum esse quoddam plantæ genus existimant: nam in terrâ mollior est, è terra erutus indurescit. In Marchionatu Brandeburgensi hanc plantam verno tempore foliis angustis, & subnigris paululum assurgere, ex viro nobili refert Anshelmus. Nonnihil medullæ medium illius lapidis occupat, quâ luxatis ossibus conglutinandis nihil est utilius. Ad eundem usum adhibetur alius lapis figurâ non dissimilis, sed substantiâ solidiore: ex vtrovis lapide detriti pulveris mero infusi vnâ, aut alteram drachmam præscribunt. Interim tamen os fractum restituitur, ligatur, & cætera quæ parari adsolent, non prætermittuntur. Easdem ferè vires tribuunt lapidi distillato, qui & Stalactites, vel Osteocolla vocitatur: nam & ossa consolidat. In terræ canalibus, vel thermarum fistulis concrefcit in pyramides duras, graves, candidas, intus micantes. Cornu Fossile, vel Ceratites non admodum abhorret ab Osteocolla: ex Margâ, quam nihil esse, præter terræ medullam suprâ diximus, succo lapidifico induratâ plerumque oritur. Nonnumquam arborum rami hoc lacteo, & pingui humore incrustantur: ita vt infinita propè sit istorum lapidum varietas, diversæ adeò vires, & facultates. Qui pingues sunt, viscosi, & molles, cæteris præponuntur; exsiccant, & adstringunt; alvi profluviis, & sanguinis eruptioni medentur. Verùm quibus gratus odor inest, ii tamquam optima alexipharmaca commendantur; pestilentes febres, & venenatos morbos profligant; vnus drachmæ pondere, vino, vel idoneo infusi vehiculo, copiosum excitant sudorem, quo

De lapidibus quibus certa figura addicuntur.

Osteocolla:

Cornu fossile.

Cornu Ammonis.

Glossopetra.

Lapis Ceraunius.

Belemnites.

Lapis Iudæus.

Trochites.

si quid veneni intus latet, foras protruditur. Nihil addam de Cornu Ammonis quod Arietis cornu exhibet, & succo imbutum aluminoso aureum præ se fert colorem: nihil de illo lapide, qui prope Compostellam invenitur, & cornu bovinum refert, in rotulas dissectus nigram exhibet crucem: hamoragix vtilem ferunt: nihil de Glossopetrâ, quæ serpentis linguam non pessimè exprimit. Huic lapis Ceraunius similis est, in cuius medio multa foraminula deprehenduntur: nec probabile est eum è nubibus in terram præcipitem dejici: crediderim magis nihil esse præter cuneos, secures, malleos, vel alia ejusdem generis instrumenta in lapides conversa: nam persæpe cunei, vel securis formam lapis Ceraunius exprimit. In eodem censu reponendos puto Ombriam, & Brontiam: isti quidem non oblongam, sed hemisphæricam nacti sunt figuram; neque aliud esse putem, quàm testudines recens exclusas, & spiritu Gorgoneo in lapides commutatas. Multa concurrunt, quæ huic opinioni faveant. Sunt enim testudinibus concolores; quibusdam tessellis pulchrè distinguuntur; figura planè convenit. Ceraunii lapidis figuram ferè assequitur Belemnites, ita dictus, quòd sagittæ cuspidem referat. Cùm digitum magnitudine æquat, tum Dactylus Idæus dicitur, quòd in Idâ monte frequens occurrat. Nonnumquam terram, lapillum, vel arenulam in media sui parte gerit mobilem. Ferè adducor ut credam hos lapides nihil esse, quàm sagittarum cuspides, quæ spiritu, vel succo lapidifico transmutatæ fuerunt. Cùm aliquantulum instar succini falerni pellucet, ac paleam subinde attrahit, tum Lyncurium vocitatur. Est quædam in iis omnibus scissura satis conspicua, quæ efficit ut percussi facilè in longum findantur. Quòd si eos igni admoveris, cornu vel ossis adusti ingratum odorem exhalabunt. Plerique Medici eos calculo comminuendo adhibent: quæ quidem facultas illis cum multis lapidibus, & maximè cum Iudæico communis est, qui olivæ nucleum formâ suâ exprimit. Variæ lineæ æquis inter se spatiis distitæ huic lapidi insculptæ videntur. Plerumque fragilis est, & mollis; intus politior, instar marmoris nitet. Huic finitimus Trochites, sic dictus quòd rotæ, vel tympani figuram imitetur: fractus splendescit; variis quoque distinguitur

lineis, non in longum, vt in lapide Iudaico porrectis, sed à medio ad circumferentiam ductis. Cùm multi vnà coniunguntur, tum lapidem efficiunt nomine Entrochum, in cuius structurâ illud est mirabile, quòd inferioris Trochi radii prominentes, superioris sulcos ita concinnè subeant, vt industriâ humanâ aptati, & dispositi videantur.

Entrochus.

Innumerabiles sunt lapidum species, quibus vel propria figura, vel color, vel denique vsus nomen dedit. Quòd si omnes velimus persequi, immodici erimus, & frustra laborabimus. Neque enim magni refert nosse minutos lapides, nisi sint, vel formâ illustres, vel vsu spectabiles. Quamobrem libens præteribo Ostracitem, ostreis similem; Strombitem instar limacis aquatilis turbinatum; Conchytem, instar conchæ intortum, & sulcis excavatum; Chrysitem quoque vocant, quòd aureo colore fulgeat: vti Ammochryson, ex quo pulvis aureus scriptoribus utilis colligitur, lapis est arenaceus, qui facillè comminuitur: Ammonites ex arenæ granis tamquam ex piscium ovis compingitur: Hephestites rubro colore rutilat, atque instar speculi concavi reddit imagines. Neque expectatis vt de silicibus, & coribus quibus ferrum exacuitur fusiùs disseram: ista quippe vobis sunt multo notissima.

Plerique silices igne funduntur, iique nonnihil solent pellu- *Silices.*
cere, ex quibus vitra conficiuntur. Alii nec liquefcunt, nec calcinantur, ex quibus typus æri fundendo fabricant; sed non nisi magno labore parari possunt: arenâ, vel Smyridis pulvere paulatim eos excavari necesse est. Qui liquefcunt silices fortè multum vitri, aut metalli continent: quemadmodum pyrites, vel marcasitæ, de quibus nunc non est dicendi locus. Curui sunt vtp plurimum silices, squamis obducti, & venulis distincti: nec cædi possunt, nec sunt construendis ædibus idonei. Succus lapidescens paulatim accedens, & priori moli circumfusus silicem curvum, squamosum, & venis distinctum efficit: cùmque angustissimos habeat meatus, nec calcis admittit corpuscula, nec ferram patitur, sed percussus crustatim dissilit.

Cotes verò particulis mordacibus, & angularibus constant, *Cotes.*
quibus ferrum arrodunt, & gladiatorum aciem exacunt: aquâ; vel oleo perfunduntur, quo superficies earum complanata fer-

rum minus exedat. Multæ arbores in Germaniâ inveniuntur in cotes mutata, quibus acuiuntur novacula: sed de his jam nimis. Transeo ad marmora, & saxa, quorum infinitæ sunt species.

Marmor.

Marmora, si est simpliciter, breviterque dicendum coloribus magis quàm naturâ differunt. Marmor candidum, & fulgens Parium vocitant: Ophites instar pellis colubrinæ variis maculis inspergitur; huic affinia sunt marmor Augustanum, quod undulatum, & Tiberium, cujus venæ seu albi capilli dispersi jacent. An necesse est ut de cinereo marmore, flavo, viridi, quod aliquando nigras gerit cruces, rubro quod Porphyrites, ferrugineo denique, & præduro, quod Basaltes vocatur, idque oblongum, & instar columnarum erectum effodi solet, fusiùs disseram, & loca ex quibus eruuntur designem? Malim ego de origine, duritie, & gravitate marmoris diligentius perquirere, quàm longas historias Philosopho quidem indignas contexere. Marmor ex succo bene subacto, & percolato, variis tamen exhalationibus infecto originem suam, colorum varietatem, & splendorem ducere mihi videtur. Vbi succus paulo est impurior, eique molliores, vel duriores lapilli immiscuntur, tum vile, & fabricis inutile marmor eruitur, quod malleo percussum in frustula dissilit. Extractum marmor, ut cæteri ferè lapides, sensim indurefcit: ex particulis terrestribus, & multum implicatis constat: nec meatus habet nisi angustissimos; hinc illius durities, & gravitas. Parum humoris, terræ permultum obtinet; unde calcinatur quidem, non funditur: nam humor priùs avolat, quàm terrestres particulae adeò implicatae, & confertæ separari queant. Aquam non exfugit, quòd angustiores sint pori, quàm ut illos aquæ corpuscula subeant. Porphyrites minus habet gravitatis, quòd laxiores meatus obtineat: magna tamen est illius durities: nam partes illius sunt compactissimæ: hoc marmoris genus succi illabentes variis tingunt coloribus, ut in chartâ variegatâ omnibus notæ evenit: nam succus affusus, & per similes tractus discurrens, venarum quoque consimiles ductus efficit. Marmor candidum, ut Theophilus perscitè nos admonuit, minoribus constat sphaerulis: nigrum majoribus: hinc nigrum faciliùs perpolitur, at-

*De causis
marmoris.*

Porphyrites.

que vt lapis Lydius metalla probat. Heraclius enim, vel Lydius lapis inter marmor, & cotem ambigit; superficiem habet aliquantulum scabram; sed illa asperitas est penitus insensibilis: nam instar ferræ metalla quidem exedit, & suis rimulis eorum tenuissima corpuscula retinet. At si illi denticuli maiores forent, numquam possent auri vel argenti particulas arrodere, & divellere. Hinc poliendo, vel secando marmori magnâ duritie prædito, quale est Basaltes, minutissimâ arenulâ, vel pulvere Smyridis vtuntur opifices, ac ferram adhibent æream denticulis minimè incisam; aquâ identidem perfundunt arenulam, ne ferra incalescat.

Alabastrum ejusdem ferè cum marmore generis censetur, nisi quòd mollius sit, & fragilius, atque instar gypsi combustibile; marmori pondere non cedit, sed duritie: nihil forsitan est, quàm marmor nondum bene excoctum. *Alabastrites* propius accedit ad marmoris duritiem, neque instar Alabastris humorem exfugit. Alabastrum in pulverem contritum, atque vnus scrupuli pondere vnâ cum lacte haustum, magnum habetur dysenterii remedium: sed cautio est ne combustum, vel majori copiâ intus assumatur, alioquin instar gypsi oscula venarum occludet, & suffocabit. Alabastrum enim præsertim mollius, quòdque gladio facilè persecatur, non multum à gypso alienum est. Alabastrites in varias species diducitur: vbi vnguem humanum coloribus exprimit, Onychem vocant; solâ mollietie, & magnitudine à gemmâ ejusdem nominis discrepat: verum hæc incombustibilis est, Alabastrites non item. Hinc marmor Alabandicum, cui Alabanda Carix civitas nomen dedit, & ex quo vitra constantur, magis Alabastrites, quàm marmor censerì debet. Ex Alabastrite Thebaïco, vel Ægyptio aureis maculis insperfo Reges olim obeliscos Soli consecrabant: in Thermis Carolinis candore nitens plerumque concrefcit. Quòd si Alabastrites cum sale fossili torreatur, & comminuetur, gravem oris, vel dentium fætorem magnâ ex parte auferet, vt testatur Plinius. Multa de industriâ transcurrimus, neque enim omnia colligi in tantâ rerum varietate possunt.

Nunc de faxis, quæ & majori mole, & frequentiora passim occurrunt, perpauca dicemus. Saxum ferè omne marmore

mollius est, neque poliri potest, neque instar silicis liquari; cum ferro secatur, in frusta, vel in arenam comminuitur; vel in crustas, aut folia diducitur. Saxum ex arenis compactioribus, & asperis compactum ædificiis magis est idoneum, quàm illud quod ex subtili arenulâ, & malè coherente concrevit: hoc quidem faciliùs politur, sed in tenuem fatiscit pulverem.

Arena.

Arena porrò (ne id mihi excidat) vel ex terrâ effoditur, vel è fluviis, vel denique è maris litoribus colligitur. Fossilis est optima, nisi quodam pinguiori succo inficiatur, vel multâ terrâ inquinetur: vtrumque impedit ne arena calci adhærescat: bituminosus succus gustu facilè percipitur. Arena verò digitis perficta, si nullum stridorem edat, multâ abundat terrâ; maritimâ verò glarea plurima, seu lapillorum fragmenta immiscentur; salsedo quoque admista illam facit deteriorem. Fluviatilis præferenda, dummodo exsiccata, & subtilis existat: fossilis vt plurimum pinguior est.

Calx.

Iam saxa ex quibus calx efficitur, passim inveniuntur: saxum molle, & candidum habetur optimum, præsertim si pingue sit, & multo nitro prægnans. Calx è duris conflata lapidibus vilior censetur incrustandis, vel dealbandis parietibus. Tres arenæ fossilis partes, vel duæ tantùm fluviatilis arenæ cum vnâ parte calcis permiscendas esse statuit Vitruvius: quòd si contusæ testæ tertiam partem admiscueris; optimum cæmentum consequeris; & quo diutiùs arena cum calce commixta manet, antequam ad vsum adhibeatur, eo quoque tenacior futura est, & muri in longius ævum duraturi. Veteres ex calce, & adipe suillo Maltham incrustandis aquæductibus, & castellis; ne aquæ diffuerent, confecere; calcem priùs in vino extinctam adipe suillo, & ficuum succo temperabant. Metallurgi aliud Malthæ genus ex calce, sanguine bovino, & farinâ præparant sarcindis vasis, quibus funduntur metalla, perutile. Lithocollam alii aliter parant; gemmarii ex laterum pulvere; & pice; alii ex marmoris minutissimo pulvere, ovi albumine, & pice constant, atque hoc glutine committunt marmoris fragmenta. Cæterum varii sunt, & multiplices calcis in Medicinâ vsus, quos nunc persequi non vacat: sæpius extincta vim illam mordacem, & vrentem deponit, exsiccatricem retinet;

Maltha.

*Lithocol-
la.*

oleo & ceræ admista obducit cicatrices; aceto extincta, atque identidem eluta optimum est adustis membris remedium, maximè si oleo rosaceo temperetur. Calcistres vnciæ in sesquialibrâ aquæ pluvialis extinctæ triduo vnâ diluantur; vas subinde agita, & sine aquam per diem integrum in vase occluso quiescere; aquam linteo percolatam alio vase excipe; decem salis ammoniaci drachmas in eâ exsolve, filtra; summum obtinebis, si Anselmo Boëtio credimus, profundis, angustis, & cancris vlceribus, atque oculorum inflammationibus remedium, si tres guttulæ oculis instillentur. Eadem aquâ cum adhuc calet, vestium maculæ abstergi possunt.

Mitto de Topho, Ardesiâ, & aliis notissimis, vel saxis, vel lapidibus dicere. Tophus multis poris hiat, hinc illius levitas pumici similis: fors est vt ex succo lapidescente non concreverit: sed ex granulis quæ aqua præterfluens secum vehit: nam topi mineræ vix aquæ fluentis sunt expertes. Ardesiam nonnulli speciem cotis constituunt; adeò vt consistet partibus angulosis, quæ lumen ferè extinguunt: hinc illius nigredo; hinc facillè cretâ inficitur: nam asperam habet superficiem, quæ suis rimulis cretæ pulverem recondit. Crustatim educitur, quòd succus per varias superfusiones accesserit. Ardesiarum fodinæ multâ aquâ diluuntur, quæ quidem est nigerrima, & quasi atramento infecta, sed vbi aliquantulum refedit, limpidior fit, & salubrior: ramenta quippe Ardesiæ illam aquam atro colore tingunt: sed tandem subsidunt, & vnâ secum halitus, ac filamenta noxia præcipitant. Crustosi lapides, & cærulei, & virides, & cinerei inveniuntur; in nonnullis arborum rami, & folia, imò & integræ silvæ miro naturæ artificio depinguntur. In Comitatu Mansfeldensi quidam lapides nigri, & crustati occurrunt, quibus pisces flavi, & quasi cuprei ita concinnè insculpuntur, vt verisimile sit in eo loco stagnum olim extitisse, quo terris dilabentibus repleto, pisces aliquot exhalatione quâdam minerali obriguerint: hinc cuprum optimum ex his lapidibus confari testis est Agricola. Totus orbis his scatet miraculis. In Alsatiæ confiniis sunt campi fabis, pis, atque aliis leguminibus in lapides versis operiti; ita vt non succo lapidifico, sed spiritu quodam minerali ista induruisse crediderim. Quis igno-

Tophus.


Ardesiâ.

rat plerisque in regionibus aquam puram in lapides concreſcere, ex quibus domos aliquando fabricant. Sed neque omnia exequi volumus, nec de mundi mirabilibus diſputationem inſtituimus.

Lapis Bononiensis.

Quamobrem nihil de lapide Bononiensi, qui in tenebris lucet, dicendum arbitror, præſertim cùm doctiſſimus Fortunius Licetus de hoc lapide librum integrum conſcripſerit. Neque mihi cuncta cogitanti aliud occurrit, quàm iſtius lapidis poros ita coarctari, vt primo elemento, ſeu ignitæ materiæ pateant, & cæleſtes globulos excludant; cùmque ſubtiliſſima illa materia ſatis habeat virium, vt ſecundi elementi ſubſtantiam circumfuſam impellat (in quâ quidem actione lumen conſiſtere mihi perſuaſum eſt) non autem ſatis eſt valida, quæ terreſtres particulas moveat, & ſeparet: hinc ille ignis in Bononiensi lapide incenſus lucet quidem, ſed non vrit; vti accidit in lignis putridis, vel piſcibus ſale conditis, cùm exſiccari incipiunt. Placet aliis ſulfureum, & tenuiſſimum iſtius lapidis halitum luce diurnâ accendi, & non niſi poſt aliquot horas extingui. Qui lumen ſubſtantiam fingunt, eam à lapide captivam ſervari putant. Iſta quidem fuſius diſſererem, niſi apud quos hæc haberetur oratio cernerem; ac ſubinde vereor ne vobis tædio fuerim; neque enim in his admixcere potui aliquid nitoris: nec ingenium jaſtare volui, (nam in id eligi materia vberior poterat) ſed propè nudam lapidum hiftoriam tradere inſtitui.





CAPVT OCTAVVM.

De gemmis.

I. De naturâ, origine, ac divisione gemmarum, & quomodo ab adulterinis genuina discernantur. II. De Crystallo, Adamante, & aliis pellucidis gemmis. III. De opacioribus & aliis minoris note differitur, ubi de viribus gemmarum, aut veris, aut fictis.

S I M P L I C I V S.



Qui potuit nobis ædium obrepere in tantâ rerum varietate? non ii sumus, qui inanum verborum flumine oblectemur, aut limatam quamdam sermonis tenuitatem affectemus: satis politè eloquitur, qui rectè sentit, & id quod sentit dilucidè explicat; maximè si cogitationes suas disponere, & illustrare possit; aded vt neque orationis siccitas animos audientium avertat, nec magis verborum, quàm rerum splendorem confectari videatur. Ego autem etsi vereor laudare præsentem, existimo tamen te non confusè, sed acutè, & subtiliter omnium ferè lapidum naturas descripsisse; ita vt nec materia latissimè fusa brevius adstringi potuerit, neque accuratius pertractari. Cùm igitur de lapidibus tam multa, tam præclare dixeris, vicissim si placet, Theophilum de gemmis disserentem audiamus: sunt enim illi tam notæ, vt nulli notiores.

TH. Ineptiam si jubes; tamen si eos qui hoc studio tenentur, soleo ad aurifices, & gemmarios mittere, ut ista ab ipsis hauriant fontibus. Enimvero ut ad rem ipsam aggrediar, gemmam vocamus corpus mole parvum, substantiâ durum, quod vel tralucescat, vel illustri aliquo colore niteat. Gradus autem gemmarum plures sunt, & species penè innumerabiles: sed ut ab illâ discedatur infinitate, gemmas omnes in tria genera partiri licet; quædam nullo colore infectæ omnino pellucunt, ut Adamas, & Crystallus; has excipiunt aliæ itidem tralucens, atque

Quid sit
gemma.

Varia gen-
marum ge-
nera.

Ec

vno dumtaxat colore insignes , vt Carbunculus. Tertio tandem loco lapides variis distincti coloribus collocantur , siue hi pelluceant , siue nihil aliud quàm reluceant. Neque hîc necesse est vt de gemmarum materiâ , origine , & effectrice causâ longiorem disputationem attexam : hunc enim locum superiùs jam satis expressimus. Vbiq̃ue gentium inveniuntur , ex Oriente tamen , & frequentiores , & longè pulciores adferuntur. Nonnumquam in excelsorum montium jugis occurrunt ; aliquando ex arenis , & fluviis ; sapissime ex metallorum fodinis eruuntur ; adeò vt Philosophi non ignobiles vnam esse gemmarum , & metallorum originem non absurdè existiment. Quòd si aq̃uis metallicis tantum licet , vt plantas & animantes cogant in lapides ; quis negare audeat magnam gemmarum partem ex iisdem aq̃uis proficisci ? Quare terra humida , & mollis aq̃uis mineralibus scatens pretiosos lapides procreat , non sterile , & arenosum solum , quod nullo cohaeret glutine. Vnde , quæso te , gemmarum color , nisi ex metallicâ exhalatione , vel iisdem aq̃uis spiritu lapidifico fœtis ? Qui gemmas adulterant , ii metallis vt plurimum abutuntur : hinc spurix , & adulteratæ gemmæ , sinceris , ac genuinis aliquantum sunt grauiores , nec limam sustinent , neque illum gemmis insitum splendorem vibrant. Sæpe impostores duos lapides mastiche committunt , vt mole ampliores , & maioris adeò pretii habeantur. Interjecto quoque vitro aptis imbuto coloribus splendorem augent ; vel demùm gemmas perforant , & colore illustri vacuum complent spatium , aut certis aq̃uis suis coloribus infectis gemmas emolliunt , quò mutuatitius color altius penetret , tum ignis beneficio pristinam duritiem restituunt. Ioannes Bap. de Portâ , Alexius Pedemontanus , atque alii arcanorum scriptores hanc pessimam gemmarum adulterandarum artem tradidere , quam certè in vulgus dispalescere non oportuit. Sunt qui duo vitra ex silicibus , & plumbo conflata , atque idoneis coloribus infecta conglutinent : hæc porrò seligunt vitra ; nam quæ ex cineribus conficiuntur , facîle pelliculam contrahunt , quæ elui non potest , atque eam ex salis acrimoniâ proficisci non abhorret à verosimili : si quid pinguedinis lapidibus pretiosis adhærescat , non ægrè abstergitur ; non item in vitris gemmas

*De origine
gemmarum.*

*De gemmis
adulteratis,
& quomodo
discernan-
tur.*

mentientibus, in quibus etiam bullæ ignis violentiâ formantur, quæ fraudem ipsam produnt: nec tamen in omnibus hæc bullæ conspiciuntur. Quare longè tutissimum erit gemmam ex annulo eximere, vel pondus expendere, vel denique eam limæ subicere. Addit Agricola vitra tactu linguæ repidiora lapidibus percipi, & colorem spargere languidiorem. Verùm impostores norunt colores accendere; folia metallica gemmis factitiis, vt nativis substernunt; sed adulterinis vitrum inferunt splendido colore fulgens. Imò hæc arte speciem mirificè augent, vitro nimirum pellucido inter bracteolam metalli, & ipsum lapidem interposito. Inferior quoque lapidis portio, quæ annulo conditur, in varias superficies incisa, & complanata imaginem lapidis præbet longè ampliorem. Multa præterea ne fraudes docere videar. Omitto folia quæ gemmis subijciunt, ex metallis tenuissima parari oportere, quæ filo appensa formini idonei furnuli, colore hyacinthino tinguntur: vbi cæruleum, vel alium colorem placet inducere, plumas addunt concolores, quarum fumo foliola metallica apto colore imbuuntur: sic buxi folia viridem colorem; lanæ coccineæ flocci consimilem reddunt colorem. Gemmis omnibus hæc folia subijciunt, quò lumen regerant fortius, & colore splendidiore fulgeant. Verùm iis omiſſis, quæ ad artificum industriam pertinent, præcipuas gemmarum species, si minùs oculis, animo saltem perlustremus. ac primùm de iis quæ pellucidæ, & omnis coloris sunt expertes, dicendum arbitror; tum de iis quæ aliquo colore sunt illustriores agendum.

Exordium ab ipsâ Crystallo capiemus, vel quòd sit notissima, *Crystallus.* vel quòd à plerisque omnium ferè gemmarum communis materies, & quasi primum rudimentum habeatur. Siquidem vnà cum aliis pretiosis lapidibus occurrat, & solâ fortè mollitie ab iis qui tralucet, dissidet. Neque Plinii opinionì accesserim, quâ statuit crystallum nihil esse præter aquam gelu concretam; quòd alibi non reperiatur, quàm vbi hibernæ nives maximè rigent; adeò vt hinc nomen deduxerit suum. Verùm hæc sententia multiplici titulo falsi arguitur: nam aqua in crystallum abit numquam, neque vt glacies, & alia quæ frigore coaluerunt, calore solvitur; sed vt cæteri lapides calcinatur. Purissi-

ma quidem in rupium, & montium jugis reperitur; è fodinis quoque subterraneis frequens erui solet: hexagonam, vt sæpe diximus, figuram assequitur: interim lapidibus adeò tenaciter adhærescit, vt ægrè divelli queat. Frigida est & sicca, vt quæ maximè; in pulverem comminutam, atque vnà cum vino haustam dysenterias curare ferunt. Permagis est vsus: nam vitra, & pocula purissimà ex crystallo parantur. Veneti crystallum vitro, arenâ puriori, & sale alkali temperant, ex quibus vitra exquisita constantur. Taceo gemmas adulteratas è crystallo calcinatâ, cum tribus plumbi partibus permistâ, additis quibusdam mineralibus, quæ colores idoneos concilient, effingi. Quopurior & limpidâ aquæ similior est crystallus, hoc pluris ducitur: suis nævis, vt cæteri lapides prætiosi, non caret. Nam sæpe rubigo quædam lapides inficit, vel ferreus aut plumbeus color livorem inducit; aut candidior nebula, aut umbra opacior, aut denique fumus obscurior, gemmarum splendorem, & nativum extinguit colorem: crystallum umbræ, & nebula non rarè obscurant; aliquando inspersæ macula illius perspicuitatem quasi interpellant; maculam minutiori muscæ persimilem, salem dicunt; capillus est veluti quædam scissura, quæ radios regerit, ac perspicuitati obest. Omnis in gemma alienus color in vitio est; tametsi aureæ, & splendida quædam guttulæ in multis lapidibus laudantur. Præcipua crystalli dos erit perspicuitas, & nullo tingi colore. Iris est quædam crystalli species, sed paululum obscurior; hæc Solis radios sic inflectit, vt Iridis colores in pariete depingat: cum ad citrinum colorem accedit, tum pluris aestimatur, quamvis sit opacior.

Vitia gemmarum.

Adamas.

Crystallo Adamas, colore & figurâ affinis quidem est, sed duritie longè dissimilis; adeò vt nullo igne, vel ferro eum domari posse veteres crediderint, atque hinc nomen suum invenerit, nam Adamantem, quòd non sit domabilis Græci dixerunt. Quamquam id falsum est; siquidem & malleo conteritur, & ignis ardoribus tandem liquatur. Nec veriora sunt quæ de viribus Adamantis fabulantur, quòd venena prodat, ita vt præsentem veneno humescere, & quasi exsudare videatur; quòd insaniam curet, vanos depellat metus, Magnetis virtutem suspendat: ista enim neque cum experièntiâ conveniunt, neque

Nulla satis idoneâ ratione fulciuntur. Sive Platonis ideas, aut seminarias rationes; sive cum Hermete, atque imputâ magorum factione, stellarum influxus obtendamus: seu denique formas específicas, atque vt loquuntur totius substantiæ occultas vires causemur, nihil quàm ignorantiae nostræ patrociniâ prætexitur: at pudere debet Physicos à rebus valde dubiis, aut omnino commentitiis petere testimonium veritatis. Mirari subit, Alberto Magno Hermetis, & magorum sententiam non displicuisse: quis enim tam cæcus est in contemplandis rebus, qui stellis potius quàm succo percolato, vel minerali fumo gemmarum vires, & originem referat? Sed nescio quo contagio hæc vanitas à Chaldæis ad Philosophos permanuit, qui miras, & incredibiles vires gemmis, ac lapidibus tribuunt, magorum, vel Alchimistarum portentosis opinionibus delusi. Quid stultius, quàm sibi persuadere lapides amorem, vel odium conciliare; fortunatos efficere; calamitates prænuntiare, atque alia opinionum monstra, quæ otiosi homines fingunt, ac nimium creduli Philosophi amplectuntur. Iam necitra aliquam rationem desipere videantur, spiritum vniuersi latissimè fufum inducunt cum Platoniceis, vel certas stellas quibusdam gemmis addicunt, vt metallis planetas destinant. Quàm variè & multipliciter dispensant stellarum aspectus, cum alii sint benefici, alii infesti; alii opes, alii infortunia præfagiant; adeò vt mirum sit homines tantum habuisse abs rebus serijs otii, vt tam immania portenta parturierint, & inventos esse Philosophos, qui istis fabulis crediderint. Ne ipsum quidem Albertum excipio, virum alioquin doctissimum, & multæ lectionis; at nimia credulitas tanti hominis famæ nonnullam labem asperfit. Enimverò Albertum cum bonâ gratiâ dimittamus, atque ad certiora veniamus. Quæ sit Adamantis, & cæterorum lapidum natura, quod temperamentum, non satis liquet. Agricola ex succo congelato Adamantem coaluisse putat; ita vt crytallo & durior, & longè frigidior existat. Anselmus Boëtius igneum esse, & calidum definit; siquidem in locis fervidioribus, vt in Indiâ Orientali, & frequentior, & præstantior invenitur: quemadmodum crytalli in Germaniâ, Alpibus, atque aliis frigidioribus locis passim

*De viribus
gemmarum.*

occurrunt; in Indiâ vel rarò, vel numquam. Adamantes quidem in Bohemiâ fodinis, & aliis Germaniâ regionibus reperiuntur, sed nothi, & vix à cryſtallo diſcrepantes: nam qui hexaedricam figuram naſti ſunt, & molles, & cryſtallo ſimilimi exiſtunt: globofi quidem ſunt duriores, ſed tinſturam, vti Orientales non patiuntur. Hâc quidem notâ legitimi à ſpuris diſcerni ſolent. Tinſtura porrò illa ex maſtiche, & eboris combuſti pulvere temperatur, quâ quidem adhuc caleſcente Adamantis infima ſuperficies itidem calefacta illinitur, & bracteolæ metallicæ imponitur; efficitque hoc pigmenti nigrioris genus, vt Adamas radios fortiùs vibret, ac ſplendorem, vel vt loquuntur, ignes vividiores jaculetur. Reliquæ autem gemmæ, atque ipſi Adamantes nothi iſtam reſpuunt tinſturam, neque vt Adamas perſtringunt oculorum aciem, ſed ipſius pigmenti nigredo radios ſiſtit, vel extinguit, vel denique obſcuros, & languidiores regerit. Iam cur Adamas præ tinſturâ fiat vegetior, & acriùs ſcintillet, cæteræ gemmæ non item, aliis excutiendum relinquimus. An fortè Adamas cùm ſit compactior, radios magis refringit, & longiùs refleſcit, cùm inſtar ſpeculi opacitate quâdam obducitur? Hinc impoſtores panni ſerici, & nigrioris, vel ſpeculi fruſtulum inter metalli folium, & ſpurium Adamantem artiſticiòſè inferunt, quo radii fortiùs reſiliant, & ſplendor vegetior verum Adamantem mentiatur. Alii ex aliquot tritici granis oleum proliciunt, quo fuliginem, vel picem, vel eboris aduſti pulverem diluunt, idque factitiis gemmis eâ ſupponunt induſtriâ, vt inter eas, & maſtichem nonnihil aëris intercipiatur: ſic enim radii luminis antequam ipſius pigmenti opacitate extinguantur, reſiliunt, atque illuſtri fulgore vel peritis artiſtibus facilè imponunt. Sed cur maſtiche potiùs Adamanti, quàm cæteris gemmis adhæreſcit? Numquid propter naturæ cognitionem? An potiùs quòd ea ſit in Adamante linearum ſtructura, vt maſtiches filamenta rimulas, & vacua ſpatiola Adamantis occupent, & ita inter ſe optimè conueniant? Sunt qui alias minoris notæ gemmas, vt Amethyſtum, Sapphirum, Chryſoliticum laminulæ ferreæ impoſitas calce vivâ, vel chalybeâ ſcobe condant, & vivis carbonibus operiant, vt igne ſenſim aucto nativis coloribus exuantur, at-

que Adamantis speciem præ se ferant : nam si durities lapidi adfit, & perspicuitas, vix quicquam ab Adamante differt. Nihil addam de hujus gemmæ viribus: nam pleræque mihi suspensæ sunt, vel superstitionis, & vanitatis plenissimæ. Quis enim mihi persuadeat Adamantem furore, & insaniâ liberare, victoriam largiri, adulteria prodere, maximè si quidam characteres, vel figuræ insculpantur? Et ista quidem docent qui sibi Philosophorum nomen inscribunt; nescio quomodo illi superstitioni Philosophi quidvis malle videntur, quàm se non ineptos. At inquit, magna est vis siderum, multa sunt nobis incognita, quæ non continuò sunt falsa, quamquam fugiant intelligentiæ nostræ aciem: quotus quisque stupendas magnetis vires mente assequitur? His sanè non repugno, ac totam ferè naturam tenebris esse involutam libenter concessero: sed quid stellis cum figuris lapidibus impressis? an fortè excitantur, & quasi admonentur Martis, vel Herculis figurâ, vt influentias victrices effundant? at multa eventus ipse comprobavit, multa docuit longinqui temporis observatio. An tu putas vllam anum tam deliram fuisse, vt iis crederet, nisi casu nonnumquam, & temerè ista concurrerent, & forte quâdam contingerent? Verùm abeamus à nugis: placet alias gemmas crystallo affines cursim perstringere.

Nulla æquè oculis blanditur, atque Opalus, nam omnes Iridis colores tantâ varietate exprimit, vt nulla ars imitari hanc naturæ solertiam possit. Crystallus diversis quidem imbui potest coloribus, sed constantes erunt, & dispersi, nec ex eodem puncto varii colores emergent, quemadmodum in Opalo contingit: nam vt Soli diversimodè obvertitur, dissimiles quidem, sed mirum in modum temperati colores exsurgunt. Cùm tralucet, atque omnes Iridis colores exhibet, vel si sit nigrior, atque instar carbunculi rutilet, magno venditur: non tanti æstimatur, cùm opacior est, & languidior, vel lacteo nitet candore. Nonnumquam pellucet, & Solis quasi vagam, atque errantem reddit imaginem: hinc Astroites à Plinio vocitatur; Itali Girasole nominant, atque in varias diducitur species: modò cæruleum colorem, modò niveum candorem præfert: varias stellulas multâ luce radiantes aliquando com-

Opalus:

Astroites.

Asterites.

plectitur : interim diversis coloribus variegatur , tūmq̃ Astroitem , vel Solis oculum appellant : Opalum duritie superat , sed vincitur colorum gratiâ , & admirabili quâdam varietate. Nec me fugit aliud esse lapidis genus , quod Asterites vulgò dicitur ; lapis est opacus , coloris cinerei , in quo plures stellæ nigriores depinguntur : interim rosas , vel fluctus glomeratos ostendit. Mirari solent hunc lapidem aceto immersum sponte suâ huc atque illuc impelli ; sive illius spiritus aceti acrimoniâ incitentur ; sive humor linearum ductus excavatos subeat , atque aër , dum exitum quærit , lapidem exagitet. Adversus pestem , & venenatos morbos plurimum valere existimant : quatuor grana contrita idoneæ aquæ infusa præcipiunt : vermes quoque enecare , sanguinem expurgare perhibetur : adeò vt inter pretiosos lapides , si minus specie , certè utilitate maximâ locum sibi vindicet. Anselmus meminit alterius cuiusdam lapidis , qui in Comitatu Tirolensi invenitur , cuique stellaris lapidis , vel Astroitis nomen longè potiori jure quàm cæteris convenit : nam ex variis lapillis aptissimè inter se connexis , quasi lamellatim compingitur : atque in singulis stellulæ adeò concinnè insculpuntur , vt sigillo impressas fuisse dejerares. Forma cujusque lapilli est variis angulis incisa , quibus totidem respondent stellarum radii , qui ad angulorum apices producuntur. Sed redeo ad gemmas.

Smaragdus.

Nulla oculis æquè arridet coloris suavitate , ac Smaragdus , cujus gratissimus viror visum mirificè recreat. Orientales Smaragdi majori in pretio habentur , quòd sint duriores , magis eraluceant , circumfusum aëra suâ viriditate tingant : hinc majores videntur : nam fulgor quem circa se spargunt , auget eorum imaginem. Occidentales mole quidem sunt majores , sed dilutiori colore visum non implent , nec radios vibrant ; sæpe persæpe inficiuntur , aut nubeculis obscurantur ; substantiæ quoque sunt mollioris. Magnæ vires adversus venena , pestem , & alvi profluvia huic gemmæ tribuuntur. Vulgaris dosi est sex granorum pulveris optimè confusi. Nec desunt qui Smaragdum infantium collo suspendant , quò morbum comitalem vel arceat , vel expugnet : quòd si major sit morbi vis , quàm vt profligari possit , Smaragdum disrumpi aiunt , quasi victus super-

superstes esse nolit. Multa addunt Phisosophi isti penè phanatici, quibus auctoritatem quidem nullam debemus, nec fidem adjungere. Quid enim est, quod minùs probari possit, quàm Smaragdum illegitimos veneris actus non pati, sed statim confringi? ingenium sanè lapidis mirabile, & castitas omninò incredibilis. Quinetiam dæmones fugat, terrores panicos discutit, memoriam firmat. A Magis quidem ista licentia, quæ potius à cenfore coërceri, quàm à Philosophis refelli debet. Illud quidem minùs absurdum, Smaragdum hæmorrhagiam curare, si ori; dysenterias, si ventri admoveatur; parturientis femori alligatum, promoveri; si ventri applicetur, partum retinere. Ego verò vt illis non accedo, qui negant gemmas detractâ venustate quicquam habere vtilitatis; ita neque earum vires tantas esse putem, quantas plerique Philosophi jactitant: vix in animum induco meum solo lapidum contactu, non modò sanguinem sisti, sed etiam gravissimos curari morbos. Plerumque altius morborum causæ infixæ latent, quàm vt tam futilibus remediis cedant: neque ejusmodi medicamina plurimum valent adversus morbos contumaces; multa gemmarii ipsi mentiuntur, quò gemmas magno vendant.

Prasium.

Sic Prasium, cujus viror dilutior est, quàm Smaragdi, atque hujus matrix sæpe existit, coram veneno decolorari tradunt; adeò vt pristinus color non nisi abluto restituatur. Sic Beryllum, quem Itali aquam marinam vocant, quòd viriditatem maris æmuletur (nam illius viror cæruleo temperatur) nos ab insidiis inimicorum tutos reddere falsò prædicant. Illius pulverem vlceribus oculorum mederi non inficior, sed quâ virtute insidias avertat, non assequor.

Beryllus.

Malachites itidem viridis, & venulis candidioribus vtpurimum distinctus, in pulverem contusus erumpentem è vulnere sanguinem inhibeat, vino calido admistus venenata curet vlcera, spasmus liberet, ventriculum malè affectum solo contactu juvet, nihil pugno: at nego eum lapidem à fulmine nos tueri. Nescio an contra fascinum aliquid possit; ista enim Theologi ipsi viderint; nos vltra naturæ limites non excurrimus. Sed neque ita sum rerum imperitus, qui negem quicquam gemmas nisi per manifestas qualitates operari.

Malachites.

Lapis Nephriticus.

Nephriticus lapis colore itidem viridi, ac vitriolum referens, brachio gestatus arenulas, & minutiores calculos non manifestâ, sed occultâ qualitate protrudit, & mirâ quâdam proprietate renes astuantes temperat. Id verò non indoctum vulgus, at magni, & nobiles Philosophi se expertos fuisse testantur.

Turchoides.

Quod autem de Turchoide vulgò creditur, quis ferat? nempe infortunia avertere, atque in se transferre; ac vehementer demiror Anselmum Boëtium virum pereruditum, & minimè credulum, histamen nugis fidem quodammodo adhibere. Multùm in eam propendet sententiam dæmones certis lapidibus quasi illigari, vt homines variis præstigiis deludant. Narrat sibi à patre hanc gemmam dono datam (nam id quoque necessarium putant, vt Turchoides tanta patret miracula; adeò superstitione hominum imbecillitatem occupavit). Hispani cuiusdam olim fuerat, ac tum cum viveret, hæc pulchrè nitebat: eo mortuo quasi lapis domini sui lugeret exitum; omnem ferè decorem amisit, vili emptum pretio Boëtius anulo inferuit, ac paulatim pristinum nitorem recepit: & quò magis mirere, fractus lapis dissiliit, cum is, qui illum gestabat semel atque iterum summum adiit vitæ discrimen: cùmque aliquando ex regio morbo convalesceret, gemma facta antè decolor, sensim splendidior evasit; ita vt ex illius lapidis coloribus futuræ sanitatis indicia colligeret. Franciscus Rucus his ferè similia de Turchoide se expertum testatur. Nec fortè absurdè ista explicari, atque ad naturæ leges revocari possunt, si cum ipso Anselmo substantiam huius lapidis acriori animo consideremus: est enim mollior, nec colorem habet constantem: nihil igitur mirum si halitu, qui è corpore jugiter per transpirationem erumpit, inficiatur; adeò vt obscuretur malè affecti corporis vaporibus: contrà splendidior futurus est, cum qui eum gestat, pulchrè se habebit: & sanè hæc gemma aceti, & salis ammoniaci adminiculo primum nitorem recuperat. Quem verò fugit, tenues illos halitus, qui ex corpore continenter expirant, aceto, & sali ammoniaco affines existere; cum acres sint, falsi, & penetrabiles? Sed cur Turchoides in magnis periculis confringitur? cur Rubinus (vt à gemmis virentibus ad rutilantes, & sanguineas veniam) calamitates futuras suo

pallore prænuntiat, vt præter cæteros se expertum tradit Gabelchoverus Andreæ Baccii Scholiaſtes, nullâ ratione id explicari poſſe arbitror: neque hi auctores quanti quanti ſunt, nos ita faciles ad concedendum habebunt, vt ea ſumamus pro certis, quæ concedi nullo modo poſſunt. Ne illud quidem dabo Carbunculum, vel Rubinum morbos arcere, & atræ bilis fumos diſcutere: nec tam præclaræ dotes in lapidem cadunt. Fors eſt vt illius pulvis venenatos morbos depellat: ſed non eſt veriſimile tantum poſſe occultas qualitates, vel effluvia corporea. Nunc varias Carbunculorum ſpecies placet oratione percurrere.

Rubini coccineus, & accenſus eſt color; matrix, & quaſi illius vena cùm pellucet, & roſeo colore diluitur, Balatium, vel Palatium, tamquam Rubini domicilium dicitur. Nam Rubinus quaſi alitur ſucco ſanguineo; principio quidem candidus eſt, tum paulatim rubefcit: interim parte alterâ candidum, alterâ cæruleum, vel rubrum præfert colorem, penes ſuccorum, ex quibus cogitur varietatem. Nec rarè in iis natura ludere videtur, atque ex diſerſis gemmis ſolet vnâ componere. Spinelli minùs, quàm Carbunculi accenduntur. Granatæ minii colorem referunt, & inſtar Anthracis rutilant: tametſi variæ illius ſunt differentiæ: quædam enim ſunt nigriores; & pulchrè fulgent, præſertim ſi argenti folium iis ſubijciatur; tum enim longè maiorem ſplendorem jaculantur; aliæ hyacinthino colore tinguntur. Quid etiam obſtat quominus Hyacinthum inter Carbunculi ſpecies recenſeamus? non eum qui inſtar ſuccini flaveſcit, vel qui vitrum antimonii colore ſuo refert; ſed qui minii colore tingitur. Mitto de Alabandicis dicere, Rubinis paulo ſunt nigriores. Amethyſtus Hyacintho viciniore purpurei eſt coloris, qui ſerè ex rubro, & cæruleo exſurgit: plurius æſtimantur quo ſunt duriores: nam facilè Adamantis ſpeciem induunt. Contra ebrietatem commendari ſolent, fortè quia vini colorem imitantur. Quod ſi tum Hyacinthus, tum Amethyſtus inſuſtrioſi, vigilantes, & fortunatos efficiant, vt Philoſophi nobiles prædicant; papæ, quàm magno erunt vendibiles? quanti erit pretii Sapphirus, quem cæruleus, vel cæleſtis color non adèd commendat, ac vires prorfus incredibiles. Nam pudicitiam confert, in pulverem comminutus oculos ni-

mio humore diffuentes exsiccat, inflammationes temperat; hæmorrhagiam inhihet; vnà cum lacte potus febres malignas, & venenatas, nec non interiora curat vlcera; lapis ipse vel fronti admotus sanguinem è naribus erumpentem sistit. Nulla aded gemma est, quæ omnes ferè morbos non eliminat; itaut mirum sit in tantâ remediorum vbertate homines mori posse.

Topasius.

Quid memorem gemmas aureo colore fulgentes, in quibus Topasus excellit? veterum quidem Topasus pellucet, & viridi colore, sed dilutiore oculos pascit: cum aureo colore fulget Chrysolithus, vel Chrysoprasus dicitur. Hic bilem, & nocturnos horrores, nec non ipsam phrenesim curat; ille verò aureus totus, & pulchrè nitens eadem ferè operatur miracula; morbum etiam comitiam, atque alios ex atrâ bile ortos depellit; ipsis dæmonibus terrori est; audaciam, constantiam impertitur, ingenium exacuit. Verùm hæc pariter cum cæteris explodantur, neque in istis naniis refellendis tempus frustra conteramus, ne laboriosè ineptire videamur.

Sarda.

Nunc ad gemmas opaciores descendam, quarum quædam ex parte pellucet, vt Sarda, quam carneolam, vel corruptâ voce cornalinam nominant, quod subrubram carnem referat.

Sardonyx.

Sardonyx, ex Sardâ, & Onyche quasi componitur; circulis vt plurimum nigris, albis, & sanguineis distinguitur. Onyx verò id nominis obtinuit, quod vnguem humanum colore, & splendore exprimat: aliquando ceu cornu politum refulget, & albis

Onyx.

venulis inspergitur, quæ vario plexu oculi figuram imitantur. Chalcedonius lapis quædam fuit olim Carbunculi nigrioris species, nunc ad Onychem referri solet; durus est vt qui maximè; leui, & nebuloso colore per totum corpus fuso imbuitur: aliquando nonnihil purpurascit, vel cæruleo diluitur colore, tumque pluris æstimatur: sed numquam rubeus color à nigro fecernitur; alioqui Sardonix futurus est.

Chalcedonius.

Iam aliæ sunt gemmæ, quæ minimè tralucet, sed nihil aliud quàm relucet, in quo censu Achates, & Iaspidis varia genera reponuntur. Achates non quidem vt Onyx variis circulis cingitur, sed quasdam gerit lineas discolores, quæ suis ductibus arbores, fluvios, & animalia pulchrè exprimunt. Hinc varia fortitur nomina: nam Dendrachates vocatur, si arboris,

Corallachates, si corallii formam gerat: cùm hæc gemma formam oculi nobis exprimit, tum Oculus belli dicitur: siquidem nigrior pupilla suâ iride cincta medium lapidis cætera candidi occupat, & varii colores miro distinguuntur ordine; adeò vt non temerè, sed doctâ naturæ manu appositi videantur. Iaspis *Iaspis.* porrò vt Achates in diversas species diducitur, si varietas colorum differentiam inducat: vt plurimùm viridis est, & cum aliis gemmis sæpe confunditur: aliquando enim cum Achate, interim cum Onyche, vel cum Sardâ permisceretur. Illustrior Iaspidis viridis species punctis, aut venulis sanguineis distinguitur, nunc Orientalis Iaspis, olim Heliotropium, auctore Plinio, dicebatur, quòd hæc gemma aquæ immersa radios solares quos regerit, in sanguineum colorem mutare videatur. Non committam vt istorum lapidum vires silentio præteream. Ac primùm de Onyche auctores non consentiunt: quidam enim sensus vegetiores eum reddere, ac perturbationes animi sedare perhibent: alii tristitiam, & terrores inducere asserunt: sed ita vt præsentè Sardâ, vel Sardonyche, non noceat: siquidem hæc gemmæ animum exhilarant, & quò magis mirere, libidinum æstus temperant, fascinos amoliuntur: quòd si Cardanum audimus, litigantibus victoriam, & omnibus opes largiuntur. Sardæ pulvis austero vino infusus adversus dysenteriam, & humorum corruptionem præcipitur. Non dissimilia de Chalcedonio lapide promittunt, maximè quòd tristitiæ nubila discutiat. Albertus de Onyche refert quòd admotus oculis, si quid pulveris, aut sordium inciderit, abstergit: idem de Saphiro se expertum esse tradit, postquam aquæ immersus fuerat. Ego quidem arbitror omnes ferè gemmas, dum tersæ sint, & politæ, id ipsum præstare: sed illud magis miror, quod de Saphiro se comperissè testatur, qui carbunculos, vel anthraces fugaret: vel quod ait de Smaragdo, qui, vt jam insinuatum à nobis fuit, impuditiæ adeò est impatiens, vt in ipso veneris actu frangatur: illud tamen experimento Regis qui tum Pannoniæ imperitabat, comprobare conatur. Eadem ferè alii de Saphiro referunt: fors est vt spiritus acerrimi, & penetrabiles, è toto corpore prodeuntes, gemmas, vel inficiant, vel disrumpan. Verùm longiùs evagor. Achatem tradunt venenis resi-

stere; adeò vt illum lapidem nido suo substernat aquila, quò pullos à venenatis animantibus tutetur: febricitantium ore, vel manibus contrectatus immodicam, vt ferunt, sitim restinguit. Iaspidis præsertim rubri, & nullo alio colore infecti vires, & majores sunt, & certiores: nam collo appensus omnem sistit hæmorrhagiam, vt sæpe à se compertum testatur Boëtius, ac multas refert historias, quas nunc non est narrandi locus. Ex nova Hispania obscurior quidam Iaspis sanguineis maculis inspersus advehitur, quo sanguini sistendo nullum esse remedium efficacius ferunt. Ex eadem quoque regione lapidem tersum, & nigrum adferunt, qui vmbilico admotus hysteri-cum morbum sanat. Iaspis viridis è collo suspensus, ita vt tangat os ventriculi, mirum in modum stomachum corroborat, sanguinem inhibet, hydropem, & febres, quæ ex debili concoctione oriuntur, arceat; aliquando epilepsiâ liberat, & variis (vt putant) medetur morbis. Iisdem planè viribus prædicitum esse Heliotropium autumant. Mitto futes, & penè aniles fabulas, quæ de hoc lapide Plinii temporibus jactabantur; scilicet quòd invisibilem eum à quo gestabatur redderet: alii fingunt Heliotropium tantum fervorem aquæ, cui immergitur, conciliare, vt in vapores mox instar pluviæ relapsuros exhale-tur. Nec major debetur fides Alberto, qui aquam ferventem Topaso injecto statim defervesce-re, idque à quodam suo sodal-i experimento compertum fuisse asseverat. Heliotropium non rarò Smaragdi, Prasii, & aliarum gemmarum viridan-tium matrix est, & quasi vena: inter Iaspidis species principa-tum obtinet, nisi Iaspidi formas quasdam nemorum, vel ani-malium natura imprefferit; tum enim pluris ducitur. Mensam ex Iaspide, atque aliis gemmis compositam eâ solertiâ construi jussit Rodolphus secundus, vt nemorum, arborum, & florum imagines pulchrè à naturâ insculptas redderet; hócque opus inter mundi miracula recensere non dubitat Anselmus illius Imperatoris Archiater: nam singulis gemmis tamquam tessel-lis inerat colorum gratia, & varietate suâ mirificè oculos pascebat; neque vllum commissuræ vestigium apparebat. Jam mihi videor satis de iis dixisse gemmis, quæ minus sunt ad usum aptæ, quàm ad ornatum decoræ.

Nec clam me est alios esse lapides non specie quidem suâ, sed vsu spectabiles, quorum omnium naturam, & formas non vacat describere. Illustris est lapis Lazuli opacus quidem, sed instar Sapphiri cæruleus, atque aureis maculis inspersus; adèd vt cælum sideribus ornatum exprimat. Colorem in igne non ponit, cùm lapis Armenus huic persimilis constantem in igne colorem non ferret. Ex illo tinctura cælestis, quæ vulgò vltamarina dicitur, auro pretiosior educitur. Armeno quoque lapide pictores vtuntur, & cæruleum præbet colorem, qui sensim in viridem degenerat. Contritum lapidem identidem abluunt, atque in aquâ limpidâ, in quâ gummi Arabicum exsolutum fuerit, agitant; pulvis subsidit; aqua alio excipitur vase, & dilutiorem subinde colorem exhibet. Quâ verò industriâ ex lapide Lazuli pretiosum illum extrahant colorem, nunc dicere, nisi id Anselmus à Boot, quem sæpe nomino, fusissimè exposuisset. Quod ad vtriusque lapidis in Medicinâ vires attinet, quartanam, epilepsiam, & apoplexiam curare creduntur: sed præcipuè lapis Armenus morbos omnes ex atrâ bile ortos domat; ni sæpius eluatur vomitum ciet, sed ablutus humores melancholicos per alvum dejicit: trium scrupulorum pondere assumitur.

*Lazuli.**Lapis Armenus.*

Restat vt quantum potero brevissimè decurram lapides, qui ex rebus animatis educuntur. Ex veteri gallo gallinaceo extrahitur lapis Alectorius, coloris vt plurimum cæulei; hunc ore gestatum aiunt sitim restinguere, & victoriam impartiri nugantur. Sunt quædam in Italiâ aviculæ, Romani palumbellas vocant, ex quibus lapilli eruuntur, qui calculum comminuunt: in pulverem minutissimum contunduntur: semidrachma hujus pulveris vnâ cum scrupulo cinnamomi, & tantumdem florum sambuci juscule infusa per octiduum assumitur. Lapilli ex percâ, cyprino, & aliis piscibus extracti ad eundem adhibentur vsu. Sic cancri qui exuvias ponere gestiunt, lapillos præbent, qui contriti in pulverem frangunt calculum. In vesiculâ felleâ animantium concresecunt calculi, quos adversus venena multùm valere putant; maximè qui ex bovm felle eruuntur. Iudæi, & Turcæ hos lapides diligenter exquirunt, quòd eos naribus admotos epilepsiæ paroxysmos


Alectorius.


Bezoar.

inhibere arbitrentur. Tunicatim verò, & quasi per membranas solent concrefcere: non secùs ac lapis Bezoar præter cæteros insignis, & si vulgo credimus, viribus planè admirabilis: ex capris Indicis, vel Persicis colligitur, eúmque in ventriculis gerunt. Non abhorret à vero istum lapidem ex humore viscoso cujusdam herbæ croco similis compingi: novo enim accedente succo, ex parvis initiis tandem concrefcit. Omnis adèò hujus lapidis virtus ex herbis aromaticis dimanat: hinc quæ pascuntur in montibus capræ, longè præstantiores præbent lapides, quàm quæ in planitie degunt; sæpe in ipso quasi lapidis centro herbæ suavem odorem afflantes reperiuntur: hinc tantæ vires adversus venena, pestem, & morbos penè omnes, qui cor ipsum invadunt, vel ex putredine oriuntur. Vermes enecat, quartanæ, & comitali morbo medetur: infantibus duo dumtaxat grana; sex vel octo adultis, aquæ acetosæ, vel alteri idoneæ infusa solent præscribi. Ex capite bufonis lapillum hemisphæricum obscuris maculis distinctum, coloris cinerei, vel subnigri aliquando extrahi plerique auctores referunt: Boracem vocat Albertus; alii Batrachitem, nostri (*Crapaudine*): crediderim istos lapillos in campis potiùs, quàm in bufonum capitibus occurrere; atque haud scio an tantum valeant adversus venena, quantum vulgò prædicant. Coram veneno sudare aiunt: idem planè asserunt de lapide, qui serpentis ovum vocitatur, & nihil est vt arbitror, quàm ovum testudinis in lapidem commutatum. Nec mirum si gemmæ quædam venenis admotæ exsudare videantur; cùm id commune sit omni lapidi terfo, & frigido, vt aëri calidiori expositus humescat: nam spiritus, vel halitus calidi densantur occurfù frigidi corporis, atque in aquam resolvuntur. Boraci similis est Chelidonium lapis, nisi quòd mole minor existit; aliquando subnigri, nonnumquam subrubri coloris invenitur: illum ex hirundinibus extrahi falsò putant: sed id propius vero existimo, quòd hirundines hujus lapilli beneficio exoculatis pullis visum restituant. Nam si pullorum oculos acu confixeris, futurum quidam aiunt, vt matres istorum lapidum operâ oculorum vsuram pullis reddant. Gassendus vir alioqui non multùm credulus, ejusmodi historiam refert quâ persuadet non herbâ Chelidoniâ, vt vulgò credunt, sed lapillis sub-

Lapis Chelidonium.

subrubris visum pullis hirundinum restitui : hunc adeò lapidem quâdam naturæ cognatione omnes oculorum dolores amoliri putant, si globulo aureo inclusus, vel è collo pensilis gestetur. Quinetiam illius vires contra insaniam, & epilepsiam mirificè efferunt. Cæterum vt hirundines Chelidonium lapidem, sic aquilæ *Ætitem* ad vsus quidem diversos vsurpant; *Ætites*, sive vt serpentes, & venenatos animantes fugent; sive vt faciliùs parturiant, in nidis reponunt suis. Lapis est rotundus, coloris subnigri, minutiozem alium lapillum qui nonnumquam pellucet, vel terram pinguem, & margæ similem complectitur; cortice siliceo obducitur: brachiis alligatum, fœtum retinere; femori verò appositum partum accelerare sibi persuasum habent. Marga verò, vel terra pinguior quàm *Ætites* quasi prægnans invenitur, terrâ sigillatâ vix habetur inferior: nam febres malignas, dysenterias, venenatos denique morbos, ne peste quidem exceptâ debellat: sed sæpius est eluenda, & aquæ acetosæ, vel spiritui vitrioli infundenda. *Geodes*, inter pretiosos lapides numerari non debet, quamvis *Ætitem* referat, atque induratum arenulam intus contineat. Sic Enhydros qui aquam in sui medio recondit, nullius ferè vsus habetur. Hic multa de Margaritis, & Coralliis subjicerem, nisi ista alterius essent loci. Quare nos ad metallorum contemplationem accingamus: digna res est cui aliquot horarum opellam demus: verum tamen de his à prandio. Non equidem vos prolixè accipiam: nec quicquam paravi præter quotidiana: sic enim inter nos convenerat. Iam lavemus ac discumbamus. Ipsa adeò Philosophia vt paulisper fileat est exoranda.





CAPVT NONVM.

De metallis in vniversum.

- I. *De metallorum materiâ diversæ opinioniones conciliantur.*
 II. *De metallorum generatione.* III. *Vtrum in diversas species diducantur.*

M E N A N D E R.



E D E M V S jamdudum otiosi; surgamus paulisper deambulaturi, ac disputationi nostræ finem aliquando imponamus: in hâc viridi, opacâque ripâ exspatiantes, tum interdum residentes, de metallorum naturâ, origine, & vsu vberiùs quàm soleant plerique Philosophi differamus; hi quidem contrâ quàm polliciti, professique sint, quidvis potiùs docere, quàm veram Philosophiam videntur. Neque abditas rerum naturas evolvere, sed barbaras voces barbariùs explicare moliantur; eandem ferè omnes cantilenam occinunt: paucis commutatis verbiseadem à pluribus scripta sunt sæpius. Ex illorum certè lectione surgo non doctior, sed irritatior ad contentionem. Vanis quæstionibus indormiunt; puerilia quædam consectantur: vni Aristoteli litare volunt, quem discerpunt miserè, & in suas quique partes distrahunt. Cùm tamen non tam auctoritatis in disputando, quàm rationis momenta quærenda sint.

S I M P. Rectè tu judicas: sed vereor ne plura in diversum pecces: illi enim Aristotelem sequuntur, qui sanè ab optimo non plurimùm abest, & summæ fuit apud veteres auctoritatis: tu verò vnum Cartesium admiraris, omnibus anteponis, maximè diligis. Fuit certè vir magnus, & acutus: sed neque mihi Sibyllæ folium erit, quidquid ille dixerit; neque necesse est vt Philosophi quâ veteres, quâ recentiores huic fascès submittant. Mallem te solutum esse, & liberum, nullivæ sectæ addictum. Profectò me illorum pudet, qui Philosophiam solâ terminorum explicatione metiuntur; intima naturæ arcana vel transiliunt,

vel supinè & oscitanter pertractant; ita vt nec quicquam ex eruditâ Aristotelis scholâ; neque vllum ex veteribus legissè; sed tantùm ex indicibus, & dictatis codicibus sapere videantur. Optarem sanè vt aliquem controversiarum facerent modum, atque ætatem in litibus nollent conterere; studiosius antiquos legerent: ex iis enim liceret optima quæque decerpere, in ordinem disponere, proprium adhibere iudicium, non aliena tantùm exscribere. Aristotelem vt præcipuum Philosophiæ lumen sequi tutissimum est, verumtamen ab eo licet nonnumquam dissentire: supervacuum enim foret in studiis longior labor, si nihil liceret melius invenire præteritis. Nec pigeat aliquando multorum in vnum conferre inventa, & plurima experiri: nam Philosophiæ naturalis pars vel maxima constat experimentis, non vanis disputationibus continetur. Siquidem, vt ad propositum nostrum revertar, cùm agitur de metallorum naturâ, & origine, credam potiùs Alchimistis, Docimastis, atque iis qui metalla effodiunt, liquant, & examinant, quàm umbraticis, & otiosis Doctoribus, qui tremulo cantu frangunt subsellia, nec quicquam experti, ratiunculis quibusdam ex Logicâ depromptis communem metallorum materiem fingunt, vel halitum nescio quem cum Aristotele; vel terram aquâ permistam cum Agricolâ, & Scaligero; vel cineres aquâ perfusos cum Arabe quodam nomine Gilgile. Irrident verò Chymicos qui metalla componunt ex hydrargyro, & sulfure. Quòd si salernum cum Paracelsò, vel arsenicum cum Gebero, vel denique terram chalcanthosam cum aliis adjungas; statim convicia audies: nam maledictis sæpius quàm rationibus velitantur. Nec verò timendum est, ne iis qui metalla tractant, expurgant, & resolvunt, temerè fidem adhibeamus.

Aristoteles quidem ea dicit quæ probari minimè possunt, metalla scilicet, & lapides ex vapore, instar pruinæ concrefcere. An venæ metallorum, quæ vt refert Agricola 6o. pedum altitudinem plerumque superant, ex halitu condensato prodire? mirum si tenuis vapor lapides penetrat, & tam patentes diducit venas. Quæro an fumus ille antequam frigore concrefcatur, naturam, & speciem obtineat metalli, an nondum etiam, sed expectandum erit dum instar pruinæ, vel roris cogatur? Enim-

*De metallo-
rum mate-
ria Aristote-
lis senten-
tia resellitur.*

verò frigus nihil generat, partes quidem diuulsas colligit, at nulli rei formam præbet. Ergo halitus nondum concretus jam metallum fuit. Quod si ita sit, lateret adhuc metallorum generatio; nec dum enim satis constat, quid illi fumo metallicam speciem dederit. Is quidem vapor è succo metallico exhalatur; quemadmodum hydrargyrus sublimatus in fumum diffilatur, atque instar pruinæ vasi adhærescit: sic vapor ex aquâ sublatus in aquam relabitur: neque fumi, si qui sint in mineris, aliunde quàm ex ipsis metallis erumpunt. Adi eos qui venas perreptant, & metalla effodiunt; roga an instar pruinæ ex fumo quem Sol exexit, densentur: vix risum eorum effugies. An Solis calor tam altè penetrat, vt tantam vaporum copiam sursum efferat? huc & illuc se versent Peripatetici licet, nihil in fodinis offendent, quod metalla ex vaporibus condensari fidem faciat. Nec tenuissimus vapor in corpus densissimum ita repente abit, quin priùs succi mollioris speciem induat: natura enim ab vno extremo ad aliud non statim evolat, sed per gradus progreditur. Fateor equidem in mineris metalla instar roris aspersa nonnumquam occurrere: sed id perrarè evenit, cum scilicet mercurialis humor calore subterraneo effertur. Quòd si ea foret metallorum origo, ejusmodi aspergines in omnibus fodinis invenirentur; vel certè longè essent crebriores: neque ex iis quæ vix, aut numquam eveniunt, firmissimum argumentum desumitur. Mixta quidem imperfecta formantur ex sublatis vaporibus, qui conjugio instabili vniuntur: sed nego plantas, animalia, lapides, metalla denique cogi ex fumis levissimis.

Hoc igitur vt opinor dabitis, metalla non ex vaporibus, sed ex succis, vt mixta ferè omnia quæ perfecta vocitantur, concrefcere. Et quoniam omnia persequimur, (volumus sanè) intuendum est verum ex aquâ & terrâ subtilissimè permixtis, an potiùs ex hydrargyro, & sulfure metalla exsurgant; res sanè est plena dissensionis, atque haud scio an dijudicari umquam possit; ita sunt contrariarum rationum paria momenta. Terram quidem, & aquam ad metallorum generationem conspirare nemo ibit inficias, nisi quis ita absurdus sit, vt illa ex elementorum albo expungat: sed aquam esse terrâ vberiore quidquid Scaliger reclamet, cum vniuersâ Philo-

*Metalla ex
terrâ & a-
quâ compin-
gi, sed non
solis.*

sophorum manu arbitror. Hoc enim inter lapides, & metalla interest, quòd in illis terra, in his aqua sit copiosior: hinc metalla liquantur, & ductilia sunt, non item lapides, in quibus regnat siccitas: nec malleo produci possunt, quòd præ siccitate resistent, & percussi dissiliant. Metalla verò humidiora cum sint, non faciliè comminuuntur, sed percussa cedunt, & malleo obsequuntur. Taceo metalla frigore coagulari, quòd in iis humor dominetur. Iam vt ad ea quæ magis sunt controversa veniam: humidum illud quo abundant metalla aquosum esse nequit: non enim madefacit, nec faciliè exhalatur: quare illud tenax est, & viscosum, cuius partes inter se confertæ sunt, & colligatæ. Sic humidum primigenium animantibus viscosum à naturâ concessum est, ne calore citiùs evolveret. Terram verò, & salem cum illo humore pingui, & viscoso exquisitissimè commixta esse, hinc licet conijcere, quòd metalla fusa nec madefaciunt, neque instar olei diffluunt: terra enim admista humorem terminat, neque eum effundi, vel aliis corporibus finit adhærescere. Terra igitur ad metallorum generationem concurrat, sed non sola. Propius vero sentit Agricola, qui aquam jam ab aliis elementis affectam, & alteratam in metallis prævalere arbitrat, quàm Scaliger qui in iis plus terræ, quàm aquæ inesse putat: nam quæ terrea sunt, ignis ardoribus indurantur, non liquecunt. Neque Gilgilis ferenda sententia est, quâ metalla ex aquâ, & cineribus instar vitri conflare existimat. Præterquam enim vitrum fragile est, nec tanta sunt in fodinis ipsis incendia, quæ terram in cineres redigant, illud quoque accedit, quòd vitrum non extraneo, sed insito, atque adversus ignem contumaci humore constat; neque aqua cum cineribus ita permisceri potest, vt ex iis vitrum, vel metallum concreascit. Sed explicatâ Chymicorum sententiâ, ista corrueant vniversa. Quapropter metalla neque ex vaporoso halitu, neque ex aquâ, & terrâ; sed ex mercurio, sulfure, & chalcanthoso sale prognata arbitror.

Primùm vero vos credere sulfur commune, & foetidum, vt vulgarem hydrargyrum statui à nobis metallorum principia: hæc enim sunt sulfuris, & mercurii metallici recrementa; vel certè materies cruda, indigesta, & depravata, quam virtus

*Sententia
Chymico-
rum asseri-
tur.*

*Metalla ex
hydrargyro
& sulfure
constare.*

*Lib. 3. de
miner.*

Objectiones.

mineralis, & plastica in metalla excoquere, ac maturare non valuit; magna sanè est metallis omnibus vel cum sterili hydrargyro societas: nam in hoc solvuntur; atque in substantiam fluxilem mercurio similem, quæque frigore non figitur, artificum industriâ reducuntur: idque ipse fateatur Erastus (vt Alchimistarum inimicum potissimum nomen) qui se hujus rei testem oculatum sistit. Metallorum quoque proprietates hydrargyro conveniunt: nam in aquâ stygiâ exsolvitur, calcinatur, metallorum colores induit: hoc solum ab iis diffidet, quòd sit fluxilis, & fugax; tametsi plumbi fumo, atque ipso sulfure induretur. Addamne in venis auri, & argenti auctore Plinio inveniri, atque è cadmiâ argentiferâ, & bismuto copiosum elici? Omnes ferè morbi qui fossiores invadunt, ex argento vivo scaturiunt. Aquæ etiam, quæ metallorum venas alluunt, argento vivo plerumque inficiuntur: hinc circa fauces multam colligunt piritam. Quare meâ quidem sententiâ mercurius materiam, & pondus; sulfur tincturam, & formam metallis confert: nam sulfur ad eorum compositionem pertinere Alchimistæ ferè omnes consentiunt. Metalla quippe præter aurum omnia comburi possunt, & dum excoquuntur, sulfureum odorem naribus afflant. Nulla vena dum torretur, non fœtet, & fumum exhalat sulfureum. Ex omni pyrite (lapis est metallis prægnans) sulfur exstillatur. Vidi, inquit Albertus, quòd in monte æris ligna viridia ad lapidem æris appodiata, statim cremabantur, propter abundantiam sulfuris, & pinguedinis egredientis de lapide æris.

Neque obscurum est quid soleant objicere; sulfur omne esse combustibile, metalla verò dum eliquantur, non incendi; absurdum esse pinguedinem in iis fingere, quæ flammam non concipiat, quæque nullo sensu, nullâ ratione percipi possit. Diu est quòd Albertus hanc diluit objectionem, duplici sulfuris adhibitâ distinctione; aliud enim est extrarium, impurum, & fæculentum, quod ignem non sustinet; aliud rebus ipsis intimum, exquisitè permixtum, optimè digestum, & ignis patiens. Vino ipsi quædam excrementitia, & sulfurea pinguedo innatat; sed alius est pinguis humor per totum vini corpus fusus, qui non nisi distillatione elicitur. Norunt artifices metho-

dum, quâ sulfur commune ex fugaci fixum reddant, & incombustibile. Norunt è metallis oleum pingue, & sulfureum extrahere. Exquisita mercurii cum sulfure permistio inmercurium figit, ne calore statim avolet, atque hydrargyrus sulfur ab ignis violentiâ tutatur. Argentum vivum à sulfure indurari, præter cætera cinnabaris demonstrat, quæ ex sulfure, & mercurio concrevit; hic omnibus metallis tamquam materia subternitur; illud formam, & tincturam præbet.

MEN. Ego planè vellem me arbitrum inter Philosophos, & Chymicos datum: nam rebus, ut mihi videtur, conveniunt, verbis discrepant. Aristoteles ex vapore, & halitu; alii ex terrâ & aquâ; Chymici ex sulfure, & mercurio metalla compingunt: nonnulli salem, vel arsenicum, vel chalcanthum adjiciunt: in omnibus ratio consentit, oratio pugnat. Siquidem Philosophi remotam, Chymici proximam adferunt materiam: illi inquirunt primam metallorum originem; cùmque ex vapore halituoso mixta omnia prodeant, atque in eum resolvantur, non absurdè hic fumus primum fossilium rudimentum, & materia constituitur. Quod si in sublimi aëre aliquando generentur metallorum ramenta, ut historiarum monumenta prodidere; neque eò quicquam pervenire potest præter vapores aut fumos; palàm est metalla ex halitu in terræ visceribus concreto efformari. Adde metalla, atque eorum venas filatim, & quasi pectinatim concrefcere, quod omnibus mixtis quæ ex densato halitu gignuntur, commune est. Neque assequor quomodo succi crassiores permisceri queant, nisi iidem vapores diffentur. An terra cum aquâ ita commisceri potest, ut in minimas partes utrumque elementum concidatur, quemadmodum mixtionis leges exigunt, nisi prius in tenuissimos halitus diducantur? Albertus ipse qui Alchimiis plus satis indulget, ac metalla ex pingui, & viscoso humore compingit, in sententiam Aristotelis vel invitus delabatur. Is enim cùm de loco generationis metallorum edisserit, aurum in lapidibus duobus modis inveniri docet: aliquando per totum lapidem quasi diffunditur, eumque flavo tingit colore; interim venas dumtaxat auro prægnantes conspiciamus: cujus discriminis causam reddit: nimirum quòd fumus ex quo aurum, & reli-

Diversæ opinioniones conciliantur.

qua metalla prodire , per lapidis meatus discurrens sensim congeletur. Cùm igitur lapis est porosus , tum fumus ille mineralis illius substantiam penetrat , & cum eo confunditur : sed ubi solidior est , & compactior , tum halitus venarum ductus sibi aperit , nec totum lapidis corpus permeat. Sæpe auriamenta fluvii devehunt , quæ in filamenta tenuissima diducuntur , quòd exhalatio de sub terrâ erumpens , aquæ frigore percussa congeletur. Qui metalla ex aquæ & terræ exquisitâ mixture compingunt , ii communem fossilium , non metallis propriam materiam adducunt. Quis enim ignorat fossilia ex terrâ , & aquâ proficisci : sed eandem gemmis pellucidis tribuunt originem. Addit Cæsalpinus nullum humorem aqueum præ frigore effici ductilem , & pressilem. Neque tamen ibo inficias aquam in metallis abundare ; sed ea jam est alterata , atque ab aliis elementis sic affecta , ut aquæ nomen jam non possit usurpare ; nisi fortè malis corpus nostrum ex aquâ , quàm ex humoribus compingi. Nihil igitur impedio quominus aqua cum terrâ subtilissimè commista argentum vivum , vel mercurius appelletur , & communis metallorum materies censeatur : tamen si non facilè concessero ejusdem esse naturæ cum hydrargyro : nam plerique hydrargyrum inter metalla numeratum volunt : omnes illi metallorum affectiones præter consistentiam , & soliditatem conveniunt : quòd si metalla resolvantur in mercurium argento vivo similem , is facilè in metallum reducitur , ac pristinæ restituitur firmitati ; adeò ut naturam metallicam minimè exuerit. Ferrum in æs , ut plumbum in stannum non ægrè commeat , nec continuò vnum alterius est materia , vel principium. Sic inter plumbum , & hydrargyrum magna est affinitas , & vnum alterius naturam facilè induit : sed nego hinc rectè colligi argentum vivum plumbi , atque aliorum metallorum communem esse materiem. Fortasse hydrargyrus nimio humore dissluit , qui sulfuris , aut aquæ fortis beneficio temperatur , & metallicam duritiem assequitur. Nec mihi aliorum Chymicorum sententia displicet , qui metalla ex terrâ chalcanthosâ , & sulfure componunt : nam omnia ferè metalla in vitriolum resolvuntur ; atque in omnibus fermè mineris , venis , & marcaffitis fœcundis atramentum vnà cum sulfure offendunt.

dunt. Vitriolum è metallis extractum si in sua dissolvas principia; terram quæ in vitrum cum suo sale conflatur, & funditur; aquam mineralem, & pinguedinem sulphuream prolicies. Magna sanè est inter sulfur, & atramentum cognatio; ex vitroque spiritus acidus, & penetrans elicitur; vtrumque figi potest, & soliditatem, vel firmitatem sufficientem acquirere; ex his magna tincturarum, vel colorum oritur varietas; nec convenienti carent pondere: adeò vt vitriolum, & sulfur materiem saltem remotam metallis præbere mihi persuadeam. Neque alia excludo mineralia: nam arsenicum in plumbo animadvertimus; nitrum quod in rebus cæteris invenitur, à metallis forsitan non abest: mira certè & stupenda in iis fundendis, excoquendis, & dissolvendis nitrum operatur.

Quòd si, vt Cartesio videretur, interior telluris pars, & quasi nucleus sit solidior, & compactior, profectò metalla omnium corporum solidissima, in intimâ terræ regione reconduntur: quædam dumtaxat illorum particulae, & quasi venulae in superiore, & molliorem telluris portionem excurrunt, ac diffunduntur, quas fortè succi acres, & corrosivi exsoluerunt, atque eas partibus oleaginosi involutas calor subterraneus in extimas partes evexit. Omnes quidem Chymici metallorum naturam ex sulfure, mercurio, & sale componunt; sed tamen de illis principiis inconstantissimè loquuntur. Nonnulli commune sulfur, vulgarem hydrargyrum, & salis in aquâ exsolubilis quoddam genus intelligunt. Negant alii ex sulfure, & argento vivo metalla coalescere, vel in illa resolvi posse: sed mercurii nomine humidum quoddam vinctuosum, crebris sublimationibus, & variis coctionibus expurgatum, quod metallici spumam fermentantem dicunt: sulfur verò calidum innatum, vel quamdam lucis portionem ratione seminali, & vi plasticâ donatam volunt intelligi. Negant quippe elementa quicquam gignere, nisi seminibus è cælo defluentibus fœtentur; ac miram sanè nobis mineralium generationem describunt. Placet illis Solem radios, & influxus suos in terram, tamquam in commune centrum effundere; lux quidem opaci corporis occursum refilit; calor verò qui lumen comitatur, vltèriùs progreditur, quovsq; in communi centro collectus ignem gehennæ ibi ac-

De metallorum generatione ex Cartesio.

Differentes chymicorum de metallorum generatione opiniones.

cendat; atque hinc per totam terram fusus, vbi materiam humidam, & gignendis metallis idoneam nanciscitur, eam digerit, coquit, indurat. Rationes vndique colligunt, quibus tam deliras opiniones stabiliant. Metallorum substantiam calore paulatim cogi, & durescere multis probant argumentis: id quidem concedimus. Sal quippe, & alii succi calore, non frigore concrefcunt: nec frigus quicquam generat; quamvis vltimam perfectionem & consistentiam metallis conferat, speciem tamen iis non largitur; nec eliquata metalla naturam mutant; in ipsis fodinis non frigus, sed magnos æstus sentiunt metallarii. Hinc latentis venæ argumentum desumunt, ex coruscationibus, & cæruleis flammis, quæ identidem terram allambunt; ac quidam sulfureus, & calidus vapor ex iis locis solet erumpere qui facillè percipitur. Hinc etiam nives in iis regionibus statim liquefcunt, nec ros concrefcit, neque arbores proceræ, vel læta gramina assurgunt; sed pallidis, & tenuioribus foliis sterile, & exustum solum indicant. His sanè vitro assentior, verùm huc animum parare non possum, vs credam calorem è sideribus manantem totam terram pervagari, atque in illius medio tantâ incendia procreare. Quod si cryptæ subterraneæ à calore solis tutæ sunt; si gelidæ aquæ in ipsis terræ penetralibus discurrent, atque in antris Hungariæ aqua sæpe in gelu concrefcant; profectò Solis calorem vsque ad telluris centrum pervenire nemo sanæ mentis crediderit. At inquit, calor numquam retrò, sed prorsum semper diffunditur; idque multis experimentis comprobant: nam si prunam ardentem erectæ laminæ imposueris, prunâ sublatâ inferiorem laminæ partem multum incaluisse comperies, cùm superior omnem calorem exuerit. Quando ad ignem propiùs assides, si fortè argentum in crumenâ reconditum habeas, id certè multum caloris concipiet; quamvis vestimenta non adeò incaluerint. Verùm hoc quidem vt volent; sed quis illis daturus est calorem gradatim vsque ad terræ centrum pervenire, atque illinc in omnes diffundi partes. Frustra nunc quærimus loca arboribus opaca, quò recreemur ab æstu Solis, si frondes arborum lumen quidem, non ipsum calorem arceant: nec video cur æstate loca subterranea habeantur frigidiuscula, si calor

semper rectè promovetur, neque vmquam remeat. Longè fatius foret eos fateri potiùs nescire, quod nesciunt, quàm illa effurientes nauseare. Sed esto calor centralis, vt loquuntur, metallorum substantiam digerat, & perficiat: an licebit hunc calorem sulfuris nomine designare? effectricis, non materialis causæ titulo, vt opinor, metalla procreabit. Fac id quod ne intelligi quidem potest, mihi esse persuasum, fossilia ex suis seminiis prodire; hæc semina ex astris in terræ penetralia, medio calore tamquam vehiculo deduci; calor substantiam crassam, & humidam, quam mercurium nominant, resolvat, ac reddat puriorem, dum crebris sublimationibus excrementa sua deponit. An continuò calor ille cælestis substantiam fossilium materiæ, vel sulfuris nomine ingreditur? Hæc vtique ferrem si calorem inter corpora, non inter qualitates numerarent: at quæ fieri potest, vt accidens fungatur munere materiæ, atque in corpus faceßat? Verùm nos tarditatis accusant, quòd mente non assequamur quo modo spiritus in corpora, & qualitates in substantias commeari possint. Invisibilia semina quotidie induunt corpora: lux ipsa Solis abit in substantiam palpabilem. Nobilissimus Digbæus se ab amico intimæ admisionis, & fide dignissimo factum fuisse certiore testatur, lucem per vasa vitrea, & concava certo quodam modo disposita in purpureum, & minutissimum pulverem præcipitari. Ignis calor incrementum, substantiam, ac pondus rebus addit: hinc liquores viscosi è mineralibus prodeuntes, Soli expositi, vel igne moderato digesti, mole, & pondere augentur. Multa in hanc sententiam adferunt, quæ nunc non est discutiendi locus. Illud quod antè jeceram, iterum inculco, Chymicos inter, & Peripateticos de naturâ, & generatione metallorum posse convenire. Vtrique ex duplici potissimum materiâ, quarum altera humida est, altera sicciore, metalla quæque componunt: illam Chymici mercurium, vel aquam viscosam; hanc sulfur, animam, vel tincturam vocitent, mihi perinde est. Dum res intelligatur, in verborum usu faciles esse debemus. Sed neque halitum Aristotelis cum vapore conjunctum rejiciunt: nam vapor humidus mercurii; halitus siccus sulfuris vices obit: frigus quidem coagulat; at calori metallorum ge-

*Vbi metalla
generantur.*

neratio debetur : nam calor superfluum humorem expellit, elementa permiscet, superflua excernit : frigus verò miscibilia potius confundit, quàm misceat. Generationis metallorum modum Philosophus non absurdè explicat pruina, vel roris exemplo : hæc enim, vt cætera meteora, ex vapore, & halitu prodeunt; sed exhalatio sicca humidum vaporem citò deferit; hinc vapor in aquam concrefcit: in metallis secùs contingit; halitus quippe apprehendit vaporem, eúmque figit. Metalla frequentius in montibus generantur, quòd ibi terra sit rara, & multis meatibus pervia; calor ibi acrior conservetur; nec restagnent aquæ, vt in camporum planitie. Primum verò metalli rudimentum est substantia quædam salsa, in aquâ exfolubilis, quæ paulatim excoquitur, neque aëris ampliùs, vel aquæ injurias reformidat. Nec tamen pertinaciter negaverim metalla quandoque in extimâ terræ superficie procreari. Auri granula quæ ex multis fluminibus colliguntur, non ex montibus torrentium impetu devolvi putem : nec tam facilè aurum à suâ minerâ abraditur, neque ab aquâ præterfluente tam longè potest devehì. Illud sanè aurum quod apud Indos in montium jugis arenæ, vel terræ admistum offendunt, in terræ penetralibus non gignitur. Belgæ cespitibus sulfureis, & bituminosis vice ligni vtuntur, ex quibus sulfur, & arsenicum, imò cuprum, & ferrum ex paulò profundioribus eruunt, quod indicio est non solis terræ visceribus metalla condi.

*Vnde metallorum
pondus, &
ductilitas.*

Quid mihi de effectrice causâ, quid de metallorum materia videretur, exposui; Philosophos cum Chymicis in gratiam redigi posse ostendi : nec difficile erit ex his veluti principiis omnes metallorum affectiones deducere. Quo enim partes terrestres cum aquosis, vel humidis exquisitiùs permiscentur, eo metallum gravius exsurgit : nam pauciores, & angustiores meatus admittit : hinc ductilitas oritur, quia partes densissimæ, exiguæ, & maximè complicatæ in amplissimam superficiem duci possunt. Quapropter aurum præter cætera metalla, & pondere, & ductilitate excellit : neque est cremabile, quòd partes ejus sint densiores, & magis confertæ, quàm vt exhalari queant : aqua terram ne comburatur, terra aquam tuetur, ne avolet; neutra alteram deserit; sed arctissimo vinculo stringun-

tur: humor ductilitatem, terra præbet soliditatem. Vbi mixtura minùs accurata occurrit; seu terra dominetur, seu aqua; nec tantum inuenitur pondus, quòd ampliòres pateant meatus; neque metalla igni adedè resistunt: nam si terra copiosior est, vt in ferro, vel abundat aqua, vt in plumbo, calor vnâ ab altera diuellit; humor evolat, terra in scorias secernitur; nec metallum cirra magnum sui dispendium funditur.

Verùm de metallis mox seorsim agemus: neque hîc discutiendum arbitror, vtrum metalla vnâ specie contineantur, ac solis accidentibus dissideant, vt placet Alchimis, an potiùs, vt Peripatetici contendunt, in diuersas scindantur species: vtrisque argumenta non desunt. Hi quidem diuersa metalla ex fodinis itidem diuersis erui, atque ex variis principiis coalescere demonstrant: addunt affectiones, vel proprietates omnino diuersas formarum distinctionem arguere. Alchimistæ vt possibile metallorum transmutationem esse persuadeant, illa non specie, sed gradibus discernunt: adedè vt omnium vnâ, & communis sit origo, eadem sint primordia, solius loci, vel matricis diuersitate distinguantur. Natura ipsa aurum gignere meditat, sed desunt sæpe locorum congruæ opportunitates, nec expectatur tempus, dum imperfectum metallum prædestinatum perfectionem assequatur. Aurum itaque ferro præstat, quòd nactum sit sulfur, & mercurium optimè digesta, atque ab omnibus extraneis defæcata: non item ferrum, cuius sulfur impurum, & combustibile cum mercurio malè coheret. Hinc metalla imperfecta artificis manu elaborata auri perfectionem consequuntur: ex omnibus autem extrahitur: vix illud putum ab omni argento, & cupro liberatum occurrit; ex iisdem eruuntur mineris diuersa metalla. Innumerabilia profecerunt, ex quibus effici colligique possit vnâ esse omnium metallorum speciem, nec formis, sed accidentibus differre. Neque hîc pacem Chymicos inter & Philosophos componi posse existimo: nam de summâ rerum agitur: & nisi me conjectura fallit, Alchimis permultum interest omnia metalla in vnâ speciem concludere, vt Elyxir suum, quod artis caput est, faciliùs tueantur, atque ab omni absurditate vindicent. Hæc crederem nisi hoc hominum genus magnificè mentiri so-

*An metalla
vnâ specie
continean-
tur.*

leret: nam isti Ciniſſones multa pollicentur,

Quæ cuncta aërii diſcerpunt irrita venti.

*Metallorum
diverſas eſſe
ſpecies.*


*De effectri-
ce cauſâ me-
tallorum.*

SI MP. Non eſt ita, optime Menander, nec metalla vnâ ſpecie contineri Alchimistarum principes credidere, neque id magni ad tranſmutationem comprobendam refert. Quòd ſi præter calorem & frigus nulla foret metallorum effectrix cauſa, in hanc fortè ſententiam nobis liceret concedere: (quamquam varia mixtio diverſas quoque inducat ſpecies) at metalla, vt lapides ex ſuis ſeminis oriri, vi quâdam plasticâ non errante, & vagâ, ſed ſtabili, vbique gentium eodem planè modo operante, jam identidem demonſtratum à nobis eſſe puto. Non quòd animâ vegetatrice donentur; quamvis ſpecie plantarum crefcere, in truncos, & ramos diſfundi, ac ſuſum eniti videantur: ſed in ſeipſis ſua gerunt ſemina; neque vt plantæ ſeruntur; at vis formatrix, quæ ſulfuri ineſt, materiam paulatim immutat, maturat, atque ad ſuam perfectionem deducit. Hoc quidem ſulfur non è cælo, non à ſideribus depluit, non ex igne centrali proficiſcitur, vt nugantur Paraceliſtæ, ſed ejuſdem forſitan eſt naturæ cum vulgari ſulfure, niſi quòd longâ alteratione in fixum, purum, & incombustibile evaſit. Non abſurdè metallorum anima vocitatur; nam iis ſpeciem largitur, & formam, ac cuſtos eſt virtutis ſeminalis ab auctore naturæ inſitæ: neque enim calor, & frigus rebus formas impertiunt. Cedo quid aliud conferre poſſit calor, quàm heterogenea ſeparare, vel reſolvere? Quòd ſi ſubſtantiam procreat, carnem generat, metalla perficit, non cauſæ principis, ſed instrumentariæ titulo operatur. Gladium quidem calore, vel frigore indurari, aut emolli-ri ſcio; at forma gladii ab arte ſolâ repetitur: ſic ratio ferri, vel auri ab intimo naturæ principio ducitur, non à nudâ, & ſterili qualitate. Cùm igitur ſpecierum diverſitas ex naturæ abditis feminibus hauriatur; neque vna ſit omnium metallorum ratio ſeminaria; nec ſolius auri generationem natura moliatur; cùm cætera metalla ſuos habeant uſus, palam eſt non vnam eſſe metallorum formam. Neque audiendi ſunt Paraceliſtæ, cùm ferrum nihil aliud præter aurum immaturum eſſe definiunt: neque hinc argumenta adverſus metallorum tranſmutationem depromi poſſunt, cùm nihil ſit in naturâ tam vulga-

rum, quàm specierum commutatio. Nec mirum si metalla, quæ cum auto composita sunt imperfecta, vbi suo sulfure exuuntur, atque in communem resolvuntur materiam, & auri sulfure fœtantur, in aurum facessant. Humor ad radices arboris illabens, in ipsius plantæ naturam, & soliditatem convertitur; alimenta in sanguinem, hic in carnem abit; ac tota natura his mutationibus plena est: sed hæc posterius. Nunc verò istuc non dabunt Philosophi metalla suo sulfure exui posse, atque in communem materiam, quam mercurium vocitant, reduci: nec Chymicis fidem habent, cùm variis demonstrationibus, & experimentis idipsum confirmare moliantur. Vnum item & alterum ex Heliophilo adducam experimentum, quo exploratum sit metalla ex argento vivo coaluisse, atque in illud redigi posse. Neque per longas ambages procedere necesse est. Plumbum in pulverem minutissimum redigunt: id sanè vsu tritum, & pervulgatum est; funditur, in vase cretâ obducto agitur, quousque comminuatur in granula; vel fufum inter patellas ligneas cretâ oblitâ conteritur. Argenti vivi vncia in duabus aquæ fortis exsoluta, phialæ vitreæ oclusæ imponitur; leni calore dissolutio promovetur: vbi hydrargyrus in aquam limpidam abiit, tum plumbei pulveris vncia sensim immittitur, ne aqua nimium effervescat. Statim argentum vivum instar calcis albæ præcipitatur: plumbum verò continenter agitatam resolvitur in hydrargyrum; adeò vt tres illius partes soleant in mercurium converti, vnâ dumtaxat superstitere. Argentum vivum, quod in fundo subsidit, alio vitro excipitur, & cùm libebit pristinæ naturæ, ac ponderi reddetur; hydrargyrus autem ex plumbo extractus vulgari paululum lividior, & segnior per corium trajicitur. Sic ferri mercurium educunt vegetum, & planè igneum beneficio hydrargyri, & salis ammoniaci. Hæc si vera sunt, quæ sanè experiri in proclivi est, manifestè colligitur metalla ex hydrargyro, & sulfure, vt Alchymistis, & metallurgis videtur, coaluisse, atque in ea ex quibus prodierunt, resolvi posse primordia. Sed de metallis nunc sigillatim, & distinctè agendum.

*Qua arte
metalla in
hydrargy-
rum redi-
cantur.*





CAPVT DECIMVM.

De metallis seorsim sumptis, vbi fusè de
transmutatione metallorum.

- I. *Transmutatio metallorum diversis rationibus impugnatur.*
II. *De singulis tractatur metallis.* III. *Transmutationis
possibilitas asseritur.* IV. *Objectiones diluuntur.*

THEOPHILVS.



ON mihi facilè fidem faciunt Alchimistæ, qui
verba dare, & credulis solent imponere: Attali
divitias promittunt, cùm ipsi inopes, & pannosi
huc & illuc circumcursitantes, & erronei feran-
tur. Egestas ipsa quâ gravantur, vanitatem artis
satis demonstrat: magnificè tamen, & gloriosè loquuntur,

Atque immensa cavi spirant mendacia folles.

Adeò vt mihi permirum videatur tot inveniri viros nobiles,
qui ab hoc nequissimorum hominum genere decipi se tam fa-
cilè patiantur. Vtinam hîc vanus essem? sed serîò ringor, cùm
video horum veteratorum fraude tot ingenuos homines delu-
di, qui rem simul, & famam miserè decoquunt, & serîò sen-
tiunt suæ credulitatis labem. Quod me magis angit animi,
non desunt illustres Philosophi, qui frigidam suffundere, at-
que animos pecuniæ avidos incendere non dubitent, dum Chy-
micos summâ ope propugnare, & artem transmutatricem esse
possibilem, enixè persuadere moliuntur. Mirum si Alchimista-
rum arti plus liceat, quàm ipsi naturæ, quæ rerum species non
commutat: neque aurum alibi quàm in propriâ matrice, & venâ
procreat; nec denique tantum opus in momento, sed post mul-
ta annorum volumina absolvit. Ignorant Chymici quæ sint
auri primordia, quod temperamentum, quæ natura; & teme-
rè pollicentur se quodcumque metallum in aurum esse com-
mutaturos. Norunt scilicet vertere rerum species; aurum in fu-
mos resolvunt, & plerumque pro thesauro inveniunt carbo-
nes.

*Rationes
varia, qui-
bus metallo-
rum trans-
mutatio im-
pugnatur.*

nes. Omnes auri partes adedò inter se cohærent, vt nullâ arte separari queant, neque alteri corpori adhærescere. Hinc aurum neque corpora suo colore tingit, neque est cremabile; nulla quippe ignis vi exhalari ex eo quicquam potest. Si quid alienum, aut si quæ sordes ipsi adhæreant, salibus acutissimis, vel plumbo liquato eluuntur: rubiginem non contrahit, quia nihil expirat; nihil olet, nihil sapit; ne igne quidem absumitur; haustum eodem pondere egeritur: quare nullum in Medicina vsum obtinet: nec demum in liquorem potabilem abire vquam potest. Quâ igitur arte, quibus machinis in hydrargyrum possunt resolvere, tincturam, sulfur, vel formam extrahere? sed quod monstri simile est, forma ab auro separata plumbum, vel hydrargyrum perficit, & industriâ artificis exaltata, formæ, seminis, & effectricis causæ obit munera: nam rudem informat materiam, fœtum aureum parturit, arque instar grani tritici sese felici prole multiplicat. Auditis delirantium somnia, non Philosophorum iudicia. Aurum formâ suâ exuitur. Nescio an vllâ arte corrumpi queat; tamen si facilius est rem destruere, quàm gignere. Forma avulsa conservatur. Et quidem arbitrabar nullam formam, si animam rationalem exceperis, consistere posse separatam. Quinetiam illa auri anima (sic enim loqui solent) tantam puritatem, tantas vires in vasis vitreis adipiscitur, vt in momento temporis colorem, pondus, substantiæ firmitatem plumbo liquato impertiat. Nos verò tardi sumus qui rem tot rationibus, tot experimentis comprobata non assequamur, ac nobilissimæ arti calumniemur. Artem sanè mirabilem prædicant, quæ naturam longè superat: nam materiam præparat, formam inducit, rerum species commutat, & perficit; huic demum natura ipsa famulatur.

Quò verò tanta nobis persuadeant paradoxa, nullis ferè vtuntur rationibus; sed pugnant commentitiorum exemplorum mirificâ copiâ: Raimundum Lullium, Arnoldum de Villâ Novâ, & totum Chymicorum senatum citant, quibus sanè non assentior, sed magis si opus est eos refellam. At Ioannis Andree Iurisconsulti inconcussam auctoritatem vsque ad nauicam nobis obtrudunt, qui in additionibus ad speculationem de falsi crimine, hæc habet: Nostri, inquit, diebus habuimus

De Auri natura.

Plures historias pro transmutatione eleuantur.

Arnoldum de Villâ Novâ in curiâ Romanâ summum Medicum, & Theologum, de quo scripsimus consilium de observatione jejunii, qui & magnus Alchimista, virgulas auri quas faciebat, consentiebat omni probationi summitti. Mirum si Arnoldus tanti arcani conscius non Medicinam modò Sacerdos exerceret; sed etiam de stipendio, vt ferunt, cùm ægrotos inviseret, satis sordidè pacisceretur. Negat Albertus se vidisse aurum ex Alchimistarum officinis productum, quod omnia ignis examina sustineret. An non potuit Arnoldus Ioanni Andree, atque aliis illudere? Colligunt innumera exempla, quæ nullo satis idoneo auctore nituntur, atque ab iis proferuntur, qui hujus artis amore depereunt, & quo plus impendêre, hoc minùs volunt desistere: alios verò in sui erroris consortium trahere gestiunt, ne soli insanire videantur. Quorsum spectant omnes Hoghelandæi historiæ de nobili Scoto, qui Colonia Agrippinæ anno 1603. coram aurifabris ferrum, & plumbum in purissimum aurum convertissè, atque idem Basileæ, & Argentorati præstitissè, ac frusto hujus auri Zuingerum donassè fertur. Mitto id quod Barnaudus de Anshelmo Boëtio refert, idque ex ejus ore accepissè profiteretur. Summa est, cùm Anshelmus Alchimistis foret iniquior, atque artem omninò impossibilem arbitraretur, vt ex ejus scriptis facilè colligitur; forte quadam incidit in libellum, cui nomen Cymbalum aureum, & aliquot granula pulveris rubei chartulâ involuta offendit, vnâ cum formulâ verbis ænigmaticis, & obscurioribus, qui mos est Alchimistarum, expressâ; tum coram aurifice semel, atque iterum, conjecta hujus pulveris portiuncula in hydrargyrum, statim eum in aurum purum putum commutavit. Crederem fortasse, si Anshelmus id memoriæ prodidisset, sed Barnaudi, atque aliorum Chymicorum fides valde mihi suspecta est: magna quippe pars artis est scitè mentiri. Prætereo quæ de Pharmacopola Trevisano, qui coram Reipublicæ Venetæ Duce, & aliquot Senatoribus argentum vivum in aurum convertit, referente Hieronymo Canlano, & aliis pluribus, commemorant. Mitto denique quod præter ceteros de Kelleio Anglo Penotus Aquitanus narrat. Pragæ, inquit, meo tempore idem ab Eduardo Kelleio factum est in ædibus D. Aggetii Thadæi, vbi

fibrâ integram argenti vivi in purissimum aurum conversam guttulâ vnâ pulveris rubicundissimi vidi. Extat adhuc, & seruat vt incredulos exemplo illo vincat. Præ manibus sæpius habui; & quod magis mirum est, restat videre signum illius laticis hærentis supra mercurium in aurum conversum, instar rubini. Horum sanè omnium vna depulsio est, non temerè fidem esse adhibendam Alchimis, quorum maximè interest artem suam splendidis efferre mendaciis. Summa voti est credulos divites emungere; quo id fiat, norunt dignitatem nugis addere, fabulas texere, multa exempla colligere; & si quem offenderint, qui jam in hanc artem insaniat, incendunt plus satis, magnâ spe lactant, atque ægrotum animum plerumque ad deteriorem partem applicant. Nemo cui mens sana contigerit, cum istis impostoribus inibit societatem, sed hos effugiet tamquam scopulos multorum exitio infames.

SIMP. Assentior planè, ac nemini auctor fuerim, vt temerè Alchimis fidem adjungat. Hoc hominum genus imposturæ nomine non immeritò suspectum est: quòd si tantam callerent artem, non iis foret res angusta domi. Plures vidi ad incitas redactos, qui grandes auri summas exsculpere magnificis pollicitationibus nitebantur; modò non montes auri promittebant, cùm gravi rerum omnium inopiâ premerentur: qui verò ex hac arte ditefceret, vidi neminem. Sed soli sumus, & quod quisque sentit, licet impunè dicere: artem quâ metalla transmutentur, arduam quidem, periculi plenam, & à paucis compertam, at impossibilem esse minimè arbitror. Atque vt præpostero ordine tecum agam; historiæ ipsæ quas protulisti, quantumvis Chymicorum auctoritatem eleves, ferè mihi persuadent artis veritatem. Nam si in re capitali trium hominum testimonia recipimus; quo jure, quâ ratione tot illustrium auctorum fidem contemnemus? Verùm ea fallit fortasse nonnumquam, fateor: sed tamen ad veritatem sæpissime dirigit: nec facilè, & temerè rejici debet. At Chymici in propriâ causâ non sunt audiendi. Quibus igitur auscultabimus? an fortè Misochymicis, qui istam artem ne intelligunt quidem. Quid enim, vt Tertulliani verbum vsurpem, iniquius, quàm vt oderint homines quod ignorant, etiamsi res meretur odium? tunc

Transmutationis possibilitas asseritur.

1. *Exemplis comprobatur.*

enim meretur, cùm cognoscitur an mereatur. Taceo de Chymicis. Sanctus Thomas, Albertus Magnus, Fernelius, atque alii Philosophiæ principes artem esse possibilem apertissimè concludunt. Idem tradunt Marsilius Ficinus, & Ioannes Franciscus Picus Mirandulæ Comes, vir omni exceptione major, qui se multoties expertum fuisse metallorum transmutationem, atque aurum ex plumbo factum omni examini subiecisse testatur. Multa quidem exempla præter cæteros refert Euvaldus de Hoghelande, nullum sine locuplete auctore, & teste. Quem non movet historia nobilis Germani Stauberger, qui acceptis à Medico aliquot drachmis pulveris argentifici, coram Philippo Secundo Hispaniarum Rege, & multis proceribus, ferventem hydrargyrum in argentum commutavit: quo experimento invitati quidam Aulici societatem iniere, atque impensam huic arti navarunt operam, sed irritò conatu. Interrogatus, inquit Euvaldus, de his à me Serenissimi Baviaræ Principis Ernesti Archiepiscopi Colonienfis Aulicus Ameiden, cuius pater cum aliis societatem inierat, rem ita se habere, & vasa, atque alia instrumenta, quibus vsi essent Pseudochymici in castro quodam adhuc asservari, affirmavit. Sed quid ego vetera? paucis abhinc annis Aurifaber Parisiensis, quem si necesse foret, nomine designarem, aliquot granula pulveris aurifici à Polono in patriam remeante accepit, cuius ope plumbum fusum in aurum purissimum commutavit. Est homo nasutissimus, ac tibi fortè, mi Theophile, à nomine, & à facie notus. Sed Philosophum non decet testibus uti, qui aut casu veri, aut malitiâ falsi, fictique esse possunt: argumentis igitur, & rationibus pugnandum arbitror. Negant rerum species posse commutari. Mirum id objici à Peripateticis, qui elementa in sese mutuò commeari decernunt. Mixta quæ sunt imperfecta alienas formas quàm facilè induunt; omnium viventium generatio, nutritio, accretio denique specierum mutatione continetur: ex equi, aut vituli cadavere Scarabæi, & apes nascuntur; granum tritici in herbam virentem adolescit: ovum in pullum efformatur; alimenta in chylum, hic in sanguinem, sanguis in carnem facessit: an sola metalla à communi naturæ lege excipiuntur? Fatemur sanè formas específicas, non

Artis possibilitas multiplici ratione suadetur.

posse in alias converti: quis enim ita insaniat, vt formam plumbi, in formam auri transmutari existimet? sed materiam plumbi suâ formâ spoliari, & speciem auri induere nihil prohibet. Ferrum in cuprum, plumbum in stannum, stibium in plumbum commeare docet experientia, & nemo in arte metallicâ versatus negabit: quid est cur argentum in aurum mutari posse debitemus?

TH. Neutrum quidem tam facilè, quàm tu arbitraris conceditur: neque ferrum in æs mutari putem, neque eo confesso, aurum ex argento confici posse evinces. Non me fugit Chymicos ex ferro vitriolum extrahere, ex quo cuprum conflatur. Elias artifista, seu Heliophilus modum satis apertè explicat; laminulas chalybis aquæ & oleo sulfuris per campanam extracto immergit; duplo plus aquæ quàm olei apponit: vase occluso sex horarum spatio aquam fervere sinit; vitriolum splendens, & viride in superiorem vasis partem elatum colligit: recenti aquâ solutum, excoquit, donec appareat cuticula; tum chalybis laminulas supponit, quibus æris ramenta adhærescunt, collecta in cuprum funduntur. Idem compendiosiore viâ aggreditur: scobem ferri cum triti sulfuris æquali pondere calcinat, & reverberat, quousque sulfur comburatur; quod reliquum est in ferventem aquam conjicit, cui laminulæ chalybis impostæ, multum æris statim colligunt, quod detersum liquatur in cuprum. Zapara auctor non infimæ notæ vitriolum in aquâ decoquit, cum effervesceat, tum chalybis laminas injicit, quæ educæ non parum æris contrahunt; hoc abraço laminas iterum immittit, donec totæ in cuprum abierint. Non etiam ignoro quæ Mathesius, atque alii referunt de fonte Cypsenfi qui ferrum in cuprum commutat; atque idem artificum industriâ in monte Kuticensi perfici. Concedam hæc omnia si vis: neque hinc aliud colliges, quàm in ferro, & cupro plurimum inesse vitrioli, atque in vitriolo, & sulfure pleaque æris corpuscula delitescere, quæ ferro sibi cognato suâ sponte adhærent: neque vlla metallorum transmutatio perficitur: at minuta cupri atoma in vitriolo dispersa colliguntur, & in idem corpus confluunt.

Sed ferrum in chalybem, plumbum in stannum, antimo-

*De ferri in
cuprum mu-
tatione.*

*De ferro &
chalybe.*

nium in plumbum abire fugit neminem. Pugnas quidem, sed cum adversario facili: hæc enim omnia si postulas, concedo: at nego chalybem à ferro, stannum à plumbo specie dissidere. Novimus chalybem esse veluti ferri nucleum: repetitâ coëctione hanc duritiem adipisci scripsit Aristoteles, cum scilicet à scorii expurgatur. Sæpe ferri vena statim in chalybem conflatur: hoc ipsum quandoque præstant aquæ adstringentes. Comi in Italiâ, aquæ præstantissimum efficiunt ferrum: norunt denique artifices aquas parare, in quibus extinctum ferrum adedò indurescit, ut magno sit vsui ensibus, loricis, atque aliis id genus instrumentis conficiendis: Alchimistæ virgulas ferreas cæmentant cum sale, & fuligine, quæ urinâ perfunditur: alii prunas ex quercu, fago, & aliis solidioribus, vel nitrosis lignis adhibent. Postremò ferrum urinâ, aceto, succo raphani adjunctis terræ lumbricis, auctore Alberto temperatur, & in durissimam aciem evadit, quòd succi acres ferro addant adstringentia corpuscula, quibus illius partes stipantur, & arctiori vinculo inter se coherant. Contrà molle fit, & tenerum, cum aquæ ferventi, butyro, vel oleo immergitur: hæc enim lubrica, & vliginosa ferro communicant corpuscula, quæ ipsi molliem, & flexilitatem conciliant. Cum durius efficitur, tum angustiores poros habet, nec flexile, sed fragile redditur. Sic ubi stanno, vel æri admiscetur, partes adipiscitur fragiliores, quòd ab extraneis divisæ, & separatæ, jam minùs inter se cohereant. Stannum verò facilè admittit, ubi candens humore pingui, & oleoso perfunditur, ut cum pice, vel sebo illinitur: nam sulfure vntuoso, & combustibili (jam cum Chymicis loquor) abundat. Hinc candens ferrum admoto sulfure statim liquefcit, & guttatim decidit. Non ægrè inflammatur, atque ingratum odorem fœtet; rubiginem citò contrahit, tamquam adusti sulfuris fuliginem: quæque tangit corpora, eadem inficit. Multum denique terrenæ siccitatis obrinet: recens è venâ facilè liquatur, & instar aquæ decurrit: sed ubi semel conflatum est, vix funditur: nam in primâ fusione permultum humiditatis decessit: restant verò partes crassæ, terrestres, & implicatissimæ, quæ igne quidem emolliuntur, non liquantur: calor quippe humorem educit, superflua, & quasi excrementitia

secernit, sed non satis humoris superest, vt fluere possit. Hoc quidem omnibus ferè metallis commune est, vt ignis ea puriora reddat, quòd ab extraneis, & superfluis liberentur: sed non continuò speciem mutant.

Æs regulare quod ignis ardoribus à scoriis expurgatur, non specie differt à caldario, quod vt obscurius, sic vilius existit; illud auri colorem magis refert, & duci, & fundi faciliùs potest; hoc fusile quidem est, sed minùs ductile: nam plurimum habet terrenæ impuritatis. Quòd si Alberto credimus, ex argento vivo, ab omni humore extrario jam purgato, & adusto sulfure æs componitur; hinc mistio oritur minùs exquisita, quòd miscibilia non satis extenuata fuerint. Quare vbi excoquitur, multas fæces deponit; & flammam vberiore non sustinet, sed instar ferri incenditur: magnâ quippe æs & ferrum societate junguntur: vtrumque durum est & sonorum; vel quòd ambo multâ terrâ abundant; vel quòd partes habeant teniores, quæ idcirco acutiùs resonant, & crebriores edunt vibrationes: ambo denique adusti sulfuris fuliginem expirant.

Æs politum aquâ, vel sanguine madefactum citiùs æruginat: imò sale, vel aceto, vel urinâ pueri aspersum statim mutatur in viridem æruginem: hæc enim omnia poros efficiunt laxiores; atque adeò halitus excrementitius faciliùs erumpit, & in æruginem concrefcit. Quid igitur est causæ cur Imperatorum numismata è terrâ eruantur illæsa, cùm cuprum tam facilè in æruginem resolvatur? Fors est vt pice liquidâ peruncta fuerint: oleosa enim, & bituminosa quæque cuprum conservant, quòd obstruant meatus ne halitus erumpat. Illud quidem negare non possum æs multo vitriolo abundare, quod ærugo ipsa demonstrat; ex iisdem quoque eruuntur venis, & cuprum ex atramentosis aquis excoquitur. Ferrum verò huic affine vitriolo non caret, quod multâ terrâ permiscetur. Quocirca ex ferro cuprum, & vicissim ex ære ferrum exsurgit: nam vbi cuprum ad regulam excoquitur, quæ in fundo catillorum instar fæcis subsidunt excrementa, contusa, & cocta in ferrum evadunt. Non quòd metalla in sese mutuò commutentur; sed fors est vt cuprum vitriolo magnâ ex parte exhaustum, nihil sit quàm ferrum; vel quod mihi magis probatur, natura vt ars me-

De ære, vel cupro.

talla confundit: hinc nullum ferè æs invenitur, ex quo argentum educi non possit. Verùm hoc ipsum mox videro. Quæ quæso te æs signatur nominibus, quot vultus ex metallorum permistione induit? Cùm rubro & pleniore induitur colore, tum æs Cyprium, vel cuprum appellant: vbi lapidi calaminari, vel cadmiæ fossili admiscetur, & dilutiorem præfert auri colorem, orichalcum vocant; tamen id quoque fossile inveniri auctor sit Plinius. Omitto æs Corinthium, quod in urbis conflagratione cum diversis metallis permistum fuit, idque postea ars est imitata. Taceo de ære coronario, quod in tenuissimas diductum bracteolas felle tauri tingitur, atque aurum ipsum colore exprimit; ex illo quondam histriones texebant coronas. Sic æs ad campanas stanno temperatur, ut gravior sit sonus: cùm vigesima stanni pars admiscetur, atque alia adjiciuntur mineralia, tum bronzum vocant, atque ex eo tormenta bellica conflantur.

De plumbo.

Iam quid de plumbo, & stanno dicturi sumus? an unâ, & eâdem specie continentur? at ex eâdem venâ non eruuntur, non iisdem proprietatibus afficiuntur. Plumbum molle est, colore livido, & obtusorem reddit sonum, quod in illo humor prævaleat, & partes habeat non multum implicatas. Cùm in cerussam redigitur, fit gravius, idque habet cum coctis lateribus commune. Rationem affert Cæsalpinus, quod fuligo ignis in ipsis conclusa poris, tum plumbi, tum laterculorum pondus augeat: nam flamma reflexa in illis meatibus fuliginem reponit. Indicio est quod vbi cerussa in plumbum reducitur, non parum de illius mole decedit. Et sanè plumbum in fornace fumosam exhalationem; sub dio verò expositum, vel etiam in terrâ sepultum vaporosam attrahit substantiam, mole crescit, & pondere. Impurum quippe existit, & partes habet malè confertas, quæ tamen aliis corporibus faciliè adhærescunt: hinc faciliè liquatur, manus decolorat, fordium, & cujuscumque halitus accessu crescit. Nullam contrahit rubiginem: nam qui erumpit halitus in crassiores sordes densatur: magnam cum reliquis metallis habet affinitatem, illorum abstergit sordes, cum auro, & argento funditur, & faciliè commiscetur: sed quia ignis violentiam sustinere non potest, recedere compellitur,

tur, & vnâ secum quidquid alienum, & excrementitium auro, vel argento inest, aufert: adeò vt neque aurum neque argentum citra plumbum expurgari queant. Gemmæ sordidiores in plumbo fuso excoctæ, longè puriores, ac splendidiores red-
duntur.

*Metalla
plumbo pur-
gari.*

Stannum verò candidum est, fragile, sonorum, leve, nec ductile nisi plumbo temperetur: cum cæteris metallis nullo modo convenit: nam si argentum in catillo, vbi priùs liquatum fuit stannum, conflaveris, fragile evadet. Quæ quidem stanni longè diversam à plumbo naturam demonstrant: nam in hoc vapor humidus, vel si malis, argentum vivum; in stanno halitus siccus, vel sulfur dominatur. Ex illâ siccitate levitas oritur, & stridulus sonus: tinnitus enim, vt ait Cæsalpinus, non in molli, & flexibili fit corpore, sed in duro, & rigido, vt vno ictu sæpius aer verberetur. Tenuibus quoque constat partibus: nam teste Aristotele, exigua admodum parte æri admixtum, album ipsi conciliat colorem, quod non contingeret, nisi tenuissimas haberet particulas, quæ magnam æris molem pervagari possunt. Quòd si stanno non deesset humiditas, & gravius, & ductilius foret: hinc cum vasa ærea stanno obducuntur, vix eorum augetur pondus. Impedit verò stannum ne ex vasis æneis ærugo venenata efflorescat, & ne tam citò liquentur: nam meatus occludit igneis particulis; neque halitus æruginem facturus clausis meatibus erumpit. His igitur concessis, videtur stannum non ejusdem esse cum plumbo speciei. Quæ ergo fieri potest vt plumbum granulatum, aquâ falsâ ablutum, cum sale communi, vel ammoniaco cæmentatum, seu alternis ordinibus dispositum, & igni moderato coctum, ac tandem reductum, in stannum convertatur. Nemo dixerit antimonium, & plumbum eadem specie concludi: at quis dubitat stibium in plumbum converti? antimonii duas partes cum vnâ crudi tartari, & tantundem scobis ferreæ liqua; in aquam frigidam effunde; cum id sæpius iteratum fuerit, stibium in plumbum faceffet. Alii regulum antimonii cum sale plumbi trium horarum spatio cæmentant, atque in ardentissimâ fornace fundunt. Iam vide, optime Simpliçi, quàm tecum agam liberaliter: regulum antimonii in plumbum, hoc in stannum

Stannum.

*Antimo-
nium in
plumbum.
hoc in stan-
num abire
putant Al-
chimista.*

Tria plumbi genera.

Cerussa.

commeare fateor: verùm ista specie inter se convenire pertendo. Plumbum humidum est, impurum, & molle; ablutis per sales fordibus, idque exsiccatum albedinem, siccitatem, & stridorem stanni consequitur. Stibium verò à plumbo differt, quòd in illo sulfur, in hoc humor sit vberior; detrahe ab antimonio sulfur exuberans, plumbum obtinebis. Non igitur concludit ea ratio, quæ à vobis adducitur ad metallorum transmutationem comprobendam. Siquidem vt æris, sic plumbi varii sunt gradus, non species diversæ: aliud est nigrum, seu lividum, aliud candidum, tertium denique cinereum, fragile, & sonorum existit. Stannum quippe stridet magis quàm sonat, plumbum verò mutum est, cinereum regulo antimonii similimum resonat: illud Germani bismuthum vocant. Cum stanno, & plumbo temperatur, atque ex eo diversa constantur vasa, quæ splendorem suum diu conservant. Miscetur quoque cum stibio, & aliis metallis, vt typi, seu characteres efformentur. Stannum ni plumbo admisceatur, nullius erit vsus: plumbum enim humore suo stanni siccitatem temperat, & vicissim stannum tenuitatem, ac firmitatem plumbo impartit. Solent utique plumbi nigri tertiam partem candido adicere. Vtrumque suam habet rubiginem; cerussa appellatur quæ ex plumbo, vel aceti vapore, vel sponte suâ efflorescit: quæ autem ex stanno educitur, album Hispaniæ vulgò nominatur. Iam vt ego quemadmodum sentio, loquar, plumbum in stannum abire mihi verisimile videtur: sed vellem vt Alchimistæ eadem metalla in argentum, vel aurum commutarent: is enim est limes præcipuus in quem eorum labores diriguntur. Quòd si tanti arcani forent conscii, non se inculcarent auribus nostris, neque operam suam magnatibus vel invitis offerrent. Illa contubernalis Alchimistarum paupertas artem ipsam falsi revincit. Sed tamen libros edunt infinitis formulis refertos, quibus saltem artis possibilitatem confirmare moliuntur. Ex omnibus certè metallis aurum vel argentum educi non inficior: sed meminisse oportet metalla alia aliis esse permista, vix solitaria inveniri: argentum omni ferè cupro inest, vix vllum aurum argenti expers eruitur. Hoc ipsum artis est vel maximum, quæ confusa sunt metalla secernere, non eorum species vertere.

Ex argento quidem auri granum, seu porriunculam colligunt, sed citra vllum emolumentum. Quòd si maximam argenti partem in aurum possint commutare, tum artem callebunt sine controversiâ magnam; neque immeritò Philosophorum nomen vsurpabunt. Sed quâ arte argento pondus, colorem, & ductilitatem summam dabunt? placet illis hydrargyrum purum, & defæcatum in argento abundare; hinc illius nitor: liquefactum, instar hydrargyri tangenti non adhæret, neque instar olei, vel aquæ diffunditur. Argentum liquatum addito sulfure calcinatur, quòd sulfur cum metallis magnâ societate jungatur: hinc illâ adurit & penetrat, non item ligna, & lapides: sulfuris tenacitas humorem secum abripit, atque vnâ evolat, hinc calcinatio. Nec tamen in argenti commixtione vincit sulfur, nisi fortè qualitate, & agendi efficacîâ. Sæpe, inquit Albertus, sub terrâ argentum instar spissæ pultis molle occurrit, quod probat in eo hydrargyrum abundare. Nonnihil in igne deperdit, & rerum acutarum vapore suam aliquando rubiginem cæruleam exspuit: lineas nigriores imprimit, & manus collybo inficit, quòd substantia illius nonnihil habeat impuritatis. Contrâ aurum tincturam suam non à mercurio, sed à sulfure desumit, neque vsu atteritur, nec deciduâ materiâ manus inquinat; in bracteolas adedò tenues, argento præsertim substrato diducitur, vt color tantùm superesse videatur. Nullam, vt dictum est, contrahit rubiginem, vel squalorem; ab hydrargyro statim solvitur, cuius tenuissimæ partes auri meatus subeunt, atque in minutissimum pulverem comminuunt: in liquorem aut vitrum, quidquid mentiantur Alchimistæ, abit numquam. Purissimo, vt illis placet, constat sulfure, eoque fixo non combustibili, non pingui, vel vnctuofo. Neque arsenico, neque sulfure aduritur: nam partes habet arctiori vinculo devinctas, & subtiliore mixtione conjunctas, quàm vt divelli possint; hinc tanta illi ductilitas, & tantum exoritur pondus: nec sonorum est, nec tinnulum, quòd poros habeat angustiores: nec quicquam exhalat, nec contactu suo tingit corpora. Purum sæpe invenitur, quia non facilè societatem inquit cum imperfectis metallis; cum argento liberiùs coniungitur: hinc mixti auri color citrinus, & pallidus: sed vbi expurgatur ma-

Verum argentum in aurum abire possit.

De argenti et auro.

D. Petio.

jorem acquirit rubedinem. Aurum denique vt puritate, sic pondere cuncta metalla superat: aded vt hæc gravitatis proportio inter metalla inveniatur, quemadmodum vir clarissimus, atque eruditissimus expertus est. Sit aurum 100. mercurius erit $71\frac{1}{2}$, plumbum $60\frac{1}{2}$, argentum $54\frac{1}{4}$, cuprum $47\frac{1}{2}$, ferrum 42. stannum commune 39. magnes 26. marmor 21. lapis communis 14. crystallus $12\frac{1}{2}$, aqua $5\frac{1}{3}$, vinum $5\frac{1}{4}$, cera 5. oleum $4\frac{3}{4}$.

*Contra
transmuta-
tionem alia
objectiones.*

Variis quidem pigmentis argentum auri colorem potest induere: neque hæc coloritia, & sophistarum fuci Alchimistas fugiunt: sed nego auri pondus, & ductilitatem argento conferri posse, quantumvis illud fusione, vel cæmentatione fatigent; nedum imperfecta metalla in aurum pulveris cuiusdam additione in momento faceissent. Vnde tanta grano pulveris aurifici virtus, vt magnam plumbi molem in ictu oculi propriâ formâ exuat, speciem, colorem, firmitatem, & pondus auri largiatur? Profectò non ex calore elementari vis illa dimanat. At fortè ad cælestes influxus, & occultas qualitates confugient: verùm hæc ignorantia patrocinia tibi non placent, mi Simplicii. An fortè pulvis ille projectionis semen est ex auro secundo eductum, quod in materiâ sibi attemperatâ exceptum vim habet prolificam, & sui generis propagatricem. Vtrumque absurdum, metallis semina tribuere, eaque in momento adolescere, ac sese felici incremento multiplicare. Nimis absurdè quidam Chymici metallis non animam, & vitam, sed quasi animam, aut vitam largiuntur: hoc dicere tupius est, quàm illud quod volunt, non posse defendere. Nam dum effugere reprehensionem volunt, afferunt aliquid quod ne concipi quidem possit. Metallis semina, vitam, & vim plasticam affingunt, cum nemo ejusmodi semina conspexerit, neque vlla vitæ obeant munera, nec capiant incrementa. Iam non animam, sed quasi animam; non semen, sed quasi semen, ne tu quidem (quod inter nos liceat) intelligis. Quantum satius est Alchimistarum flagitia proscribere, quàm tam impudenter resistere, atque ea dicere, quæ omnium mentes respuunt. Nec multum me movent historiae, quas vel ipsi texuere, vel ab aliis delusi acceperunt: nam si semel suscipimus genus hoc argumenti, vide quò serpat:

circulariores omnes, Empirici, Astrologi, atque alii impostores omiſſis rationibus ad experimenta provocant, vt credulis faciliùs illudant: Philosophi verò quare quidque ita sit, argumentis, & rationibus docent, non eventis, quibus liceat non credere. Cæterum quanta est pugna Alchimiſtarum inter se, cùm alii vniuerſale meſtrum, seu Philoſophorum mercurium, vel ſubſtantiam quæ aurum exſolvat, & formâ exuat in hydrargyro, alii in nitro, alii in ſpiritu vitrioli quærant: & quod mihi permirum videtur, plerique ſe tanti arcani compotes jactitant, alios verò qui ab ipsis diſſentiunt, vt impostores, & ſacrilegos totis voluminibus concidunt. Cedo quem ſequar? Veteres in mercurio, & ſulfure laborabant; juniores nitrum, & vitriolum mirificè commendant: vtris credam? cur cogare eos ſequi qui neque inter ſe, neque cum aliis conſentiunt?

S I M P. Equidem video Alchimiſtas in magno diſcrimine conſtitutos: quid tamen poſſint reponere paulò attentius conſideremus; neque enim inauditâ cauſâ ſunt proſcribendi. Primum quod metallorum tranſmutationem attinet, non video cur omnino impoſſibilis habeatur: nam ferrum in æs mutari tum naturæ, tum artis induſtriâ, ne inimici quidem Alchimiſtarum negare audent. In monte Carpatho fons eſt in quem ferrum injectum corroditur, & conſtatim abit in cuprum. At fortè æris ramenta in ferro inerant, quæ per aquas atramentoſas deſluunt. In hâc olim opinione fuit Ercherus, ſed poſtquam experienciâ cognovit in vitrioli fodinis clavos, & alia ferramenta in purum æs converſa, tum veram fieri tranſmutationem fateri tandem coactus eſt. Neque id novum, vel mirum videri debet, cùm ligna, & oſſa in lapides, metalla in lithargyrum, & vitrum convertantur, ac rurſum vitrum in metallum reducat. Quid vitro cum metallo commune, & tamen reciprociſ mutationibus vnum in alterum commeat. Neque hâc ſubtiliùs requiro an plumbum à ſtanno, vel antimonii regulo, ſpecie differat: nam rerum ſpecies, vt collibitum eſt, modò confundis, modò diſtinguis. Mihi certè argentum tam ſimile auri videtur, quàm ſtanni plumbum. Negas argentum ita ſigi poſſe vt aurum æquet pondere. Dic ergo cur ſtannum in plumbum, & viciſſim plumbum in ſtannum commigret. In

Aliis rationibus tranſmutatio adſtruitur.

Magni Hetruriæ Ducis thesauris duo clavi partim aurei, partim argentei ostenduntur, Alchimistarum arte conflati. Ex iisdem sanè principiis aurum, & argentum ducuntur, nec rarò eidem mineræ adhærescunt. Vidit Albertus auri fibram quæ per silicem discurrebat, degenerasse in argentum, cum ad aliud lapidis mollioris, & rarioris genus pervenisset. His addit Casalpini auro omni argentum inesse vario pondere, alibi denâ, alibi nonâ, alibi octavâ parte; cui pars quinta inest, electrum dicitur, cumque est nativum, id ferunt venena prodere, atque in calicibus discurrere arcus cælestibus similes, cum igneo stridore. Fieri potest ut veneni vis acerrima quasdam electri particulas separet, & virus suum stridore prodat. Quod si tanta sit argenti cum auro cognatio, ut ex iisdem principiis, atque in iisdem venis procreentur, cur vnum in alterum commigrare posse inficiemur? præsertim cum innumeris constet experimentis metallâ in sese reciproca mutatione commeari. Omitto formulas quibus Chymicorum libri scatent: nam partim sunt falsæ, partim inutiles, & citra vllum compendium perficiuntur; solam artis demonstrant possibilitatem. Nam Alchimistis religio est arcana sua evulgare: hinc omnibus æqualiter abrogatur fides, atque omnes sine vlllo discrimine imposturæ nomine infames habentur: quamquam verisimile non sit omnes Alchimistas hoc vitio laborare, ac prorsus sit incredibile tot illustres viros impudentissimè mentiri, ac toti orbi illudere.

*De lapido
philosophico,
an sit possi-
bilis.*

Cæterum ut ingenuè dicam quod sentio, vix vllâ mentis contentione assequi, complectique possum quâ arte hydrargyrus pulveris aurifici, vel vtraiunt fœcundi sulfuris grano, non solum figi, & aureo colore tingi, sed etiam augeri pondere possit, cum nullius materiæ fiat accessio. Eadem est ratio argenti in aurum commutati: nam vnde argento tantum accedit ponderis: quod si camentorum, vel refectionum beneficio quippiam alienum subierit, quod argento, & colorem, & pondus auri conciliet, hæc non erit vera transmutatio, sed sophistica potius adulteratio, quæ facilè à Docimastis deprehenditur: neque enim ignem, neque alia sustinet examina, & citò evolat, cum appositum dumtaxat fuerit, non exquisitè permistum. Argentum coctione figi, & maturari non repugno, sed pondus

crescere citra novæ substantiæ accessionem, non puto. Nec clam me est ex ferro chalybem, & duriorē, & graviorē prodire; at id non fit citra ferri imminutionem. Chalybem quoque in crocum levissimum abire non inficior; at molē augetur, vel certè multum de illius substantiâ decedit. Laterculi coctione fiunt graviore; & meritò quarit Modestinus quî fiat, vt in examine metallico res ignem passæ non sine detrimento favillarum, ponderosiores inveniuntur, quàm nondum in flammam illatæ: nam si testam, vel cupellam, plumbum, & metallum ponderes ante examen, omnia sunt leviora, quàm post, iterum ad libellam revocatis scoris, testâ, massulâ metalli quæ probanda erat, & cupellâ cinereâ; cùm tamen de plumbo multum perierit. Rationem ex Cæsalpino jam suprà reddidisti, quæ tamen Libavio displicet: quòd si enim fuliginis additione pondus cresceret, calcem vivam lapide ipso fieri graviorē necesse foret. Existimat verò levi aëre extruso, cupellæ, vel cinericiî meatus spiritibus metallorum fixis, & ponderosis compleri. Vt vt sit, difficile est homini non hebeti, neque inexercitato persuadere totum argentum in aurum faceßere, aucto quidem pondere, mole nihil imminutâ. Quemadmodum ex ferro chalybem, sic ex argento aurum procreari nihil contradico; aded vt pars argenti purior, & defacatior in aurum commigret, & quantum ponderis accedit, tantum de ipsâ mole decedat. Reclamant quidem Alchimistæ, ac plerique se expertos testantur totum argentum, vel mercurium in aurum conversa fuisse. Mitto cæteros, non parum me movet Glauberi, qui adhuc in vivis est, auctoritas: is quemdam ex nitro liquorem præparat instar aquæ pellucidum, cuius vires omnino incredibiles miris effert laudibus, eumque auri potabilis nomine insignit: huius liquoris vnciam cum scrupulo, vel dimidiâ drachmâ hydrargyri vitro infundit, arenæ calidæ ipsum vas vitreum imponit, quousque humore exhalato sal candidum in fundo subsidat; aquæ pluvialis affusione humorem restituit; atque in fundo vasis totum mercurium in aurum commutatum remanere asseverat. Eadem arte docet cætera metalla in tenues laminulas ducta in aurum converti, nullo tamen compendio, & citra vllum emolumentum. Ipsum denique liquorem humore efflato

in salem redigit, cujus dimidiam vnciam cum 20. vel 30. granis alicujus metalli in tenuissimas laminulas comminuti permiscet, erucibulo imponit; sal metallum penetrat, & intra horæ quadrantem in optimum aurum commutat. Multa mihi in hanc sententiam occurrunt, quibus transmutatio metallorum non suadetur modò, sed etiam persuadetur: Verùm ea non invitus silentio prætereo, ne quod ipse expertus non sum, vos docere videar. Neque eo consilio hæc disputo ut vos ad studium Alchimix incendam, deterrerem potiùs, cùm nulla scientia difficiliores habeat aditus, nulla periculosior, nulla magis impostoribus pateat. Neque ego vtilitatem aliquam aucupans Chymicorum libros, sed delectationis causa, cùm est otium, legere soleo, vel eorum labores intueri. Sed ad institutum revertar meum, atque experiar an rationes quas adversus metallorum transmutationem collegisti, solvi villo modo possint. Totam disputationem in pauca conferam. Negas Chymicos ex quibus principiis metalla consent, vel quo loco, quo tempore, quibus instrumentis vtatur natura, exploratum habere; atque adeò imposturæ nomine suspecti sunt, qui chrysopeiam profitentur. Ego verò Alchimistarum non suscepi patrociniũ, neque artificum vitia, sed artis excellentiam defendo. Nec necesse est omnia naturæ momenta in procreatione metallorum Chymicis esse perspecta: satis erit si viam insistant per experientiam sibi cognitam. Qui tepore fimi in Ægypto ex ovis pullos excludunt, quo modo pullus efformetur forsitan ignorant. Serit triticum agricola, terram vel stipularum incendio, vel fimo reddit fecundiorẽ: an necesse est ut ipse norit modum, quo tritici granum terræ gremio exceptum, primùm in herbam viridem assurgat, tum sensim adolescat? An occultum in cineribus, vel fimo inesse salem, eumque nitrosum, & fecundum, habet exploratum? Sed incredibile est tantum valere artem Alchimisticam, ut plumbum subitò in aurum convertat, cùm ipsa natura non nisi labentibus annis hoc metallum in terræ visceribus procreet, quod ex purissimâ materiâ, non mole magnum, sed sæpe in granula comminutum, vel in lapidum fibris diffusum reperitur: non enim substantia adeò defæcata, vel ubique, vel magnâ copiâ potest occurrere. Cùm igitur

Satisfit objectionibus.


igitur naturæ solertiam nulla ars, nulla manus, nemo opifex consequi possit imitando; verisimile non est obscuros homines, & abjectos posse ad libitum ex plumbo, hydrargyro, atque aliis inferioris notæ metallis aurum purum putum conflare. Hæc sanè me non mediocriter movent, ac difficile dictu est, quæ hujus repentinæ transmutationis ratio, quæ causa esse possit. Sed ratio ipsa nos lateat, num continuò tot illustres Philosophos, aut stultitiæ, aut vanitatis, aut impudentiæ insimulabis? Magna quæstio est vtrum ars naturæ opera moliri possit. Verùm ad propositum nostrum nihil pertinet: non ars, sed natura ipsa species metallorum mutat: naturæ verò ars famulatur; ignem regit, vasa præparat: sed natura sola opus absolvit. Exemplum Medici adhibet Albertus qui noxios humores expurgat, tum naturam ipsam corroborat, atque instum adjuvat calorem; adedò vt sanitas naturæ vt causæ principi; arti verò vt organicæ, & instrumentariæ accepta referatur. Non dissimili modo Alchimistæ hydrargyri, & sulfuris impuram substantiam purgant, tum paulatim digerunt, atque inticam vim calore convenienti promouent, & ad perfectionem deducunt. Neque necesse est vt tantum temporis natura arte sibi ancillante adjuta impendat, quantum in visceribus terræ insumere perhibetur. Quis enim ignorat naturam ab arte perfici? plumbum, vel stibium, silices ipsi in vitra splendida commutantur: ex ferro æs purissimum intra paucas horas conficiunt: è plumbo cerussam, & minium; ex argento caruleum; ex cupro æruginem, & orichalcum, atque alia infinita præstant artifices, quæ natura vel numquam, vel nonnisi post longam annorum seriem absolvit. Natura quippe arte adjuta paucis momentis pleraque gignit, effingit, mutat, quæ sola nequit perficere. Illud non ignorant Medici, qui naturæ adjutores, & ministri cùm sint, morbos profligant, quos solius naturæ vis expugnare non poterat. Sic hortulani fructus præcoces procurant, & varias transplantationes (vt Chymicorum, vocem vsurpem) varias insertiones adhibent. Quid multa? ars & natura sibi mutuas tradunt operas, quæ hæc inchoavit, illa perficit: natura sine arte multùm valebit, ars nulla esse sine naturâ poterit. Terræ, inquit Fabius, nullam fertilitatem habenti nihil optimus

agricola profuerit: è terrâ vberi vtile aliquid, etiam nullo colente nascetur: at in solo fecundo plus cultor, quàm ipsa per se bonitas soli efficiet. Istuc quidem ad propositum faciliè accommodari potest. In primâ metallorum generatione majus naturæ, quàm artis esse momentum crediderim: sed vbi de summâ eorum perfectione, & multiplicatione agitur, plus arti deberi, quàm naturæ puto. Illa materiam suggerit, hæc veluti formam largitur, ac vim prolificam in metallo quasi sepultam, atque in materiæ recessu abditam excitat. Ac ne illud quidem verè dici potest, Alchimistas formam ab auro sejungere: tenuissimam quidem ac subtilissimam cujusque metalli portionem formæ, tincturæ, vel fecundi sulfuris nomine insigniunt: illamque vt loquuntur, exaltant, ac purissimam reddunt. Nec mirum si hujus pulveris granulum in materiam sibi attemperatam conjectum, temporis momento eam figat, atque in aurum convertat: nam illa tinctura est potestate maxima, licèt sit mole minima; materia quoque est omnino disposita: quare nihil superest quod transmutationi moram obiciat. Subitaneas in metallis operationes, & mutationes quotidie miramur. Aqua fortis stibio affusa statim effervescit: quot præcipitationes in momento perficiuntur? cuprum, vel plumbum, vel stannum in laminulas diductum, cum vnâ parte scobis tiliæ, duabus sulfuris, & novem nitri partibus permistum, si prunâ injectâ accendatur, hoc incendio metallum adeò perficitur, vt per cupellam fulminatum nonnihil auri, vel argenti expromat, cum antè neminem quidem contineret. Vltima certè perfectio materiæ optimæ dispositæ, atque ad suscipiendam formam proclivi in momento accedit. Quantula veneni pars totum corpus pervadit, & in puncto temporis corrumpit? hæc sanè vis efficacissima non à solo calore, vel elementari qualitate, sed ab occultiore causâ proficiscitur. Verùm, inquis, aurum nec corrumpi, nec destrui potest, nec propriam formam deponere, nedum aliud gignere: non enim virtute feminali, & fecundâ donatur, vel instar viventium propagatur. Hoc ipsum in quaestione vocatur: nam Alchimistis contrarium videtur: nec desunt historiæ, ex quibus metallorum propagatio quodammodo persuadeatur. Citat Martyrem Libavius, qui decade 3. l. 8.

hæc habet: In Hispaniolæ, inquit, provinciâ Cotoy dictâ, ex montium fissuris nascitur arbor aurea, cum stemmate, & ramis. Ad urbem Firmicum in Pannoniâ arbuta aurea assurgere narrat Fulgosus. Sic in montibus Hungariæ, ex quibus multum auri extractum est, nasci vites foliis & vvis deauratis, ex oculatis testibus refert Glauberus. Ferrum in propriâ fodinâ renasci jam alibi diximus; imò ex recrementis in cumulos diuisis, & congestis ferrum conflat. Curbachii in Vespaliâ exhaustorum metallorum cumulos quaternis annis excoqui; temporis tractu fodinam in meliorem commutari; quædam metalla subterraneis halitibus absumi, cum seriùs effodiuntur; ex bismutho, & cadmiâ fossili omni argento vacuis, atque in cumulos congestis, post aliquot annorum volumina multum argenti extractum fuisse docet Matthesius, cætera Alchimiſtis non satis æquus. Hæc sanè ne concipi quidem possunt, nisi vires seminarias, & fœcundas in metallis esse fateamur, ex quibus generatio omnis, & propagatio ducatur. Norunt Chymici artem quâ metalla instar fruticum, vel arborum crescant, atque in ramos diffundantur. Alii aliter id opus aggrediuntur. Glauberus crystallum, vel silices, vel arenam mundam, & exquisitè lotam comminuit in pulverem; salem niveum è tartaro calcinato per multiplicem solutionem, & coagulationem eductum cum pulvere silicum permiscet: vni parti salis tartari, quarta dumtaxat, crystalli, vel silicis pars adiungitur; mixtura in illam fornacem, cujus suprà meminimus, paulatim coniecta spiritum præbet album, & crassum, quem vtilem aduersus plures morbos, vt calculum, & podagram, esse testatur. Quod verò in fundo vasis remanet, vitro fusili, & pellucido non dissimile seruandum est, idque extractum ab aëre custodiendum, ne humore tabescat: mira in rebus metallicis præstat: nam metalla solvit, digerit, perficit, atque aurum exsolutum præcipitat. Cum aurum in aquâ regiâ, vel argentum in aquâ forti exsolueris, & aquam leni calore extraxeris, tum calcem colliges, atque in globulos compones; liquorem è tartaro, & silicibus eductum cum tartari lixivio æquâ portione commiscebis: cucurbitæ vitreæ affundes, cui globuli metallici imponentur, ac statim crescere, & instar arborum assurgere, non sine voluptate

Cap. 4.

cernes; quasi amicam, & vberem terram nacta fuerint, sic in momento adolefcunt. Sed cavendum est ne aer fubeat. Idem auctor nitrum fixum alibi præfert tartaro. Silicis, vel arenæ partem vnā, carbonum tilia partes 3. nitri optimi part. 6. permiscet, spiritum prolicit eo quo dictum est modo: fæces in fundo instrumenti remanentes colligit, quæ omnino eadem exhibent, ac liquor tartari: nam metalla præparata huic oleo immersa brevi crescunt instar arborum. Riserit fortasse aliquis hæc Chymicorum miracula, commentitias fabulas, atque aniles superstitiones putet; ego non audeam reprehendere, quousque mihi contrarium experienciâ constiterit.



CAPVT VNDECIMVM.

De præparatione metallorum.

- I. De venis metallicis agitur, & quo modo discernantur. II. De earum fusione, & examine. III. De metallorum variis separationibus, ubi de cupellâ, quartatione, & cementis; ac multa Alchymistarum arcana illustrantur. IV. Horum omnium rationes inquiruntur.

M E N A N D E R.



ON mihi est animus experiri, aut furnos adornare. Ista quidem studia non improbo, moderata modò sint: sed nemini suadere velim, vt se in hoc vitæ genus conjiciat periculis, & molestissimis plenum laboribus. Licet ex aliis exemplum fumere: Nemo ex iis furnulis largiùs inauratur: nec magna messis solet ex eo agro provenire. Ars spagyrica suas quidem habet dotes, & latissimè patet: non parum lucis Philosophiæ infert; omnium ferè artium principia complectitur: permagni quoque ad Medicinam vsus est, ac potentissima remedia supeditat, modò à peritis Medicis, non ab indoctis tractetur Empiricis. Ex illius fontibus rerum tum maximarum, tum

etiam occultissimarum rationes hauriuntur, quarum cognitio humanissimâ complet animum voluptate. Quamobrem non intercedo quominus hanc artem ediscant Philosophi, dum sibi caveant ab impostoribus, qui omnes hujus scientiæ aditus, tamquam latrunculi obsident. Quòd si me audierint, non incumbent in metallorum transmutationem: nam certa his hominibus impendent naufragia, & vix vnus ex millibus voti sui compos evadit. Stultum est incertam spem tanti emere: multum auri profunditur, tamquam venturi auri illecebra; sed raro tali escâ capitur. Enimverò cum ipsâ arte pugnare nolo, sit sanè tanta, quantam Chymici illam esse volunt: nos ex te recondita Alchimix mysteria non exigimus: at redde cætera, quæ ad artem metallicam pertinent, & de venarum excoctione, fusione, examine; nec non de metallorum separatione, vñu, & variis (vt cum Chymicis loquar) magisteriis perge dicere, atque expleveris expectationem nostram.

S I M P. Longum est me nunc exponere quâ arte metalla ex suis eruantur fodinis, quo examine probari, & fundi soleant venæ metallicæ; quibus artificiiis aurum, & argentum ab extraneis purgentur, & separentur; quomodo in calcem, flores, spiritus, & olea resolvantur; quibus demùm vsibus inserviant: hæc sanè ex metallariis, docimastis, aurificibus, & Chymicis sunt requirenda: sunt etiam innumerabiles de iis rebus libri, neque abditi, neque obscuri. Sed quoniam libitum est vobis me ad hæc impellere, faciam vt vultis, & locum istum totum, vt à doctissimis tractatus est, explicabo. Non repero quibus indiciis latentes metallorum venæ deprehendantur; in montibus eas esse frequentiores fugit neminem: gramina solito tenuiora; pallentia arborum folia; cæruleæ flammæ calidiore potissimum cælo huc, & illuc discurrentes; metallorum ramenta, ac veluti fibræ in vicinis fluminibus conspicuæ, tot sunt venæ delitescents argumenta. Argenti, atque auri fodinæ raro in frigidioribus locis, sæpe in calidioribus ad Orientem, vel Meridiem obversis reperiuntur: contrà plumbi, & stanni minere frigidiora loca amant. Sunt qui coryleâ virgâ ejusdem anni, & bifidâ vtantur, vt latentes venas explorent. Heliophilus id sæpe se expertum tradit, quòd cùm furculo coryli sursum ere-

*Quâ arte
minera de-
tegantur.*

cto, & virgulas utroque pollice compressas, obversis manibus gestaret, illuc virgæ erectæ apex vtrò inclinabat, vbi inerat argentum; sive jaceret in terrâ, seu foret in ipso thorace reconditum. Alii id valde incertum esse experimentum, & superstitionis plenum contendunt. Glauberus globulum ex electro conflatum, atque in medio perforatum furculo coryli inserit, isque erectus circumfertur: cum mineræ furculus immi-
neret, tum velut suâ sponte deprimitur, ac delitescentem venam prodit.

*De venis
metallicis.*

Metalla plerumque lapidibus adhærescunt, quos Græci pyrites, marcassitas Arabes dixerunt. Quamquam pyrites in æris fodinis orichalcum colore referens, sit frequentior; aliis tamen coloribus imbutus passim occurrit. Ex illo lapide nonnumquam æs argento permistum; interim alia metalla extrahuntur. Galena quoque argenti, & plumbi communis vena colores suos variat: nam sæpe lividum, aliquando fulvum, aut cæruleum exprimit colorem: plumbaginem Latini, molybditum Græci vocitant: ex 100. plumbaginis libris vix una argenti: sæpe 40. plumbi libræ eliciuntur. Aurum ex pyrite quodam cinereo, vel subnigro galenæ non dissimili excoquitur; silicibus, vel durissimis faxis aliquando foliatim adhærescit: purum quoque reperitur in fibris saxorum. Argentum verò majores moles è fodinis erui constat: vidit Agricola massas argenteas malleis, vel securibus similes: interim lucentibus scintillis argentum se prodit, vel in tubulos, & virgulas assurgit: sæpe illius vena subrubra, vel cærulea occurrit: nonnumquam ex bismutho galenæ simillimo; vel ex cadmiâ fossili, quam coboltum vocitant, extrahitur: aliquando argenti minera galenam colore refert; atque hoc indicio discernitur, quod non uti galena percussa diffiliat, sed facilius dilatetur: 100. hujus mineræ libræ 90. argenti suppeditant. Postremò argenti vena nonnumquam mollis, & subrubra instar carbunculi tralucet; cum verò obscurior est, & magis ductilis, tum majorem argenti copiam præbet. Non igitur audiendus est Plinius, cum ait venam unde argentum excoquitur, non nisi in puteis reperiri, nullâ sui spe; ac nullis scintillis lucere; sed è terrâ, vel rubrâ, vel cinereâ extrahi. Siquidem & vena illius sæpe lucentibus micat scintil-

lis, atque ingentes argenti moles in Germaniæ, & Bohemiæ fodinis, teste Agricola eruuntur. Æs quoque purum invenitur: illius vena non rarò est coloris purpurei lineis viridibus inspersa: hunc lapidem chalcitum vocant: interim saxis foliatim accrescit, atque ex argenti minerâ crebrò extrahitur. Ferrum rarò purum, & sincerum, nisi in minutissima granula concisum occurrit. Terra, inquit Cæsalpinus, quæ eruitur in Ilvæ insulâ, dum vena effoditur, tota procedente tempore in venam convertitur: laudant candidiorem, & quæ rubricam habeat admistam; damnant luteam, & nigram. Stannum denique ex lapillis nigrioribus saxo arenoso adnatis, summo labore excoquitur. Metalla persæpe cum aliis permista, & confusa inveniuntur, quod magno est argumento illa ex communi materiâ proficisci. Non ex puteis modò altioribus effodiuntur, sed etiam in summâ tellure efflorescunt. Aurum, & cuprum è terrâ purpureâ, aut flavâ; interim ex chryfocollâ, vel caruleo, imò ex ipsis constantur silicibus.

Glauberus (quem sæpe nomino, quòd in rebus metallicis tantos progressus habeat, vt cum excellentibus in eo genere Chymicis comparetur) quâ arte aurum è silicibus, non sine aliquo emolumento extrahi possit, peculiari libro aperuit. Silices eligit in locis arenosis, vel in fluviorum ripis; eos crematos aquâ frigidâ restinguit: quòd si fracti rubeum, aut flavum colorem exprimant, tum auro prægnantes judicantur: sin albedinem custodiant suam, indicium est eos omni auro esse destitutos. Cùm silices antea rubri extinctione obscuram exhibent rubedinem, indicium est eos non aurum, sed ferrum continere: nam qui auri sunt feraces, cremati flavo, & splendido nitent colore. Albos quoque lapides maculis, vel lineis caruleis, flavis, rubris, aut virentibus inspersos non aspernatur. Pleraque præparat infundibula ex terrâ tenaci, & optimâ, quæ in scamno multis foraminibus pervio ex ordine disponit, ac singulis vasa, vel receptacula supponit: comminutos silices cuique infundibulo sic imponit, vt maiora frustula infimam, & angustissimam infundibuli partem compleant; minutiores verò particulæ supremum locum occupent. Spiritum salis rectificatum, atque eâ methodo cuius suprà meminimus præpara-

tum primo infundibulo affundit; ita vt trium digitorum filicibus emineat: hic nonnihil auri in lapidibus delitescens exsoluit; atque vbi in vas suppositum effluxerit, secundo infundibulo, deinde tertio, & ita porro est affundendus, quousque rubro auri colore sat imbutus appareat: tum novum salis spiritum cuique infundibulo, simili prorsus ratione apponit; idque toties repetit, quousque omni auro exhausto, nullo amplius colore tinguatur. Spiritum novo operi profuturum per distillationem prolicit: aurum ferro, & aliis metallis admistum in fundo retortæ, aut vasis distillatorii remanet: nec faciliè per cupellam ab aliis metallis secernitur, sed beneficio antimonij, eo quo infra dicturi sumus modo. Aliam subinde rationem, & methodum proponit, quâ aurum è filicibus eliciatur, sed brevitati consulens eam prætermitto. Neque vt puto, id mihi negotii datis, vt omnes machinas, & fornaces quibus mineras expurgare, & examinare solent, vobis describam: nam præter cæteros Agricola, Erkerus, & Mathesius hoc argumentum fatis illustrarunt.

De venarum præparatione, & fusione.

Torrentur venæ metallicæ, eluuntur, lixiviis incoquantur, vt arsenico, sulfure, & cadmiâ quæ metalla depradari solent, liberentur: nisi enim vena auro, vel argento prægnans torreatur, aut certis figatur lixiviis, sulfurei, & arsenicales fumi per multum metalli abripiant necesse est. Hinc docimastæ, & metallurgi in vrinâ, vel calcis, & cinerum clavellatorum lixivio venam diu macerant, aut contusam aquâ forti perfundunt, vt metalli involucra detergantur, atque ipsum metallum antè reconditum, & quasi oppressum appareat. Sal fusionem promouet, ac metallum quasi injectis compedibus retinet, ne vnâ cum volatili sulfure fugam capeffat. Ferri quoque squamas adhibent, figit enim ferrum volatilia, auget fervorem, arcet fugacia. Cùm vena more consueto torretur, tum mineralia quidem volatilia dissipantur; sed vnâ secum non mediocrem auri, vel argenti portionem efferunt: quòd si non torreatur, ignis vehementior maiorem metalli partem consumit. Postremò si vasis oclusis liquentur venæ, quidquid metalli inest, in scorias abit, nec plumbum ingreditur. Si nitrum tam magno non constaret, cum tritâ, & contusâ minerâ subduplum nitri permiscendo foret, quod prunâ incensum, noxium, & combusti-

bustibile sulfur absumeret. Hac quidem arte non antimonium modò, sed omnia propè mineralia expurgantur: nitrum quippe quidquid sulfuris inest, consumit. Sic vena combustibili sulfure spoliata plumbo fuso sensim imponitur; extrahuntur scorix: cùm plumbum auro, vel argento satis ditescit, tum semel, atque iterum aliquantulum nitri immittitur, vt sulfur inutile diffletur: sic plumbum cupellæ ex cineribus confectæ imponitur, cuius meatus sensim ingreditur; aurum, & argentum sola remanent.

Iam caput artis est idoneas fornaces struere, atque ignem opportunè moderari. Per mihi placet Glauberi furnus, quem in explicatione miraculi mundi satis aperè describit. Oblongus est, ex optimis compactus lapidibus, in tres velut cameras distribuitur, quæ suis veluti parietibus, ac tabulatis distinguuntur: sic tamen vt calor ex primâ in secundam, ex secundâ in tertiam per apertum, & patens foramen comneare possit: singulis cameris suum conceditur ostiolum, per quod mineralia apponuntur. In primâ hujus fornacis regione, vbi calor est intensior, focus, seu vas ex optimâ terrâ compactum collocatur; in secundâ cupella ex cineribus, vel testa ex argillâ; in tertiâ demum focus aptatur. Hic mineræ torrentur, tum in primæ partis focum transferuntur, vt vnâ cum plumbo eliquentur. Iam aliud oblongior furnulus huic contiguus adornatur, in quem ligna accensa conjiciunt, vt flamma per apertum foramen in imâ parte appositum, primam fusoriæ fornacis regionem subeat. Iniectis lignis furni hujus lateralis pars suprema ferreo operculo tegitur, sic fornacis fusoriæ ostiola clauduntur, cùm opus erit aperienda. Regula denique inter vtrumque furnum mobilis, quæ commune ostium, seu foramen ad libitum claudit, vel reseat, aptabitur. Foramina quoque non deerunt in infimâ lateralis furni parte, ventilatores vocant: nam aperta ignis calorem ventilant, & clausa temperant. Quare vena auri, vel argenti in supremâ parte leviter aduritur, tum plumbo quod in primâ camerâ fluere diximus, sensim immittitur; hanc flamma ex laterali furno perstringit; fusa cum plumbo minera, nitri accessione purgatur; in secundam transfertur regionem, vbi ignis crebrâ ventilatione inten-

ditur; plumbum abit in lithargyrum; aurum verò, vel argentum instar placentulæ à plumbo secretum manet. Non dissimilis est fornacis constructio, quam lib. 4. furnorum idem auctor, qui mihi hujus artis antistes videtur, exhibet: in plures itidem partes distinguitur; sed in parte infimâ tubus aptatur, qui quo longior existit, hoc vehementiorem ignem accendit. Hoc furni genus aptari potest prope cubiculi superioris caminum, & perforato pariete aër ex inferiori domus cubiculo, per ambo, tum muri, tum fornacis sibi contigua foramina irrumperet. Quinetiam si tubum ferreum medio foramini, quod in tecto fornacis patet, accommodes, ignis calorem mirum in modum augebis: adeò vt non follibus, non ventilatoribus opus sit, sed satis fuerit regulam mobilem, seu registrum infimo foramini adhibere, vt varios ignis gradus moderetur. Hujus fornacis beneficio diversis simul operationibus incumbes: nam in parte infimâ fundentur metalla, calcinationes, cæmenta, atque alia id genus opera, quæ vehementiorem ignem requirunt, perficientur; in aliis verò vegetabilia poterunt calcinari, distillari, crucibula exsiccari, venæ torreri, atque alii ejusdem generis labores peragi.

De venarum examine.

Quoniam attigi rem difficillimam, atque à paucis comprehensam de metallorum fusione, & examine, illud silentio prætermittere non possum omnes metallicas venas fundi, & liquari posse plumbi, vel nitri, vel sulfuris, vel antimonii denique adminiculo. Nonnumquam mercurius, & aquæ stygiæ in hunc usum adhibentur. Plumbum verò in cineres redigi solet, quò mineras altius pervadat, & subigat: illud cum auro, argento, & cupro faciliè confunditur, sed ferri, & stanni, quòd diversæ sint naturæ, societatem aspernatur: in iis quippe sulfur, in plumbo abundat mercurius. Nitrum verò sulfur omne superfluum invadit, quidquid à metallo alienum est convertit in scorias: tum effusa minera in vas cerâ oblitum, auri, vel argenti regulum in vasis fundo deponit; postremò cupellæ, seu cineritii beneficio plumbum ab auro, vel argento secernitur. Vbi vena agrestior est, nec faciliè domabilis, aliquantulum scobis ferreæ nitro adjungunt, quæ fusionem accelerat, & reguli descensum promovet. Non dissimili modo chalcitis quidquid recondebat

argenti, depromit: hæc enim liquatur; tum salpetræ paulatim in catillum injicitur, donec chalcitis in scorias, aut vitrum viride faceſſat: liquata maſſa effunditur, argenti regulus in imo ſubſidit: ſcoriæ iterum catillo, ſeu crucibulo commiſſæ prunâ conjeſtâ funduntur, & chalcitis priſtinam recuperat formam. Non me latet aliis quoque modis metallorum venas probari. Sunt qui aliquantulum venæ contuſæ cum multo vitro Veneto, vel alio fuſili liquent; vitrum enim colore metalli deliteſcentis imbuitur: quodd ſi effuſum viridem exprimat colorem, vena cupro ſœtatur; ſi rubro, vel cæruleo colore tingatur, argentum, vel aurum vena continet. Nonnulli miſcent ſulphuris partem 1. puri tartari 2. nitri itidem expurgati 4. cum drachmâ contritæ mineræ; hæc crucibulo impoſita ferro candente accenduntur, quo quidem incendio minera redigitur in ſcorias: quidquid in eas abire renuit, cum novâ iterum mixturâ, atque eodem prorſus modo inflammatur: ſcoriæ igne fuſionis convertuntur in vitrum, quo effuſo granum, ſeu portiuncula auri, vel argenti in imo remanet.

Non diſſimili arte metallorum ſeparatio inſtituitur; ſive plumbo, ſive antimonio, & ſulphure, ſeu nitro, ſeu demum aquis ſtygiis vtantur artiſices: horum enim omnium vna ferè eſt ratio: vnumquodque metallum alterius ſibi conſimilis ſocietatem affectat; diſſimile, & alienum fugit. Sic mercurius facilè cum auro, ægrè cum ferro vel cupro conjungitur: & plerique ſperant ſe, ex terrâ aut venâ beneficio hydrargyri aurum, vel argentum extrahere poſſe; adeò vt mercurius cum terrâ auto ſœtâ contuſus aurum ſibi amicum rapiat, idque dimittat, cum per corium, vt moris eſt, trajicitur. Sic aurum vnâ cum cupro diſſolutum, & ſimul cum eo digeſtum, quidquid auri in cupro inerat, attrahit, & nonnihil incrementi ſumit. Quis ignorat aurum in cupellâ cum plumbo fuſum, atque vt loqui ſolent, fulminatum, gravius inde, & pallidius educi, quodd in illo examine ſibi vt ſimile, & amicum rapiat argentum, quo nullum ferè plumbum caret.

Non vos fugit cupellam ex cineribus oſſium compingi; huic priùs exſiccata plumbum imponitur, cui liquato quartam vel circiter auri partem adjungunt; id quoque brevi plumbi calore

*De metallo-
rum ſepara-
tione.*

*De cupella
examine.*

funditur; augetur ignis, cuius vim plumbum sustinere non valet; nec tamen in fumum, ut plerique putant, evanescit, sed in lithargyrum extenuatur, & poros cupellæ subit; quidquid in auro vel argento alienum erat secum trahit: aurum verò invictum superest: non enim in scorias abire potest, quòd nullo sulfure combustibili inquinetur, nec sale superfluo abundet: sed partes habet arctiori vinculo constrictas, quàm ut solvi queant, vel in scorias mutari. Plerique artifices vetant cupellam ex ossibus suillis, & calcinatis parari; fortè quòd laxiores relinquant meatus, quos aurum ipsum vnà cum plumbo subit: neque hinc aurum nisi summo labore, per crebras ablutiones colligi potest. Vidi qui mihi affirmaret aurum in cupellâ ex ossibus galli gallinacei constatâ fulminatum, seu examinatum statim dissilire. Porro non aurum modò, sed etiam argentum in cineritio, vel cupellâ expurgari solet; maximè si cum cupro commixtum fuerit: nam vbi cum ferro, vel stanno confunditur, cupellæ examini subijci non potest: ferrum quippe cum plumbo non liquatur: stannum verò statim convertitur in scorias, quæ crassiores sunt, quàm ut cineritium ingrediantur, ac persæpe multum auri, vel argenti deprædantur. Quamobrem necesse est ut hæc metallorum secrecio, vel antimonii, vel nitri adminiculo, vel aliâ industriâ perficiatur. Verùm hæc linguamus, quæ satis dilucidè ab aliis tractata fuere, quæque magis ad artifices, quàm ad Philosophos videntur pertinere. Neque ista eò attingi, ut vos ad rei metallicæ studium impellerem; sed ut rerum quæ ante oculos positæ sunt, intimas, si fieri posset, rationes scrutaremur. Nec clam me est hæc magis usu, & exercitatione, quàm præceptis edoceri. Non est quidem tanta in his rebus obscuritas, ut ea non penitus acri vir ingenio intelligat, si modò adspexerit: sed nemo res tantas nisi monstratas poterit percipere. Iam illis omiſſis ad reliqua progrediar, & de usu metallorum dicere incipiam.

MEN. Hæc quidem partes fuerunt tuæ, de examine, separatione, & variâ metallorum præparatione ut diceret, & eras jam ipse ingressus artem docimasticam: quare nisi jam defessus es, & si tibi graves non sumus, refer te ad illam, quæ ut puto intellectu est facilis, & usu necessaria.

SIMP. Me igitur quando ita jubes, ad meum munus, pensumque revocabo. Aurum, & argentum ab aliis, quæ imperfecta dicuntur metallis, non vno quidem modo secernuntur: sed nullus mihi videtur, vel vtilitate major, vel vsu faciliior, quàm qui nitri, & stibii beneficio perficitur. Antimonium enim ex impuro quodam, & combustibili sulfure, neque non ex mercurio à metallis non abhorrente componitur. Cum itaque regulus antimonii cum cupro, stanno, vel plumbo æquali pondere liquatur, tum sulfur antimonii cum metalli sulfure, illius item mercurius cum hujus mercurio conjungitur. Quòd si tantum nitri, quantum vtrumque tum metallum, tum antimonium ponderat, sensim adjeceris, sulfur omne vi, atque impetu nitri agitaturn in scorias convertetur, quibus aucto igne liquatis, atque in aliud vas effusis, tum regulus, seu pars metalli gravior, & purior, omni sulfure inutili liberata in vasis fundo subsidet. Licebit quoque nitrum cum metallis, & stibio contusis prunâ accendere, detonatione peractâ, scorix accenso carbone, vel candente ferro iterum funduntur; effusæ regulum præbent, qui per cupellam fulminatus, aurum, vel argentum in metallis reconditum prodit. Eadem prorsus arte cuprum, aut stannum auro, vel argento admixta separantur. Tres vncias tum cupri, tum stanni cum vnâ auri librâ confusas supponamus, quæ per cupellam non sine magno dispendio extrahi possunt. Itaque tres itidem vncias reguli antimonii vnâ cum impuriori massâ liquare operæpretium fuerit: stibium quidem stannum, & cuprum in scorias mutabit: quò verò stibii regulus ab auro secernatur, tres quoque salispetræ vncias non subito, sed sensim, cum pulchrè metalla fluent, in catillum conjiciam; tum nitrum & regulum antimonii, & cuprum, & stannum in scorias mutat, quæ tamen nonnihil auri deprædantur. Quare illas iterum catillo imponam, ferro candente incensæ regulum auri, vel argenti non expertem dimittent; idque toties iteratum oportet, quousque scorix fusionem respuant. Quoniam verò hæc tum Chymicorum, cum Docimarum, & aurificum mysteria præterire satius fuisset, quàm incepta deferere; dicam itidem quibus artificibus aurum ab argento, atque ab aliis minoris notæ metallis separetur.

De separatione metallorum per antimonium, & nitrum.

De quartatione.

Pervulgata est, & omnibus nota quartatio. Tres argenti partes cum vnâ impurioris auri parte aquæ forti infunduntur: argentum ab aquâ exsoluitur; aurum verò non solum instar calcis ad fundum delabitur, atque in metallum calx illa fusione reducitur: aqua fortis, vel distillatione abstrahitur, vel in vas aquâ communi plenum effunditur; cupreæ subjiciuntur laminæ, quibus argenti calx adhærescit. Hæc quidem est trita aurificum via; sed magnos sumptus, longum etiam tempus postulat. Nam prius argentum funditur, in frigidam effusum comminuitur in granula: numquam integrum ex aquâ forti educitur; nec facîle in metallum reduci potest: siquidem calx argenti aquis stygiis vexata fit fragilis, & agrè funditur, nisi eam cum lixivio tartari excoquas, vel crucibulo aliquantulum salis tartari præmiseris, quod vbi fluere incœperit, tum paulatim argenti calcem, vt pristinam metalli formam recipiat, injicies. Quodd si major sit auri, quàm argenti portio, in aquâ regiâ dissolvitur: sic enim vocant aquam fortem, cui sal ammoniacum adjungitur, quæque aurum, non item argentum exsolvit: sal tartari, vel aqua salsa aurum præcipitat. Difficile dictu est quæ causa sit, cur aqua fortis argentum, non item aurum, contra aqua regia aurum non argentum exsolvat: cur oleum, seu liquor tartari si paulatim instilletur, tantum excitet fervorem, atque ipsum aurum præcipitet. An fortè spiritus salium ex quibus aquæ stygiæ conficiuntur, ex atomis tamquam ex spiculis constant, quæ metallorum subeunt meatus, ac vincula quibus partes erant colligatæ, resolvunt. Iam verò salis ammoniaci corpuscula ita sunt conformata, vt auri, non argenti poros ingrediantur. Sed de iis jam alio loco copiosè disputatum est, cum de principiis rerum naturalium ageremus: nec repeto, quæ tum fusiori stylo sumus profecuti de calce auri per liquorem tartari præcipitatâ, quæ aquâ calente identidem abluta, tum exsiccata fragorem edit tonitruui simillimum. Illud quoque observatione dignum est aurum in eâdem laminæ ferreæ parte sæpius fulminatum, illam tincturâ aureâ imbueri; adeò vt acus ex illâ chalybis portiunculâ conflata, auri omnia subeat examina. Sed cautio est ne liquor tartari vberior, vel parcior in auri fulminantis præpara-

Aurum fulminans.

tionem affunditur: hinc non omnibus hoc experimentum succedit; ac longè certius futurum est, si aurum non liquore tartari, sed urinae, vel salis ammoniaci spiritu præcipitur. Quæ sit causa huius fragoris aliis excutiendum relinquo. An fortè partes auri sulfureæ calore rarefactæ magno impetu carceres suos diffingunt? Scobs chalybea igni admota, fulgurat quidem, non fulminat, quòd sulfure abundet, sed partes ferri non adèò sunt compactæ, atque auri partes: hinc nullus ferè sonus: tamen peritissimus in arte Chymicâ Barletus pulverem ex ferro, & ære fulminantem parat. Cùm in æs fustum lapillus conjicitur, adèò æs ipsum effervescit, ut cum magno strepitu extrà profiliat: nam calor multas lapidis particulas resolvit, quæ magno impetu æris corpuscula dividunt, & attollunt; hinc ebullitio, hinc sonus oritur. Quemadmodum oleo ferventi admistus humor, vel ellychnium madefactum stridet: in his enim omnibus strepitus ex partium divisione, & collisione proficiscitur.

Non vagabitur oratio mea longiùs: dixi de vulgarâ auri ab argento separatione aquæ fortis, vel regie adminiculo. At meâ quidem sententiâ mixtum aurum longè majori compendio solvitur spiritu salis, cui perparum nitri admiscetur; factâ præcipitatione purum extrahitur. Plerique malunt viam siccam insistere: sed longæ sunt ambages, operatio sæpius repetenda, molestus denique, & diuturnus est labor. Glauberus aurum ex argento, cupro, ferro, atque aliis metallis permixtum granulat; contriti sulfuris quartam partem adjicit; unâ in tigillo accuratè occluso, & optimè lutato accendit, aucto per gradus igne fluit metallum; paululum nitri sensim immittit, quod aliquamdiu fluere permittitur; tum effusa massa regulum aureum deponit. Quòd si nullus exeat regulus, reddendum est metallum tigillo, tantum scobis ferreæ addendum est, quantum ferri cum auro permixtum esse conjicitur; vinco ferreo, & candente massa est agitanda; atque ubi per horam quadrantem fluxerit, effunditur, ut regulum suum dimittat: idque toties repetitur; quousque regulus plus argenti quàm auri expomat. Argenti verò regulum eadem arte evolves. Omnes denum regulos tigillo, seu catillo impositos nitri beneficio expurgat: nitrum

*Metallorum
separatio per
camenta.*

quippe sulfurea quæque aggreditur : antimonium verò ferum , stannum , & cuprum multo abundant sulfure : hinc facillè cum salepetræ societatem ineunt : aurum verò , & argentum cum parum , vel nihil habeant sulfuris illius superflui , & combustibilis , in regulos colliguntur , & ab aliis impurioribus metallis secreta vim salispetræ contemnunt , atque vt graviora corpora in imo subsidunt.

Expofui ferè vt potui , quæ ad venarum fusionem , metallorum examen , & separationem pertinere arbitrabar. Iſta quidem omnia ignis , vel caloris adminiculo perfici oſtenſum eſt : dum enim calor , vel ignita corpuscula (nihil hîc litibus opus eſt) venas , aut ipſa metalla liquant , atque in minutiffimas atomos comminuunt , & vincula quibus metalli partes adſtringebantur , reſolvunt ; tum quæ ſunt graviora ad ima delabuntur ; quæ autem leviora , vel efflantur in fumos , vel inſtar ſpumæ enatant. Cùm vena metallo prægnans , vel ficior , vel contumacior exiſtit , adeò vt fundi non poſſit ; plumbum , aut venam plumbi adjiçunt , tum vt humiditate ſuâ agreſtem aris , vel argenti venam temperet ; tum vt ſummo calore , quem liquefactum acquirit , fusionem præmoveat ; tum demum vt ſi quid in venâ auri , vel argenti deliteſcat , naturæ quâdam familiaritate alliciat. Cùm vena liquata fluit , partes quæ ſunt ſicciores , quæque humiditatis metallicæ ſunt expertes , ſupernatant , & cruſtatim coëunt ; hæ quidem auferuntur ſuis uſibus profuturæ. Quamdiu inſtar olei fuſæ extant , ne metallum in fumos diſſetur , impediunt : nam humiditate ſuâ tenaci , & viſcoſâ ipſis metallis ſunt quaſi præſidio , ne in vapores extenuentur. Scorix quidem multum de natura vitri referunt ; nam fuſæ , viſcoſum , & tenacem humorem produnt ; cùm verò frigore induruere , tum fragiles exiſtunt. Contrarium planè in metallis experimur , quæ liquata nulli corpori adhæreſcunt , ſed inſtar aquæ in guttulas dividuntur ; coagulata ductilem , & flexibilem fortiuntur naturam. An ſcorix multâ terrâ , & ſale abundant ? nam vitro conſimilem naturam habent , atque ex iis vitra aſpectu pulcherrima quæ ipſas gemmas nitore , ac ſplendore vincunt , parant Chymici. Comminutæ cryſtallo triplum ſandycis , ſeu minii admifcent , conſtant in vitrum ſmaragdo ſimil-

Cur plumbum venis fiendendis adhibeatur.

Scoria metallorum.

De vitris , vel Amanſis.

simillimum. Hinc olim obsidiana vitra ex metallorum scoriis, instar lapidis obsidiani nigerrima conficiebant: vitrum sanè ex arena, vel silicibus, cum nitro permistis, & fusis conflatur; neque vllum sine sale perficitur. Quid ergo causæ est vt scorix tam leues, tam fragiles existant? an quod iis humor metallicus deest, qui pondus, & consistentiam præbet? an corpuscula ex quibus tum scorix, tum vitra compinguntur, malè sibi cohærent? Sunt enim velut arenulæ, quæ inter se misceri exquisitè non possunt, sed in punctis dumtaxat se contingunt; hinc fragilitas, hinc adeò leuitas exsurgit: nam multis poris hiant, vnde in vitro perspicuitas, & splendor in amausis, seu vitris, quæ ex metallorum scoriis parantur: nisi fortè hic nitor ex pingui, & oleoso humore, quo nec vitrum, nec scorix carent, oriatur. Sed cur scoria contrita venæ metallicæ, & rebellis, fusionem accelerat? an quia duræ, & acutæ quibus scoria constat, particulæ calore agitatae venas metallicas dividunt, secant, aperiunt? Eadem præstant omnes sales, qui suis spiculis viam sibi parant, & discutiunt corporum vincula. Hinc varia salium genera, Metallurgi, Docimastæ, & Alchimistæ adhibent, quò venas doment, & fundant; metalla purgent, & separent, neque vllus ferè labor citra salem ritè suscipitur. Quòd si tibi aliquod minerale fugax, & volatile figere incumbit, hoc nitrum, hoc alii sales fixi præstabunt. Quid ipso hydrargyro fugacius? si in aqua forti cum exsolvas, atque aquam distilles; idque sæpius repetere non tædeat, tantam adipiscitur firmitatem, vt ignem impunè ferat. Sic aqua stygia stanno affusa, atque ab eo abstracta, tantam huic metallo duritiem tribuit, vt fundi recuset, sed in vitrum potiùs candidum abeat; idem ferè in plumbo contingit. Quid porrò hæc mollia metalla adeò fixa efficit, nisi nitrum, ex quo aqua fortis paratur? an quia superfluum humorem temperat? an quod suis atomis partes malè confertas vinciat, & adstringat? mirum quòd idem salpetræ metalla dissolvat, & figat; separet, & jungat. An ignem in se occultum gerit, qui heterogenea segregat, & vnit congenera? imperfecta quæ sunt metalla maturat, ac digerit; superflua verò excernit. Experimenta proferrem innumera, nisi me Sol qui jam multum inclinatur, vt sim brevior admoneret. Antimo-

*Cur salibus
venæ dom-
mentur, &
liquentur.*

nium, arsenicum, atque alia mineralia, quæ suâ subtilitate nobis sunt infensissima, vñà cum nitro incensa, omne virus vñà cum superfluo sulfure deponunt, & fixa evadunt.

Cùm etiam hæc mineralia multum auri volatilis contineant, quod promere non possunt, ni priùs ignem pati discant; nitrum id præter cætera præstabit; nam in aquâ forti semel, atque iterum exsoluta, quæ per distillationem abstrahitur, in calcem fixam abibunt, atque vñà cum plumbo per cineritium fulminata, si quid auri recondant, exhibebunt. Tutius fortasse erit per viam siccam, seu cæmentationem procedere; modò tractandi ignis non sis imperitus. Cuprum in tenues laminulas diductum vñà cum arsenici, auripigmenti, & aliorum mineralium pulvere cæmentant, hoc est alternis ordinibus in pyxide, vel crucibulo disponunt, quod bene opertum, & lutatum igne circulari circumdatur, donec candescat, (sic solent confusa metalla separare, cæmento ex sale, vitriolo, & pulvere regularum, quæ quod impurum auro inest, rapiunt) cuprum è catillo extractum mineralium ingressu fit friabile, in pulverem comminuitur, per salem petræ purgatur; atque vñà cum plumbo in cineritio excoctum, quidquid ipsi, & venenatis mineralibus auri inerat, deponit. Sic hydrargyrus quo nihil fugacius, argento incrementum affert. Argento enim in aqua forti dissoluto quadruplum mercurii adjiciunt; in loco frigido vñà manent, donec mercurius soluto argento adhærescens præcipitetur: quòd si vnus saltem anni spatio simul relinquantur, argentum non mediocriter auctum iri promittit Glauberus, cujus libri cùm ejusmodi arcanis sint referti, ac jam omnium manibus terantur, nihil est quòd istis formulis vos distineam. Atenim vereor, ne aut vobis difficiliora, aut non satis certa, & explorata videantur.

Ego ista quidem arcana non aspernor, quæ maximam vtilitatem in se continent, ac secretiorem Philosophiam non mediocriter illustrent: nec fortè tanti sunt laboris, quanti videntur, sed exercitatione, & vsu faciliè percipiuntur. Nolim tamen (quod mihi sæpius dicendum est) quemquam in metallorum tractatione versari, nisi à peritissimo, & longo vsu subactò arifice dirigatur. Nulla est ars periculosior, nulla quæ fraudi, &

imposturæ magis pateat. Optarem equidem vt nemo, nisi vel auctoritate publicâ munitus, vel artis suæ professione coactus his laboribus incumberet: nam Alchimia videtur perditorum hominum extremum esse perfugium: falsariis, & impostoribus vndique obsidetur; ac plerique quibus res sunt accisæ, è furnulis suis præsidium quarunt, & variis sæpe criminibus sese illigant. Non continuò tamen ipsa Alchimia in invidiam vocanda, neque artificum vitia artem pulcherrimam infamant. Quis autem ignorat maximam partem artium, quibus communis hominum societas carere non potest, ex ipsius Alchimie quasi fontibus derivari; his omnibus vna dominatur, principia, leges, modum, & finem cuique arti, tamquam Architectonica præscribit. Quocumque mentem, & cogitationem converteris, artifices circa res metallicas occupari comperies. Metallurgi effodiunt, abluunt, fundunt venas metallicas. Iam quis illos edocuit, venas agrestiores vnâ cum plumbo, vel plumbi venâ eliquare, scorias addere, quò fusio sit celerior; nisi ipsa Alchimia, quæ novit plumbum vt auro, & argento amicum, ea ad serapere; adeò vt æs ipsum levius extet, & crustatim coeat: quod vt ab omnibus extraneis omnino liberetur, secundæ fornaci iterum immittitur: si quid putent nonnihil auri, vel argenti adhuc continere, plumbum adjungitur, quod nobiliora metalla secum ad ima deducit; tum scorias extantes colligunt, æs ipsum à plumbo, moderato calore secernitur; plumbum enim faciliùs liquefit, & descendit; æs verò instar pumicis spongiosum in propria fornace ad purum (vt loqui solent) excoquitur; cuius scoriam multis rebus vtilem, diphrygem vocant.

Quid in metallis contemnendum, cùm ipsa excrementa, vel scorias non recentiores modò, sed etiam veteres Medici ad suos vsus adhibuerint? sed de his posteriùs. Omnia quidem metalla sua habent recrementa, si aurum exceperis; quo enim sunt imperfectiora, eo scorias, cùm funduntur, vberiores præbent. Ferrum cùm sit maximè terrestre, & impurum; non solum vbi funditur, sed cum igne emollitur, vel in chalybem expurgatur, scoriam multam egerit: è chalybe carulea efflorescit, vulgari longè præstantior. Plumbi scoria, mollem, lentam, nec fragi-

lem nacta est naturam; in aqua exsolvitur, quam luteo colore inficit. Cùm plumbum liquatur in fornace; vel vnà cum argento, vel solum; instar spumæ quiddam oleosum enatat, quod lithargyrus appellatur; est enim veluti argenti spuma: cùm argentum in secundis fornacibus expurgatur, instar olei ignis ardoribus extenuatur; hinc levitatem acquirit, tamen in plumbum reduci possit: hoc vtuntur figuli, cum stanni cineribus permisto, vt vasis fictilibus crustam vitream inducant. Distat, inquit Plinius, à scoriâ, quo potest spuma distare à fæce. Alterum purgantis se materiæ, alterum purgatæ vitium est. Multa olim lithargyri genera statuebant; nunc vel aureo colore fulget, cùm aliquid æris argenti venæ inest, tùmque squamis lucentibus distinguitur, vel argenteo colore nitet. Lithargyro finitima est molybdæna, quæ vel fossilis est, vel factitia; illa est plumbi & argenti vena communis, galenam vocant; aureum præfert colorem, friabilis est, & modicè gravis: cocta cum oleo jecinoris colorem trahit, vt Plinius refert, hæc primis fornacibus adhærescit; illa granis distinguitur; hæc squamis instar auripigmenti constat; à lithargyro differt, quòd hic in secundis, molybdæna in primis fornacibus concreseat. Argentum denique cùm à venâ purgatur, scoriam tenacem, aliquando cæruleam, aliquando nigriorem expellit, ac meritiò dubitant vtrum ex argento, vel ex plumbo oriatur. Ista quidem sunt metallorum veluti recrementa, quæ illis cùm excoquuntur innatant, nec tamen metallorum naturam exuerunt; sed in ea plerumque reducuntur; at quæ in fornacum parietibus instar fuliginis adhærescunt, præsertim, cùm æris, vel argenti venæ eliquantur, diversam planè à metallis sortita sunt naturam. Cadmiâ vocant, crassiolem fuliginem, quæ variis insignitur nominibus, prout vel crustatim, vel racematim concreseat, ac varietate colorum, aut partium tenuitate distinguitur. Eam iudicat optimam Plinius, quæ è cameris fornacum dependens botrytis cognominatur, hæc fortè nunc tutiæ Alexandrinæ donatur nomine; intus lenis est, & tersa, exterius verò gravis, aspera, atque arboris cortici non dissimilis, gravis est, & sonora: alia quidem est cadmia fossilis, quæ terræ similior, quàm lapidi, gravis est, & pallida, fundi nequit, sed in exitiales fumos evanescit; cum

Lithargyrus.

Galena.

Cadmiâ.

Tutiâ.

are cæmentata, illius pondus auget, & in orichalcum conuertit; in Germania frequens occurrit, lapidem calaminarem vocant. Est aliud cadmiæ fossilis genus, cuius Galenus meminit, testaceum, durum, ita vt attritu chalybis scintillet, subniger est hic lapis, sulfureum nidorem cum aduritur exhalat, in fodinis chalcanti reperitur, atque inter pyritis species, vel marcasitas referri potest. Postremò cum æs perficitur, vel cadmia crematur, tum fuligo leuissima fornacis tecta obsidet, candida atque instar velleris glomerata, quæ pompholyx vocitatur; *Pompholyx?* fuligo crassior, quæ vel parietibus intraret, vel in pavimentum decidit, coloris cinerei, & substantiæ densioris, spodium appellatur; illa candida, & tenuis, & favillæ est similis, cum spodium cinerem colore, & naturâ referat, ac sale fixo abundet.

Hæc quidem veteribus non fuerunt incognita; sed quâ arte metalla confusa separari, atque ex imperfectis perfectiora discerni possent, omninò ignorarunt, nam artifices longâ observationum serie, & magno rerum usu peritiores facti, veterum inventa expolierunt, multa retrò incognita edidere: ipsa metallorum tractatio, & usus quotidie ex se gignit aliquid novi, quod longa dies perficit. Iam quoque Philosophi his studiis ardent, nec solum docti, sed etiam experti, & longo usu imbuti magnam his rebus abstrusis, & reconditis lucem intulerunt. Nam mirus inter Philosophiam, & ingenuas artes consensus reperitur; ratio ipsa artes illuminat, usus doctrinam confirmat; Philosophia arte destituta, jejuna est, exilis, & tota in serie disputationum, & verborum concertatione versatur; usus ipse cui ratio non præluet, in magnos errores nos præcipitat; quare vnum ab altero non separemus; nec Philosophus artificem contemnat, neque artifex ipsos despiciat sapientes; sibi mutuas tradunt operas, ac mutuis auxiliis subsistunt. Multa commentatio fontes rerum aperit, principia, & causas peruestigat, ex quibus ad experimenta descendimus. Longa rerum meditatio cum multo usu coniuncta nos docuit perfecta metalla ex partibus arctissimè confertis, exquisitè permistis, & digestis compingi; imperfecta verò partes malè colligatas, nec satis defæcatas habere, sed multo vitriolo, vel sulfure combusti-

bili abundare compertum est : hinc artem quâ ignobiliora metalla ab imperfectis secernantur, excogitarunt : sive id cupellatio efficiat : (cùm aurum, vel argentum impurius, cum multo plumbo permistum, & liquatum, tamdiu ignis ardoribus exercetur, quousque cuprum, vel plumbum admistum, in cineres, & scorias redigatur, ac cineritium subeat; illaeso auro, vel argento, cujus partes divelli nequeunt :) sive camentatio, quam superius exposui, sive aqua stygia, seu denique antimonium aurum expurget.

Præcipitationum, & separationum diversimodi, & varia rationes.


Omnis separatio, ut diximus, calore perficitur; resolutis vinctulis, quæ sunt congenera vnâ coeunt, quæ diversam naturam, secernuntur. Hinc sulfurea quæque metalla, nitro, sulfure, & antimonio expurgantur: nam vnumquodque quod sibi simile est, quærit; dissimile & alienum fugit, hinc solutio in aquis stygiis, hinc oritur præcipitatio. Sic cuprum dissolutum in aquâ forti, per ferrum; argentum per cupri laminas præcipitatur: nam ut argento cuprum, sic cupro ferrum amicum est, & auro hydrargyrus. Hæc sanè ratio latissimè patet: non enim modò metalla aquis stygiis exsoluta res quædam vel aquis, vel metallis affines, præcipitant; ut sal tartari, sal commune, vrina, & alia id genus: sed massa ex diversis metallis conflata, vbi cum antimonio liquata fuerit, scobis ferreæ additione, tota ferè in scorias convertitur, præter aurum, quod instar reguli in fundo remanet; iterum fusæ si adjeceris ferri scobem, argentum dimittit, & ita singula metalla seorsim ferrum præcipitat, dum quæ sibi sunt cognata invadit, & in scorias convertit, quæ diversam ab ferro sortita sunt naturam intacta remanent. Sic sulfur metalla in cineres redigit, quæ liquantur, & ferri beneficio seorsim separantur. Hac arte venâ metallicâ vnâ cum triplo, aut quadruplo antimonio fusâ, metalla quibus prægnat extrahuntur; ac nitro expurgantur. Imò si partem vnâ ferri cum duabus antimonii liquaveris, & aliquantulum salis petreæ identidem adjeceris, qui pro more suo scorias procreabit; regulum ex ferro, & antimonio consequeris auri non expertem: nam cum plumbo fusus, & nitri additione iterum purgatus, per cupellam fulminatus aurum non contemnendum præbebit. Plumbum sit reguli triplum, aut quadruplum, quo

plus nitri appofueris, eo plures fcorias obtinebis; fed danda eft opera, vt vna faltem plumbi pars in regulo remaneat, per cupellam probanda. Illud fanè eft mirabile nullam ferè venam metallicam, nullum metallum, nullum adeò minerale, auro vel argento non ditefcere, quod nitri beneficio, vel fpiritu falis (necio an cum aliquo emolumento) poteft extrahi, feu per cæmentationem, aut aquam fortem minerale fugax, & auro volatili prægnans fixetur; feu nitri adjectione impura, atque imperfecta metalla in fcorias redigantur, regulo in imo remanente, qui plumbo, vel falepetræ iterum expurgatur; feu denique sulfuris, vel antimonii beneficio idem regulus fubfidat. Verùm ifta, quod sæpe dicendum eft, non inexercitatum artificem defiderant: nam cautiffimè metalla tractanda funt; magnâ opus eft indiuftriâ in furnulis, teftis, cupellis, focis adorandis; magna in ignis moderamine cura eft adhibenda: cavendum imprimis eft ab halitibus venenatis, quæ mineralia ferè omnia efflare folent. Danda quoque eft opera ne carbonες, in catillos, aut focos incidant, maximè cùm metalla per nitrum feperantur; aut figuntur mineralia. Cùm enim falepetræ quidquid in metallis ineft impuri sulfuris aggrediatur, ac tota mineralia quæ hoc abundant fulfure in fcorias, & cineres convertat; fi quæ in catillos, vel crucibula prunæ delabantur; ftatim nitrum quæ corripuerat metalla, dimittit, vt sulfur carbonum fibi familiariter complectatur. Hinc fcoriæ facilè in metalla reducuntur injectâ ardente prunâ; neque, vt mihi videtur, alia eft præcipitationis ratio. Imò, fi bene auguror, tota ferè Alchimia huic principio innititur: vnumquodque fui fimilis focietatem affectat. Plura falium genera in aquâ exsolve, aquâ in vapores difflatâ, vnumquodque fal cum fuo congenere, alumen cum alumine, vitriolum cum vitriolo conjungitur.

Ferrum, cuprum, ftibium, arfenicum nitro liquata, & fixata aliquantulum auri præbent: at fi vnâ cum iis foſſilibus aurum, vel argentum liquetur, longè vberius aurum educitur; partem vnâ auri, duas cupri, tres reguli antimonii funde; falepetræ, quantum vtrumque, tum cuprum, tum regulus ponderant, fenſim immitte; atque in fluxu quantum poteris conferua; aurum non mediocriter auctum conſequeris. Illud quippe

*Omnia ferè
metallica
quiddam
auri recon-
dere affe-
runt Alchi-
miſta.*

quâdam naturæ similitudine aliud aurum volatile, & malè digestum attrahit, dum nitrum sulfurea metalla invadit, figit, & in scorias mutat, quæ tamen citò prunâ injectâ pristinam formam recuperant; adeò vt nihil ferè pereat. Quomodo fornax huic operi idonea, & focus sit parandus, peculiari tractatu fusè exponit Glauberus, quem, si libeat, consuletis: neque enim mihi est animus hîc omnium Chymicorum formulas, & arcana intexere. Rationes, & ipsos velut fontes aperio, rivulos omnes qui ex iis ducuntur consecrari non possum: id enim infinitum foret, non necessarium. Quare nisi quid vobis aliud placet, ad illa pergamus, quæ ad metallorum vsum pertinent. Sed ista secundum hunc diem. Satis enim multa hodie dicta sunt.



CAPVT VLTIMVM.

De vfu metallorum: vbi de antimonio, & hydrargyro, & aliis rebus metallicis.

- I. *Omniùm ferè circa metalla operationum, vt dissolutionis, præcipationis, &c. causæ, & rationes inquiruntur.* II. *De floribus, regulo, & vitro antimonii, atque eorum vfu describitur.* III. *Varie mineralium præparationes, atque vsus describuntur, vbi quâ arte metallorum essentiæ, olea, vitriola educi queant, paucis exponimus.* IV. *Remedia ex hydrargyro, antimonio, ac metallis deprompta multis oppugnantur rationibus.* V. *Quid de vfu metallorum nobis videatur paucis aperimus.*

M E N A N D E R.



ONNIHIL etiam deesse videtur iis rebus quas exposuisti, quod sit antè explicandum, quàm illic pergamus, quò te dicis intendere. Fontes quidem vnde hauriemus, atque ipsam viam monstrasti, sed volumus te ipsum itineris ducem, atque vt nobis aditum, & januam ad secretiora ipsius Alchimie arcana patefacias, postulamus. Noli nos mittere ad Alchimistas, qui solo vfu contenti, intimas rerum causas non aperiunt, opti-
ma

ma quæque arcana silentio premunt, nihil quàm perulgata præcepta decantant. Quàm breviter de fusione, examine, & separatione metallorum. à te percussa sunt, quæ ab omnibus Alchimis vix sperare liceat: exiles, concisas, & minutas formulas nullo ordine, nullâ ratione digestas exscribunt, multis eas parabolis involvunt, nihil sine pigmentis, fucòque puerili; quæ vno verbo expediri possunt, longo circuitu, & per ambages circumferunt. Sed hæc nihil ad me. Illud vnum à te postulo, vt operi inchoato, & propè absoluto tamquam fastigium imponas, ac mineralium scientia vniversa, quæ magnis voluminibus continetur, vnus diei disputatione pertractetur. Cùm autem non tam furnulos adornare, quàm recondita metallorum, & fossilium principia, & causas peruestigare oporteat, antequam de mineralium vsu dicere ingrediamur, quid mihi de horum corporum concretionem, & principiis videatur, breui exponam: sic enim ad ea quæ quærimus nos peruenturos arbor. Metalla ex terrâ, & aquâ potissimum compingi satis, vt opinor, manifestum est; ex terrâ pondus, & partium firmitatem, ex aquâ ductilem, & fusilem naturam depromunt. Terræ atomi sunt densæ, hinc durities, & soliditas terrenis corporibus inest; sed simul connecti nequeunt, nisi humidis, & flexilibus aquæ corpusculis vinciantur; nam quæ duram, & densam sortita sunt naturam, vt arenæ granula, vix cohærent, nisi mollioribus particulis, tanquam glutine adstringantur. Quo verò illa vincula minutioribus constant atomis, eo difficilius separantur, maximè si corpus durum, & densum coniungant. Non enim divelli possunt, nisi vis subtilior admoveatur, quæ corporis densitatem vincat, atque illius dissolvat vincula. Hinc omnis ferè dissolutio igne, & calore perficitur; quòd nihil sit in rerum naturâ, vel subtilius, vel ad agendum efficacius; ignis enim summam adeptus raritatem, maximum affectat locum, atque ex minutissimis atomis componitur; hinc mobilis est, rarus, & facilè divisibilis; cuncta extenuat, & obstantia quæque disrumpit; quod soliditate partium non valet, id impetu, & celeritate motus consequitur. Contrà terrena quæ sunt, ex atomis densis, & conglobatis, quæ vix divelli, vel loco moveri possunt coalescere, minùs ad agendum

Vnde metallorum compactio.

*Quæ causa dissolutio-
num.*

sunt idonea ; sed fortiter resistunt : nam raritas ad agendum , densitas ad resistendum videtur comparata. Ignis vt raritate, sic mobilitate cuncta vincit corpora ; terra verò , & densa , & immota consistit , atque vbi cum aliis elementis exquisitè permiscetur ignis violentiam impunè sustinet , nec diuulsæ , & malè coherentes ignis atomi stipatas , & densas terræ particulas secum efferre valent. Hinc aurum ignis liquefacit , non dissolvit , quod humidarum , & siccarum partium vnio intima nullam admittat separationem ; quantumvis ignitæ atomi subtilitate suâ , ac motus celeritate vrgeant , nexum illum nequeunt dissolvere ; nec graves auri partes in altum evehere. Aurum quidem fustum intumescit. Quod partes ignis intus conclusæ illud sublevent ; sed in fumum efflari non potest. Hac quidem notâ metalla liquata dignoscuntur ; quo enim sunt perfectiora , eo magis tument , atque in orbem curvantur ; imperfecta verò , seu aquâ , vt plumbum , seu terrâ abundant , vt stannum ; cùm liquantur magis subsidunt : nam igni non resistunt , aqueæ partes avolant , terrestres in calcem , aut scorias abeunt. Aurum verò , vel argentum nullum in igne patiuntur dispendium , sed liquata in orbem gyraunt , quod conclusus calor partes eorum extenuare , ac sursum movere non valeat , sed in orbem dumtaxat circumducit , cessare enim non potest. Aquæ stygiæ hæc quidem metalla in minutissimum pulverem corrodunt , non dissolvunt tamen : nam hoc genus aquarum ex salis spiculis constat , quæ multo igne prægnant , auri atomos divellunt , ac sursum propellunt , præsertim cùm externo calore adjuvantur : neque enim auri atomi irruenti ignitarum partium agmini possunt resistere. Nec dubium est quin ignis in aquâ forti , vt in calce , & sale actu contineatur ; nam aëri exposita vim omnem deperdit. Idem in calce vivâ evenit , quæ nisi terrâ condatur , brevi emarcescit , nec humore perfusa adeò incalesceret , nisi ignis qui suos ante carceres effringere non poterat , dissolutâ calce erumperet , & vnâ secum aquam in fumos dilatatam abriperet , nihil enim moliri potest , nisi substantiam offendat quæ extenuari , ac debilitari possit ; sed vbi sale , aut duro , & sicco corpori coërcetur , tum nullas edit strages , ac placidus , & quietus manet ; nec calefacit , nisi fortè humore diluatur. Corpora igitur quæ sunt mol-

*Quâ notâ
perfectiora
metalla ab
imperfectis ,
vel liquatis
discernan-
tur.*

*Unde calis
& aque sty-
gia calor.*

lia, & rara igni cedunt, densa verò, & sicca resistunt. Sic asbestus nullo igne consumitur, quia calor nullum ferè humorem, qui extenuetur, invenit; hinc poros illius corporis subit, ac nullâ onustus prædâ solas dumtaxat sordes absumit.

Ex his sanè fontibus non naturæ modò, sed etiam artis spagyrica (quæ nihil aliud quàm cogit, & separat) secretiora ducuntur mysteria. Nec necesse est ut ad qualitates occultas, aut manifestas, quæ nihil sunt quàm Philosophorum commenta; vel ad vniuersalis naturæ ingenium, quo res vnaquæque cum simili facilè concreditur; vel denique ad antipathiæ, & sympathiæ magicas voces provocare. Omnis corporum mixtorum dissolutio, ut concretio, calore, vel humore, hoc est igne, & aquâ perficitur: partes quippe siccae nisi humido glutine neantur, non cohærent; calor verò moderatus, humorem attenuat, ac toti corpori æquabiliter distribuit; quod durius subinde evadit. Quo enim partes humidæ minutiùs conciduntur, & cum siccis accuratiùs permiscentur, hoc mixtum fit compactius. Contrà facilè dissolvitur, ubi partes humidæ, magnæ, & raræ existunt, ut in plumbo contingit. Sic calor indurat, cum superfluum humorem educit, & eum qui remanet, sensim extenuat: quæque vnire, & simul agglutinare volumus, antè sunt calore, vel humore emollienda; sic ferrum candens, cum alio itidem candefacto conjungitur: sic fractæ gemmæ lithocollâ priùs madefactâ committuntur. Calor quippe corporum meatus aperit, ut alterius partes prominulas excipiant, gluten quoque viscidum ubi aliquantulum incaluit, vel humore perfusum est, & vi quâdam compressum, corporis sicci, & duri rimulas subit. Accedit etiam quòd corpus calore emollitum vapores circum se fundit, qui alterius corporis meatus ingrediuntur, itque frigore correpti, contrahuntur, ac tamquam vincula utrumque corpus conjungunt; circumfusi quoque vapores apertos meatus subeunt, ac priores halitus jam ingressos, tamquam cunei adacti (ut loquitur clarissimus Digbæus: cujus nunc principiis insisto) arctiùs infigunt.

Illud sanè mihi est miraculo effectus planè diversos, & contrarios ex iisdem oriri causis: nam idem calor cuncta compingit corpora, & resolvit; vnit, & separat; gignit, & destruit.

Putrefactio.

Idem planè in humore contingit, qui cùm sit rerum omnium quasi commune vinculum, corpora tamen quæque dissolvit; nam quæ sicca sunt, humore perfunduntur, vt partes eorum separari queant; nihil ferè putrescit, nisi in humido: hinc quæ putrescunt solent intumescere: humor enim calorem moderato adjutus, partes calidas à reliquis separat, humore verò diffusato, reliquæ partes crassiores, & aridæ remanent, sed diuulsæ, & quasi in frustra concisæ. Hinc Chymici putrefactiones suas in fimo equino, vbi levis, & moderatus inest calor, perficiunt. Corpus verò resolvendum, vel humidum est, vel humore perfunditur: nam quæ sicca sunt putredini resistunt; calor quippe moderatus partes terrestres, & crassas nequit attollere, nedum insolubiles nexu, quibus vinciuntur poterit dissolvere; humore igitur opus est, qui cùm tenuis sit, flexilis, & mollis, à corpore sicco vltro admittitur, cuius ariditatem temperat; is cum singulis atomis vnitur, quæ jam ipsi liquori innatant; & diffuunt, sed laxioribus vinculis solutæ faciliè separantur: nam calor humorem evocat, quo exhalato partes sicciores remanent nullo ampliùs nexu colligatæ. Partes subtiliores vnà cum humore evolant, crassiores subsidunt. Est igitur putrefactio naturalis quædam corporis in sua principia resolutio. Cùm in vasis

Quinta essentia.

occlusis perficitur, subtilissima, & ignita substantia, innatat; quam quintæ, & cælestis essentiae nomine Chymici insignant. Hanc non modò ex plantis, & animantibus, sed etiam ex ipsis fossilibus colligunt. Solvunt metallum spiritu salis: balnei calore phlegma separant: quod superest vnà cum spiritu vini optimè rectificato ad digerendum collocant; digestionem levi calore perficiunt, tinctura, vel quinta metalli essentia post aliquot dies enatat, quam vt morborum debellatricem mirificè commendant. Spiritus quidem salis metalli poros subit, cum illius atomis conjungitur, calore externo adiutus paulatim resolvit, & fermentat; adeò vt sulfur tenuissimum, & purissimum exhalatur, cùmque erumpere non possit, instar olei subrubri extat: atque vt mihi videtur latissime patet ea ratio. Hinc enim dissolutionis, fermentationis, & putrefactionis causæ ducuntur.

Aqua è cineribus salem exsolvit, dum humorem in terrâ superstitem, quem ignis non valuit separare, suo ingressu auget,

corpuscula cinerum dividit, & levioribus atomis imbutur, quibus grava, ne metallis quidem parcat: nam gravior, & acrior facta illa in atomos comminuit. Hinc cuprum, vel ferrum aquæ salis immerfa rubiginem contrahunt. Ex ære, aceti vapore æruginem rasilem colligunt; vel laminulas cupri aceto immergunt, aut alternis ordinibus vñ cum vinaceis acerrimo vino aspersis in occluso vase disponunt. Eodem ferè modo è ferro crocum, seu subtilem florem, è plumbo cerussam aceti ope decerpunt. De fermentatione, ac putredine nihil addo, hæc enim sunt alterius loci, nec quisquam dubitat eas calore, & spiritibus perfici: hinc ebullitio, & subtiliorum partium separatio; quòd si exitum non habeant, vasa ipsa diffingunt, ac densiores vini partes subinde attollunt, quibus vasis latera commovent, quòd si liberiores offendant exitum, igniti dumtaxat spiritus avolant, crassiores partes spiritibus exhaustis, instar spumæ remanent, quibus dolii latera sensim incrustantur, atque in tartarum abeunt. Cùm autem illi spiritus minùs efferantur, in flore, seu spumâ liquori innatante plerique inclusi manent; hinc flos ille spiritibus turgens colligitur, atque ad panis fermentationem adhibetur; sic pistorum cerevisiæ flore utuntur, cujus spiritus tenaces & viscosi non facillè avolant, nec ita fervent ut vini spiritus, nec coërciti sua effringunt claustra, nec demum partes illas, quibus tamquam carceribus includuntur, adeò excoquant & indurant. Mirum sanè quàm citò exiguum fermentum totam massam pervadat, inflet, & acido sapore inficiat; spiritus illi igniti humore excitati, per totum corpus diffusi illud in minutas atomos concidunt, calidiores, & ignitas particulas ad defectionem sollicitant, quæ vñ erumpere moluntur, sed crassis, & viscosis partibus coërcitæ, incumbentem molem attollunt, extenuant, & digerunt. Spiritus illi acidi multo sale volatili abundant, hinc suum acorem fermentato corpori communicant: calidi sunt, & igniti, hinc rarefactio, & inchoata putrefactio; hinc adeò panis fermentatus longè faciliùs digeritur, ac levior existit. Videtis quasi aditum patefactum ad occultiora naturæ arcana. Quæ enim alia subesse causa potest, cur vinum, atque alii fermentati liquores corrumpantur, vbi tota non implent dolia, nisi

Fermentatio.

quòd igniti spiritus ægrè ferunt se à densis, & frigidis vini partibus concludi, ac quantum possunt ex iis solvi vinculis conniuntur; densiores partes secum attollunt, cùmque locum satis amplum offendant, vt liberè possint exspatiari, reliquum liquorem spiritu suo privatum, & corruptioni proximum relinquunt, recluso vase spiritus erumpunt, & si candela accensa orificio admovèatur, statim incenduntur. Idem accidere in aquâ testatur Digbæus. Nemo ignorat aquam fluviatilem, quam solventes nautæ secum vehunt, intra paucos dies corrumpi, tum puriorem effici, quòd crassiores partes subsidant, leviores sursum efferantur, & quo sæpius putrescit, eo salubrior habetur, quòd purior subinde evadat: vbi vas aquâ fluviatili plenum post aliquot annorum volumina referatur, spiritus ex aquâ, vti ex vino turmatim erumpit, qui admotâ lucernâ flammam concipit. Quod enim flammæ commodius pabulum esse potest, quàm spiritus crebrâ, & repetitâ putrefactione extenuatus? cur oleum tam citò inflammatur, nisi quia ex tenuissimis constat partibus? Hinc oleum chartæ affusum admoto calore diffunditur, donec eam assequatur partium raritatem, quam flamma postulat. Ignis enim tenuitas summa est: neque aliud æquè affectat, ac raritatem, atque ex pabuli fonte, in amplissimum effundi spatium; nihilque rarefcit, nisi ignis vel caloris impetu. Hoc sanè mirabile videri debet, quòd ignis vnâ, & eâdem operâ, dum partes subtiliores resolvit, crassiores fortiùs compingit, atque effectus omninò dissimiles simul in eodem corpore procreat. Ignitam enim & puriorem substantiam primum educit, tum humidiores & aquosas partes expellit; oleosæ quòd cum terrenis arctiori vinculo sint devinctæ, fortiorem exigunt calorem: his tamen quoque cedentibus, terrenæ & siccæ partes quasi invictæ remanent, quòd calore factæ fuerint crassiores, nec tenuissimis ignis atomis, vel dividi, vel in fumos explicari queant; perparum enim humoris restat qui nullo igne potest extenuari. Iis dumtaxat cavendum est ab humore subdolo, quem exusta corpora, non sine magno suo malo avidè excipiunt: humor enim eorum meatus subit, & vincula resolvit. Sic tenuissimæ partes à crassioribus divulsæ, aquæ innatant, crassiores subsidunt, quæ terra damnata, & inutilis appella-

tur; aqua salis atomis prægnans percolatur, aut filtro trajicitur; tum in vapores diffata salem tenuissimum, & mordacem in fundo relinquit. Sic igne & aquâ cuncta resolvuntur corpora. Quæ humida sunt ignis micantem gladium fugiunt, vel in illius pabulum cedunt; sicca verò & terrestria, si omni oleo destituantur, ignis ferocientis minas spernunt; vaser humor sales dissolvit; sola terra superest, quæ nec dolo opprimi, neque vlllo potest igne expugnari. Quamobrem mirari definamus cur quædam fossilia ignis calorem non ferant, vt sulfurea quæque; alia verò nullo igne domentur, vt autum & argentum; horum enim exquisita est, & perfecta; illorum rudis, & inchoata mixtio. Ex his sanè omnium fossilium ortus & causæ omnium propè Chymicorum laborum rationes depromi possunt. Quid enim causæ est, cur calor quædam induret? an fortè in his humorem aquosum, & superfluum expellit, oleosus tantum, & tenacior superest, vt in succis bituminosis contingit, qui calore moderato digeruntur. Quare antimonium, arsenicum, & alia ejus generis mineralia faciliè in flores extenuantur? An quòd partibus sulfureis, siccis & malè colligatis abundant? Antimonium contritum super carbones in eâ fornacè, cujus jam meministi, mi Simplici, effunde, statim in fumum evolat; quem vt excipias, ollas sublimatorias (quæ sunt lagenis inversis similes) sic dispone, vt primi vasis collum foramini in fornacis fastigio existenti, inseratur: sic hujus fundum, secundi vasis collum excipiet, & ita porro; sunt enim vasa tamquam lagenæ fundis resectis, aut perforatis, quæ fuliginem, vel potiùs florem antimonii excipient; qui ad sublimiores ollas conscendere flores, vt summè volatiles, ac sulfurei vomitum cient, ac satis periculosè assumuntur; infimi sudores tantum excitant, atque adversus venenatas, & contagiosas febres censentur salutare; mediæ purgant, ac vomitum quoque lenem excitant. Eâdem ferè ratione ex imperfectis metallis colligi possunt flores, qui ad Chirurgicos vsus adhibentur. Nam qui ex cupro, ferro, stanno, plumbò, & quodam minerali, quod zinchum vocant, vlceribus peruciles feruntur. Ex floribus antimonii vitrum per solam fusionem conficitur, longè majori compendio, quàm per calcinationem.

*Flores vsc.
tallici.*

*Varia anti-
monii præ-
parationes.*

Antimonium enim contusum solet cum subduplo nitro commisceri; in crucibulo prunâ injectâ accendi, quo quidem incendio impurum, & venenatum stibii sulfur dissilatur, quod remanet ablutum aquâ fervente, ut omne salpetræ exsolvatur; hepar antimonii vocitant, ex quo vinum parant emericum: cum sæpius nitrum adjicitur, adeo ut nullum amplius edat strepitum, & omne stibii sulfur exhaletur, fit antimonium diaphoreticum, quod per sudores purgare perhibetur. Sed redeo ad vitrum, quod ex antimonio semel nitri beneficio, ut dictum est calcinatum; ac fortissimo tigillo commissum; summo calore in regulum, tum in vitrum abit; utrumque vino infusum mirum in modum purgat; ex regulo pilulas conficiunt, quas perpetuas vocitant, nam citra ullum sui dispendium egerunt: quod si pocula ex regulo conficerentur, iis vinum affusum, aliquot horarum spatio vim purgatricem contraheret. Verum non difficile erit vitro antimonii pocula obducere; si vitro fuso immergatur vasculum fictile, jam in furnulo candefactum, quod forcipe in suo furnulo repones, ut sensim refrigescat. Illud certe mirari subit; vitrum, vel regulum antimonii, citra sensibilem sui imminutionem noxios humores suos deque protrudere. An occultâ & abditâ qualitate? an potius effluvio quodam substantiali vinum inficit? an subtilem, volatilem, & sulfureum salem liquor affusus exsolvit? id sanè mihi longè probabilius videtur. Nam quidquid reclamet Libavius vitrum tandem vini infusione nonnihil deteritur, nec pristinum nitorem servat, certam quoque quantitatem stibii solvit humor, quâ tandem satiatur: æstate citius hac vi purgatrice vinum, vel aqua imbuitur, quàm hieme: quo generosius est vinum, eo celerius istam virtutem trahit. Quemadmodum aqua sale, aut vitriolo satura, si incalescat, non parum adhuc salis dissolvere: nam quo subtiliores sunt aquæ, vel alterius liquoris atomi, eo facilius salium commissuras subeunt, ac leviores particulas involvunt.

Non enim in eâ sum sententiâ sales in aquâ exsolvi, quod illorum poros inanes, ac sibi accommodatos offendant, adeo ut alii meatus salis corpusculis, alii vitrioli, vel aluminis destinentur. Hæc sanè ingeniosè à Gassendo finguntur, sed vereor

vt fatis sint firma: præterquam enim nihil esse mihi videtur causæ cur aquæ atomi, quas esse ejusdem figuræ docet Gassendus principiis Epicuri succinens, meatus tot diversis circumscriptos figuris impleant, quot & quanta erunt vacua spatiola, si numero, & varietate corpusculorum, quibus compleri possunt, æstimentur: tota profectò aqua foraminulis erit pervia, nihil ferè solidi remanebit, atque inanes pori ipsa aquæ atomos infinitis partibus superabunt. Quantum enim salis, vitrioli, aluminis, nitri, sacchari, in aquâ potest exsolvi? Quòd si horum omnium corpuscula meatus inanes, & sibi accommodatos in aquâ reperiant, quàm spongiosa, quàm aperta, & foraminulis hians futura est? an tot corporum accessu nihil augetur, nihil intumescit aqua? facebant quæso illa Epicuræ Philosophiæ figmenta, nihil in rerum naturâ inane, nihil omni corpore destitutum occurrit. Quid est igitur cur aqua sale communi satiata, non parum aluminis, atque aliorum salium dissolvat? non displicet nobilissimi Digbæi responsio, tenues aquæ particulas salis corpuscula ingressu suo divellere, eaque dispersa in ipso liquore fluctuare; cum verò satis est imbuta sale, ac densior facta, non potest amplius salis subire corpuscula, sed tamen his velut armata spiculis, vitrioli, aluminis, aut succi alicujus crassioris partes separat. Sic aqua vno tenuiori sale prægnans, disposita quodammodo est, & parata ad alterius crassioris dissolutionem, nec necesse est infinita spatiola, tamquam diverforia variis salium generibus præparata comminisci.

Quocirca vt sale aqua, sic spiritus acidi tenuitate, & subtilitate partium exsolvunt corpora, atque in atomos comminuunt. Præcipitantur verò, & instar pulveris decidunt, accessu alicujus liquoris, qui majorem cum solvente, vel cum re ipsâ exsolutâ societatem habeat; tum enim spiritus acidus prædam suam dimittit, vt cum acri tartari liquore, vel aquâ falsâ conjungatur; idque non sine quodam fervore, ac veluti fermentatione contingit, quam spiritus igniti eodem ferè modo, atque in calce aquâ perfusâ, vel in multi ebullitione excitant: ex illa pugnâ aqua fortis aciditatem, tartarum vim acrem deponit. Sic ex oleo tartari, & spiritu vitrioli quiddam subdulce componitur: nam vnum alterius vires retundit, & vt cum Chymi-

*Cur aqua
vno sale sa-
tiata, aliud
exsolvat.*

*Præcipita-
tio.*

cis loquar, mortificat; non eas extinguit tamen, si quidem oleum tartari à spiritu vitrioli separatim vim acrem & corrosivam, ut vitrioli spiritus aciditatem suam recuperat, illud fixum est, hic volatilis: ex utriusque conjugio quiddam temperatum exurgit; quemadmodum superius nitrum ex fixi, & acidi societate emergere ostensum est. Hæc, nisi me ratio fugit, vera est tum dissolutionis, tum præcipitationis causa: nam si vnumquodque corpus in aquâ dissolvitur, quod illius atomi certâ mole, & figurâ circumscriptæ meatus offendant sibi conformatos; non video cur alterius corporis accessu præcipitentur: recens illud corpus alia velut hospitia reperiatur, nec necesse est, ut tot corpuscula locis suis dimoveat. Non etiam mihi liquet, cur aquâ in vapores extenuatâ, sal cum sale, alumen cum alumine congregiatur: non enim omnes meatus, quos salis replent corpuscula, juxta se dispositi jacent. Fateor equidem rationem illius congressus satis esse reconditam; nec mihi facile succurrit, cur omnes salis atomi in vnum, velut ex condito confluant, nec cum aluminis corpusculis confundantur? an quoddam simile sui similis societatem affectat? Illud verum, atque hinc communem præcipitationum causam duxisti: quam sicca corpora humidorum societatem ambiant, & volatilia cum fixis vltro consociantur; nam vnum alterius excessum castigat, humida siccis terminantur, sicca humidis vinciuntur. Spongia aquam non naturæ similitudine, sed quâdam indigentia, aut potius certâ materiæ, & partium conformatione attrahit. Atque ea mihi videtur potior, tum dissolutionis, tum etiam præcipitationis ratio. Non quod inficier similitudinem naturæ plurimum ad utrumque momenti obtinere, sed vnius effectus non vna est causa. Sæpe quoddam aurum præcipitat, majorem cum ipso auro cognationem habet, ut cum mercurio in hunc usum adhibetur; interim solventis societatem querit, ut liquor tartari aquæ regiæ affusus, cum illâ inito federe auri pulverem deorsum propellit. Interim per præcipitationem pars ignobilior & deterior descendit. Sic tartarum crebris solutionibus expurgatur; terrestris enim, & limosa substantia aquâ non solvitur. Contrâ vitriolum multâ aquâ affusum cuprum, aut ferrum dimittit; sal quippe quod vitriolo inest aquâ copiosâ

debilitatum non valet metallorum ramenta retinere. Cùm vitriolum in aquâ solutum, & vnâ cum zincho in granula concisso excoquitur, tum illud minerale quod totum sulfureum est, sulfur omne, & quidquid in chalcantho metalli inest, secum præcipitat, quod superest vitrioli spiritum præbet optimum: zincum ipsum spiritu salis solutum, præ siccitate suâ salis spiritum tam arctè retinet, vt distillatione nihil præter phlegma proliciat, vberiore tamen igne spiritus planè igneus, qui vix vlllo vasi contineri possit, & omnia dissolvat metalla, educitur. Idem in lapide calaminari contingere suprà diximus, sed optimo salis spiritu opus est, qui lapidem calaminarem saltem sextuplâ proportionem excedat: continuò agitur, ne in lapidem non ampliùs exsolubilem concreascit, phlegmate exhalato, restat oleum rubrum, & pingue, cuius acrimonia à lapide obtunditur: illius vsum ad podagram, hydropem, atque alios morbos commendat Glauberus, ac vulneribus optimum esse balsamum asserit. Verùm de vfu medico nihil decerno: hæc eò dumtaxat attigi, vt ostenderem quædam corpora cum aliis congregari, non ob naturæ similitudinem, sed quia meatus ita habent excavatos, & partes sic inter se aptas, vt quosdam præ cæteris admittant liquores, alios respuant. Sic aqua regia aurum, non argentum solvit: sulfur argentum ab auro separat; illud velut in cineres redigit, hoc ne minimùm quidem lædit. Hydrargyrus aurum domat; stannum verò ipsum figit hydrargyrum: nam liquato stanno affusus, statim huius metalli sulfure quasi illigatur: imò metalla ferè omnia cum stanno fusa rediguntur in scorias, adeò vt vix pristinæ formæ reddi possint, sed in vitra potiùs conflentur. Non magna est mercurii cum stanno affinitas; sed humiditas & móbiles hydrargyri atomos, ficcis, & sulfureis corpusculis stannum sistit, ac temperat; vnius defectum excessus alterius compenfat, nam adest vni, quod deest alteri.

Quò igitur totam disputationem in pauca conferam, metallorum dissolutionem aquæ fortes, tum naturæ quâdam similitudine, tum etiam partium subtilitate perficiunt. Præcipitatio verò non ex vno fonte ducitur; nam aquæ stygiæ vel aquæ dulci debilitantur; vel alterius liquoris, non similis quidem.

Brevis recapitulatio

*Præcipitatio
quæ per
viam sic-
cam perfici-
tur.*

substantiæ accessu, sed diversæ, sibi tamen amicæ, metalli pulverem dimittunt. Cùm autem plures sales in aquâ soluti præcipites descendunt, vnusquisque cum suo simili & congenere conjungitur; partes enim ejusdem gravitatis, & densitatis ad eundem se locum recipiunt. Illa porro, de quâ jamdiu loquimur metallorum præcipitatio, non modò per aquas stygias, aut spiritus acidos; sed etiam per viam, vt loquuntur, siccam, seu per fusionem instituitur. Nam metalla cum arenis, silicibus, tartaro & salibus fixis fusa expurgantur, dum sales fixi impurum, sulfur aggrediuntur, illæsis metallis melioris notæ. Cinerem plumbi (vt rem exemplis illustrem) cum arenâ, vel silicibus, aut rebus aliis sulfureis liquant; vitrum conflatur, aurum verò, vel argentum in plumbo reconditum ad imum descendit. Sal commune ferrum, & cuprum, quæ copioso vitriolo abundant, solvit. Hinc massa, aut vena cupri, cui multum ferri admiscetur, vnà cum sale communi liquatur, quod ferrum præ cupro exsolvit; vtrumque contusum aquæ incoquitur, laminæ ferreæ supponuntur, quæ cuprum præcipitant, ferrum verò vnà cum sale remanet: ferrum ipsum metallis in fusione additum, quidquid est sulfureum attrahit. Nam copioso sulfure præditum est: hinc scobs chalybea admota candelæ incenditur, ac fulgurat; & ferrum candens contactu sulfuris liquefcit. Hinc partes antimonii ferro addito separantur; frustula ferrea forti crucibulo imponuntur: vbi cadent, duplum stibii pondus contriti adjicitur; sulfur antimonii ad ferrum se recipit, & in scorias abit, relicto regulo graviore, qui stanno additus clangorem, & firmam partium cohesionem confert. Nitrum quoque, sal tartari, & antimonium æquis partibus commixta, trita, & fusa regulum præbent; sales enim fixi sulfur antimonii invadunt, in scorias convertunt, atque à puriori, & graviore parte sejungunt.

*Reguli an-
timonii præ-
paratio.*

Ac ne plura, quæ sunt penè innumerabilia conscriber. Omnes ferè Chymicorum labores sale continentur: nam metallorum fusio, separatio, dissolutio, præcipitatio denique salis, nitri, tartari, aut vitrioli adminiculis perficiuntur. Metalla in olea, spiritus, vitriolum, flores resolvunt, nihil ferè citra sale. Scobem ferri spiritu salis dissolvunt, filtrant, omnem humi-

ditatem superfluam leni igne abstrahunt, massam sanguineam, & rubram, quæ in fundo remanet, quæque admodum sicca est, & Chirurgis petutilis (nam consolidat & mundificat, & carnem superfluam exedit) oleum vocant, quod in humido loco, instar salis tartari per deliquium tabescit. Hanc massam rubram oleo filicum, cujus supra meminimus, impositam, vnus, vel alterius horæ spatio, instar arboris crescere, atque in ramos diffundi, auctor est Glauberus. Idem è ferro, cupro, & aliis metallis non dissimili arte vitriolum colligit. Oleo vitrioli suo phlegmate diluti in arenâ calidâ ferrum, vel cuprum solvit, solutionem filtrat; phlegmate exhalato coquit, donec appareat cuticula; extractam collocat in cellâ, vt crystalli virides è ferro, cæruleæ ex cupro concrecant, reliquum aquæ iterum vsque ad pelliculam coquit, atque in frigido loco crystallos, vt antè colligit. Spiritum verò, flores, & oleum vnâ atque eâdem operâ beneficio illius vasis distillatorii, cujus jam supra meministi, mi Simplici, consequi licet. Stannum, exempli gratiâ, cum subduplo nitro sensim in vas injicitur; pars quædam in spiritum, alia in flores attollitur; quod remanet, oleum dici potest. Sic regulum antimonii per ferrum præparatum cum salispetræ triplâ portione mixtum sensim in idem vas immittunt, spiritus, & flores ascendunt; calx verò acerrima, & salis tartari non dissimilis in fundo vasis remanet, aquâ dulci abluitur, & præcipitatur in subtilem puluerem, quem in peste, & aliis febribus contagiosis mirum in modum commendat Glauberus: est enim diaphoreticus, ac sudores movet.

Quanta remedium sylva, vel ex solo antimonio paratur: nam in flores sublimatione, vt dictum est; extenuatur, quorum alii vomitum, alii sudores tantum excitant; calcinatum cum nitro fit primò emeticum, tum repetitâ calcinatione vires ferè omnes vnâ cum sulfure amittit: vis enim illa, quæ vomitum ciēt sulfuri volatili insidet, nitri incendio diffuso sulfure, figitur: nitrum quippe hanc habet prærogativam, vt mineralium virus, quod volatili inest sulfuri, in auras attollat; eaque figens reddat innoxia. Sal autem commune cuncta mineralia, & fugacia, & magis efficit venenata: hinc mercurius sublimatus tantam edit stragem: venena omnia nitrum retundit, sal exa-

Oleum ferri.

Vitriolum ex metallis.

Cap. 4.

De floribus stibis.

De salis, & nitri viribus.

Calx argenti fusilis.

cuit; illud enim figit, maturat, digerit; sal è contrà res fugitivas, & fusiles reddit. Argento aquâ forti dissoluto, si æquam aquæ falsæ portionem affuderis, atque ex vno in aliud vas identidem transfuderis; vbi aliquamdiu aqua resederit, calx argenti sale præcipitata descendet, adedò mollis, & fusilis, vt candelæ admota statim lique scat; hanc calcem Chymici Lunæ cornu vocitant. Eâdem arte plumbum fugax & volatile efficitur; urinâ verò præcipitatum adedò durum, & fixum evadit, vt vix liquari possit. Nihil adedò cibus in ventriculo comminuendis, ac per totum corpus distribuendis infervit, ac sal commune, quod alimenti vehiculum est: quòd si ab omnibus recrementis, & terrenis sordibus, per repetitas solutiones, & coagulationes defæcetur, longè salubrius foret: sunt qui illud fusile, & liquabile tentant efficere: torrent, vt omni pinguedine liberetur; solvunt, exhalatâ aquâ coagulant, idque sæpius repetitum volunt; deinde tamdiu calcinant, quousque granula candelæ admota: statim liquentur hujus salis magnas ad metallorum transmutationem vires prædicant; quibus nec planè assentior, neque omninò repugno: illis sanè gratulor qui tantorum arcanorum sunt conscii. Mihi autem nondum ditio rem quemquam ex iis videre contigit, qui in arcanorum per investigatione studium omne suum posuerunt. Non quòd illa contempnam quæ summi artifices, non solùm ingenio, sed etiam otio, studiòque abundantes nobis de metallorum naturâ, origine, & perfectione reliquerunt; ac concedam quoque Philosophis, vt consumendi otii causâ de iis differant: sed dabunt veniam Alchimistæ, si animum meum huc parare non possim, vt credam salis fusilis, vel alterius mineralis beneficio per camenta, & alios labores argentum figi; ita vt auri pondus & naturam consequi valeat. Proculdubio in omni revincit imitationem veritatis; nulla potest ars naturam assequi, nedum superare.

TH. Profectò nisi conjecturâ fallor, nihil arte Chymicâ vanius esse potest; siue metallorum transmutationi incumbat, de quâ jam satis dictum est, siue ex rebus metallicis remedia, ad morbos profligandos depromat: nec quemquam hoc errore duci oportet, vt sibi persuadeat antimonium, hydrargyrum, & alia mineralia tutò, & citra vllum periculum assumi posse.

*Remedia
Chymica
variis argu-
mentis op-
pugnantur.*

Quid enim hæc nisi venena esse possunt? nulla est illis cum corpore nostro familiaritas, nec calore nativo domari, aut subigi possunt; cum sint naturæ insensibilissima, càmque continenter lacestant; ex illâ veluti pugnâ virium dejectio, humorum effervescentia, deliquia, convulsiones, & gravissima oriuntur symptomata, quibus persæpe natura viribus impar, opprimitur: magnæ quidem evacuationes subsequuntur, sed citra vllum humorum delectum: natura quippe irritata & stimolata vires colligit, ut hostem sibi infestissimum expellat, atque unâ cum eo (si viribus prævaleat) magnam humorum, quibus gravatur, copiam protrudit. Sed quanta totius corporis succussio, quanta molestia consequuntur? adeò ut longè sit consultius hostem intra mœnia non admittere, quàm eum receptum, non sine magno discrimine foras ejicere. Naturæ laboranti subsidia mittenda sunt, non hostilibus copiis prosternenda. Cedo quid furiosius, quàm illa haurire mineralia, quæ artifices ipsi non audent contrectare: nam qui argentum vivum in pilulas coquant, solent oleo illinire manus. Adeò perniciosum est, ut illud merito rerum omnium venenum appellet Plinius: nam exedit, & perumpit vasa, permanens tabe dirâ. Ipsi fossores, quantumvis ori vesicas applicent, ut se adversus lethalem hujus veneni fumum muniant, brevi tamen, aut phthisi, aut paralyti consumuntur. Ne auro quidem parcit, sed illud in minutissimum pulverem comminuit; nec nobis solidiora sunt metallis viscera, ita ut ab hoc minerali tuta esse possint. Frigiditate suâ, vel solo contactu nervos affligit, atque in paralytim inducit: quid non faciet, si intus admittatur? an non saltem suo pendere ventriculum gravabit, naturam opprimet, vi causticâ ipsa intestina exedet, maxime si aquis stygiis præparetur, vel salibus sublimetur? Hinc nervorum tremor, ingens pituitæ profluvium, oris foetor, ventris tormina, atque alia ejusdem generis gravissima symptomata, quantumvis abluatur, distilletur, præcipitetur, redit semper ad ingenium, neque unquam potest esse salutare. Non enim solâ quantitate, sed toto genere, ac naturâ deleterium est, animalibus & plantis exitiale; seu quia terrâ impurissimâ, & superfluo humore abundat, ut visum est Alchimistarum principi Gebro (nam color ille plumbeus, atque ex

De hydrargyro.

albo in lividum degenerans; nigredo quâ corpora quæque inficit, impuram illius substantiam produunt:) seu impensè frigidum nervos solo contactu lædat, & calorem nativum extinguat; seu tenuitate partium in cerebrum involet, nervorum originem invadat, venas solvat, intestina corrodat: seu denique ex marcassitis venenatis, vt ex cadmiâ argentosâ, minio nativo, vel cinnabrio quod lapis est fragilis, gravis, & coloris subrubri calore exprimitur: inter venena, si quid aliud, debet recenseri, ac nemo nisi sui prodigus, aut vitæ pertæsus tam perniciosum remedium adhibebit.

De antimonii usu, & naturâ.

Nec meo quidem iudicio (quidquid aliter vobis videatur) minùs innoxium est antimonium, quo Chymici omnes præcipiti audaciâ in exitium nostrum abutuntur. Quæ insania, quis furor, tantam remediorum vbertatem, quæ stirpes, & animantes nobis suggerunt, contemnere, vt deleteria nostræ naturæ infensissima non modò ad exteriores, vel ad desperatos, (quod vtiq; ferendum esset) sed etiam ad leviores morbos, febres intermittentes, atque extra omnem periculi aleam positas, vt tuta medicamina assumere? At quàm multos jam conclamatos, atque extremum spiritum agentes antimonium restituit? Quid, quod multò plures sustulit, qui jam adesse non possunt, vt de hoc veneno conquerantur. Istius mineralis naturam paulò diligentius expende, nihil quàm purum putum venenum esse comperies. Quid enim est, vt ipsi Alchimistæ fatentur, nisi crudum metallum impuro sulfure infectum, nec arsenici, vitrioli, & hydrargyri expers? hinc illius fœtor ex arsenico, fusio facilis ex hydrargyro, albus & penetrans fumus, ac sublimato persimilis, summa rapacitas, adeout nulli metallo præter aurum parcat: fuligo venenata, ac vis vomitiva. Nec mirum si adedò sit versatile, ac tot vultus induere videatur: nam ex omnium fossilium ramentis coaluit. Similis planè est naturæ cum marcassitis, quæ metallis prægnant; quæque sunt omnes venenatæ. Sic vena bismuthi antimonium masculum vocitatur; ex illâ regulus stanneus conflatur, & vi emeticâ donatur, solâ infusione liquores facultate purgatrice induit, venenatos efflat halitus. Eadem quoque est natura cadmiæ argentosæ, cujus flos virulentus cobaltum dicitur. In eodem censu

repor-

reponimus alias marcassitas, vel steriles, vel metalliferas, quocumque signentur nomine; sive pyrites cum ære; seu galena, cum plumbo; seu gelsum, zinchum, quorum illud in Vngariâ frequens, hoc in Comitatu Tyrolensi, illud argento, hoc variis metallis foetatur: ista, inquam, nihil sunt, quàm metallorum capsulæ, vel abortus, atque arsenico impuro sulfure, nec non & crudo hydrargyro inficiuntur nobis omninò perniciofa. At fortè ignis flammâ, vel salepetræ expurgantur, atque omnem ferociam dediscunt: nam vis illa venenata in sulfure volatili insidet, quod nitro accensum in auras diffatur. Sit ita sanè, quid igitur est, cur flores antimonii impensè volatiles præscribant? cur crocum metallorum, ex quo vinum emeticum jam toto orbe notum (quod Martinus Rulandus primus, sub aquæ benedictæ nomine ad vsus medicos adhibuit) adeò perfunctoriè, & negligenter præparant? Non enim semel, sed sæpius nitro purgatum oportuit, vt omne virus deponeret. At vitrum ipsum antimonii tot ignibus vexatum arsenicales spiritus adeò exuit, vt vino vel aquæ, solâ infusione vim non catharticam, sed venenatam & pestiferam impertiat. Nam vomitus concitat, ac totum corpus vehementer concutit. Ne ipsi quidem antimonii patroni, vitrum illius excusant. Nam vt omittam Quercetanus, qui in hoc, vt in cæteris, satis anceps, ac lubricus videtur, vt taceam de Basilio Valentino, & Renodello, qui antimonio trophæa crexere, ac triumphalem curram illi decrevere; Severinus Danus Paracelsistarum antistes hoc vitrum non probat; quòd puri, inquit, ab impuro separationem non receperit: quòd resolutionem debitam, & digestionem non sustinuerit: quòd fusionem vitrificatoriam admiserit, in omni remedium præparatione fugiendam.

Ignosco Chymicis, qui metalla ad vsum Chirurgiæ accommodant: nam & veteres his vsos fuisse novimus; neque aquas minerales aut thermas abjicimus, quas adversus plerosque contumaces morbos esse salutares non inficiamur. Sed ferendi non sunt, qui metallis ipsis ventrem onerant, vel aurum poculentum pollicentur. Quasi ipsum aurum in liquorem possint redigere, atque illius crasum conservare. Si natura auri manet, quomodo vires prostratas eriget, extinctum calorem excitabit?

*De auro
possibile.*

an poterit in nostri corporis substantiam commeari? an natus calor tantum valet, vt indomitum metallum subigat, atque in carnem mutet? Quòd si auri liquor reduci amplius nequeat, & auri naturam exuerit, vnde illi tantæ vires? nihil est præter sulfur & hydrargyrum, quibus malè cum corpore nostro convenit? Sed quid vanius, quid magis circulatorium, quàm auri candentis sæpius repetitâ extinctione, auratas, & mineralibus præstantiores aquas promittere? Quid amabo ignitum aurum aquis frigidis, nisi empyreuma, seu ignis vestigium confert? Neque enim aurum vel mole, vel pondere minuitur, neque ex eo quicquam exhalat. Iam quid necesse est metalla in liquores, olea, crocos, & calces resolvere? si quid possint, haud dubiè integra longè vtiliora erunt, quàm tot modis vexata. Malim ego chalybis scobem, quàm illius calcem, aut ignis reverberio, aut sulfure præparatam. Siquidem igne, sulfure, aquis stygiis metalla indurantur, non solvuntur, nec recluduntur. Non mihi est animus omnia Chymicorum flagitia persequi: profectò è re communi foret, vt auctoritate publicâ caveretur, ne quis hydrargyrum, antimonium, atque alia fossilia ad vsus medicos adhiberet, atque vt eam medendi rationem omnes sequerentur, quam Hippocrates & Galenus munierunt, quæque omnium gentium consensu fuit comprobata.

SIMP. Optarem equidem, vt nemo nisi idem in arte Medicâ peritissimus hæc tractaret remedia, quibus circulatores, & empirici in perniciem hominum sæpe abutuntur. At non continuò infamanda sunt præsidia, quæ multis saluti fuere, sed imperitorum temeritas accusanda, qui nullâ temperamenti, morbi, ætatis, temporum habitâ ratione, eadem omnibus præscribunt. Quòd si ex animantibus, & plantis tanta pharmacorum vbertas succurrat, non video cur ex mineralium familiâ nonnulla quoque adversus morbos contumaciores depro-mi non possint. Quàm magni sint vsus aquæ minerales? quædam, vt refert Baccius, ferrum, & metalla corroduunt, quæ tamen potæ iuvant. Vnde tanta virtus thermarum, nisi ex spiritibus fossilium? Quòd si quid veneni recondant, id profectò in spiritibus insidet. Erasius ipse qui odio plusquam Vatiniano

*Quibus se
tueantur
rationibus
Chymicis.*

Chymicos prosequatur, aquam, aut vinum chalybeatum, in quo scilicet ferrum candens extinguitur, multum commendat, neque immeritò. Nam aqua chalybeata lienosis, & hydropicis mirum quantum confert, obstructions recludit, abstergit, exsiccat. Hinc primum alvum turbat, nitri quippe, & chalcanthi spiritibus, quibus ferrum abundat, tum adstringit & corroborat. Sed nisi ferrum impensè candeat, aquas potius virulentas, quam salubres efficiet. Aquæ in quibus æs extinguitur balneis sunt vtiliores, vetera vlcera, tumores, & scabiem sanant: nam superfluos humores consumunt. Sic aquæ in quas liquatum plumbum sæpius injicitur, exterius usurpatæ refrigerant, vlcera cavitates complent; tumores scirrosos emolliunt. Nec demum aquæ auratæ omninò sunt inutiles. Neque hic longâ disquisitione opus est, an aurum aliquod effluuium in aquas transmittat, an poculentum fieri possit, atque in liquorem redigi? Ego enim vt difficillimam fieri possit, atque in liquorem solutionem iudico, ita omninò impossibilem non arbitror; & meâ quidem sententiâ fides aliqua doctissimis viris, atque in arte spagyricâ peritissimis potius habenda est, quam iis qui hanc disciplinam nequidem à limine salutarunt. Neque tamen in eâ sum hæresi, vt putem tantas esse vires auri potabilis, quantas vulgò prædicant. Fors est vt ex plumbo, ære, ferro vtiliora, quam ex auro, & argento medicamina repetantur. Vix in animum possum inducere hæc metalla in alimenta converti. Admota pectori auri lamina cordis palpitationes arceat; renibus applicata, lumborum dolores leniat, at non necesse est vt haustum prostratas vires erigat, calorem nativum familiaritate quâdam naturæ mirum in modum corroboret. Neque à ventriculi calore id consumi putem: nescio an aliquantulum alterari queat. Ignitum quoque aurum spiritibus suis aquam nonnihil imbuere non agrè concessero; nam vbi sæpius extinctum fuit, fit pallidius; quod si in aquis, quibus plumbum liquatum identidem affusum fuerit illud extinxeris, nonnihil mollius, & ductilius evadet: contrâ durius futurum est, si ignitum aquis chalybeatis aliquoties immergatur. Enimverò metalla ad Chirurgiam permultum conferre, ne inimici quidem Chymicorum inficiari audent: nam veteres aruginem ad putrida vlcera

ra, cerussam, & minium, vel sandycem plumbi, ad cicatrices inducendas, & fluxiones ex vlceribus, & contusis partibus arcendas; æris, ferri & chalybis squamas ad contumacia vlcera adhibuerunt. Iisdem ferè vsibus ferri scoria, quæ vehementer exsiccat, lithargyrus, qui vt cerussa leniter adstringit, & vim habet emplasticam, accommodantur. Illud non timidè dixerò non posse Chirurgiam metallis aut fossilibus carere. Non mihi est animus hîc longas remediorum formulas pertexere; sed non possum tamen mihi temperare, quin vos arcani cuiusdam non contemnendi participes efficiam. Lapis est ex diversis mineralibus, nimirum ex librâ vitrioli, tantumdem aluminis; semilibrâ sandycis, seu minii ex plumbo confecti, 4. vnciis boli Armeni, ac æquâ portione, nempe 4. vnciis salis communis compositus. Hæc contrita 4. aut 5. libris vrinæ sunt incoquenda, continenter agitanda, donec pultis consistentiam assequantur. Hæc massa non nihil foetens frigore in lapidem concrefcit; cuius vncia in semilibrâ aquæ communis exsoluenda immittitur; quâ quidem aquâ omnis exterior inflammatio, eresypelas, purulenta vlcera, scabies foetida & canceri identidem abluuntur, vel linteo madido obducuntur, atque intra paucos dies curantur; dummodo emissio sanguinis, & apta purgatio non interim negligantur: idque me sæpius expertum fuisse licet affirmare. Non agrè conceditis magnam remediorum sylvam ex mineralibus ad exteriores morbos succrescere; at vsûm interiorem, non injuriâ fortè accusatis: atque vt quantum potero, contentiones minuam, de hydrargyri vsu ferè inter nos convenit; non quòd toto genere deleterium existimem: sed substantiæ tenuitate, & penetrante nervos, ac cerebrum invadit; & quamvis Mathiolus agrè parturientibus scrupulum hydrargyri præscribat; ac soleant plerique aliquot grana pueris, ad ventriculi, & intestinorum vermes enecandos præcipere; longè tamen consultius erit omninò ab hoc minerali abstinere. Nunc de antimonii vsu quid mihi videatur aperiam; sed ita audies, vt Philosophum partium studio minimè abreptum, vt timidè ingredientem ad hoc genus disputationis: nam plerique Medici solent, id quod virorum bonorum est, admodum irasci, si quis eorum decretis non acquiescat: at soli sumus,

nec vereor nequis eorum exaudiat : neque ii fumus , qui in disputando non nostrum iudicium sequamur , sed auctoritati aliorum pareamus. Antimonium quidem (vt rem ipsam loquamur) non omni veneno caret , quod in sulfure volatili potissimum insidet : quare hoc remedium non promiscuè , & sine vlllo discrimine omnibus est adhibendum ; neque ab imperitis tractandum : & certè in minimâ dosi alvum turbat , vomitus excitat , totum corpus vehementer commouet , quæ quidem in simplex medicamentum non cadunt. Verùm hoc ad Medici industriam pertinet , vt venenis ipsis virus detrahat , eaque in optima convertat medicamina. Veteres arsenico , & sandaraca utebantur ; nec officinæ , & pharmacopolia carere venenis possunt. Sæpe morborum radices altius hærent , nec communibus remediis , eorum semina , vt loquuntur Chymici , possunt transplantari. Interim venenati morbi aliis venenis quasi jugulantur. Hinc vsum antimonii in peste , atque aliis morbis epidemicis non ausim accusare. Nonnumquam natura humorum copiâ velut oppressa hæc validiora præsidia exigit ; irritare eam oportet , & quasi sopitam excitare , quod præter cætera antimonium præstat. Sic morbi chronici , quique diuturnitate temporis invaluerunt , aliquando vfu antimonii profligantur. Neque (vt mihi videtur) stibium inter venena toto genere deleteria numeratur ; neque in iis qui vinum emeticum hausere , vllum veneni indicium apparet. Solâ quantitate , vt pleraque pharmaca nocet , nec fortè elleborum , elasterium , atque alia id genus medicamenta , quibus vfi sunt veteres , sunt benigniora. Vix vllum emeticum est stibio aptè præparato lenius ; nec tamen medendi ars vomitivis carere potest. At quàm multi hausto emetico periêre ? quòd si hoc genus argumenti recipimus , nullum remedium à calumniâ tutum erit. Verùm hæc Medici ipsi viderint , qui fortè verbis , non re dissident : cùm alii antimonium vt venenum accusant , alii vt innoxium defendunt. Est sanè venenum , si intempestivè propinetur , si nitro , aut vehementiore flammâ arsenicali suo sulfure non spoliatur ; si ægroti vires , morbi genus , & symptomata acri iudicio non perpendantur ; si ab agyrtis , & circulatoribus temerè , & magna dosi præbeat. At vitrum antimonii exitiale est , nec potest excusari , cùm Severinus Danus , atque alii

*De vitro
antimonij.*

Chymicorum principes id de albo medicaminum expungant. Fortè ita est, si illius substantia majori dosi, non sola infusio, quam vino emetico benigniorem puto, propinetur. Quid enim fidei causâ afferunt, vt crocum, seu emeticum probent, vitrum infament? Non facta est, inquit, puri ab impuro secretio: mirum si sulfur illud volatile tantos ardores sustinuerit. Sed omnis vitrificatio in vitio est. Illud porro probatum, non temerè assertum oportuit. At vis pharmaci spiritibus, non crassis corporibus inhaeret, nec aliquid magni ex tam rudi præparatione expectandum. Tantò, inquam, benignius erit vitrum, quòd maxima pars spirituum, quibus omnis virtus purgatrix tribuenda est, sit exhausta; solum sal in liquore exsolubile superest, quod tantas strages non potest edere. Restat vt iis respondeam, qui nullum ex mineralibus præsidium sperandum esse arbitrantur, quòd nulla sit fossilibus cum corpore nostro societas. Quasi hæc vt alimenta, non vt medicamenta sumantur: nec vinci debent, sed vincere. Perparum refert, vtum sint amica corpori, dum morbum expugnent, ac vires suas in pravos humores exerant. Caterum nemo me auctore hæc remedia accerfet, nisi Medici doctissimi consilium adhibeat, nusquam enim periculosius erratur; atque vbi de vitæ summâ agitur, nihil temerè & inconsultò audendum. Hinc Crollius non absurdè monet, ne antimonium iis qui angusto pectore, aut debili sunt ventriculo, aut colicis doloribus ex aliquâ obstructione vexantur; aut denique malè affecta habent viscera, præbeatur: ne vena, antè, vel post incidatur; omnino hîc cauto opus est; nec tam remediorum violentia, quàm imperitorum audacia vel vsu firmata, est incusanda: neque omnibus cedit inconsulta temeritas. Sed sanusne sum qui has Medicorum controversias ingressus, me nec Chymicum, nec Medicum esse sum oblitus: magis id adedò facilitate, quàm vllâ aliâ culpâ meâ contigit, qui dum vobis obsequor, extra Philosophiæ cancellos identidem excurro. Sed vos enixè rogo ne has nugas in apertum proferatis. Neque enim (quod mihi sæpe dicendum est) Chymicus haberi velim, aut in Medicorum, quorum apud me magna est auctoritas, odia incurrere.

TH. Magnam (vt pro utroque respondeam) tibi habemus, gratiam, mi Simplici, ac recipimus tibi silentium optimâ fidei.



I N D E X

R E R V M P R Æ C I P V A R V M.

A

A C E T V M, pag. 141
 Adamas, 220. & seq. vi-
 res, 221
 Ær, 42. vnde frigus mediæ regio-
 nis, 44. illius altitudo, 60
 Æris natura, 255
 Æstus maris reciproci diversæ opi-
 niones referuntur, & refellun-
 tur, 22. 23. & seq. varia ejus phæ-
 nomena, *ibid.*
 Ærites, 233
 Alabastrum, 213
 Alabastrites, *ibid.*
 Alchimix defensio, 99. 283
 Aluminis natura, & præparatio,
 & vsus, 156
 Amiantus, 208
 Amethystus, 227
 Animalium quæ ex putredine na-
 scuntur generatio, 115
 Antimonii flores, 301. vsus, & na-
 tura, 304. & seq. variæ præpara-
 tiones, 296. vsus, 308. & seq.
 Aquæ corpuscula, 3. 4. 42
 Aquæ medicata, 17. 18. bituminosæ,
 sulfureæ, acetosæ, 17. 18. 19. 20.
 earum effectus, *ibid.*
 Aquarum differentix, & examen,
 20. 21
 Aqua fortis, 41. 144. 145. 299. 290
 Aquæ chalybeatæ, 307. arosæ, au-
 ratæ, *ibid.*
 Aqua vno sale satiata aliud exsol-
 vit, 297
 Aquilo, 62. 63

Arena, 125. 129. 214
 Ardesia, 215
 Argilla, 126
 Aristotelis opinio de terræ motu,
 6. de origine fontium, 15. de sal-
 sedine maris, 37. refellitur, 38.
 de ventorum origine, 61
 Argentum vivum, 303. 281. 282. v-
 sus, 308
 Argentum, 259. vtrum in aurum
 abire possit, *ibid.* 261. & seq.
 Asterites, 224
 Astroites, 223
 Auripigmentum, 173. arsenicum,
ibid.
 Auri natura, 249. aurum è silici-
 bus, 271
 Aurum fulminans, 278
 Aurum ex mineralibus, 287
 Aurum potabile, 305. 307
 Auster, 62. 63

B

B A L A T I V M, 227
 Belemnites, 210
 Beryllus, 225
 Bezoar, 232
 Bismuthum, 258
 Bituminum varia genera, 175
 Borax lapis, 232

C

C A D M I A, 284
 Cæmentum, 279. 282
 Cæsaris Arconsi de æstu maris sen-
 tentia, 31. & seq.
 Calcinatio, 123
 Calculi generatio, 191. 199. ejus-

I N D E X

| | | | |
|-------------------------------------|----------------|--|--------|
| dem curatio, | 200 | Exhalatio quid, | 3. 121 |
| Calor subterraneus, | 11. 12. & seq. | F | |
| Calor ex Cartesio, | 167. 168. 291 | F ERMENTATIO, 22. 161. 170. | |
| Calx, | 214. 290 | 293 | |
| Camphora, | 180 | Ferri natura, & in cuprum mu- | |
| Cartesii tria elementa, vel princi- | | tatio, 253. Ferri in chalybem, | |
| pia, 2. 3. 120. 166. ejusdem de | | 254. 267 | |
| æstu Oceani sententia, 28. refel- | | Fontium origo, 14. 15. & seq. laten- | |
| litur, 29. de maris falsedine, 38. | | tium aquarum indicia, 16. fon- | |
| & seq. de Iridis coloribus, 89. | | tes medicati, 17. & seq. | |
| 93. 94. ejusdem de sale opinio, | | Formarum origo, 106. 107. 112. & | |
| 167. ejusdem de magnete, 201. | | seq. formæ renascentes, 123 | |
| & seq. | | Flores metallici, 295 | |
| Carbo fossilis, | 174 | Fromundi de æstu maris opinio, | |
| Carbunculus, | 227 | 25. 26. refellitur, <i>ibid.</i> de vento- | |
| Cera primigenia, | 50 | rum origine, 61. 62. de Iridis | |
| Ceraunius lapis, | 210 | coloribus, 83 | |
| Cerussa, | 258 | Fulgur, 65. & seq. | |
| Chalcedonius, | 228 | Fulmen, 65. & seq. effectus, 66. 67 | |
| Chrysolitus, | 228 | Fuligo, 121. illius oleum, 121 | |
| Chambræi de Iridis coloribus, 82. | | Fumus quid sit, 3 | |
| & seq. | | Furnorum materia, 130. præpara- | |
| Coagulum, | 170 | tio, 143. 144. 154. 273 | |
| Coctio, | 124 | G | |
| Colorum causæ, 82. & seq. 126. 127 | | G AGATES, 174 | |
| Cornu fossile, | 209 | Galena, 284 | |
| Cornu Ammonis, | 210 | Galilæi de æstu maris sententia, | |
| Cores, | 211 | 27. refellitur, 28. 29. ejusdem de | |
| Creta, | 126. 128 | glacie, 59 | |
| CrySTALLUS, 219. & seq. | | Galactites, 207 | |
| Cupellæ examen, | 275 | Gassendi observationes, 91. 94 | |
| D | | Gemmarum natura, & origo, 217. | |
| D IGBÆVS de coloribus qui | | 218. gemmæ adulterinæ, 218. | |
| per triangulum vitreum spe- | | vitia, 220. vires, 221 | |
| ctantur, sententia, 94. 95. & seq. | | Geodes, 233 | |
| Distillatio, 122 | | Gelsum, 305 | |
| E | | Glacies, 41. 58. 59 | |
| E LECTRUM, 262 | | Glossopetra, 210 | |
| Elementa, 101. & seq. 166. & | | Grando, 52 | |
| seq. | | H | |
| Entrochites, 210 | | H ÆMATITES, 206 | |
| Epicuri Philosophia, 166. 167 | | Halitus triplex, 3. cur ætate | |
| Etesia, 57. 64 | | copiosior cum sit non videatur, | |
| | | 4. | |

RERVM PRÆCIPVARVM.

4. ex omni corpore exhalari, 4.
halitus venenati, 4. 5. 9. sudori-
fici,

Halo, 90. 91
Hyacinthus, 227

I

I A S P I S, 229
Ignis, 169
Ignis fatuus, 71
Ignis lambens, *ibid.*
Ignita meteora, 65. & seq.
Iris, 72. & seq.
Iridis locus, 73. 74
Iris est in duplici differentiâ, 74. 85
Iridis figura, 75. & seq. magnitu-
do, 79
Iridis colores, 82. & seq.

L

L A C V S conjectu lapidum tu-
multuantes, 150
Lapidum materia, 184. & seq. 192. 195
Lapidum causa effectrix, 187. 193.
figuræ, 187. 195. Perspicuitas,
& colores Lapidum, 187. 188
Lapidum coagulatio, 189. 197. di-
visio, 201
Lapis specularis, 208
Lapis Iudaicus, 210
Lapis Bononiensis, 216
Lapis nephriticus, 226
Lapis Alectorius, 231
Lapis Armenus, *ibid.*
Lapis Chelidonium, 232
Lapis Philosophicus, 249. & seq.
262. & seq.
Lateres, 129
Lazuli, 231
Lithocolla, 214
Lithargyrus, 284
Liqufactio, 124

M

M A L A C H I T E S, 225
Malthæ, 214
Magnes, 201. ejus vires, 202. &
seq.
Manna, 47. & seq.
Marmor, 212
Marga, 126
Materia ex quâ prodeunt meteo-
ra, 3
Medicamenta Chymica, 163. 302.
& seq.
Melitites, 207
Mel, 47. & seq.
Meteora, 3. 4
Metalla non vivere, 103. 105. 107.
117
Metallorum materia, 235. & seq.
generatio, 241. & seq. ductilitas,
244. an unicâ specie continean-
tur, 245. effectrix causa, 246.
an reduci possint in hydrargy-
rum, 247. metallorum ponde-
ra, 260
Metallorum separatio, 275. 277.
287
Metallorum compactio, 289. dis-
solutio, *ibid.*
Mineralium vita, & generatio, ex
Chymicis, 105. 106. 116
Mineralium divisio, 132
Mixtum imperfectum quid sit, 3
Mixtionis principia, 101. 120. 121
Morocthus, 207

N

N A T V R A quid sit, 100. 114
Nebula, 43
Nili exundatio, 22. 23
Nitri natura & præparatio, 134. 135.
136. 141. & seq. 145. 149. 153
Nitrum esse fertilitatis causam, 142.
cuncta mineralia expurgat, 145.
146. 289

I N D E X

Nitri calor, 168
 Nix, 52. 54
 Nubes quid sit, 43. illius opacitas, *ibid.*
 Nubes cur in aëre pensilésque, 43.
 59

O

OCHRA, 129
 Olei corpuscula, 3. 42
 Oleum ferri, 301
 Onyx, 228
 Opalus, 223
 Opium, 109
 Osteocolla, 209

P

PARHELIA, 92
 Plumbi natura, 256. tria plum-
 bi genera, 258. cur venis fun-
 dendis adhibeatur, 280
 Pluvia, 43. 44. 45
 Pluviæ indicia, 45. 46
 Pluviæ portentosa, 54
 Pompholyx, 285
 Porphyrites, 212
 Prasus, 225
 Præcipitatio, 286. 297. & seq. 300
 Principia Chymicorum, 99. 100.
 & seq. 106. 108. 109. 110. 117. 118.
 119. & seq. 138
 Pruina, 47
 Pulveris pyrii vires, 10
 Putrefactio, 122. 292
 Pyrites, 305

Q

QVARTATIO, 278

R

RATIONES seminariæ, 102.
 oppugnantur, 104. defen-
 duntur, 112. 113. & seq.
 Regulus antimonii, 300
 Ros, 46. 47

S

SACCHARVM, 51
 Salis corpuscula, 16. 40. illius
 effectus, 40. 41. illius natura,
 atque in sua principia resolutio,
 132. 133. & seq. 138. & seq. dif-
 ferentiæ, 139
 Salsedo maris, 37. & seq.
 Sal prunellæ, 135. 136
 Sal ammoniacum, 169
 Sapphirus, 227
 Sarda, 228
 Sardonyx, *ibid.*
 Saxa, 213
 Schistos, 207
 Scintillatio maris, 51
 Scoriæ metallorum, 280. 283
 Senecæ opinio de terræ motu, 6.
 & seq. de fontium origine, 15. 16.
 de ventorum naturâ, 60. de Iri-
 de, 76
 Silices, 211
 Smaragdus, 224
 Smyris, 207
 Spiritus quid sit, 3
 Spiritus vniversi, 100. oppugna-
 tur, 102. & seq. defenditur, 111.
 Spiritus mechanici, 105
 Spiritus salis, 133. 134. 154. & seq.
 vsus, 155. 180. 181
 Spiritus nitri præparatio, & vsus,
 143. & seq. 147. & seq.
 Spiritus acidi ex vegetabilibus
 eductio, & vsus, 152. 153
 Spiritus vitrioli, 164
 Spiritus lapidificus, 195
 Stannum, 257
 Stellæ cadentes, 69. discurrentes,
ibid. alia ejusdem generis meteo-
 ra, 70
 Sublimatio, 121
 Succinum, 174. 175. 176. 177. cur
 trahat paleas, *ibid.* vsus, 179.

R E R V M P R Æ C I P V A R V M.

| | | | |
|-------------------------------------|-----|-------------|--------|
| resolutio, <i>ibid. & seq.</i> | 181 | Trochites, | 210 |
| Sulfuris natura, & origo, 171. flo- | | Turbo, | 56. 65 |
| res, 180. spiritus, | 182 | Turchoides, | 226 |
| | | Tutia, | 284 |

T

| | |
|--------------------------------------|---------------|
| T ALCVS, | 207 |
| Tartarum, | 139. 140 |
| Terræ motus, 5. 6. 7. ubi variæ sen- | |
| tentiæ excutiuntur. illius causæ, | |
| 7. 10. effectus, 8. variæ differen- | |
| tia, | 9 |
| Terræ tripartita divisio ex Mori- | |
| no, 11. refellitur, | 12 |
| Terrarum varia genera, 125. & seq. | |
| pretiosæ, | 127 |
| Terra Samia, Lemnia, Armena, | |
| 128 | |
| Terrarum vsus, | 129. 130 |
| Thermarum origo, 12. 13. & seq. | |
| 18. 149 | |
| Tonitru, | 65. & seq. 68 |
| Topasus, | 228 |
| Tophus, | 215 |
| Trabes, | 70 |
| Transmutatio metallorum impu- | |
| gnatur, 248. & seq. defenditur, | |
| 251. iterum impugnatur, 260. | |
| defenditur, | 261 |
| Trigoni vitrei colores, 85. 94. & | |
| seq. | |

V

| | |
|-------------------------------------|----------|
| V APOR quid sit, 3. quid eos | |
| attollat, | 4 |
| Vena metallica quomodo detega- | |
| tur, 269. 270. præparatio, & fu- | |
| sio, 272. examen, 274. cur ve- | |
| nis liquandis sales adhibeantur, | 286 |
| Ventus, 55. & seq. 60. & 61. & seq. | |
| venti æquabiles, | 64 |
| Vini principia, | 109 |
| Vitrioli natura, species, & præpa- | |
| ratio, 157. 158. resolutio in sua | |
| principia, 158. 159. vsus, 159. 160 | |
| Vitriolum ex metallis, | 301 |
| Vitra metallica, | 280 |
| Vitrum antimonii, | 310 |
| Vsus mineralium, 306. & seq. ad | |
| Chirurgiam, | 308. 309 |

Z

| | |
|------------------|-----|
| Z INCHVM, | 305 |
|------------------|-----|



PRIVILEGE DV ROY.



OVIS PAR LA GRACE DE DIEV ROY DE FRANCE ET DE NAVARRE, A nos amez & feaux Conseillers, les Gens tenants nos Cours de Parlement de Paris, Tholose, Dijon, Bordeaux, Roüen, Aix, Grenoble, Rennes, & Metz, Baillifs, Seneschaux, Prevosts desdits lieux, ou leurs Lieutenans, ou autres nos Justiciers & Officiers qu'il appartiendra; Salut. Notre bien amé Maître JEAN BAPTISTE DV HAMEL nostre Conseiller & Aumônier prestre nous a fait dire & remonstrer qu'il a composé des Oeuvres Phyliques, lesquelles il desireroit faire imprimer; mais il craint que quelques Imprimeurs ou Libraires, autres que ceux à qui il l'auroit permis, voulussent entreprendre sur son travail; nous a tres-humblement requis sur ce nos Lettres nécessaires: A ces causes desirant favorablement traiter l'exposant, nous luy avons permis & octroyé, permettons & octroyons par ces presentes, de faire imprimer lesdites Oeuvres, ensemble les Traductions qui pourroient estre faites en François par quelques personnes que ce soit, en telle grandeur, marge & caractère que bon luy semblera en un, ou plusieurs volumes, en Latin ou François seulement, ou bien en Latin & en François ensemble, pendant le temps de neuf années, à commencer du jour qu'elles seront achevées d'imprimer, à la charge qu'il en sera mis deux exemplaires en nostre Bibliothèque, & un en celle de nostre tres-cher & feal Chevalier le sieur Seguier Chancelier de France, avant que de l'exposer en vente; comme aussi de le faire enregistrer sur le livre de la Communauté des Marchands Libraires & Imprimeurs de nostre ville de Paris, conformément à l'Arrest du 8. Avril 1653. à peine de nullité des presentes. Faisons defenses à tous Imprimeurs, Libraires, & autres de quelque qualité & condition qu'ils soient, de les imprimer, ou faire imprimer, vendre ou debiter durant ledit temps, que du consentement dudit exposant, ou de ceux qui auront droit de luy, à peine de deux mil livres d'amende, applicable un tiers à nous, un tiers au denonciateur, & l'autre tiers audit exposant, ou ayant droit de luy. Si vous mandons faire jouir ledit exposant, ou ceux qui auront droit de luy, du contenu en ces presentes, pleinement & paisiblement, faisant cesser tous troubles & empeschemens. Voulons qu'au vidimus des presentes, qui sera inseré ausdites Oeuvres, soy soit adjoustée comme à l'original. Mandons au premier Huisier ou Sergent sur ce requis, faire pour l'exécution des presentes, tous exploits & significacions, & autres actes nécessaires, sans demander Visa ne Pareatis, nonobstant clameur de Haro, charte Normande, prise à partie, & autres Lettres à ce contraires: Car tel est nostre plaisir. Donné à Dijon le huitième jour de Novembre l'an de grace mil six cens cinquante-huit, & de nostre regne le seizième. Signé, Par le Roy en son Conseil, BOYCHARD.

Le sous-signé confesse avoir cédé mon Privilege à Monsieur Pierre Lamy, Marchand Libraire, pour faire imprimer mes Ouvrages, selon l'accord fait entre nous. Fait ce 22. d'Octobre 1659. Signé, I. B. DV HAMEL.

La premiere impression a esté achevée le 28. Fevrier 1660.

Les Exemplaires ont esté fournis.